

ANTONII DE HAEN,  
RATIO MEDENDI.  
TOMUS SECUNDUS.  
*PARTES IV. ET V. COMPLECTENS*

THE  
LITERARY  
MAGAZINE  
AND  
JOURNAL  
OF  
SCIENCE,  
ART,  
LITERATURE,  
AND  
INDEPENDENT  
OPINION.

ANTONII DE HAEN,

*CONSILIARII ET ARCHIATRI*

S. C. R. A. MAJESTATIS,

NEC NON MEDICINÆ PRACTICÆ

IN UNIVERSITATE VINDOBONENSIS

*PROFESSORIS PRIMARII,*

RATIO MEDENDI

IN NOSOCOMIO PRACTICO.

TOMUS SECUNDUS,

*PARTES IV. ET V. COMPLECTENS.*

Accedit ejusdem Autoris de *COLICA PICRONUM*  
Dissertatio.



P A R I S I S ,

Apud P. Fr. DIDOT Juniorem, Bibliopolam, ad  
Ripam Augustinianorum, propè Pontem Sancti  
Michaelis, sub Signo S. Augustini.

---

M. D C C. L X X I.

*Cum Approbatione, & Prælegio Regis,*



A U G U S T I S S I M Æ  
ROMANORUM IMPERATRICI,  
M A R I Æ T H E R E S I Æ ,  
Dominæ suæ Clementissimæ ,  
A N T O N I U S D E H A E N.

*E*n jam quartum Tomum annui laboris ad Majestatis tuæ pedes devolutus, humillimè depono. Observata continet numerosa, quæ partim Nosocomium tuum, partim Urbs Regia tua, partim denique finitimæ tuæ urbes ac regiones suppeditarunt: observata eum unicè in finem collecta, ut calamitatibus subditorum tuorum tum averuncandis, tum mulcendis, tum denique auferendis inservirent. Eò enim, ut sane debuit, omnis diurna mea, omnis nocturna tetendit vigilancia. At neque hic metam fixi laboribus. Quantum enim legendo assequi poteram, quidquid celebres per Europam Eruditorum Societates variæ, quidquid demum pri-

vatum literarum commercium , sive  
insolitum , sive planè novum , ad  
miserias humanas mitigandas au-  
ferendasque evulgarant , id omne  
ad experimentum in Nosocomio  
revocatum est ; ut nimirùm Populi  
tui salus , commissa nobis , eo cunc-  
to gauderet auxilio , quo & alias  
terrarum Gentes gaudere intelle-  
xeram . Necdum tamen omni debito  
satisfactum . Vetus Adagium fert  
Amicorum omnia communia esse :  
porro universæ Telluris incolas  
amicos nostros , nostros proximos ,  
reputamus ; eorum ergo in gratiam  
publicæ lucis ea facere tenebar ,  
quæ nobis recenter detecta , alicubi  
fortè adhuc ignorarentur . Hisce ,  
**AUGUSTISSIMA IMPERATRIS** , si quo sereno vultu præce-  
dentibus conatibus meis annuere  
solebas , etiamnum annuas , erit  
quod exultem vehementer , quod  
gratissimo recorder animo , quod ad  
cursum sequentem alacrius absolvendum me potenter exstimulet .

Dabam 31. Octobris 1759.

# ELENCHUS CAPITUM

Tomi II. Partes IV. & V. compleđentis.

## P A R S Q U A R T A.

CAPUT I. De Febribus malignis dictis, pag.	5
CAP. II. De Aneurysmate.	11
CAP. III. De Tympanitide, & Hydropē Cystico varia.	51
CAP. IV. De Coxario morbo.	105
CAP. V. De Apoplexiâ, & Nervorum morbis.	135
CAP. VI. De Sanguine & calore humano.	165
CAP. VII. Singulari quorundam medicamentorum virtute.	184
CAP. VIII. De Viribus Electricis	198

## P A R S Q U I N T A.

CAP. I. De Febribus cum Exanthematis, quæ Petechiæ & Miliaria vocari solent.	209
CAP. II. De Hydrope & Tympanitide.	423


T A B U L A.

CAPUT III. De Hydrope Pectoris , <i>pag.</i>	257
CAP. IV. De Epilepsia & Convulsioni- bus.	290
CAP. V. Calculo, <i>Uvâ Ursi</i> , Lithon- tripticis dictis , &c.	303
CAP. VI. De Aneurysmate.	340

D E C O L I C A P I C T O N U M  
D I S S E R T A T I O.

CAP. I. Sistens Authores qui hunc mor- bum tractarunt, atque eorumdem om- nium generale argumentum, <i>p.</i> 369	
CAP. II. Exhibens Colicæ hujus descrip- tionis & curationis methodicè trac- tandarum specimen.	388

ANTONII



ANTONII  
DE HAEN  
RATIO MEDENDI.

PARS QUARTA.

CAPUT I.

DE FEBRIBUS MALIGNIS DICTIS.

§. I. *Malignitatem de morbi cuiusquam acuti essentiā non esse, sed modò accidens quoddam, probatur exemplo variolarum.* §. II. *Cortice Peruviano plurimo qui olim à morbo maligno curati, valent pulchrè omnes.* §. III. *Exempla duarum fæminarum, quarum alteram cortex servavit uberrimâ cum Petechiarum expulsione; alteram, cum earumdem præmaturâ retropulsione.* §. IV. *cortex seriùs datus, malignitatem non curat.*

§. I. **Q**UÆ anno proximè elapso adeò fusè de Febribus, quas malignas vocant, differui, ea præfens annus con-

A iii

firmavit abundè; tum quantum ad genium earum adtinet, tum quantum ad curam.

Quippe *Part. 3. cap. 1.* frequentia observationum sufficiens, conclusi Malignitatem haud esse, quod in scholis medicis ita vocant, de essentiâ morbi, sed quoddam potius accidens; quod nimirum alienis illum stiparet symptomatis, quod Attis potentiae illum subtraheret. Id, nisi me animus fallit, manifestum est. Variolas v. g. descripturi Autores, haud solent ab illis, malignas quas appellant, exemplar, normam ve desumere, sed à communi illarum genere. Quo facto, primò eam addere speciem consuevete, quâ licet genuinâ, qui laborant, tamen vix lectum petant, non ægrotent ferè, & præter manifestam papularum expulsionem, maturationem, exsiccationem, aliud ferè morbi hujus signum non habeant. Secundò pessimum istud genus adjiciunt, quod symptomatum numero, ac sævitie; quodque pertinaci adversùs omnem Attis operam resistentiâ, ita suâ malignitate ab illâ prædefinitâ communi specie ab ludit, quam benignissimum illud bonitate, ac lenitate suâ, ab eâdem diffe-rebat. Ut itaque & dicta illa malignitas,

æquè parum in verâ ideâ, ac definitione variolarum includatur, quâm miranda illa mitissimarum benignitas.

Quod si ita cum variolis est, eo magis id cum petechiis, cum albis, rubrisque miliaribus, se sic habebit. Examine ritè instituto, efflorescentiæ hæ binæ. 1°. Ut morbi primarii producuntur: id verò rariùs, & ad certas potissimum epidemias duntaxat. 2°. Ut acitorum crises: quod etiam raro admodum; nec nisi regiminis errore frequentiùs. 3°. Ut ~~πηγαδιον~~ plerisque morbis acutis, puerperio; quæ duo posteriora de variolis affirmari nunquam possunt. Porrò quæ tria hîc dixi, audacter assevero, cum sexto jam anno huic Noso-comio præpositus, innumeros acutos morbos hîc jam demonstraverim, tractaverim, & ter modò quaterve primarium invenerim, semelque modò epi-genomenon. Quotiescumque verò morbum hunc primarium in urbe, suburbisque inveni, epidemicō id tempore fuit, nisi semel fortè iterumque sporadicè. Cæterum verò, experientiâ multiplici fretus, repeto id, quod *Part. 1.* & *3. Rat. Med.* sat superque, ni fallor, evici, morbos hosce à malo potissimum regimine proficisci, & hinc *Germanis*,

*Hungaris, Bohemis, Sclavis, Styris,*  
*&c. tantâ frequenciâ ac malignitate in-*  
*fames esse.*

§. II. Ad relatas *Part. 3. cap. 1.* cu-  
 rationes, id modò addendum habeo,  
 quod omnes illi, quos cortice Peru-  
 viano abundantissimo usus ibidem enar-  
 ravi, hucusque perbellè, enjuscunque  
 demum temperamenti sint, valeant; &  
 quibus mobilior Nervus imbellem olim  
 valetudinem conciliasset, jam longè va-  
 lentiore sanitate fruantur.

§. III. Pulchras hoc anno hujus mor-  
 bi curas vidi. 30. annorum fæminæ,  
 petechiis adeò scatenti, ut Medici alii  
 mecum testarentur repletiorē iis fe-  
 neminem vidisse, jamque malignè ab-  
 ipso principio decumbenti, consuetâ  
 methodo corticem dedimus, corticis  
 usum à curato morbo dudum protra-  
 ximus. Læti contemplabamur postquam  
 aliquot diebus eo remedio usa esset,  
 vites increvit, ægramque cum abun-  
 dantiâ efflorescentiâ vix ægrotantem,  
 & firmâ valeradine brevi potitam.

Contra vero æquè fortunatum exem-  
 plum, cum retrocessione petechiarum,  
 Juvenculi dedit, quæ sex septimana-  
 rum spatio febrium insultu vagò, uni-  
 versâque attuum lassitudine, suum incet-

famulatum vexata, febrem deinde continuam putridam, ( incertum aliquot diebus, octo tamen ad minimum ) perpesta, ad nos adferebatur, multâ jam scatens petechiâ. Postridie iisdem repleta omnino fuit. Eo usque nec vires, nec pulsus, nec febris, nec pravum quodquam symptomata, ullam faciebant malignitatis suspicionem. At verò post meridiem, en maligna quæque symptomata, cum introcursu macularum, turmatim acceſſerunt. Cortex igitur illicè datus, admota vesicantia, paregorica per vices sunt porrecta. Hinc sequenti quidem die paucus macularum redditus, copiosior post meridiem, tertio autem die vix illus, nisi quòd eorum loco decem Miliaria alba in jugulo colloque comparerent. Interim quæ pauca superfuerant petechiæ latescabant: quæ pauca Miliaria comparuerant, mox opaca fiebant, quarto die evanida. Vomitus eodem tempore primò ferruginosus, dein frequenter flavus, insigni aderat levamine. Porrò febris, postquam integro octiduo sub tanto corticis usu perleverasset, cessavit integrum sanitatem post se relinquens.

In penultimo exemplo corticis sub usu confertissimæ, quæ præextiterant,,

petechiæ, adhuc augebantur, & extantibus hisce sanitatem jam afferri cortice lætabamur; id quod in his morbis solempne esse *Part. 3. cap. 1.* pluribus exemplis demonstraveram. Ultimum exemplum omnium primum est, quod observavi, petechiarum introversatum, nec cortice, nec opio, redeuntium, Miliariumque numero tam paucorum, & quarto jam die evanidorum. Aequè tamen & cita, & integra, huic, quam illi, salus rediit. Numquid introversus humor vi corticis ad systema cæliacum determinatus, & sic vomitu eliminatus fuerit? Credibile.

§. IV. Quamvis porrò hæc methodus tum mihi felicissimè cedere soleat, aliisque in Nosocomiis impensè laudetur; est tamen quod serò adhibita mortem non averruncet. Puella 17. annorum, cujus historia *Capite de Janguine* habebitur, primis decem ægritudinis diebus penitus neglecta, ad nos adferrur, petechiis in pectore plena. Consuetâ quidem methodo petechiæ pulchrè per sex integratos dies persistere, attamen febris continua remittens, eaque valida, die decimo ab ingressu ejus in Nosocomium, sustulit illam. Quippe inertiores, corticis vires, quam ut humores,

jam intimè hâc malignitate penetratos  
& infectos repurgare emendareque  
possit.

## C A P U T II.

## D E A N E U R Y S M A T E.

§. I. Cum nullus ferè locus humano in corpore sit, qui Aneurysmati, internâ de causâ genito, sedem non præbeat, loca præcipua enarrantur. §. II. Varia circa Aneurysma: unicum existens duplex potest apparere; intus s'pè osseum est; loco potest mutari; est simplex ejus & multiplex saccus. §. III. Anatome Aneurysmatis cordis. §. IV. Solutio problematum, Cur unum Aneurysma simplicem modo tunicam, eamque tenuem habeat? aliud crassissimum? aliud denique & pluribus, & s'pè concentricis s'filamellis compositam? & Cur manu frequentius examinare haud tutum? & Cur s'pè non pulsat? & Cur locum mutet? & Cur licet semper præsens, tamen nonnunquam absens videatur? & Quare tremit aliquando? §. V. Curatio pallians & curans. §. VI. Bini notabiles casus Aneurysmatum, quæ idiopathica haberi po-

Avj,

terant, & modò sympathica, aut deuteropathica erant. §. VII. Datur Aneurysmatica totius ferè corporis Diathesis. §. VIII. Biga Aneurysmatum à male administratâ venæ sectione ortorum. §. IX. Aneurysmatis ejusmodi externi curatio, quandoquidem compressione & interceptione verficitur, præprimis disseritur de compressione; tam eā, quæ, aperturâ factâ, Arte-rie immedicè incubit, quām illâ, quæ externe tantum, citra aperturam adhibetur. Prior harum, usitata veteribus, postmodum neglecta, à Germanis, dein & à Gallis in usum revocata est, ab ultimis præterea Fungo Agarici decorata. §. X. Curatio in Nosocomio, aperturâ loci, ad applica-  
tione Fungi, compressione externâ, feliciter peracta est. §. XI. Tentamen curæ per solam externam compressio-  
nem. §. XII. Fouberti sententia circa spuriorum Aneurysmatum duplex ge-  
nus. §. XIII. Responsum ad tria pro-  
blemata.

§. I. **C**um nullus ferè in corpore humano locus sit, in quo Aneurysmatis sedes inventa non facit; cum idem;

Aneurysma sub larvâ aliorum tumorum haud raro apparet, turpiter fallat incautos; cumque demum præsens creditam, nihilominus aliquoties minimè adfuerit: frequentiâ observationum, quâ instructus sum, me adigit ut de hâc materie fusiùs agam. Ac primùm quidem dico Aneurysma ubicumque inventi locorum; externâ sive causâ, sive internâ, genitum fuerit.

1º. In Cubito, seu Brachio, frequenter observatur à malè administratâ venæ sectione.

2º. Circa Talum à causâ internâ, ut videtur, ortum, vidit, descripsit *Ruischius Obs. Anat. 38.* „ Si sanguis in Aneurysmate coagulatur, nulla percipitur pulsatio. Hoc olim decepit Chirurgum expertissimum, .... mihi, dum viveret, amicū familiarem; qui circa talum Aneurysma, nucis juglandis magnitudine, aperiebat, nesciens tamen tumorem dictum Aneurysma esse, quia omnis pulsatio deerat. Aperito tumore, & sanguine coagulato espresso, tanta suborta est hæmorrhagia, ut vix esset sistendo “.

3º. In genu vidit clariss. *Boerhaave* in Studiolo *Germano*, quem serio mo-

## 14 RATIONIS MEDENDI

nuerat, nè unquam, quòd non pulsat, cuipiam aperiendi facultatem faceret. Fecit tamen & periit.

4°. In Arteriâ poplitæ horrendum vidi, à saltu verosimiliter natum. Crus amputandum fuit.

5°. In Arteriâ femorali terribile, letale, vidi in orphanotrophio *Hagano*, vulnere ortum.

6°. In Art. Iliacâ, *Lancisius*.

7°. In Aortâ mox supra illius in iliacas divisionem vidit *Fantonus*. Tom. 3. *Sepulchr. Boneti*, pag. 556.

8°. In Cæliacâ Art. *Lancisius*. Studio omitto Aneurysma ter quater in Art. Mesentericâ Equi à *Ruischio* inventum, cum hîc de humano corpore tantum differitur.

9°. In intercostali art. exili *Ruischius* ter quaterque vidit Aneurysma, ovi gallinacei magnitudine. Vulneri originem aliquando id debet, passim vero causis internis.

10°. In Subclaviâ, à contusione natum vidit Illustr. Baro van *Swieten*, Com. Tom. I. p. 228. Subclaviæ Aneurysma homini mortem tuſli & hæmoptoe conficit. Anatome detexit Aneurysma hoc asperæ arteriæ accrevisse, spatium intercartilagineum erolisse, & omnem vi-

talem sanguinem hinc profudisse. vid.  
*Hist. Acad. Reg. Sc. Par. anni 1733.*

11°. In Aortâ inter primas ejus divisiones, & Cor. *ibid. ann. 1712.* Etiam illud monstrosum *Ruischii Observ.* anat. chir. N°. 38. incipiebat digitis tribus supra cor.

Et mox supra cor incipiebat *compositum* illud Aneurysma, cuius historiam brevi dabo.

12°. In curvaturâ Aortæ. *Hist. Acad. Reg. Sc. Paris. an. 1707.* Aneurysma nascitur homini in collo, post enormem 5. dierum vomitum, quem Agyrta, rheumatismi discutiendi gratiâ, excitaverat, produxerat. *Littreus* in cadavere ejus invenit Aortam suâ in curvaturâ in saccum dilatatam, qui mediâ sui parte in thorace locatus, cariem ossibus creaverat: dein aliâ sui parte superiora descendens, totum latus colli, adusque maxillam expleverat. Multos polypos, & sanguinis, tum fluidioris, tum coagulati, duas eduxit pintas. Videatur simile *ibidem* anno 1700, natum à subito flexu colli in venatu.

13°. In Arteriâ Epicraniâ Aneurysma. vidi ovo gallinaceo magnitudine par, felici interceptioni interfui. Contusione natum erat.

14°. Cæterū Aneurysmata inventa sunt arteriæ temporalis, arteriæ in naso externo, aliis corporis partibus, ut paſſim inveniri potest in Sepulchro *Boneti*, in Biblioth. med. *Mangeti*, &c.

15°. Aneurysmatica datur plurimorum eodem in corpore arteriarum diathesis, ut §. VII. patebit.

Unde conclusio hæc firma sit, quod in tractandis hisce summiā sit prudentiā opus, cum ubique locorum existentia, pathognomicis signis aliquando careant, facillimèque aliis cum tumoribus commisceantur.

§. II. Atque hæc de variâ ejus sede sufficient; consideranda nunc veniunt observata quædam de Aneurysmate in genere; ac primò quidem observamus illud duplex quandoque adparere, cum tamen verè unicum sit. Egregius *Merrand*, *Hist. Acad. Reg. Sc. Par.* ann. 1721. tumorem Aneurysmaticum detectum alteram inter tertiamque costam; alium iterum tumorem similem inter tertiam & quartam. At in cadavere unicum modò esse deprehendit, sed à costâ terriâ intropressum, & vi sanguinis protussum infra, supraque eamdem.

Secundò, Aneurysmata inveni bis intus ossa, non quidem continuitate,

sed veluti per insulas disformes. Magni *Wepferi* Aorta sic inventa est, ut tabula vitæ ejus præfixa exhibet. Plurimi alii id ita invenerunt.

Tertiò, Aneurysma loco mutari potest, ut disparuisse quis crederet, nisi revera adesse symptomata demonstrarent. En notabile exemplum! Subtilissimus Anatomicus, præstantissimus Medicus, candidus amicus meus C. H. *Velse*, egoque, anno 1753. quinquagenariam mulierem sèpiùs examinavimus, cui citra manifestam causam inter 2. & 3. costam, ad lèva sterni Aneurysma aderat. Id tamen integro ante mortem mense penitus delituit, ut videretur disparsille. Symptomata tamen continuabant. In cadavere Aneurysma inventum, quod angulum Aortæ dictum occupans, tres fortè pugnos magnitudine æquaret. Tunicas habebat haud crassas, sed veluti lamellas albicantes, haud coherentes inter se, sed quasi alias ad alias adpositas, quo magis internas, eo magis fuscas. Nucleus facci, grumosus sanguis erat, ita tamen ut nonnihil spatiū in eo pervium esset, quo sanguis, corde missus, per Aortam descendenter transflueret.

Quartò, sunt aliquando Aneurysmata

composita, ut haud ita pridem publicè demonstravi. In Nosocomio dicto *Bekken-hausel*, in viri cadavere invenerat mirum hoc spectaculum expertissimus ibidem Physicus *A. Storck*, vir ad illustrandam sectionibus anatomicis Medicinam natus; dumque rari utilisque quiddam invenerit, quo universum studium medicum inde promoveatur, id intactum ad me mittere solitus. Porrò Aneurysma istud erat in Aortâ ab ipso corde inchoans, & ultra curvaturam pergens, osseis insulis crassioribus instructum. Ubi nunc Aorta ex curvaturâ in rectum esset abitura, removebatur sensim à dorso, ita ut demum inde ad duos pollices latos aberraret. In causâ erat saccus, ex posticâ parte ejusdem Aortæ descendenter enatus, orificio pollicis diametrum habente. Porrò ex hoc orificio crescens saccus, habebat quatuor pollicum longitudinem, crassitatem verò binorum, explebatque accuratè cavum, id quod dorsum inter aortamque interesset. Quod verò adhuc mirabilius, inter quartam & quintam costas idem ille ingens saccus primò removerat, valido pulsu suo, hasce à se mutuò costas, intercostales musculos deleverat, tumque inter re-

motas ad sesquipollicem à se mutuò has costas transeuns, mox supra easdem explicaverat se in saccum manui integræ magnitudine parem. Neque vestigia invenire fuit muscularum dorsi secus spinam, & ultra; crassa demum substantia, eademque fungosa hunc saccum externum demum terminabat. Ipse verò saccus, dudum ante mortem haud pulsans, cruore grumoso atro, tum intra, tum extra thoracem, totus infractus fuit. Haud multùm dissimilem casum doctissimus Noordwyk habet in Præfatione ad Francisci Solani Obs. de Pulsu.

§. III. Ut arteriatum & cordis Aneurysmata dari, tum passim Scriptores Medici, tum præptimis *Lancisius*, & denique III. noster Præses in *Comm. Tom. I.* ad §. 176. pluribus evicere exemplis. Addam quæ viderim ipse. Nauta, vir mediæ ætatis, levi sarcinâ onustus, iter unius horæ pedes confecerat, indeque percepserat cordis palpitationes. Venæ sectio interim, lenia solventia, blanda neurotica, effecere, ut conscendere denuò, ac gubernare navim posset. Ter quater in anno recruduit quidem paroxysmus, sed ad eadem auxilia iterum conticuit. Intermedio verò tempore,

atque id quidem integri quadriennii spa-  
tio, ab omni incommodo immunis fuit; levissimâ mali admonitione, ad majores  
animi corporisque motus, tantummo-  
dò perceptâ. At verò quinto demum  
anno continuarunt insultus. Quum igit  
tur tribus ferè mensibus vix remisissent,  
Exp. *Velze*, ordinarius ægri Medicus,  
qui suis in difficulterioribus me, ut ego  
• illum, amicè consulere solebat, ad  
ægrum me adduxit. Horruī sanè homi-  
nem videns, lividum, anxium, inæ-  
qualem habentem, ac tremulum, pul-  
sum. Et si ipsi manus ad præcordia, ad  
sternum, ad 7. & 8. sinistri lateris cos-  
tam, præcipue verò earum ad arcus,  
admovebatur, percipiebamus inæqua-  
lem, tremulum, ingratumque penitus  
motum? exceptis sex ultimis vitæ die-  
bus, quibus nullus unquam pulsas ob-  
servari potuerat.

Cadaver lustrantes multam inveni-  
mus in cavo pectoris dextro, putremque  
aquam, ac pulmonem, medio lobo ex-  
cepto, totum ferè purulentum; in si-  
nistro verò cavo pulmonem à corde ma-  
ximo ita compressum, ut aëra ægerrimè  
capere potuerit. Cor enim ad minimum  
triplo majus solito erat, mucrone quām  
basi latius. Omnia autem maximus

sinister ventriculus, ad mucronem amplissimus, at verò extenuatus adeò, ut levis modò membranula albescens, facilè disrumpenda, ibidem supereret. Cæterùm sanguis concretus, vehementerque tum polyposus, tum cordis parietibus, columnisque accretus, cavum hoc explebat. Cordis verò dexter ventriculus, & binæ auriculæ, sinusque, arteria pulmonalis, utraque cava vena, polypos firmos longosque continebant.

§. IV. Sed ne longus sim, sufficiat hæc exempla attulisse, ut vera Aneurysmatum idea habeatur. Collectores casuum quidem, *Borellus*, *Schenkius*, *Paræus*, *Hildanus*, *Bonetus*, *Mangetus*, plurima exempla attulere; verùm cum ad præcedentia jure referri queant, recensio eorum non usui, sed oneri foret. Præticè modò ex iis agendum est.

Ac primò quidem queritur, cur multa Aneurysmata tenues tunicas, alia crassiores, alia denique easdem lamellatim dispositas habeant? Polyposus sanguis ejus est naturæ, ut ejusdem applicatione tunica arteriosa adpareat longè crassior. Deinde ipsæ arteriarum tunicæ à se mutuò discedere queunt, gerunteque nonnunquam inter se sanguinem in lamellam compactum. Tandem in

## 11 RATIONIS MEDENDI

degeneratione partium, ut alibi, ita & hic, novæ membranæ ex veteribus enascuntur, ejusdem ferè cum naturalibus substantiæ. Vesicam felleam inveni in septem loculos membranosos divisam, quorum quisque magnum gereret lapidem. In antiquis herniis vidi Operatores sudantes, dum 10. 12. 20. & plures membranas solvere deberent, priusquam verum peritonati saccum attingerent. Ubi verò sanguis modò in sacco grume scit, vel potius paulò tantum spissior fit, tunicam mole non auget, sed extendit duntaxat, idque nonnunquam adeò, ut ruptura subsequatur letalis.

Secundò. Cur haud adeò tutum Aneurysma frequentius tractare manibus, & curatiūs examinare? Pluribus de causis. 1º. Quia eo modo reprimimus sanguinem versūs cor, caput, &c. unde haud tardò ingentes anxietates, suffocationes, vertigines. 2º. Quia filamenta, ac fragmenta polyposa, pressione ad arteriæ axin ducta, impetu sanguinis facilè abripiuntur, inque vasa minora impulsa, circuitum humorum in iisdem intercipiunt. 3º. Quia sic tunicae teneriores solvi queunt, letalemque hæmorrhagiam producere.

Tertiò. Cur sæpè non pulsat Aneu-

ryfma? 1º. Quia ejus tunicæ ita incrassari possunt, ut impulsi cœoris effectus exteriùs non percipiatur. 2º. Quia tanta tunc adest in ejus sinu grumosi sanguinis copia, ut pulsus suffocetur. 3º. Quia sensim impellantis cordis vires minuantur; unde licet reliquis in arteriis pulsus quisquam percipiatur, vires tamen cordis debiliores sunt, quām ut per incrassatas tunicas, sanguinemve concretum, pulsus exteriùs percipieundum producerent. Jam simile quid suspicatus *Paræus* erat.

Quartò. Undenam Aneurysma ita loco mutari possit, ut antiquâ in sede ultra non inveniatur? An non ubique ligamentis enatis ad vicinas se partes annexat? Aneurysma, ita loco mutatum, internum fuit, ut pag. 13, patuit. Hinc magnum illud, ac ponderosum, dum in parte aversâ ponderis forsitan augmentum fit, eo versùs totâ mole propendeat, antiquæ sedis ligamenta elonget, eamque vacuam relinquat, oportet. Casum hunc novisse juvat, ne forsitan relationem manifesti Aneurysmatis dubiæ fidei habeamus, illud ultra non inventores. Quamquam symptomatum perseverantia cum anamnesi priore conjuncta, Aneurysmatis præsentiam abun-

dè demonstret. Mutatione autem loci hoc Aneurysma fæminæ multò molestius fuit, cum moles quondam foras extans, jam verò introverfa, reliqua magis premeret, augeretque vitalia. Quâ ipsâ de causâ compressio artificiosa mortem acceleravit Canonico, de quo *Lancisius* Part. I. Lib. I. cap. 2. prop. 28. Quare cum eodem Authore concludimus quascunque externas Aneurysmatum compressiones fatales esse, nisi osse probè sustineantur: tum quòd hinc cavum internum angustetur, tum quòd Aneurysma interius nunc minùs suffultum, facilius fundatur.

Quintò. Quæ causæ, quòd Aneurysma cordis aliquo tempore Nautam vexaverit? & notabili iterū tempore non vexaverit? Cur iterū elapso quadriennio continuò ipsi molestum fuerit, ac mortem tandem intulerit?

Inchoans cordis debilitas, principium Aneurysmatis illius ponens, venæ sectione, diluentibus paregoricis, & quiete emendata fuit, ut jam inter vim impulsorum humorum, & contrahentis se cordis, æquilibrium restitueretur. Plethora post aliquot menses elapsos renata, superabat denuò debilioris cordis vires: hinc renata sensim Aneurysmatis symptomata

fymptomata. Cura autem eadem æquilibratam potestatem restituens, symptomata abegit. Ita potuit hâc curâ palliantere homo ille quatuor annos illos sat commodè transfigere: *palliantere*, aio; cum coi semper debilius existens, quâm ut aliquam plethoram promoveret, proegumenam causam futuri Aneurysmatis perpetuò in se gereret. Demonstrabatque hanc proegumenam causam, levior ille morbi redditus, ad rarefactos, adeòque sibi amplius poscentes, in animi ac corporis validiore motu, humores; rarefactione cessante denuò pacatus. Ultimis verò tribus vitæ mensibus debilitas hæc cordis tantopere increvit, ut ultra se contrahere non valuerit, sed amplificari sese, extenuarique, vi & pondere sanguinis, permiserit; unde vitæ perfecta est orta quies.

Quintò. Undenam tremor explorante dígito perceptus, &, si aliquantum continuatur, ingratus Aneurysmatis, præcipue ejus quod in brachio est? Ifque tamen in uno, quâm in alio major? Difficilis est problematis solutio, sed ad finem, enarratis primò aliquot practicis casibus, facilior fortè patebit responsio.

§. V. Morbi atrocis nunc proponenda

*Tom. II.*

B

cura est, eaque sive perfecta, curatoria dicta, sive pallians tantum. Ac primò quidem ea Aneurysmatis interni.

Si undique colligamus observata, & omnia unquam data remedia; si quæcunque dicta specifica; si successus bonos, tam celebratos Antiquis, quam nobis observatos expendimus; clare comprehendimus cardinem rei versari in eo totum, ut quod solida inter fluidaque desideratur, æquilibrium restituatur. Dum id restituit Medicina, vel *curativè* id facit, vel *palliativè*. Palliativè, si, restituto æquilibrio, cor, arteriave, debilis esse perseveret, ipsumque æquilibrium restitutum non sit, nisi copia imminuta humorum, ac morbus actutum redeat, dum vel copia, vel rarefactio, molem humorum iterum auger. Cura verò curatoria sive integra fit, si restituto palliativè æquilibrio, ars novaret debilitatis solidis priscum robur restituere, amplificatis pristinam reddere diamentum. Id & possibile esse, & nonnunquam præstari, tum ratio suadet, tum experimentum confirmat. Factâ enim ejusmodi evacuatione, quæ æquilibrium ita reddit, quod olim ratione solidorum deficiebat, nunc patiùs ratione fluidorum aliquantis per de-

sideretur; fieri posse id videtur, ut solidâ contractilitate adhuc suâ donata, in priscam se formam restituant: præser-tim si & copiosè & assiduò, tam alimen-ta quâm medicamenta ingerantur, quæ spissitudini polyposæ, in dilatatâ parte hospitanti, diluendæ, apta nata sint. Curæ feliciter peractæ jubent hæc ali-quando fieri credamus. Cæterùm pal-lians cura, satis abundèque fortunatam seipsam existimatet, si nosset humores & paucitate & tranquillitate perpetuò ineptos reddere, ad tollendum æquili-brium. At verò, quandoquidem ita cum mortalibus est comparatum, ut sex re-rum non naturalium usus nequeat sem-per æquè moderatus manere; hinc cum redintegrantibus paroxysmis toties hi ægri luctantur, donec demum suffocati fatis cedant.

Sed in ipsâ curâ magna differentia. In Nosocomio habemus, qui in anti-quiore morbo, insigni levamine gau-deant; habemus, qui in recenti vix gau-deant ullo. Ratio videtur suadere hos longè citius ad immedicablem condi-tionem adoleviſſe. Dantur enim, qui-bus malum incredibile quantillo creve-rit spatio! Ipſe *Lancifus*, cum exami-naret cadaver Vestiarii, quem An-ca-

rysma, à sterni contusione oriundum, intra anni spatum è vivis eripuerat, detexit anguli aortæ Aneurysma, Panicum malum magnitudine æquans, quod os sterni elevaverat, & carie penitus excavaverat.

Cæterū si utcumque medicabile malum est, humorum repetitæ evacuatio-nes, spones acidi, ut tamarindus, variorum fructuum acido saponaceorum Rob diæta, nitrum copiosum, tremor tartari; & quia id hominum genus spasmis admodum torqueri solet, gummi ferulacea, & opium; diæta cæterū blanda ex jure carnium tenuiore, carnis tenuioribus, fructibus horæis, ole-ribus saponaceis; tum denique magna animi corporisque quies, calamitosum hunc morbum ad tempus notabile, sæpè etiam per annos, tolerabilem red-dunt.

§. VI. Sed est alia adhuc ratio, hîc necessariò memoranda, cur in susci-piendâ horum ægitorum curâ minùs desperare debeamus. Quippe plures morbi hunc ipsum ita simulant, ut sæpè protopathicus esse credatur, quem vel ipsa curatio, vel cadaverum ad alias morborum causas rimandas examen, deuteropathicum duntaxat vel sympa-

thicum esse demonstrent. Adeò quippe facile hic morbus ludit medentes. En quæ ipse expertus!

Ætatis centurio florentis, temperie biliosæ, illibatae quondam sanitatis, sed à triennio ad melancholiam ex animi ægritudine dispositus, cœpit demum, anno 1757. ineunte, cordis palpitationibus vexari: quas eo tempore tamen Venæsectio ac purgans, brevi & intégrè sedabat. Æstate idem malum passus, eodem sanatus auxilio cessit. Operam navantes peritissimi Medici inanem, jure suspicantur vel Aneurysma cordis, arteriarumve majorum, vel Polypos iisdem innatos, vel & geminum hoc malum, adeòque difficulter sanabile, hîc adesse.

16. Jánv. 1758. in consilium vocor; quo die perbellè se habebat, sed animo corporeque adeò mobilis, ut à meo, quem anhelus expectabat, introitu & adspectu, gravissimum mox paroxysmum pateretur. Cor percipiebamus horrendè palpitans, Pulsum parvum, & admodum inæqualem, tussim cum sputo mucoso, lotium lateritio cum sedmine. Profectò teterimi mali jam annosa diuturnitas, sedamen intermedium olim quidem habens, jam verò peren-

nis, pessimisque stipata symptomatibus, ideam, quam præstantissimi viri de eo formaverant, omni ex parte confirmare videbatur.

Nihil enim mutare hanc ideam poterat immunitas aliquoties observata morbi, cuius causa mechanica crederetur perpetuò adesse. In Lienis, Hepatis, Ventriculi, Cerebri, morbis, Intervalla optima observamus, dum interim in cadaveribus causam mali perpetui magnam, sufficientem, eamque diurnam detegimus. Imò in Nauta de quo antea actum, pag. 15. præsentem perpetui mali causam à morte deteximus, cum tamen causa hæc toties in vitâ effectibus caruisset. Nec tussis, pulmonis affecti symptoma, huic idæ contraria fuit, imò potius confirmabat eamdem. 1°. Quia in Aneurysmate circa vitalia tussis ejusmodi frequens nobis observatur. 2°. Quia ejusdem dudum meminerat in hoc morbo *Lancisius*; eamque validæ pulmonum compressioni & irritationi, tumentibus vitalibus oriundæ, adscriperat.

At verò cum in his decipi facile, præxisque nos doceat, vitalia nonnunquam tam validè secundariò affici, quām si primariò afficerentur; cum præterea

*Boerhaave* §. 826. & seqq. Inst. Med. notasset Palpitationes cordis violentas originem spasmis aliquando debere, vel etiam „ irritationi fibrarum cordis, „ ab acri quodam stimulo factæ, ut in „ cacochymicâ materie motâ „ sententiam aliquo modo lenivimus, dubiam protulimus, abjectumque ægri animum aliquantulâ spe ereximus.

Impugnare igitur malum iis intendimus, quæ cuicunque proforent causæ; saponibus acidis, nitro, neuroticis, opio. Quibus quidem proderamus utcumque, lucida tamen intervalla diris exacerbationibus turbari sæpe dolebamus. Quin imò ruit in pejus malum. Pulsabant haud vitalia modò, sed & abdominis viscera. Interim miramur insolitum phænomenon. Vomitus enim violentus, qui ex naturâ suâ hîc letalissimus videri debuisset, palpitationem sedavit, pulsum æqualem reddidit, & transpirationem dudum absentem restituit; non eâ die duntaxat, sed sex integris postmodum septimanis. Interea tamen male ipsi fuit à tussi violentâ, siccâ, rebelli; à respiratione laboriosâ; à pulsu, citra palpitationem, inæquali, & nonnunquam, rarius licet, intermitente. Sputa tandem crassa, flavo viridia

prodere; à quibus tussis quidem mitior, sed notabilior languor, horror, frigus **extremorum**, & calores nocturni, anxietatesque enormes. Tussi demum cef-  
fante mobilis materiæ strepitus in pul-  
mone exaudiebatur, perseverabat an-  
xietas. Kermes minerale, & quotidiana-  
num clyisma, hīc proderant.

Martii 10. expectoratione cef-  
fante, dirus rediit, qui à 24. Januarii  
siluerat, Palpitationis paroxysmus; quem  
denuò vomitus, ut olim, sed non tam  
integre, solvit. Vehementissimus autem  
paroxysmus decimo ex illinc die recru-  
dit. Epigastrium quoque ab aliquot  
retro septimanis intumuerat, jam verò  
totus venter tumidus, tensusque, de-  
prehenditur. Cataplasma emolliens 3.  
Aprilis impositum profuit, successitque  
alvus flava quidem, sed multo glutine,  
multisque duris, & ex flavo viridibus  
fæcibus referta. Idem & 4. Aprilis con-  
tigit; sed eo cum eventu, ut vera jam  
accederet mortis imago: cordis pulsatio,  
vitium collapsus, pulsus debilis,  
intermittens, atque omni modo inæ-  
qualis, frigus extremorum. 5. Aprilis  
respiratio parva, inæqualis; pulsus exi-  
lis, intermittens, tremulus, facies verè  
*Hippocratica*. Dumque jam mors adsta-

re præ foribus videbatur , alvus prodiit libera , fœtidissima , nunc nigra , nunc viridescens ; idque eâ nocte oclies . En verò ejus stupendos , effectus ! Mox cessarunt quævis symptomata , vires ad horam crevere , & sanitas tam citò rediit , ut 4°. Maji gratias DEO acutus , Templum adiverit , meque posterâ die cum suo ordinario Medico *Storck* inviserit , perfectam suam valitudinem testatus , nec à consensu 46. graduum , quibus ad me concenditur , vel quidquam defatigatus , aut anhelus . Mansit ipsi integra sanitas , donec hysmali tempore , Milite ad bellica exercitia coaptando , in *Hungariâ* sese defatigans , ægrotaverit , perierit .

Luculentiusne exemplum haberi potest deuteropathici morbi , tam perfectè protopathicum æmulans ? Atra bilis per vices mota varios hos paroxysmos excitaverat . Atra bilis tota in motum ducta , mortis ad limina hominem duxit ; integrè tamen expulsa , corpus reliquit sanguinum . Partitim mota , vomitu expulsa est ; mota integrè , alvo .

Est igitur exemplum ejus , quod *Landato* mox loco optimus *Boerhaave* de cacochemicaliæ materie mota dixerat : sed cum deuteropathicum , vel etiam sym-

pathici adeò æmulum, à miris nervorum affectibus ducit, en ejus quoque manifestum exemplum!

Juvencula fœmina ad Nosocomium nostrum accessit, multis ab annis vehementi cordis palpitatione, anhelitu, anxietate præcordiorum, tussique vexata frequenti; artis interea opem frustra eo usque experta. Cum alvo ab octiduo careret, enema immitti jubeo, alia interim paraturus. Sed interim moritur. In cadavere publicè examinato vitales partes sanitatem illibatam adeò referebant, ut nihil illibatius. Neque quod toto corpore tam in solidis, quam in fluidis accusaretis, quidquam erat; præter geminam, sed leviusculam, pulmonis ad Pleuram adhæsionem, & tres lumbricos teretes in Ileo intestino. Porro & cum his lumbricis, & cum longè latioribus pulmonum adhæsionibus milenos homines sanissimè vivere, Anatomicis compertum est. Ut proinde cum Boerhaavi §. 826. concludamus: » causa ejus plerumque est, inordinatus, & violentus spirituum vitalium in cordis villos impetus, &c.

§. VII. Porro morbi hi Aneurysmatici, eorumve simillimi, hic loci frequentissimi sunt, multaque horum varie-

tatem exhibent. Sunt duo in Nosocomio homines qui, omnibus ritè perpensis, protopathicâ vitalium affectione labrare videntur, quibus tamen à validiore motu nec intermitat, nec remittat, nec inæqualis sit pulsus. Alterique horum, qui 17. annos natus, ex Hortorum forè culturâ hunc morbum contraxit, jamque triennem habet, vehementissima cordis adest pulsatio, ut visu audituque percipiatur; Præcordiorum præterea, & ad arcus potissimum 3. & 4. costæ, ardor continuus; carotidum ambarum, totum collum concutiens, pulsus; tumor colli ingens pulsansque; pulsatio ad ambas inguinales tanta, ut tangentium digiti vi repellantur; pulsus ad malleolos tantus, ut dormientem continuò excitet, somnumve præprimis impedit; idemque ad temporales arterias observatur. Est igitur universalis ferè Aneurysmatica diathesis. Egregii *Lancisii*, aliorumque Observatio, ponens, quo diuturniora validioraque Aneurysmata sint, eo locorum remotiorum arterias debiliores & exiliores esse, in hoc juvēne proinde locum non habet.

§. VIII. Atque hæc sufficient, ut quæ circa Aneurysmata interna nos nostra

observata docuissent, communicamus. Superest modò Observationes itidem nostras circa Externa patefacere.

Notabilia exempla horum duo in Nosocomio prostabant hoc anno, ex imprudenti Venæ sectione, resiliente instrumento peractâ, natâ. Fæminæ ambæ erant, juvenula, & Vetus. Vocabo utrumque Aneurysma spurium. Præmonitos enim Lectores velim, me hic loci haud immorari iis, quæ Viri egregii *Freind*, *Monroo*, *Foubert*, aliisque, contra communem Aneurysmatum in Spuria, ac Vera, divisionem, haud absque aliquo Rationum pondere, scripserint: sequat modò eam, utriusque definitionem, quam, post *Sennertum*, *Boerhaave*, *Illustr. Præses*, & *Heisterus*, adoptarint.

Aneurysma hoc sensu spurium, homo, minimè Chirurgus, fæminæ juvenilæ conciliaverat in dextri brachii arteriâ humerariâ, mox ante ejus in Radicem, & Cubitum, divisionem; quemadmodum in operatione patebat. Tremor modicus tangendo percipiebatur, & tumor sensim increscebat. Pulsus in carpo debilis, idque ut postea patuit, naturaliter. Cum tumor augesceret, operatio concludebatur; variarumque Me-

thodorum tum præstantiâ , tum pericu-  
lo , ritè pensitatis , compressio debita  
cæteris prælata est. Arridebat quidem  
interceptio , quod & felix saxe , & op-  
timorum in arte gauderet suffragio ; ve-  
rū cum nonnunquam id periculi in-  
volveret , ut circulatio sanguinis subjec-  
tâ in parte aut multum lœderetur , aut  
penitus deleretur ; cumque è contrario  
artificiosa compressio quoad curam æquè  
secura esset , nec hisce tamen sociata pe-  
riculis , hanc ipsi prætulimus . Et porrò  
paucis super illâ differendum.

§. IX. Compressio Aneurysmatum ,  
quæ ossa sibi subjecta habebant , stypti-  
corum suffulta auxilio , multo Priscis in-  
usu , eviluerat ; quod inanis , quod usu  
cassa , quod etiam aliquoties damnoſa  
esset inventa . Industria verò humana ,  
tandem periculis edocta , & infortuniis.  
monita , didicit hanc ipsâ interceptione  
præstantiorem reddere .

In commercio Literario *Norimber-*  
*gensi* anni 1732. pag. 107. & seqq. op-  
timus *Hamberger* , in inclytâ Academiâ  
*Jenensi* celeberrimus , ac verè doctissi-  
mus Medicinæ Professor , curationem  
Aneurysmatis spurii felicissimam cum  
publico communicavit . Aneurysma hoc  
ignarus omnino Chirurgus , Venam Ba-

filicam tundens, produxerat; pertusæ arteriæ manifestissima cæteroqui signa ne advertens quidem. Curatio hæc pe ræcta est primò adpositione comprimentis arteriam humerariam funiculi, dein sufficiente dilatatione loci affecti, & denique applicatione chartæ masticatæ, liquore styptico *Deppelii* madefactæ, ad ipsum arteriæ vulnus: ita quidem, ut chartæ masticatæ lamina prima minima esset, altera paulò major, tertia major priore, & sic pôtrò; donec sufficiens laminarum altitudo haberetur, quæ circumductis fasciis aptè ad vulnus appressa maneret: adstringente interim pulvere totum explente vulneris cavum. Publicâ disputatione Doct. *Emrich Jenæ* 1734. hanc curam propugnavit.

Vir eruditis omnibus carus *C. S. Trew*, *S. C. Maj.* ut & *S. March. Onoldino-Brandenb.* *Conſiliarius & Archiater*, *Reip. Norimb. Phys. ordinarius, senior*, *Comes Palat. caſareus, S. R. I. Nobilis*, *Acad. Cesar. N. C. Director, Reg. Soc. Lond. & Berol. Scient. Socius*, in Eph. *N. C. vol. 8. Obs. 126.* similem *Hambergeriane* curam *Norimbergæ* anno 1747. exoptatissimo cum successu intra mensis ſpatium perfecit. Anno 1748. eadem cum felicitate curam hanc repetivit, &

*Eph. N. C.* vol. 10. descriptit. Ad Aneurysmatum verò imprudenti venæ sectione oriundorum intellectum, & curam, egregias, atque ad ipsam Naturam expressas, Tabulas tres addidit, unâ cum nitidissimâ earum expositione.

Exp. Chirurgus *Foubert Acad. Reg. Chir. Socius*, dedit de Aneurysmate dissertationem in Tom. II. *Actorum ejusdem Academiæ*, in eâque laudavit compressionem externam in recenti, parvoque Aneurysmate: in majore autem & utcumque vetustiore suadet, suoque exemplo comprobat operationem. Operationem autem hanc, si est arteriæ truncus, merâ compressione perficit, ut ita evitentur infortunia, quæ Ars aliquando post interceptionem luget; sin autem vulnus in Ramo est, intercipit illum, ligatque. Haud bene capio, cur Ramum etiam compressione curandum non suscipiat, si truncum tutò noverit compressione curare; sed haec non sunt hujus loci. Illud autem ex hac dissertatione patet, quod Autor suam operationem primo chartâ masticatâ peractam describat anno 1732. non adjungens quo præcisè anni tempore. Porro eodem anno publicæ lucis curationem suam fecit *Cl. Hambergerus*,

quam exeunte anno 1731. perfecerat.  
*Foubertus* verò sua non edidit nisi anno  
 1753.

Igitur compressio arteriæ pertusæ ,  
 celebrata veteribus , feliciter peracta à  
*Sculteto* anno 1631. primò compressio-  
 ne trunci , tum spongiam ustam , adstringen-  
 tissimo pulvere conspersam , ad vulnus  
 arteriæ admotam , dein conveniente li-  
 gaturam firmatam , & denique artificiosè  
 excogitato instrumento , quod ipsum D.  
*Morand.* Tom. 2. *Ad. Ac. Ch.* impensè  
 laudat, adpressam ; Hæc, inquam, compres-  
 sio à *Dionisio*, ab *Heistero*, aliisque com-  
 mendata, deinde à Cl. *Hambergero* anno  
 1731. facta , & 1732. promulgata ; an-  
 no 1732. à *Fouberto* primùm *Parisiis*  
 instituta quidem , at verò non nisi 21.  
 postmodum annis cum publico commu-  
 nicata est. Interea temporis Cl. *Trew* bis  
 hanc curam perfecit , longè antequam  
 ille Acad. *Paris.* Tomus secundus in  
 lucem prodiit.

In hoc porrò tomo dux eruditæ *Dif-*  
*fertationes* de Aneurysmatis curatione  
 habentur ; quarum altera laudata jam  
 saepius illa *Fouberti* est , altera celebet-  
 simi in arte *Morandi*: *Morandiana* hæc  
 præter alia id novum habet , quod ad  
*Agaricum* pertinet. Nempe postquam

Chirurgus *Brossard* arcane se pollere indicasset, quo arteriarum hæmorrhagiam quamcumque tutò sisteret, tentamen ejus & applicatio facta est finiente anno 1750. idque in arteriâ brachiali gladio pertusâ. Arcanum suum Chirurgus applicuit vulneri: quo facto, simplici ligaturâ curabatur spatio mensis id Aneurysma. Erat autem arcana hoc remedium *Fungus Agaricus pedis equini facie*. Ter jam sibi experimentum successisse, aliisque præterea Chirurgis, *Morandus* asserit: & quidem citra Agaricum bis sese, aliumque haud ita pridem Chirurgum, solâ compressione arteriosi sanguinis impetum repressisse; Agarici tamen vires vel ideo præstantiores esse, quod compressione utcumque laxiore, gangrænæ propterea metum nunquam faciente, curam suam perficiat.

§. X. Plures ergo claros in arte Viros imitati, curam spurii nostri Aneurysmatis Agarici applicatione, & compressione, tentavimus. Egregius Chirurgiæ Doctor, curisque tum gravissimis; tum felicissimis in *Austria* nobilis Dominus *Ritter*, cum aliis claris urbis Chirurgis, suâ præsentia, consilioque, assistebat *Nosocomii* Chirurgo *Leber*, qui opera-

tionem in se susceperebat. Inciso cum integumentis tumore , extravasatus humor ferè omnis sponte excidit. Arteria vulnus , laxato instrumento tornatili , apparuit in eādem , ante ejusdem divisionem , obtinere : ut profectò hīc casus ille haberi tristissimus potuisset , in quo , post consuetam intercipiendi methodum , gangrena subsequeretur. Porro fuit & arteria , & aponeuroseos musculi bi~~is~~ptis brachii , tanta cohæsio , atque coalitus , ut corpus ferè unicum esset ; solā capsulā , vasa hīc involvente , intermediā ; at complanatā eādem , & cum subiecto vase , impositāque Aponeurosi , unitā : ita quidem , ut nullo intermedio crux , vulnus unum idemque videretur esse , quod penetraret utrumque ; utque laxatā tornatili machinā , per unicum duntaxat foramen sanguis videretur scaturire. Hinc , cum aponeuroseos percussio dolorem creet , & suppuratione nimiā destrui possit ; cumque ii , quibus solā compressione externā Aneurysma curatur , cum mutuā valis , aponeuroseosque concretione , brachii motum expeditè absolvant ; aponeurosin conservavimus , & communi vulneri pulverem Agarici insperimus , Fungi ejusdem lamellas , contu-

sione validâ complanatas , desuper posuimus ; eo quidem ordine , ut prima minor , altera major , tertia iterum hâc major esset , sicque ad talem altitudinem ultima lamina emineret , ut idoneâ ligaturâ brachio circumductâ , totus firmaretur adparatus . Ipsum verò brachium universum , ut tunc , ita toto curæ tempore , vino aquâ mixto fovebatur . Machina tornatilis post operationem relaxata , curam egregiam esse monstravit . Emulsio paregorica pluribus deinceps diebus data , & jus carnis dilutum cum pane , unicum medicamentum & nutrimentum fuit .

Tribus elapsis ab operatione diebus , incipiens vulneris ob junios calores fætor deligationem suasit . Apparatu quamvis prudenter ablato , cecidere nihilo minus omnes Agarici lamellæ , ut nudus vulneris fundus conspiceretur . Sanguinis porrò nihil prodiit . Ergo instrumentum tornatile suspensâ manu laxantes , dein plus , tandem integrè , ne guttam quidem unicam transsudantem deprehendere potuimus . Gaudebamus sanè ; cum eo alioqui animo essemus , ut , operatione irritâ visâ , aponeurosin ab arteria solveremus , fungumque , ac totum adparatum , nudæ adponeremus ar-

teriæ. Quia verò res pro votis successerat, aponeurosin integrum reliquimus. Cur sub ipsâ primâ operatione eam non læseramus, rationem ante dedimus. Confirmabatur ea nostra intentio observatione *Fouberti*, qui eorum in cadaveribus, quorum Aneurysma brachii sola externa compressio quondam curaverat, quosque alii jam morbi sustulerant, aponeurosin cum arteriâ coalitam invenerat. Igitur pulverem Fungi de integro inspersimus, novas lamellas impo-suimus, & deligationem, ut antea, perfecimus. Spatio 14. dierum tota perfecta cura fuit, ut modò deesset Epidemis, quæ quoque intra octiduum integra compatuit. Sæpiùs hanc fæminam postea vidimus, eamque nullum in movendo brachio incommodum ab adhäsione aponeuroseos pati deprehendimus.

§. XI. Altera, de quâ dixeram, mulier vetula, spurium habuit, licet verum referre videretur, Aneurysma; rationem mox exponam. Huic tumor longè minor, sed tremulus motus longè major, eique, qui locum diutius digito explorabat, perquam ingratus. Non video qui in externis Aneurysmatibus hujus tremoris meminerint Autores. Pa-

ræus susurrum, sonitumve, non tremorem observavit. Tremor tamen iste, quo blandiore digito rangebatur, eo distinctior; quo duriore, eo confusior; si fortitudinè, nullus adparebat. Cum igitur intra 14. dies tumor vix augeretur, simplici tantum externâ ligaturâ hoc Aneurysma curare annisi sumus, subere oblongo, eoque fornicato ad tumentem arteriam adplicito, ac probâ firmat ligaturâ. Quod ubi cum tantillo tumoris decremento spatio binorum mensium prosequeremur, tremor sensim cessavit, & corpus durum, ferè rotundum, extorsum convexum, immobile, tegere videbatur arteriam in loco vulneris: unde nullam habens molestiam fœmina, motu debito brachium exercebat.

§. XII. Cui verò spurium hoc Aneurysma vocem? Quæ origo rotundi hujus, atque immobilis, supra vulnus, corporis? Undenam tremulus ille motus?

Ad primum responsio facilis; ad alterum & tertium vix certi quidquam habeo: ut tamen verosimile quid proferam, licebit priùs ex laudatâ Fouberti Dissertatione nonnulla proferre.

Dividit vir expertus spurium Aneurysma in *primitivum*, & *consecutivum*,

Primitivum vocat id, in quo actutum ad pertusam arteriam tumor comparet, totum ferme brachium brevi occupans, citumque propterea, ne gangrena & mors accedant, auxilium poscens. Consecutivum autem illud, in quo quidem nullus à principio tumor, præ validâ compressione, quâ Chirurgus, mox ab infortunatâ sanguinis missione, locum firmaverit; deinde verò tumor pedetentim observatur, dum ægto, Chirurgoque, maturius ovantibus, compressio solvit, abjiciturque, ac consueti motus brachio excentur. Quod demum fit ut Aneurysma hoc spurium referat verum. Quo autem modo id fiat, en quî explicet.

Primâ compressione, ut dictum, factâ, jam & cutis, & adeps, & aponeurosis, & capsula vasorum includens nervosque, & arteria ipsa, cicatricem communem formant; arteriæ tamen vulnus, cæteris tardius coalescens, rotundam aperturam servat, in quâ hæret trumbus sanguinis. Trumbus ille perfectè coalescit in unum cum arteriâ solidum, si adparatus sufficiente temporis spatio applicatus servetur; sin minus, trumbus expellitur, sequitur tunc sanguis sensim tumefaciens accretas super-

positasque partes. Sanguis porrò ille partes hasce elevans, & in determinato quodam ambitu solvens, parvum ac circumscriptum refert tumorem. Eo rerum statu tum pulsus, tum reprimendus dígito tumor, verum Aneurysma, sive arteriam minimè perforatam, mentiuntur. Pulsus porrò ille manifestus hīc percipitur, quia sanguis ex arteriā per hoc foramen in formatum hoc cavum impellitur; tumorem autem digitus reprimit, quod fluidus medio in tumore cruor per arteriæ foramen repellatur. Censet autem author hanc suam Theoriam anatomie confirmari. Nactus enim occasio-nes aptas, invenit in illis quidem, qui sine perfectione integumentorum merâ ambiente compressione, ab Aneurysmate ejusmodi curati fuissent, dum aliis postmodum morbis periissent, arteriam, capsulam, & aponeurosin, unâ eâdemque cicatrice coaluisse: in operationibus verò suis, quas sæpius compressione externâ haud sufficiente instituere debuerat, Sacculum detexisse se ait, pro diuturnitate mali nunc majorem, nunc minorem; qui exterius formabatur inferiore aponeuroseos facie, intus verò variis compacti sanguinis lamellis, eo compactioribus, quo exterioribus, qui-

que demum fluidum gerebat in medio sanguinem.

§. XIII. His ex *Fouberto* præmissis ad tria data problemata me converto. Ad I. dico, quandoquidem ex relatis tum nostræ mulieris, tum ex pluribus apud hunc authorem historiis, arteriam totam pertusam fuisse constet; & definitio spurii Aneurysmatis id supponat; videor meritò id nostrum spurium vocasse, quantumvis veri naturam simularetur. Confirmant id etiam alia *Fouberti* observata, quæ in eorum cadaveribus, qui olim ab Aneurysmate perperam vero dicto curati, aliis deinde morbis occubuerant, demonstrarunt stigma, sive cicatricem in arteriæ pariete interno.

II<sup>da</sup>. Quæstio erat, quænam rotundi, atque immobilis, nostrâ in fœminâ tumoris origo fuerit? Videtur *Foubertus* jam explicasse, ut responsum hîc repertere sit supervacaneum. An verò ex hujus authoris theoriâ, anatome confirmata, responsio quoque haberetur, ad singulare illud phænomenon, quod clarissimi viri, *Hamberger*, & *Trew*, suis in casibus observatum notarunt, descripsérunt, sed non explicuerunt? Prior in *Comm. Litt.* ann. 1732. sic scribit:  
 » Apparuit (in operatione) tunc globus

„ ex carne membranosus , superficie  
 „ inæqualis , arteriæ adhærens , diame-  
 „ tri duorum digitorum . Hunc explora-  
 „ turus , digitis parum compressi , ex  
 „ ægrotō quærens num dolorem percipi-  
 „ peret ? Quod cum negaret , fortius  
 „ pressi , & sic non solum ab arteriâ  
 „ successivè recessit , sed & in tribus  
 „ locis rupens , sanguinem coagulatum  
 „ dimisit . „ Posterior verò sic : „ Post hæc ,  
 „ inquit , magis magisque totam cavi-  
 „ tatem à grumis , digitorum ope , puri-  
 „ gabat operator , ac denique quem-  
 „ dam ( tumorem ) paulò firmius ad  
 „ locum arteriæ adhærentem , & aliter  
 „ conformatum protrahebat , illi , quem  
 „ Domini Jenenses in casu superiùs  
 „ exposito offenderunt , valde simi-  
 „ lem , articulum digitii magnitudine  
 „ æquantem , sanguine congrumato  
 „ pallidiorem , & quasi membranosum ,  
 „ inferiùs præterea sulco , arteriæ trun-  
 „ co procul dubio respondentem , mani-  
 „ festè excavatum .

Igiturne in nostrâ fœminâ , & in *Fou-  
 berti* ægris , & in casibus clarissimorum  
*Hambergeri* & *Trew* , hoc modo quo di-  
 xi , natum id corpusculum ? An , quòd  
 cum eodem nato nonnulli penitus cu-  
 rentur , alii curati ad tempus habiti , ta-

men posthac , tumente brachio , incisio-  
ne indigeant ; an , inquam , id ideo fiat ,  
quod in illis ita corpus hoc cum arteriâ  
coagmentatum est , ut vis pellentis per  
foramen arteriæ sanguinis nequeat il-  
lud ullibi , toto in ambitu solvere ; in  
his verò illud alicubi solvit , ita ut per  
rimas has toto brachio longè latèque dif-  
fundatur ? Videretur certè ex omnibus  
his observatis quid simile concludi oport-  
tere .

Ad III. problema , quod tremoris  
rationem poscebat , responsio difficilis  
mihi videtur . Expositum mox corpus ,  
immediatè , firmissimè , & calli veluti  
ope cum arteriæ corpore coadunatum ,  
utique motu arteriæ in Diastole ac Sys-  
tole afficitur , sed cum obsequiosum  
præ duritie non sit , fortassis ideo tantum-  
modò tremit , non autem manifestè ex-  
panditur contrahiturque : Jamque no-  
vus sanguis assiduò ex arteriâ in hoc ca-  
vum impulsus , & à tremente hoc oper-  
culo repulsus , videtur quoque hinc  
tremorem augere . Binæ enim causæ  
continuò agitant hoc corpus superposi-  
tuin , quod suâ duritie non nisi levissimè  
reagere , agique possit .

## CAPUT III.

DE TYMPANITIDE ET HYDROPS  
CYSTICO VARIA.

§. I. Examen Tympanitidis. §. II. Historia Hydropis Cystici sive saccati numerosis cadaverum sectionibus suffulta, cum explicatione τῶν Εμυτῶν Hippocratis §. III. Examen Doctrinæ secundi Tomi Acad. Chir. Paris. circa amplam ventris dilatationem saccique in hac specie Hydropis: eaque occasione cunctis emolumentis & nocumentis hinc Methodi à Parisiensibus propositæ, illinc Paracenteſeos, discussis; HÆC demum ILLI, quibusdam exceptis casibus, preferenda fortè videtur. Simul eorum sententia de extirpando Ovario examinatur. §. IV. Questiones Pathologicae circa Hydropis originem & naturam.

§. I. PECULIARI capite de Tympaniti-de egi P. 2. Rat. Med. Impræsentiarum nonnulla addere juvat, quæ ibidem dicta confirmant; huncque morbum, qui debitæ cognitionis defectu frequenter adesse dicitur, dum minimè adest; ab omnibus aliis rite distinguant.

C ij

Puer necdum sextum ætatis annum integrè explens, debilis, incedere necdum valens, à matre mihi sistitur. Narrat illa quo momento quondam huic suo infanti mammam præberet, se ex nuncio improviso nec opinata Mariti mortis vehementer fuisse perterritam; observasseque paulò post flavescentem infantem, ac postliminio indies macrorum redi: ventrem ipsi quoque intumuisse, idque eâ lege, ut nunc plus, nunc minus tumeret, nunquam verò integrè detumesceret; jam verò à 30. diebus immanem excreuisse in molem, cum ratâ durâque alvo; ita ut quintus denuò dies, ex quo eam non exonerasset, laberetur. Examinavimus tunc puerum. Facie exceptâ macerrimus, ventrem adeò tumentem gerebat, ut superius vix spatiū pro thorace relinqueret, inferius verò super femora propenderet. Haud aquabiliter tamen extendebatur, utpote eminentiis pluribus, iisque globosis & oblongis, inæqualis: parte nimirum dextrâ eaque superiorē eminentior, inde depresso, in medio denuò elatus; mox inde iterum planior, in sinistrâ verò regione tum mediâ, tum insimâ, vehementer extubetans. Percussus nihil undulationis,

sed obscurum tympani sonum, unde totus morbus nomen habet, referebat.

Quām verissimē igitur *Boerhaave* post veteres docuerat Inst. Med. §. 817. ex ictero tympanitidem facile nasci! Bile intra sanguinem refusā, intestinis deest necessariūs, quo & agant & exonerent se, stimulus. Ergo expanduntur, & perseverante, aut continuo repetente eādem expansione, fibræ eorum demum ferè paralyticæ fiunt, nec nisi duplicitā vi respirationis, aut validiorum purgantium stimulo, commoventur ad evacuationem. Evacuata autem hæc intestina vix concidunt, quum vi contractili amissā, mox aëre extendantur, fæcibus dein tempore accumulatis, immannius turgeant, atque ita, ad exonerandum sese, vi indigeant validiore quām antea. Cum paralyseos hujus origo annosior esset, tristem prognosin dabat morbus. Cura tamen tentanda erat, eaque primūm evacuando pallians, dein de roborando curans. Sed ferò venimus. Eodem die fatis cessit.

Inciso abdomine, tumoris causam videamus nec aéri deberi, nec aquæ, verū unicè expansis intestinis crassis, & quemadmodum figura externa designaverat, hinc plus, illinc minus, di-

latis & impletis. Aëris porrò immensa copia, multumque duratum fæcum, eadem explebant. Hocque jam tempore & multa, & profundè tincta, bilis in vesiculâ felieâ aderat, ut stimulare intestina potuisset; sed dudum nata & inveterata paralytis, suborto atque agente posthac stimulus, emendari nequivit.

Externa igitur, inæqualis ea, & tortuosa ventris facies, sedem tympanias ostenderat in intestinis esse; sed non in quibusnam propriè esset? Hic anatome crassa intestina, aliis in cadaveribus cum crassis & tenuia ostendit nobis inflata. Quin & præternaturalis crassorum decursus, & flexura, omnem genuinæ morbi sedis determinationem à priore, ut ajunt, negabat. Quippe in cadavere vidimus saccum cæci vix pollices duos capientem, suo cum appendiculo, non sede consuetâ, sed alienâ, versùs medium abdomen, locari. Colon inde assurgens, mox amplissimum, ad Lienem vergebatur, indeque retrò, versùs umbilicum reflexum, & hinc iterum viam ad sinistrum Ileum petens, denuò oblique dextrorsum amplitudine stupendâ assurgens, tandem facci ingentis, potius quam intestini formâ, ad anum descendebat.

Si jam vetabamur ab externâ ventris formâ locum propriè affectum, vivente ægro, determinare; nonne eamdem ob causam idem in aliis abdominis morbis, ut puta in colicâ dictâ, vetamur? Etenim pluribus in cadaveribus coli figuram minimè naturalem deteximus: ita quidem ut in nonnullis ad Hepar affixum, mox vel ad umbilicum, vel ad imam pelvim descendat, indeque assurgens Lienem petat, postea autem cursum consuetum absolvat. In aliis iterum alio atque alio invenitur hæc forma tortuosa modo. Ita ut dolor versùs umbilicum tenuibus inesse creditus, haud raro ipsum colon occupet. Et experimentum capientes, inflando fortiter intestinum animalis, evidenter cernebamus illud & amplitudine & longitudine augeri, si determinato in spatio coarctabatur; nova in omnem modum, omnem in formam, volumina tunc producens. Quâ etiam de causâ toties in iis, qui calculo vesicæ perierant, & longissimos, & amplissimos, & maximè tortuosos ureters invenimus, & jam in prioribus descripsimus; eo quod urina, secreta renibus, intrare vesicam prohibetur. Elongat quippe illa, ampliatque ureters; & cum hi elongati nequeant am-

pliùs in longitudinem porrigi, coguntur hinc inde in latus secedere, formare volvulos elongantes vel lacerantes, quæ ipsos involverat, cellulositatem. Itaque protruso cum Peritonax deinceps, in remotiore longè plagâ, novâ productione cellulosâ vicinis affigunt se, ac si perpetuò ibidem hæsisserent: quemadmodum plura nobis exhibuere cadasera.

Sed ut ad rem; Prospectus anatomicus hujus tympanitici confirmat eam, quam *Part. 2. Cap. 5.* ideam ejus dedi. Sedes mali est in ipso intestinorum cavo; materies, cum copiosis excrementis, aër est. Si in cavo abdomine aqua inest, ea à cacochymia corporis universâ producitur; si aër, ab erofo intestino. Causam remotam in hoc ægro, bilis defectum cum Boerhaavio agnovimus, in aliis, iteratas colicas ileumque deteximus. Quippe in colicâ clausâ dictâ & ileo, intestina materie chylosâ ac stercoreâ, tum & aëre copioso amplificantur & elongantur, ita ut figurâ cursuque mutentur. Repetitis his morbis tandem fit, ut licet homines posthac ab iisdem carentur, intestina tamen pristinam figuram nondum recuperent, atque ita causa prædisponens ad tym-

paniam maneat. Si intestinorum nervis  
superficit nonnulla adhuc contractilitas ;  
si etiam diæta talis sit, ut non ingeran-  
tur alimenta, quæ multum aëris factitii,  
aut *Gas Helmontii*, in ventre generent ;  
si nec duri cibi assumantur, nec segnis  
sit alvius ; tympania non formabitur :  
sin vero ita perierit vis intestinorum  
contractilis, ut planè sit iners ; si conti-  
nuò à pravâ diætâ intestina distendantur,  
distentaque maneant ; erit demum, ex  
proegumenâ & procatarcticâ causâ com-  
binatâ, causa proxima nata, nempe ipsa  
tympanitis. Ex iisdem simul intelligi-  
tur, quod si omnis aér ac fæculenta ma-  
teries expulsa fuerit, curatio tamen  
mali impossibilis sit, si nervorum me-  
sentericorum ac mesocolicorum paraly-  
sis fit irreparabilis. Causa enim proca-  
tarctica assiduò renascens, dat, cum  
hac perseverante proegumenâ, semper  
novam causam proximam.

§. II. Atque hæc dixisse de tympani-  
tide sufficiat. Sequitur nunc considera-  
tio morbi, qui multa sœpè habeat cum  
illâ communia; hydropis scilicet abdo-  
minis, ejusque potissimum, quem *Cys-  
ticum* sive *Saccatum* adpellare solemus.  
Hic sanè, inæqualitate notabili & mi-  
randâ ventris, ferè tympaniam æmula-

tur; caretque ille fluctuatione aquarum  
in multis, ut hinc eo sit tympanis similius. Attamen resonantia non adest: unde hinc hic ab illâ internosci potest. Sed si collectores casuum consulamus, dantur casus rariores, ubi tympanitatem hydrops dicitur comitatus esse, aut ei saltem supervenisse: si id verum, & multis in cystis ille hydrops colligitur, poterit resonantia aëris suffocari ab aquâ utriculis contentâ, atque ita tota morbi alioqui clara idea, penitus confundi. Anamnesis bona & exacta utriusque morbi cognitio, poterit hanc confusionem utcumque emendare. Ut utriusque morbi diagnosis illustretur, juvat casus plures miserandos hydropis recensere, & practicè de eo differere.

Fæmina 30. annorum quartum infantem 21. Nov. 1758. feliciter enixa erat, sed tertio à partu die lecto imprudenter surgens, frigus suscepit: horrore inde atque ardore correpta, mox suppressa sibi lochia percepit, ventrisque deinceps tumorem atque dolorem. Dolor quidem post aliquot dies remisit multum, tumor vero magnâ cum ventris gravitate perseveravit. Accessit me mense Aprili 1759. Quo quidem tempore cujuspam liquidi fluctuationem,

tum ipsa corpus sinistrorum vertens percipiebat, tum nos percutiente ventrem manu evidenter deprehendebamus. Sed, ut decursus morbi docebit, omnis post-hac fluctuatio cessavit. Conquerebatur autem dum me primū accederet, molestissimam sibi mansisse dextro in inguine duritiem, quam pugno magnitudine parem deprehendere potui.

Diagnosis ergo evidenter docuit ute-  
rum à suppressis lochiis inflammatum  
suppuratumque fuisse; ac fortè ipsum,  
vel tubam *Fallopii*, vel ovarium, pure  
tumidum, inguini accubuisse, accre-  
visse. Quam sententiam immobilitas tu-  
moris, quodcumque in latus se fœmina  
verteret, confirmabat. Prognosis tum ex  
hâc ipsâ fœminâ, tum ex multis aliis,  
quas habueramus mulieribus, multiplex  
erat: vel puris intra sanguinem timen-  
da resorptio, quo demum sanguis to-  
tus corrumpatur, ac seriùs ocyùs fœmi-  
na pereat; vel absorpti puris per alia  
viscera speranda excretio; unde perfec-  
tam consequi sanitatem notabilibus vi-  
derem exemplis: vel etiam exitus puris  
in ipso accretionis loco per inguen præ-  
videndus, cuius quoque exemplum ha-  
bueram: vel denique, ut pus intror-  
sum erumpens, in cavum ventrem ef-

funderetur, omniaque ibidem viscera corrumperet.

Hunc ultimum eventum, quod frequens sit, quodque eum tam graphicè *Hippocrates* descripsérit, paulò attentiùs hīc contemplemūt. Ulcera demum hæc sunt quæ εὕμοτα *Hipp.* adpellavit. Ita ut talia interna ulcera intelligenda sint, de quibus agit in *Aphor.* 47. sect. 5.  
 Ήσ. υσίρη ἐπ τῷ ισχώ ἔγκειμενη διάταξις,  
 αἰώνιη ευμοτος γένεσις. Quod *Almelo-veen*, post plerosque interpres sic redidit „ si uterus coxæ incumbens suppuratus fuerit, necesse est medicamentum in linteo carpto applicari. „ Hoc sensu *Oedipo* opus est, qui explicet. Nemo ex omnibus Interpretibus rectius *Prospéro Martiano* verum sensum *Hippocratis* reddidit. Videatur is comm. p. 460. Ita ut vera Aphorismi interpretatio hæc sit: „ Si uterus suppuratus ad coxam, vel inguen accubuerit, ne cesset cava ulcera interna fieri “.

Ac primò quidem ipse uterus brevi à partu sanguine turgens, magnæ adhuc existens molis, si inflammatur ac suppuratur, mole adhuc crescit, fitque gravis, ac facilè alterutrum in latus cadit, & inguini, ac versus coxam accumbit accrescitque. Tuba *Fallopiana*, ipsumve

ovarium, eâdem de causâ pure tumens  
facilè cum inguine, ac margine toto  
musculi obliqui externi concrescit. Re-  
bus sic se habentibas, periculum est,  
secundum & Hippocratis & omnium  
observata ne hîc fiant *εμματα*, ulcera  
cava interna. Hinc *Hipp.* Libr. de Nat.  
mul. cap. 6. 684. apud *Chart.* H̄r. αι  
μητραι αγωναι, πονευται και ον αγη,  
οφει σκληρη υπο τη κενεντα και οδυν  
λαυραι την γεισηραν γασέρα, και της λε-  
νειρας, και τας λοχιας και εστοσκελος οδι-  
γη επιστει, και εκτε γαν ο δύγκιται, πολλα-  
χις δε και επενισκοται εμμοται γενομέναι,  
και φεομεναι αποθηκευσον, ον μη καύσης, η  
ταμης. » Si adhæserint uteri, incumbunt.  
» Et si attigeris, durum quid sub ili-  
» bus ( sub laterum mollitudine, sub-  
» vacuitatibus abdominis ) deprehen-  
» des; dolor imum ventrem prehendit,  
» & ilia & lumbos; & dolor in crus  
» incidit, ut illud extendere nequeat.  
» Sæpius verò uteri supputantur, in  
» ulcerâ cava interna mutati, & fluen-  
» tes moriuntur, nisi locum vel usseris,  
» vel secueris «; ut nimirum pus ad  
exteriora alliciatur. Videte hæc omnia  
confirmata notabili historiâ *Maliensis*  
*Epid.* 5. pag. 1149. *Libr. de Artic.* pag.  
817. & 822. *Edit. Foës.* Deinde etiam

Tom. VII. *Chart. Hipp.* pag. 684.. 690.  
 740. 767. 813. Sed legendus ubique gra-  
 cus modò textus; nam versiones hic loci  
 nihil valent. Vidi in cadavere puellæ,  
 quæ clam pepererat, neglectaque fue-  
 rat, suppuratum uterum cum omento  
 primo coalusse in dextro latere, omen-  
 tum hoc mirè degenerans & incrassatum  
 coivisse cum ligamento rotundo uteri,  
 cum vasis nervisque cruralibus; ut lon-  
 gâ patientiâ opus esset, antequam partes  
 concretæ probè distinguerentur: fistulis  
 & ulceribus massa tota penetrabatur.

Hisce ita consideratis, casum nostræ  
 mulieris incipimus intelligere. Εμοτα  
 quippe, ulcera cava, fistulosa, interna,  
 ipsi aderant, unde pus cavum ventrem  
 occupabat; cuius fortè tantillum, à va-  
 sis bibulis resorptum, quotidie in urinâ  
 adparebat. Attamen solum pus non ad-  
 esse, sed etiam magnam aquæ copiam,  
 fluctuatio docebat; id quod inde natum  
 facile intelligitur, quod vasis lymphati-  
 cis & uterus & tubæ & ovaria undi-  
 que scateant; quæ vicino pure erosa  
 ventrem facile colluvie aquatum inun-  
 dant. Suppurato utero plus simplici vice  
 aquam cum pure in abdomen effusam  
 vidi.

Vires ergo optimè cum adessent, pa-

racentes in 24. Aprilis instituimus, eduximusque liquidi subviridescentis, turbidi, inodori, Libr. 27. Venter videbatur jam integrè evacuatus. Constringens ventrem machina post meridiem paululum laxanda fuit, cum respiratio, mox ab operatione liberior, nunc impeditior fieret. Bene se postmodum per omnia habuit; somno, viribus, appetitu. Eductus porrò liquer, in 14. magnis vitris collectus, intra 8. horas cœpit floccos oblongos albosque, à superficie deorsum versus formare, & seq. die pus in fundo exhibere. Liquor tenuior ad ignem coagulabatur. Servavi hanc suis in vasis materiem à 24. April. ad 5. Maii, & publico examini denuò subjeci. Nullus aderat fætor, viridis, crassa, flocculenta esse perseverabat, ponens in fundo gelatinam spissam, nonnullis in vitris sanguine, pure in aliis, mistam 9. Maii, 15. proinde die à paracentesi, phænomena omnia eadem manebant. Tenuior effusa pars colorem syrapi violarum minimè mutavit, iterato licet sæpiùs experimento. Cum aceto non effebuit. Spiritus nitri affusus nullam effervescentiam, sed insulam coagulatam, ad quamlibet portionem affusam producebat. Portio verò alia in co-

chlear pigni imposita , mox abivit in coagulum. Serum ergo , seu lympha coagulabilis , erosis vasis lymphaticis , maximam partem abdominis explevit , pus reliquam.

Ablatis tandem quæ abdomen per aliquot dies constricterant fasciis , tumor in inguine dextro apparuit , & 18. Maii jam pectiniebatut ab inguine sursum crescere , & versus medium abdomen pergere , tactu durus , & planè immobilis. Simulque adeò tumidus venter , quam ante paracentesin adparuisset. Augusti autem 10. duries toto ferè abdome , exceptâ regione iliacâ sinistrâ , percepta est , supra umbilicum jam eminens , immobilis , inæqualis ; sed nec fluctuans , nec resonans. Diuretica & purgantia mensibus Junio , Julio , Augusto , data , eo usque profuere , ut res domesticas suas , multorum liberorum mater , sufficienter peragere posset. Septembri verò mense tumor totum ventrem medium , ad cordis scrobem usque implet , ibidem capite adulti hominis major , & in latere sinistro ad inguen usque porrectus ; durus ubique , decem forte in locis globosior & depressior ? nec fluctuans , nec resonans.

Interim observamus , quod in primo

hydropē non fuit, musculos abdominales adeò molles ac flaccidos, ut supra enormes hos tumores prehendi plicari que possint. An igitur, à primā ventris extensione, musculi hi, totumque peritonæum, vim contractilem irreparabiliter amiserint, & in perfectam paralysin denegarint? Plausibile hoc argumentum destruit sequens observatio. Tumores cysticos fœmina quæpiam habere à quinque mensibus cœpit, primâ vice vitæ suæ, ante id tempus perfectè sana; quæ tamen tumidissimo cum ventre, flaccidissimos habeat abdominis musculos. An ergo nervi dorsales & lumbares ab internis tumoribus ita comprimerentur, ut musculi abdominales hinc paralytici redderentur? Sed paralysis ejusmodi adesse nequit, nisi simul & alias partes afficiat, quæ hic non afficiuntur. Ad nodum hunc solvendum plures primò casus observandi erunt, pluresque cadaverum sectiones facienda; unde eum nunc in medio relinquam. Id modò addendum habeo, quod in utrâque hâc fœminâ umbilici regio arctè videatur cum cystico tumore connexa.

Gravem nunc ordimur quæstionem, quâ petitur 1°. An nostra mulier novam

subire paracentesin debeat? 2°. An dictis cum remediis sibi sit linquenda? 3°. An verò methodum minus palliantem, tutius cutantem, quâ illi succurri possit, possideamus?

Intricata quæstio responsum suspendit, quum illud totam, quâ latè patet, quæstionem, coram cernere debeat, cum omni eâ varietate, quam varii causus ejusdemmet morbi exhibent. Igitur plures primò recensebo, ut responsio ad omnes adæquatè adornetur.

Fœmina 50. ann. rite perpetuò, dolorem ad instantia catamenia si exceperis, valens, anno 1758. finiente Septembri, cecidit ab altitudine 12. pedum; ita quidem ut toto sinistro ventris latere impingeret in ligneum sepimen horti, deinde, gravitante corporis trunco, hinc in terram insiliret. Doluit inde venter, & dolore mitigato, duri quidquam habuit, sensim crescens, immobile, explens demum præcipuam ventris partem, doloremque medio in epigastrio creans. Altero mense post casum circiter elapso, terrore valido, ac mætore de incarcerated marito afficiebatur, ex eoque tempore ventrem universum tumere sibi percepit, durum, quod antea, corpus ultra non animadvertis.

Toto Aprili 1759. vix horæ spatio somnum oculis videns, nihil appetens, & si forte quid appeteret, illud compresso ventriculo non admittens, ægerimè respirans, ad nostrum Nosocomium ducta est, in eoque suscepta. Examine instituto, nullum deprehendimus durum in abdomine corpus, sed æquabilem tensionem, & manifestam aquæ fluctuationem. Parvus ipsi, & celer, & inæqualis pulsus.

Quærebatur num præsenti in periculo versanti mulieri instituenda paracentesis foret? remedia diuterica mox ipsi exhibens, inutilia prorsùm vidi, & è contrario vites in dies minui, omnemque ferè respirationem suppressi. An ergo certo interitui relinquenda? Paracentesis hic damnari solet, meritòque condemnabatur olim, quando ars in debitam abdominalis compressionem nondum satis intenta, respirationem, effluentibus aquis, suppressam cerneret, vitamque abeuntem in auras. Jam verò ars pro ratione effluentis lymphæ arcans abdomen, ac vasa non sustentata fulciens comprimensque, supplet functioni muscularum abdominalium, qui jam otiantur; impeditque ne humores per vasa olim compressa ægerimè,

jam aquis prementibus libera impetuose  
ruentes, haud sufficienter ferantur ad  
encephalum. Quo igitur modo jam inf-  
tituitur paracentesis, licet parum non-  
nunquam juvans, tamen vix unquam  
funesta, & sœpè vitam reddens ad tem-  
pus tolerabilem, præferenda certæ per-  
niciei videbatur: maximè eâ si fieret  
cautione, ut aquæ haud plus unâ vice  
demeretur, quain viderentur vires com-  
modè ferre.

Itaque octiduo integro bene apud nos  
enutrita, ac viribus aucta, operationem  
subiit 9. Maji, & ingenti suo commodo  
35. aquæ Libras amisit; ventre ita de-  
tumescente, ut nihil lymphæ superesse  
videretur; quantum nempe fasciato  
ventre deprehendi potuerat. Aqua Lim-  
pida sed flava erat, ad ignem coagula-  
ta, syrum violatum planè viridem  
reddens, cum aceto mista minimè ester-  
vescens, cum spiritu salis albescens, &  
in coagulum abeuns. Effectus habuit  
operatio omnes, quas à palliante curâ  
expectare potueramus; respirationem  
sensim expeditiorem, appetitum redi-  
vivum, prudentis alimentorum inges-  
tionis tolerantiam, doloris absentiam,  
copiosiorem urinam, naturalem, liqui-  
diorem tamen, alvum, placidos refi-

cientesque somnos, demum auctas in dies vites. Flatus modò molestos, ut prior illa, ut omnes quibus unquam paracentesin institueramus, etiam & hæcce est conquesta, idque jam mox ab operatione institutâ. Opium hos flatus multùm moderabatur. Quippe intestina olim ab accumbente aquâ vehementer compressa, jam eâdem eductâ longè minus à constringente ventrem machinâ comprimuntur; adeòque ab alimentis, & ab aëre potissimum, extenduntur; debilitata vix tenituntur. Sanguis autem spiritusque in vasa nervosque commodiùs influunt. Cum tamen intestina aërem & alimenta, præ debilitate sufficenter propellere nequeant, variis in plagiis necessariò extendantur; & in locis, ubi illa extensio non adest, spasmodicè contrahantur, necesse est. Opium datum spasmos solvit, efficitque ut contenta hæc per universum intestinorum tractum æquabiliùs distribuantur.

Attamen debuit ligatura, sensim jam laxata, 18. Maji auferri, cum recrcentes aquæ respirationem ferè suffocarent. 21. Maji dimidiā partem antiquæ molis venter jam erat adeptus. Et ipse tumor, quem illa ante hydropem perceperat; quemque, hydrope forma-

to, nec ipsa, nec nos, ullo modo deprehendere potueramus; laxata prius ligaturâ, utcumque, ablata eâdem manifestus adparuit, superiora medii abdominalis, dextrumque ejus latus occupans; haud ita tamen deorsum vergens; ut uterus, aut ovarium affectum esse suspicareris. Immobilis planè idem, haud tamen peritonæo accretus; aqua ad digitum lati distantiam inter hoc & illum manifestò sèpiùsque deprehensa. Atque ita sensim increvit abdomen ad eamdem, ad quam olim, molem, imò eâ majorem; cum jam ensiformis cartilago extorsum à tumido corpore incurvaretur. Voluit tamen ad maritum liberosque redire, atque ibidem me inscio mortua est: ut aperiundi, quod doleo, cadaveris facultatem non habuerim.

Vidua 48. annos nata, plurium infantum mater, abdomine tumere cœpit anno 1737. sed 25. Dec. ejusdem anni tota detumuit, enormi lymphæ copiâ pleno rivo de pudendis profiliante. Unde hydrops uteri fuisse videtur, qui sic sponte curatus. Attamen rursum tumuit, tantam demum in molem, ut hujus, quem vivimus, anni Majomense finiente, distantia à scrobiculo cordis ad umbilicum 4. pedum esset, ab umbilico

vero ad pudenda 2. pedum. Umbilicus in genu altitudine inveniebatur. Ut longitudo , ita monstrosa planè ventris amplitudo fuit. Unde nec ipsa movere sese , nec ultra ferè à suo famulitio verti attollique posset. Consilio indicto medicorum , & ego rogabar. Flectuationem manifestam immensæ aquarum molis percipiebamus omnes. Quarebatur modò , quâ illam methodo juvaremus. An medicamento evacuante ? Sed & moles major erat , quam ut hinc sufficiens evacuatio speranda foret ; & Medici hisce dudum oleum luserant operamque. Quin imò ab aliquot diebus respiratio suffocationis metum incutiebat , ut celeri auxilio opus esset. Num ergo paracentesis instituenda ? certè permittebant eam ætas , viresque ; suadebat suffocationis periculum ; nec scirrhi fortè præsentis suspicio dehortabatur , cum aquarum evacuacionem palliantem , ut ajunt , tantum intenderemus : eductis nimis aquis homines suos scirrhos tolerabilius gerere , toutes experti. Voce unâ ergo parecentesin , quâ unicè imminens suffocatio averuncaretur , suasimus , laudavimus. Sed verò in paracentesi ligandus venter est , & pro ratione effluentis laticis constrin-

gendus. Qualisnam machina, loris ac fibulis instrueta, ad id apta erit? Et si apta, nonne flaccido jam tantæ molis ventre, inepta erit, quæ sufficienter adducatur? Itaque unam communem ejusmodi machinam primò apponendam esse; & monstroso corpori aliam etiam monstruosam machinam, quæ illicò parari posset, circumdandam esse; eâ quidem intentione, ut si flaccido ventre major machina inepta, quæ sufficienter adduceretur, foret, minor supposita ventrem constringeret. Quod si commode liberaliorem aquæ eductionem non ferret, parciore desistendum esse conclusum fuit.

Igitur in inferiore parte eâque dextrâ ventris, factâ aperturâ, 37. aut 8. Libræ effluxere liquoris non fætidi, sed fusi, turbidi, amurcam planè referentis. Substitut tunc fluxus omnis. Percipiebaturque cannula in corpus durum impingere. Penetrandum ne per illud esset? Negabatur: ignorabamus enim an id non foret quodpiam scirrhosum viscus, quod pertusione malignum fieret. Quid si saccus datus, ac semiscirrhosus ingentem, liquidi seu boni, seu corrupti, copiam contineret? Evacuatetur quidem, sed primum in abdominis cavum;

remotus

remotus enim ille à peritonæo erat, cum inter hoc & illum tot Libræ amurcarum jam effluxissent. Ponamus ergo sacco pertuso liquorem effluere putidum, ichorosum, saniosum, cancrosum: nonne ille, alluens ad intestina, cæteraque viscera abdominis, corrumperet eadem, mortemque, quam procastinare animus erat, acceleraret? Sed contra: instrumento trisulco in saccum adacto, an cannula non clauderet foramen; ita ut, quemadmodum ex externo abdомine liquor copiosus cannulâ effluxisset, ita etiam ex saccō efflueret? Ita; sed considerabamus, amurcam quæ effluxerat intuiti, improbabile non esse, quod spissus, si quem durum hoc corpus gereret, amurcosusque humor foret, per cannulam minimè proflitatus, &, eadem ideo extractâ, in cavum ventrem effluxurus. Saltem maturius super hoc deliberandum esse, & jam corpus refocillandum fore. Levamen ab operatione nullum percepit, nisi 12. postea horis; jam inquiebat, *me bene habeo*, simulque expirabat. Mole cadaver vix immunitum, terribili mephitici totas explevit ædes: ita ut veniam ejus aperiundi 2 $\frac{1}{2}$ . à morte diebus nacti, re infectâ aufugerimus, ne curiositatis pœnas, ut olim

74 RATIONIS MEDENDI  
egregius anatomicus *Canesius*, insontes  
lueremus.

Homo 49. ann. hydropoe ascite, ac simul anasarca laborans, in Nosocomio dicto *Becken-hausel*, mense Octobri 1758. ab optimo ibidem Physico *Storck*, vino squillitico curabatur, ut suos denuò labores perficere posset: superficie tamen tumore duro, immobili, in epigastrio. Curando illi varia quidem moliebatur medicus, sed æger, victus prolibus queritandi desiderio actus, curam sui neglexit. Unde denuò eumdem in morbum relapsus, idem reperiit Nosocomium. Cum jam incassum quævis remedia adhuc ita essent, paracentesis instituta est, & centum aquæ turbidæ ac rubræ libras eduxit.

Evacuato ventre, qui olim in epigastrio perceptus tumor, is jam longè extensor deprehendebatur. Dabantur selecta remedia, sed incassum. Crevit enim ita hydrops, ut exacto à primâ paracentesi mense, altera institueretur, ne suffocaretur, similemque & naturâ & copiâ materiem educeret. Id quod deinceps quovis mense septies repetitum. Post septimam paracentesin videbatur 14. diebus bellè se habere, postquam iterum, immane quantum! intumuerit.

Virium projectio, appetitus prostratio, febres, ac sudores, octavam dissuadebant: sed veritus homo, ne aut venter sibi funderetur, aut respiratio planè deficeret, octavam voluit subire: eductisque iterum 100. propemodum aquæ Libris, multum levaminis percepisse sibi visus est. Attamen collabascentibus pedentim viribus undecimo ab illinc die periit.

Cadaver exhibuit omentum in pelvis usque propendens, mutatum in crassum atque inembranaceum marsupium, anteriore facie peritonæo, posteriore hinc inde intestinis accretum. Nulla in cavo abdomine aqua, in sacco vero Omenti copiosissima, rubraque eadem & fœtida. Ipse porrò saccus ille crassus steatomatosum tumorem gerebat, massæ informis, 33. Libras medicas pondere æquantem. Non nihil aquæ & Thotax habebat. Similem ferè casum *Horstius* habet, Oper. Med. Lib. 2. Tom. 2. obs. 4.

In eodem Nosocomio fœmina circiter quadragenaria, enorme gerens, mole aquarum, abdomen, atque ob eam ferè suffocata, amisit paracentesi 60. circiter Libr. medicas aquæ subrubellæ ac glutinosæ. Sublevabatur inde. Sed

quod antea nunquam experta erat, jam in pectoris sinistrum latus, citta intentatas suffocationis minas, ultra decumbere non potuit. Signa præsentis fors hydropis pectoris ejus paracentesin postulassent, ni & ipsa eamdem formidasset, & vires dissuasissent exiguae. Porro à Ventris paracentesi primis 14. diebus venter haud multum crevit, sed duros modò in toto epigastrio tumores exhibuit: elapsis verò hisce diebus tumor ventris universi denuò crevit, viresque ita projectæ sunt, ut ægra bimestri post-hac spatio elapso interiret.

In cadavere plurima aqua explebat abdomen, Hepar omnino scirrhosum, ac sinistro lobo suo farciminis instar productum, splenique accretum. Ovarium dextrum, ut publicâ demonstratione Auditoribus exhibui, in duo magna eademque rotunda ferè corpora formatum, puriformi materiâ plena. Cavum dextrum thoracis admodum hydropicum.

§. III. His variis historiis relatis ad quæstionem paulò ante pag. 62. propositam; utrum nempe paracentesis nostrâ in fœminâ sit repetenda, an verò ars nostra aliquid possideat, quo vel constantius solamen, vel integrum conferat

sanitatem? ad hanc, inquam, quæstionem responsum nunc adornare convenit.

Si Tomum alterum Acad. Chir. Reg. Par. consulamus, viderentur efficacia*ri* iis, quæ nos adhibuimus, auxilia modernis innotuisse Chirurgis, ac pulcris confirmata exemplis fuisse. Referunt hæc *Acta VII.* historias hydropsis, ut ajunt, saccati, nec non scirrhosi Ovarii. Habetur deinde erudita Epicrisis clati in arte Chirurgicâ *Morandi*, quâ impensè laudat Chirurgorum conamina, qui paracentesi miniūnè contenti, abdomen latâ plagâ vulnerarent, sacci-que, tum membranosi, tum etiam jam scirrhosi facti, in quo inclusum liquidum, integrum hoc modo evacuatio-nem, collapsum, consumtionem, effi-cere annisi essent; imò qui in posterum scirrhosum ovarium, quod cystici hy-dropsis frequens sedes, veluti castrando essent exempturi. Tandemque finiens in hæc verba erumpit. *La Chirurgie mo-derne est capable de grandes entreprises; on ne fauroit lui ouvrir trop de vues pour guerir.*

Sanè si omnes saccati hydropes in ovario essent, iidemque perpetuò latè-que peritonæo accreti; vel si essent inter

peritonæum & musculos abdominales; si præterea ipsi sacci membranosi tantummodo, non verò crassissimi & valde scirrhosi essent; si denique in eodem homine saccus duntaxat unicus, & non, ut saepe fit, multiplices essent; laudaremus cum *Morando* hæc molimina: sed haud videmur certi semper esse de parte affectâ, de naturâ affectionis, de numero loculorum, qui humores includunt. Si enim propriam meam experientiam mente recogito; si ingentem illam observationum sylvam apud collectores casuum revolvo; si denique ipsa Academiæ Chirurgicæ exempla examino: jure videor dubitare an cura ibidem commendata sæpiùs non frustranea, imò & periculosa foret? Unde juvat accurate rem totam examinare.

1°. Sacci hi peritonæum inter, musculosque abdominales, reperiuntur. Ita in iisdem actis casus Chirurgi *le Dran*, N°. 1. ille Domini *Mouton* N°. 3. & Domini *la Chaud* N°. 4. Quod enim ultimus saccum inter peritonæi duplicaturam formatum dixerit, id, inquit, *Morandus*, ex veterum opinione, postmodum correctâ, proficiuntur: unde idem sic includit: *ce n'est pas la première fois qu'on a tenu ce langage; mais*

les *Anatomistes* ne l'admettent point : & je crois que cette *Hydropisie* prétendue entre les deux *Lames du Péritoine*, n'est autre que celle de l'espèce rapportée par *M. Mouton*, nempe inter *abdominis musculos & peritonæum*. Eratque eadem de sede hujus *hydropis* sententia magni *Ruischii Obs. anat chir.* N°. 45. Videantur hīc *Douglas* & *Winslow* de *peritonæo*.

2º. *Saccati hydropses fluctuant non-nunquam in abdomine, nullibi accreti.* Ipse *Morandus* talem communicavit cum *Acad. Reg. Sc. Par.* ann. 1718. Cujus sacci particula, in ipsâ paracentesi lacerati, cludebat cannulam, extractaque cannulâ, vulnera prodibat, & ad duas ulnas extrahebatur, postquam demum abundantissima aqua effluxit. Addit oblongas has lacinias laceratam membranam verè retulisse. Attamen aquas, citò renatas, alteram, & tertiam paracentesin, unius mensis spatio singulis interposito, postulasse. Jam verò in *Act. Acad. Chir.* addit in ejusdem hominis denati cadavere detexisse se hujus sacci reliquias, liberè in abdome, nullâ factâ adhæsione, hærentes.

3º. *Tumores hydropicis in corporibus reperiire est, qui peritonæo non accreti,*

Div

imò ab eodem remoti sunt, & suo nibi-  
lominus loco fixi immobilesque. Fœmi-  
na in Nosocomio nostro, cuius historia  
pag. 62. relata, gerebat tumorem maxi-  
mum, durissimum, ad digitii lati dis-  
tantiam à peritonæo remotum; ut inter-  
posita aqua manifestò docebat. Tumida  
eiusmodi corpora, à peritonæo multum  
remota, variis visceribus, seu radicibus  
inharrere, sequentia probabunt.

4°. Nonnurquam sacci hydropici,  
tumoresve purulenti, steatomatosi, scir-  
rhosi, à scirrhofo Hepate, Liene, Me-  
senterio, Omento, Utero, Ovario, &c.  
proficiscuntur, tenuiore, ampliore, pe-  
dunculo inde penduli; iidemque aut  
liberè fluctuantes, aut lapsu temporis  
demum tum vicinis partibus, tum peri-  
tonæo affixi.

A. Ita inveni in septuagenariâ ova-  
rium stupendæ molis, totum ferè abdo-  
men explens; aquâ, ichore, pure, in-  
farctum, undique liberum; simulque  
verum præterea Asciten.

B. Marsupialis figura ingens omen-  
tum, saccum hydropicum fecit ipsum,  
totâ facie anteriore cuin peritonæo,  
posteriore multis in locis cum intestinis  
connatum, in Viro cuius historia habe-  
tur pag. 70.

C. Tumores universi abdominis, inæquales, compositi ex meris hydatidibus, integrum ventrem replentibus, extendentibusque, in faccis quamplurimis lympham continentibus, *Ruischio* comparebant. *Obs. anat. ch.* N°. 46.

D. Hydrops abdominis datur cum tumentissimo & inæquali hepate, in hydatidas toto converso. *Ruisch. ibid.* N°. 45. Et iterum N°. 65. ubi pertusio ejus letalis fuit.

E. Venter in hydropico inæqualis, inventus à morte fuit pluribus, iisdem mole prægrandibus, in mesenterio deberi tumoribus. *Blanckard Cent.* 2. N°. 30.

F. Idem N°. 25. detexit, præter casum *Ruischii* ad Lit. C. simul verum Asciten. Hæc ipsa fœmina initio ab hydrope curata videbatur, remanente duritie lapideâ in abdomen; recrevit postea malum.

G. Geminum ventris tumorem virgo gerens, falsò creditur ab obstetricibus paritura gemellos, moritur. Mesenterium exhibit duo ingentia steatomata, quorum alterum pus ac saniem in cævum ventrem effuderat, ipsum uterus eroferat. *Tulp. Lib. 2. N°. 33.*

H. In mesenterio tumor reperitur

20. Libr. pondere, extrinsecus membranaceus, intus hydatidibus refertus; sed præterea & hydatides aderant ascites facientes. *id. ibid.* N°. 34.

1. Tumor pancreatis ac mesenterii 10  $\frac{1}{2}$ . Libras ponderans, invenitur cum enormi ascite. *Blanck. Cent.* 1. N°. 37.

5°. Ipse uterus immane quantum aquis possit extendi! Fluctuationis perceptionem percusso abdomen exhibet, mentiturque ascitem. *Blanckard. Cent.* 2. N°. 29. Uterus hic continebat ichoris, ac materia oleaginosæ 85. Libras mercatorias.

6°. Ventriculus in hydropici cadavere invenitur sedes esse hydropis, ulnæ magnitudinem habens, peritonæo firmiter accretus: ita ut sectio, quæ puncto abdomen aquæ 90. Libras eduxerat, reperiretur eam ex cavo eduxisse ventriculo. *Idem. Cent.* 1. N°. 84.

7°. Hydatidas multas in cavo abdominis extendi posse, in punctis contactuum mutuo inter se agglutinari, aliâ sui parte cum peritonæo coalescere, in cadavere quinquagenarum inveni, ita quidem ut clarus apud *Haganos Velsius* egoque pertundentes abdomen, invenitemus fortè 20. & plura conceptacula aquæ, singula medium, integrum nonnulla li-

bram aquæ continentia, concreta tum inter se in punctis contactuum, tum cum peritonæo. Ovarium sinistrum caput infantis recens nati referebat; dextrum, biennis: hydatidibus utrumque cinctum.

8°. Actis *Edimburg.* part. 2. N°. 30 refertur mira prosum historia juvenis hydropici, ei, quæ pag. 62. ex Nofocomio nostro recensebatur, simillima, ortu, progressu, figurâ, symptomatibus. Paracentesi 12. Libris viridescentis lymphæ eductis, æger postridie moriebatur. Triplici causæ hîc fuit ventris adscribenda moles. 1°. Asciti. 2°. Hydropi lienis, qui supernumerariam tunicam à peritonæo, quâ parte diaphragma succingit, accipiens, inter hanc & propriam suam tunicam, aquæ limpidæ, non coagulabilis, sed admodum muraticæ, sex libras continebat. 3°. Immani vesiculæ felleæ amplitudini, quæ in concentricos loculos, singulos bilem continentes divisa, octo libras bilis spissioris gerebat. Porrò neque vesica fellea neque lien deprehendebantur peritonæo connati.

9°. Datur ventris tumor enormis, durus, æqualis, in corpore summè cachectico, ubi omnis suspicio enormis hydro-

pis saccati adest, maximè cum abdomen totum expleat, exceptâ infimâ hypogastricâ regione; ubi tamen monstrosa abdominalis moles unicè debebatur sanissimis, &, citra notatum anatomicis exemplum, mole immensis, hepati, & lieni; ut 2. Jan. 1759. publicè demonstravi in cadavere adolescentis 14: annorum, spinâ ventosâ omnes dorsi ac lumborum vertebrae, etiam os sacrum exedente, enecti.

Sufficient, ni fallor, hæc, tam claris descripta autoribus, quam observata nobis exempla, ut varietas patescat causa, sedis, phænomenon in hydropo abdominalis. Quærebatur modò num certius, tutiusque, applicatis hucusque, auxilium nosset ars nostra, ad curandum hunc morbum?

*Intentio expertorum Acad. Gall. Chirurgorum* ea demum est, ut in hydropo saccato foramine paracenteseos non contenti, idem insigniter dilatent, latamque aperturam diutissimè apertam servent; ut haud modò is, qui in sacco cavo est, effluat humor, sed etiam ille qui posthac aliunde in eundem influit. Quippe saccum, foramine paracenteseos clausq; à vasis in illum hiantibus deuò impleri, idque citius quam prius,

tertia citius, quam alterâ vice, & sic porrò: latâ verò aperturâ factâ, quod in saccum de integro perpluat, transsudetve, exstillare id foras: facci latera, haud extensa amplius, concidere, corrugari, condensari: hinc exhalantia in illum vasa sensim arctari, minui, deleri, in fibras ferè abire: hâc lege demum tam parum in sacco colligi debere, ut totum facilè aperturâ effluat, & saccus concidat totus. Id verò totum quo ritè fiat, artificem oportere maturius aducari, quam ut *ingens* jam factus sit saccus. Opus hoc facilius promoveri continuis injectionibus, v. g. Decocti hordei, mellis, &c. Imò eo pervenerunt, ut statuant quamprimum percepto ovarii scirrho, & nondum prodigioso sacco inde producto, ipsius extirpationem indicari, quod illibatâ vitâ, illibatâ sanitate, effici posse quibusdam allatis testimoniis statuminate satagunt. Finemque demum his omnibus *Morandus* imponit exclamacione superius citatâ; *esse ita cum Modernâ Chirurgiâ comparatum, magna tentare ut ausit: nimium fore nunquam, qui ipsi proponatur, curandi scopum.*

Nequeo non laudare, summisque ce-

lebrare encomiis, qui artem promovere nostram generosè annitantur. Plurimis enim adminiculis jam gaudemus, quæ difficilia, imò quæ impossibilia ætas remotior crediderit. Industria humana nullis addicta hypothesibus, solis innixa observationibus, artis nostræ pomæria in dies extendit, eorumque, qui id perfecerint, nomen æternum cluet. Hinc cum reliquis publicis actis, quibus numerosæ eruditorum sodalitates, ut cæteras artes, ita & nostram, perpoliant, illustrant, extendant, hæc Chirurgiæ Parisinae acta per omne ævum clarebunt. Sed antequam egregia hæc *conamina* quæ *Theoria* formavit, unum quoque alterumve experimentum suggessit, stabilem praxeos legem forment, perpendendæ primùm erunt, quæ in eadem exsequendâ occurrant, difficultates.

Primùm itaque, ut à castratione exordiar, si eam in avibus pecudibusque homines instituant, non inde datur ad castrandas mulieres argumentum. Nam primò in brutis nihil periclitamur si inde pereant, ut quedam inde perire certum est, in homine homicidium, si inde periret, foret. Secundò, non habemus, qui affirment, scriptores, inter huma-

nas femellas inculpatè id tentatum esse. Videlur quidem à *Morando* autoritas *F. Plateri*, ac *Diemberbroeckii* laudari; verùm, ut mihi saltem videlur, minùs convenienter. *Plateri* locus est *Libr. 1. Obs. pag. 261. 262.* Totum quod dixit, *meret speculationis* est: imò quo sermo-  
ne ad finem utitur, eo apertè testatur &  
sine vitæ periculo aliquo institui non  
posse, & nondum se legisse quòd à  
quopiam id tentatum fuerit. Et quid híc  
*Diemberbroeckii* autoritas? Disertè con-  
demnat ille *Plateri* speculationem, sta-  
tuitque citra sumnum vitæ discrimen,  
& citra sumnum Christianorum dede-  
cus, id nunquam posse fieri, *Anat. Libr.  
1. cap. 24.* *Igitur haud oportuisset*, ut  
mihi videlur, hos binos laudare autores,  
qui nihil minùs, quàm quod egregius *Vir  
velit*, statuerint. Quòd *Hesychius*, &  
*Athenaeus*, & *Alexander ab Alexandro*,  
de barbararum gentium nefando, alium-  
que in scopum intento ausu memine-  
rint, etiam nullius esse ponderis mihi  
adparet. Quid enim nobis, cum genti-  
bus efferis, qui mancipiorum vitæ se ar-  
bitros crederent? Et si *Franckenau* casu  
semel viderit in vivis mansisse fœmi-  
nam, cui in vulnerato abdomen simul

ovarium periret, quid inde ad praxin? Si per momentum supponeremus sani ovarii exsectionem nefandam salvâ vitâ fieri nonnunquam posse, an ideo concludemus ovarii degenerascentis, vaseque diametri ingentis habentis, exsectionem etiam sine periculo fieri? Id mox patebit.

Sed secundò dico & rationi adversari. 1°. Scirrhosum ovarium est, quod integrum excindere est animus. Scirrhosum porrò ovarium & ego, & mecum plures, multoties in cadaveribus deteximus undequaque connatum, scirrhosique annexum productionibus. Ut periculum ingens tunc esset, ne vel tuba *Fallopia*, vel fimbria ejus, imò ne vel ipsa lacerentur intestina, aliæve nobiles, quibuscum connatum sit, partes. 2°. Scirrhosa pars, ut mole crescit, ita & vasorum diametro: abscindendo igitur ovarium, poterit Chirurgus hemorrhagiam, qui sedandæ impar sit, producere; modò v. g. spermatica arteria ad suum, in ovarium, ingressum, diametro multùm amplificata sit. 3°. Non semper ovarium est, quod durum extensumque in laterali hypogastrio detegimus, verùm aliquan-

do tuba degenerans, ipseque uterus, ut  
p. 56. advertimus ex Hippocrate. 4°.  
Ipia vulneris consideratio in corpore  
cachectico, ut passim hæ mulieres id  
habent, quod hic latum esse oportet,  
hanc operationem condemnare videtur,  
ratione eorum, quæ sub ipsâ, postque  
ipsam, generalis vulnerum historia do-  
cet. Consultum igitur mihi videtur,  
hanc operationem haud ita promove-  
re, ne forte temerarii nonnulli Chirurgi  
eadem in humanam perniciem abutan-  
tur.

Jam ipsam sacci hydropici dilatatio-  
nem examinemus.

1°. Sacci hi habentur tantæ sèpè mo-  
lis, ut integrum fermè expleant abdo-  
men, cohærentque cum peritonæo, &  
visceribus abdominalibus. Apertura igi-  
tur lata, diuque servata aperta, poterit  
sacci quidem minuere profunditatem,  
vix verò ejus aut latitudinem, aut alti-  
tudinem. Ergo vasa liquorem in cavum  
saccum instillantia vix contrahentur ;  
& quia prementis liquoris resistentia  
ablata est, copiosius jam fundent humo-  
res suos : quæ ratio primaria est cur  
etiam post paracentesin hydrops longè  
citiùs quàm antea recrescat. Etenim in-

cipiente primū hydrope, vasa in initio minima sunt, parumque transmitunt. Extendente se sacco, amplificantur & vasa illius. Quandiu magna est resistentia à liquidis sacco contentis, vasa lentè quamvis sensim jam amplificata, novum liquidum stillant, adeòque primum hydrope lentè producunt. Dum verò distentissimus saccus, humoribus evacuatis nullam in suā cavitate, resistentiam habet, vasa amplissima vacuata, aliunde validè implentur, & intra mensim fortè plus liquidi sumū in saccum effundunt, quam triennii olim spatio. Igitur in dato hīc casu corpus totum extenuetur oportet, derivatione humorū undique factā in cavum saccum. Sed & aēr, vulneribus adeò perniciosus, latissimā superficie vulnus, totumque hunc saccum alluens, idque in cacochymico corpore, putredinem brevi inducere potest.

2º. Sacci hi & à me, & à claris, quos citavi, autoribus, & à plurimis aliis, aliquando inveniuntur digitum, duosve digitos crassi: ita ut licet humor lato vulnere assiduo effluat, iidem tamen contrahere se nequeant. Unde vasa in saccum se evauantia, si jam intus

nullam resistentiam offendant, copiam certè longè maiorem aquæ dabunt, cum diametro auctâ maneant.

3°. Idem sacci sæpiùs reperiuntur posticâ facie cohærere cum intestinis. In his hominibus sensim ac lentè comprimuntur intestina, & tandem difficulter, & cum dolore, exonerant se se. Hinc male habent. Ubi verò saccus evacuatus est, idemque durus ac crassus est, intestina illi nonnullis in plagiis conata, vehementer dolere atque inflammari possunt, cum aquis sublati minus pressa, liberiùs agant, moveantque se se, connata sacco duro tamen. Et hinc fortè pro parte dolores illi ac spasmi quos primò à paracentesi tempore conqueri homines solent.

4°. Neque crasse duntaxat substantiæ nonnunquam hi sacci sunt, verum etiam ingentibus obsita scirrhis; ut iidem illi, quibuscum nunc agitur, patentur autores. Scirri hi, præsente aquâ sustinebantur, fulciebantur: jam verò iisdem elapsis, saccoque coincidente, se multò fricant, dirosque minitantur carcros.

Oggeret forsitan quispiam tum hanc, tum N°. 3. allatam difficultatem, æquè in paracentesi obtinere, quam in dilata-

tato vulnere sacci; adeòque si ratiocinum hoc quid valeret, etiam paracentesin ultra instituendam non esse. Sed huic respondeo primò, paracentesin in his desperatis casibus modò institui, ut certa alioqui pernicies procastinetur. Secundò subitum aquarum à paracentesi reditum hunc motum, hunc impedire afficitum. Unde nullius vis hæc objec-  
tio est.

5°. In ipsâ hæc dilatatione, quæ ad  
3. 4. 5. digitos lata sæpe fieri debeat,  
oportebit sæpè ipsos transcindere sac-  
cos. Præterquam quod scirrus sic ve-  
hementer irritetur, vasa sanguinea in  
scirrho magna, nec duris in his massis  
facultate se retrahendi gaudentia,  
hæmorrhagiam lateralem producere po-  
terunt; quemadmodum scirri & can-  
cri mammarum toties ostendunt. Video  
equidem sapientem Morandum N°. 8.  
testari: *il m'est arrivé plusieurs fois de*  
*porter le Trois-quarts dans ces masses*  
*( Skirreuses ) il en sortoit du sang ; je re-*  
*portoois le Trois-quarts en d'autres points,*  
*l'eau sortit, & il ne résulloit de la fausse*  
*ponction d'autre accident, que la douleur*  
*passagere d'une piquure.* Verùm primò,  
latâ sectione longè plures arteriæ per-  
cinduntur, quam in puncturâ Morandi.

Secundò, ipsa scirri natura docet ejusmodi puncturam haud semper impunè patrari. Tertio in relatione hujus autoris non notatur eos, quibus punctura talis inutilis facta esset, ad sanitatem redisse.

6º. Sæpiùs tumores reperiuntur in mesenterio, in hepate, ovario, in saccis ab ovario, aliisve visceribus, productis; qui, ut exempla allata docuere, peritonæo nullibi accreti sunt. Ita in binis nostris in Nosocomio fæminis, hydroperitoneo maximè abdomine nullus tumor percipiebatur, quia tumorem inter peritonæumque moles aquarum. Vacuo autem abdomine, & maximè recrescere cœptis aquis, digiti aut pollicis distantia interesse clare deprehendebatur. Si hoc in casu latâ plagâ abdomen, saccumque perscindam, effluent quidem ex utroque aquæ, ichor, sanies, pus, quodcumque demum in eodem continetur; sed ex sacco simul aliquid in cævum ventrem efflueret, ubi ille evacuatus fuerit: & quandiu illa lata apertura patebit, semper plus in cævitate peritonæi stillabit, quam extra illud, cum nulla hic adhæsio sit. Porro si aqua pura exstillat, erit hydroperitoneus perpetuus ventris; si liquor putridus, brevi abdominis ac pelvis vis-

cera pessimum abuntur, mortemque accelerabunt.

7°. Nonne latum hoc abdominis vulnus inutile videtur, immo noxiū, in casibus N°. 4. Lit. G. & I. N°. 5. 6. 7. 8.?

8°. Quod jam supra innui, si quis velit vulnus 3. 5. 6. & ultra, digitos latum, abdomenque penetrans, semper omni prorsū periculo carere, ei-que hoc per momentum concedamus, haud tamen illi concedemus vulnus tantum, in corpore cacochymico & cachectico, ut ejusmodi homines pa- sim sunt, vacare periculo. Vulnera in sanis periculo vacua, solent haud raro in morbos periculum inferre; ut toties in relationibus ad Judices Medici ac Chirurgi testantur.

Has utique nunc enarratas difficulta-tes lubens fateor me hucusque impedi-visse, quominus optimorum virorum Acad. Reg. Par. tum amplexus senten-tiam fuerim, tum exsecutus: certiora prius observata, numerosioraque expe-riimenta, in subsequentibus Acad. To-mis, antequam imitari ausim, expecta-turus.

Paracentesin interim præfero hucus-que, quia in saccato hydrope vitam

alioqui suffocandam protrahit, & intolerabiles minuit anxietates. Si pluribus utriculis liquor contineatur, vix juvabit; sed neque tunc utilis incidendi methodus erit. Si scirrhi adsunt viscerum, neutrâ methodo curabuntur, sed eductio aquarum per paracentesin scirrhis minus nocebit, quam incidendi methodus, ut ad N°. 4. ostendi. Si verò unus alterve casus extat, in quo paracentesin mors brevi sequatur, ut erat monstrosus ille hydrops pag. 70. oportet hosce desperatos cæteroqui existimare, ita ut etiam citra paracentesin mors subsecuta fuisset. Porrò agitur hîc tantùm de paracentesi in cystico hydrope instituendâ; si enim verus ascites est, isque recens, & corpus cæterùm bene habet, paracentesis simul & semel hydropem non raro curat integrè.

Est nihilominus, ubi natura ipsa exceptionem faciat, & abdominis latam aperturam indicet. Aug. 22. nos fœmina accessit, quæ s. Junii pepererat. Hæc à dextro umbilici latere dolorem tempore graviditatis percepérat, à partu vero tuberculum; quod sensim crescens tandem in tumorem durum abivit, qui plusquam s. pollices utrâque diametro referebat, eo dolentiorem, quo mole

majorem. Utrumvis in latus illa decumbebat, hic tumor planè immobilis erat, peritonæo proximus, & verosimiliter eidem accretus. Mensibus a partu carebat. Apposui emolliens atque discutiens cataplasma, remediaque solventia interna præscripsi; attentus in eventum, quem tumor hic dolens, nullam febrim contem habens, esset habiturus. 29. Aug. dolor, tumor, rubor, externo jam ab domine observabantur; quare emolliens, & maturans cataplasma adhibitum est. Posterâ die, copioso pure fluctuante, apertura lanceolâ facta est; exiuit puris dimidia libra, ut & die sequenti, reliquis quidem diebus minùs, quo tempore deligabatur vulnus, sed continuò tamen hucusque pure locus totus mader. Injectiones cum aquâ hordei & melle bis die fiunt, & aperturam, sat latam, diutissimè apertam servare animus est. Tumor minuitur totusque emollescit. Dolor vix observatur. Stylus ductilis reperit saccum undique clavum, sed sensibilissimum. Hic nunc causus est, naturâ monstrante viam, in quo *Parifina* methodus juxta perpetuas naturæ leges usui veniat; alias ineluctabilibus difficultatibus, ut mihi saltem videtur, plena.

§. IV. Supersunt quædam problemata solvenda. I. Quid causæ, quod factâ paracentesi sæpè longè citius renascatur hydrops, quam primùm natus esset? Respondi jam pag. 85. ad hanc quæstionem. Ponamus hydropem cysticum primum nasci in parvâ cujusquam visceris hydatide. Lentè admodum membrana continens à mole minimâ in maiorem extenditur, ut semianno, biennio, quadriennio, decennio, & quod plus est, indigeat, antequam verum referat asciten. Factâ jam paracentesi membrana maxima, intus cava, lymphaticis osculis pertusa millenis, mox denuo repleatur necesse est; cum nulla intus resistentia sit, & in inania spatia humores undique veluti attrahantur.

II. Undenam hydropici aquam non-nunquam citissimè colligunt? Ita ut à paracentesi elapso vix octiduo nonnulli 50. Libras aquæ recolligant, interea temporis vix potantes? Idque ad singulas paracenteses? Cur in relatis historiis vix poti homines, singulo mense 100. libras paracentesi evacuarint?

Cum neque ore liquor corpus intraverit, neque ipso corpore suppeditari potuerit, necesse est ipso in aëre causam quæri. Adverterat suâ in chemiâ cla-

riſſimus Boerhaave aëra , etiam ſiccum , aquā ſaturum eſſe , inde corpora humefcere , & ſi apta , quæ veluti attrahant , corpora inveniat , aquam inibi depone-re ſuam . Ita Cap. de theoriâ aëris , ex-plicans quomodo uncia una ſalis tartari ſiccissimi tandem uncias quatuor olei tartari per deliquium , aëri tantummo-dò exposita , exhibeat ; credit 1° . hoc fieri vi , ut dictum eſt , attractrice inter aquam aëris , & alcalinum ſalem . Vel 2° . ex eo quod in loco quieto , clauſo , ſubterraneo , ubi hoc experimentum fiebat , ac perpetuò moveatur , & ſic ſuam aquam ſuccesſivè ad ſalem appli-cet . Vel 3° . ex eo , quod aquæ partes ita moveantur per aëream molem , ut jam in hâc , jam in aliâ parte ſpatii aërei ſint , atque ita tandem omnes concurrant cum illo ſale , qui intra hunc aëra eſt poſitus . Addit demum : « verūm credibile eſt » omni de genere experimentorum , « quod omnes illæ cauæ ſimul concur- » rant ad eundem effectum producen- » dum . » Ne quis autem ctedat experi-mentum in humiduſ ſubterraneo aëre modò ſuccedere , haud verò in ſiccissi-mo , addidit Boerhaave experimenta ſic-cissimo hyemali aëre facta , quibus evi-cit etiam ultra tertiam ponderis ſali ac-creviſſe ſpatio 14. dierum ,

Quæ cum ita se habeant, credibile admodum hydropticis corporibus latenter dispositionem inesse, quâ aëris aquam continuò imbibant. Et si intra paucos dies ex siccissimo sale tartari nascatur oleum tartari per deliquium, id est, si sal tartari ex aquâ aëris, tribus quartis partibus pondere intra paucos dies crescat; haud ita mirabimur hominem 150. Librarum, paucos intra dies, libris 50. & pluribus graviorem fieri, & novâ paracentesi totidem aquæ libras emittere, licet toto eo tempore vix liquidi quidquam hauferit. An facci hydropici post paracentesin vacuitas in omnibus aquiam aëris attrahat, & sic unâ cum datâ antea causâ hydropem renovet actutum? Intelligitur hinc humidâ atmosphærâ, humidis ædibus, hydropem in prædispositis nasci facilius renascique.

III. An credendum cum doctissimo *Bianchi* quod bilis defectus causa hydropis sit, aut ejusdem saltem effectus? Ita nempe egregius vir scribit *Hist. Hep.* pag. 147. « Pallida igitur occurrit ordinario ad cystin suam bilis in delicateulis, in chlorosi, pallidior in cachexiâ, fluxibusque cæliacis, pallidissima & ferè absque ulla flavedinis

„ tincturā , ac tantūm non aqua , in „ hydrope , aliisque morbis diuturnis , „ in quibus sensim deperierit emicatio „ in sanguine : in hisce interdum affec- „ tionibus albescens observatur , & can- „ dida ; ut vidit *Diemerbroeck.* „ Quan- „ tum ad bilem insipidam . „ In cachecti- „ cis , ait p. 170. præcipue mulieribus , „ aliisque lentè ægrotantibus , delin- „ quentem hoc ritu bilem ordinariò vi- „ demus „.

Antequam respondeam , examinan-  
dus est , qui ex *Diemerbroeckio* hīc lau-  
datur textus . Est ex ejus anatome , ubi  
de bile agit . Invenit bilem vesicæ post  
diuturnum hydropem candidam , &  
utcumque viscidam . Hucusque res con-  
venit cum observatis Cl. *Bianchi* : se-  
quitur verò aliquid quod non convenit ;  
nam ex ductu choledoco , & ex poro  
biliario , bilem flavam versus intestinum  
fluentem vidit .

Ergo 1°. *Diemerbroeckii* experimen-  
tum in hydropico factum id quidem  
confirmat , quod de cysticâ bile *Bianchi*  
refert , non verò demonstrat idem ,  
quoad hepaticam bilem : bilis verè  
flava hepate secreta , ad intestina fluxit .  
Potuisset hic homo ictericus fieri , sine  
ullâ vel minimâ flavâ bilis guttulâ in  
vesiculâ .

2º. Hoc ipso experimento intelligitur hominem & ictericotatum posse fieri, & simul flava reddere alvi excrementsa. Si enim ponamus hominem sanum, quacumque causâ obstructione in ductu cystico natâ, reddi ictericum; bilis flavâ ex poro hepatico ad duodenum fluens tingere excrementsa debet.

3º. Hoc eodem experimento concludimus in ictero, dum albæ fæces sunt, vel nullam bilem secerni hepate & vesiculâ, vel obstructionem esse in ductu communi, aut ad duodenum.

4º. Itidem inde apparer hepaticam bilem in cystim non influere, ut communiter creditur, sed totam in duodenum abire. Neque suspicio hîc haberi potest angustioris forte cystici ductûs; cum autor dicat miratum se illius amplitudinem fuisse. Unde rectè judicat cysticam bilem peculiari fabricâ tunicæ internæ vesiculæ generari, stagnatione perfici; defectu tamen ejus flavam billem intestina subire, excrementsaque tingere posse. Certè si pulcherrima *Liberkuhniana* præparata, microscopiis inserta, quæ Ill. *Baro van Swieten* academiæ nostræ dono dedit, attentè contemplemur, convincimur mirabilem hujus tunicæ structuram magnis usibus ne-

cessariò destinatam esse. Unde cum eodem ill. Viro, *Cop. de Hepat.* fatemur, quo † „ artificio suirimo, & penitus peculari reptatu, arteriæ numerosissimæ decurrent per membranas vesicæ felleæ, uti injectiones anatomicæ docuerunt; unde admodum verosimile videtur peculiarem adeò vasorum apparatus servire huc singularis liquidi præparationi & secretioni „.

Hæc nunc de *Diemerbroeck*.i testimonio in quantum firmet, & non firmet Cl. *Bianchi* sententiam.

Probatur etiam *Ruischii* observatione, N°. 87. invenientis in cadavere hydro-pici hepar induratum, visicam felleam sextuplo majorem naturali, sed aquosâ plenam, insipidâque lymphâ; in ductu verò choledoco calculum ciceris majoris magnitudine, omnino obturentem hunc meatum.

Convenit etiam *Bianchi* sententia cum nonnullis meis observatis.

Anno 1744. Junii 30. cum doctissimo *Velse* bimestris infantis cadaver lustrans, vesiculam felleam inveni turgidam valde, sed humore planè aquoso plenam, gustu amaritiem vix ullam referente. Post hydropem pectoris, accidentum terrible, copiosamque pituitam vitream, perierat infans.

21. Dec. 1758. idem in Nosocomio publicè demonstravi in cadavere hydropici, cuius hepar granulosum totum. Ter ego, pluresque adstantium, aquosum vesiculae liquorem gustantes, ne minimum quidem percepimus amarorem. Nec pellucidus insipidusque modo liquor, sed gelati instar tremulus fuit & cohærens. Portio ejus igni in cochleari exposita nihil coagulabatur, sed avolabat in auras, tenui pelliculâ relictâ: portio alia syrum violatum viridem fecit.

Igitur plures casus dantur qui idem, quod *Bianchi* voluit posuitque, confirmant; at verò sæpè contrarium obtinet. Deditâ operâ rem examinans, bilem flavam, amaram, pluries in hydropicorum cadaveribus inveni, demonstravi. In tympanitico puero, cuius morbum à defectu bilis pag. 60. deduxi, demonstravi tamen bilem vesicæ flavam, amaram, postea recrevisse ipso cachectico ejus statu. Et in *Diemerbroeckii* enarrato casu, licet cystica bilis pallida esset, aderat tamen hepatica flava. Evidem anonymous autor in *Act. Edim. Tom. 1. Diff. 33.* statuit hepaticam bilem blandum humorem esse, qui parvam biliarum particularum copiam modò ha-

beret: ita quidem, ut dubitet num, à  
bile hepaticâ retroptessâ, tum profunda  
flavido, tum penetrantissima amarities,  
tum quævis alia, quæ subitò in ictero  
adparent, symptomata proficiisci queant?  
Attamen plus simplici vice bilem pori  
hepatici demonstravi flavam admodum,  
gustoque perquam amaram: licet cysticæ  
flavedine amaroreque cedentem. Quis  
noverit an, bile cysticâ palidâ, non  
frequentior contingat *Diemerbræckii*  
observatio? Saltem meam ejus exami-  
nandæ negligentiam in posterum emen-  
dabo.



## C A P U T IV.

## DE COXARIO MORBO.

§. I. *Varia de coxarum morbis. Cur nati  
hi externis de causis dubiam haud  
rarò diagnosin habent; imò cur eodem  
in morbo justè data diagnosis, post-  
modum falsa reperitur. Insignis morbi  
varietas demonstratur exemplis.* §. II.  
*Nec certior sepè constantiorque ejus  
natura adparet, dum internis solis,  
vel mixtis simul internis externisque de  
causis proficiscitur.* §. III. *Notabilis  
casus juvenis fæmina id demonstrans.*  
§. IV. *Examen questionis, num co-  
xendice affectâ, tumidâ, præsentem  
testatâ materiem, ampla apertura fa-  
cienda sit? Negatur in genere, & in  
specie.* §. V. *Examen Doctrinæ Hippo-  
cratis de coxare morbi naturâ, eventu,  
curâ; eâque occasione multorum ejus  
textuum expositio.* §. VI. *Curatio se-  
quentibus Hippocraticum &vis celebra-  
ta enarratur, discutitur.* §. VII. *Ratio  
cur, articulo coxae affecto, multi non  
curentur? Imò cur plures inde pereant?  
phthisis ischiadica.* §. VIII. *Laus cor-  
ticis peruviani cum lactea diatâ,*

*desperatis aliquando in rebus vitam  
sanitatemque restituenter, conservantis.*

§. I. **P**ERMULTÆ sese obtulerunt in Nosocomio occasiones coxarum morbos cognoscendi, quarum rationem jam dedi in singulis tomis *Rat. Med.* Cum verò frequens admodum morbus sit, novas observationes addam, quibus latens sæpè obscurusque morbus clarorem sui diagnosis postmodum præbere, tutiūsque curari possit.

Multūm sæpè & acriter utrinque disputari solet, quando femur post casum laborat, sitne os femoris luxatum tantummodo, an fractum? Et si fractum, utrūm ad epiphysin, an in cervice? Vel an in luxatione frangatur ligamentum teres, an verò possit sufficienter entendi, ut os aberrans sequatur? &c. Non est hujus loci ea enarrare quæ *Petit*, *La Motte*, *Heister*, aliique ad varios hos defectus internoscendos pulchra scripserint. Tractatum Chirurgicum non scribo, sed casus medico Chirurgicos in Nosocomio & alibi mihi observatos dun taxat communico. Hinc dixisse sufficiat vario admodum modo hæc se habere: ita ut. 1°. Cervix frangatur, ossis capite in acetabulo manente. 2°. Ut frangatur

epiphysis, & ab osse solvatur; maximè in junioribus: non tamen ita semper. 3°. Ut os femoris integrum luxetur, fracto ligamento tereti. 4°. Ut illud luxetur, hoc elongato, sed integro. 5°. Ut ipsum caput ossis cum acetabulo morbosè uniatur, & perfecta fiat eaque immedicabilis anchylosis.

In puerο decenni, robusto, luxationem introrsum, deorsum factam, perfectissimè restituimus; sed quo nobis curæ integritas patesceret, diuturno eum tempore in Nofocomio servavimus. Licet fortè rariore casu ligamentum fractum uniri denuò, elongatis utrinque fibris ligamentosis, possit; probabilius tamen est huic puerο luxationem integro osse, integroque, sed elongato ligamento tereti, contigisse; cum debitus ac constans articuli motus tam citò adfuerit.

Puer sex cum dimidio annorum sub ludibundo pedum exercitio dolorem percepit ad coxam dextram, cui brevi post tumor accessit. Trium aut fortè quatuor mensium spatio hæc ita perseverarunt, absque eo quod crus longius breviusque adparuerit. Deinde vero ad duos circiter digitos latos brevius redditum est. Vix septem mensibus ab origine

E vj

morbi elapsis, diarrhæâ, febre, convulsione periit. In cadavere vidimus caput ossis femoris ad crepidinem superiorem acetabuli locatum. Ligamentum teres omnino desiderabatur. Tumida admodum glandula in cavo acetabuli, ut caput ossis femoris intra illud excipi ultra non posset. Mira igitur contorsio, & inde nata inflammatio primùm adfuisse videtur, cum subsequente degenerazione *Haversiani* smegimatis, cum erosione atque consumptione tum ligamenti teretis, tum ligamenti dicti ad teretem accessorii, ex cavo acetabulo enati. (vide Schwencke Obs. de Lig. c. os. fem. connectente interno, ad finem Hist. Sang.) Unde demum caput ossis femoris ex cotulâ trudi ceprum, crus sensim brevius redditum, & integra, sed extensa adhuc capsula, idem caput ossis ad superiorem cavi acetabuli marginem applicatum.

Similem historiam in Nosocomio vidi mus puellæ 16. annorum, quæ qua tuor annis dolorum in coxâ prægressis, utroque cum crure æquali, tandem in cepit crus brevius habere, ita ut nunc ad tres digitos latos altero brevius sit.

Meritissimo ergo jure egregius *Petit*, postquam semel hinc deceptus fuisset,

scripsit part. 1. *morb. oss.* cap. 12. integrum luxationem natam se invenisse, ubi, bimestri ante spatio, signa evidentissima articuli duntaxat lœsi, haud verò luxati, affuissent. Videtur eodem præcisè modo id *Petito* contigisse, quo nobis nostris in casibus visum fuit.

Sed & aliud in Nosocomio observavimus. Puer duodecennis, à teneris claudicans, alio morbo mortuus, exhibuit nobis caput ossis femoris suo cum acetabulo firmissimè unitum; ita ut videatur à casu, aliâve violentâ causâ, semel nata contusio, inflammatio, suppuration, erosisse tam caput ossis, quam cavum acetabulum: unde demum effectum, ut ambo hæc in unum corpus penitissimè coaluerint. Genus igitur peculiare claudicationis, ab ankylosi ortum, quale quid etiam *Petito*, ad finem mox laudati capit is, contigit. Simul aderat ossis ischii versus interiora degeneratio; multum enim ibi eminebat in loco acetabuli.

Concludimus ergo in affectionibus ossis femoris, & articuli coxae, à causis externis ortis, diagnosin sæpè plurimum difficultatis, incertitudinisque habere; tum & inconstante in eamdem ideo esse,

quod lapsu temporis affectionum harum tota natura mutetur.

§. II. Verum non minorem ambiguitatem saepè infert hujus articuli affectio, quam vel causæ merè internæ, vel internæ cum externis combinatae produxerint. Mala nempe plurima hunc articulum occupant. Levior contusio, quæ fortè sine accendentibus internis causis non nocuisset; communis inflammatio; diathesis arthritica, rheumatica, scorbutica, venerea; metastases denique, morbos varios, teterrimosque, circa hunc locum frequenter generant. Multa exempla dedi *Rat. med. part. 1. cap. 7. pag. 76. part. 2. cap. 2. pag. 105. & ibid. cap. 8. pag. 181.* Et part. 3. toto capite 5. Hisce novam observationem adjungam, totum morbum dein dogmaticè tractaturus.

§. III. Puella 14. annos nata, spatio 7. septimanarum laborans febre intermitente, aut continuâ remittente ( id enim ex ejus enarratione ambiguum manet. ) emetico tandem dato, febre liberatur; toto interea corpore intumescens, & pellucidis, ad supernos infernosque artus, vesiculis plena. Quibus citra aperituram evanidis, mansit tumidissima.

Diureticis tamen & purgantibus inde ita curabatur, ut domesticos repetere quidem labores posset, sed tamen cum difficultate, ac lassitudine perpetuâ, utque testetur bonâ valetudine nunquam deinceps se usam fuisse. Transegit sic triennium. Postquam tumorem observare cepit ad externum latus femoris dextri, digiti circiter longitudine à crista ossis illei, versus os sacrum, & sesqui-digitum longitudine exinde dorsum versus, supra glutæum magnum. Dimissus sibi tumor sex integris mensibus, cataplasmate dein fortis, emolliatur, sponte aperitur, funditque puris serique multum, trimestri spatio; tandem adsperso ignoto sibi pulvere coaliuit: sic tamen, ut perpetuò doluerit locus, ipsaque postliminio in eundem incumbere non potuerit.

Catamenia ipsi 17. annum ætatis agenti observari cepta, continuarunt quidem, sed & parcè, & quovis alterno tertiove mense tantum.

Notandum porrò est quod, ante tumorem primò perceptum, iratus pater, magnâ vi, grave magnumque ligni frustum in illam ab eo fugientem projecerit, femurque dextrum percusserit, contuderitque. Quod quidem utrum

immediatè ante perceptum dolentis loci tumorem, an dudùm antea, contigerit, haud bene meminit. Ita ut dubium superfit, sitne tumor ex relictâ cacochymia natus, an contusione? Alteram fortè causam altera promovit.

Annos 19. nata, novum percepit antiquo loco dolorem, qui ignoto emplastro adposito ruptus, similem, ut olim, materiem dedit. Novembri mense 1758. ann. 20. attingens, tumorem deprehendit in medio postico femore sibi nasci, findi, purisque copiam magnam ad medium Decembrim usque effundere.

Anno 1759. Jan. 5. primùm me convenit, exhibens ulcera duo; unum loco superiore antea descripto, alterum in medio postico femore. In hoc stylus ultra pollicis geometrī profunditatem ferè perpendiculariter intrabat; in illud, pollicis medii. Os utriusque angustissimum, ut vix stylum admitteret: decursus totus fistulosum in profundioribus ulcus testabatur. Vagæ febres aderant.

Diagnosis incerta. Probabile erat cacochymiam antiquam, contusione externā ad femur determinatam, tumorem produxisse; vel si tumor dudùm

prætextitisset, eum contusione auctum fuisse. Quid autem propriè, quâve ratione lœsum hîc esset, signa non indicabant. Attamen cum omnibus suis ærumnis recta adhuc incedebat.

Ut diagnosis incerta, ita ambigua prognosis. Ut enim tomis hujus operis anterioribus demonstratum est, dum ad profunda coxæ femorisque, ejusmodi dolores ac tumores dudùm hæserunt, interiora passim destructa sunt, aut vehementer saltem lœsa, antequam materies prorumpat foras. Ex quo id contingere ibidem constitit, ut arte postmodum aperturam faciente, aëris accedat & homo pereat. Attamen rem se non tam desperatè habere semper, imò consequi salutem posse, etiam si interna jam pro parte erosa essent, felicia quædam exempla *Rat. med. part. 3. cap. 5.* enarrata demonstraverant.

§. IV. Indicatio in hujusmodi calamitatibus parvam facere aperturam jubet: *aperturam* quidem, ut materies interiora pessum dans foras alliciatur, expurgarique locus possit; *parvam* verò, quia aëris multùm accedens, citiore corruptione accelerare mortem solet. Unde aperturæ hæ & raro & cautè deligandæ sunt. Hîc porro cum parvam aperturam

natura fecisset, de aliâ faciendâ, eâdemve dilatandâ cogitandum non erat.

**A**n tamen latior apertura, arte factâ, non præstitisset, præ fistulis hisce binis, quæ sponte natæ tantillum modò de mali scaturigine auferrent?

Neutquam. *Primo* repetita toties experientia nos, aliosque, nocumenta latioris aperturæ saepè docuerat. *Secundo* styli sensim profundior, atque ad os demum ferè penetrans ingressus, vatabat certè omnia hîc percindere; vaginam femoris, glutæum maximum, bicipitis cruris caput longum, sub coquè nervum ischiadicum, tum arteriam venamque insignes, quæ ex magno trunco arteriæ ac venæ cruralium mox anteriùs, in inguinibus, oriuntur, deinde ad posteriora femoris penetrant; tandem & semitendinosum. Præterquam quodd vasa insignia ex cruralibus sese per adductores magnos femorum penetrantes, supraque eosdem decurrentes, hîc lædi possent. Anno 1756. Vexillifer in Nosocomio, suppurato femore & crure, indigebat ad medium femur posticum aperturâ. Ruinus autem adeò notabilis ibi decurrebat, ut fistendæ hæmorrhagiæ vix pares essemus. Metus igitur hæmorrhagiæ, convulsionis, claudicationis,

dilatare h̄ic latè profundèque, omnino  
veruit.

§. V. Quid ergo in ejusmodi malis,  
ubi à causis sive internis, sive externis,  
coxa vicinique ejus afficiuntur, agen-  
dum?

Lex Nosocomii nostri immutabilis est  
medicinam *Hippocraticam* facere, *Hip-*  
*pocratem* in omnibus, maximè autem in  
difficilioribus, consulere, consultum  
sequi; nisi posteriora observata, quod  
tamen ratus, illum jam correxerint, &  
emendarint. Erat igitur denuò speci-  
men juventuti medicæ dandum, quo  
caperet, quâ lege *Hippocratis* mentem  
investigare, vestigia premere debe-  
rent.

Occurrebat 1º. Aphorismus 31. sect. 4.  
Τοισιν καπωδιστροις τοισι πυετοσι, οι αρ-  
θροι, και ταραχαις των αστρων, ει συντηλε-  
γηντα. » Lassatis per febres abscessis  
maximè fiunt ad articulos & cicca ma-  
xillas. » Quotidiana quippe observa-  
ta docent his, qui à morbo febri aut  
acuto haud ritè jūdicantur, insituidines  
manere, sensuque gravitatis; à ma-  
teriâ, quæ vel admodum morbosa, vel  
saltem à sanitate aliena in corpore ober-  
rat, cum reliquis circumferrut humoris  
bus, & per multa vasa minima penetrare

nequit. Hæc ipsa materies, quamvis nonnunquam febres, sive inflammatorias, sive hecticas letalesque producat, sœpe tamen ad parotidas, coxasve, aut ad alias partes metastaticè defertur. Incertum porrò, quandiu hæc sit oberratura in corpore materies, antequam ad loca certa deponat se. Incertum etiam an non eos affectura sit locos, qui affecti, vel partium quæ afficiuntur, vel totius corporis, inferant perniciem. Posse nonnunquam diù humoribus mistam manere, cumque iisdem circumduci, & experientia pluries in Nosocomio docuit; & peculiariter de metastasi ad coxam observasse *Celsus* videtur *Lib. 4.*

*Cap. 22. de Coxarum Morbis:* » eoque id genus, inquit, difficillimè curatur, quod ferè post longos morbos vi pestiferâ huc se inclinat: quod ut alias partes liberat, sic hanc ipsam quoque affectam prehendit «.

Attamen in hac incertitudine *Hippocrates* indefatigatâ suâ observandi industriâ eo pervenerat, ut præsciret an non brevi tempore oberrans hæc materia ad certò determinatam partem appellaret? *Aph. 32. Sect. 4.* » Quibus ex morbo resurgentibus aliquid dolet, ibi abscessus fiunt. » Materies quippe

ad certam corporis regionem deferri cepta, quæque per minima ibidem vasa penetrat inepta, extendit eadem, nervos subjectos interpositosque premit; hinc tunc perceptio doloris. Porro dolor ille, descripto rerum in statu, innuit hujus impulsionis primordia ponit, adeoque futurum monet ibidem abscessum.

Imò in his lassitudinibus post febres relectis, locum ipsum prædefinire, etiam ante natos dolores, audebat *Hippocrates*, Aphor. 33. sect. 4. « Sed etiam si » quid doluerit ante morbum, ibi se » figit morbus. » Etenim si homini pars quæpiam ante morbum doluerat, bonâ crisi ea quoque sanesceret: crisi vero imperfectâ prægressâ, timendum nunc erat, ne heterogenea materies, lassitudines post febres efficiens, eum peteret locum, qui ex antiquiore dolore jam obstructus, hincque debilitatus, et assiori morbosæ materiæ transitum non cessariò denegaret.

Sic Epid. 7. Sect. 7. apud Foës. pag. 1193. morbos circa brumam ortos describens, tusses nimirum, peripneumoniam, anginas variæ speciei, & paraplexias « anginæ autem, inquit, & » paraplectica mala, aut dura & siccæ

» erant; aut parva, & raro maturum  
 » eduentia. Nonnullis vero etiam mul-  
 » tum educebatur. Qui ergo plus voce  
 » male habebant, aut rigore corripie-  
 » bantur, iis tuffes in anginas potissi-  
 » mum definebant. Qui vero manu  
 » ægre habebant, manibus tantum re-  
 » soluti fuerunt. Qui autem equitarunt,  
 » aut plurimum viæ confecerunt,  
 » *καὶ αλλοι τοῖς οὐσίαις τακάσια φυγαρτίς,*  
 » τυτείστη τέ εἰσιν, *καὶ καθετοί, ἀκραποι*  
 » *ταφαωτριγκαῖ*, aut alioqui cruribus  
 » male habuerunt, iis lumborum, aut  
 » crurum impotentiæ ex resolutione  
 » obortæ sunt, & ad femora tibiasque  
 » laxitudo ac dolor ».

Epid. 4. pag. 1132. « *Apemanti so-*  
*roris filius tumida præcordia, & lie-*  
*nem habuit. Crebra spiratio erat, alvi*  
*egestio glutinosa, & biliosa, quibus-*  
*dam excrementis permistis. Κοτιαδης*  
*εἰξεπώνει, cum ex opere defatigatus*  
*esset, 20. die abscessus in pedes decu-*  
*buit, idque ex judicatione, quā de-*  
*lassatis ejusmodi, non ad oculum*  
*verbi gratiâ, sed ad articulos, abs-*  
*cessus decumbat ».*

Idem observaverat in aliis generis  
 metastasibus, v. g. iis, quæ, post im-  
 manem tuſum cefſantem, partes para-

lyticas redderent. Epid. 4. 1138. " In  
 » tussibus iis quidem, qui manibus la-  
 » borant (male habebant) velut *puero*,  
 » qui sarmenta contorquebat, & *Amyn-*  
 » *thæ* filio, ubi utriusque solius dextra  
 » resolutio contigisset, cessabat tussis:  
 » postquam enim tussiverant, hâc affec-  
 » ti sunt. Qui verò aut equitarunt, aut  
 » pedibus iter fecerunt, in lumbis &  
 » femoribus eam senserunt ".

Itaque, secundum *Hippocratem*, ju-  
 venculæ nostræ ideo ad coxam materies  
 decubuit, quod suo in famulatu pedi-  
 bus, unà cum toto corpore delassatis,  
 multum uteretur; quodque etiam con-  
 fusio ad eundem locum contigisset. At-  
 que hæc de *Hippocratica* diagnosi ac  
 prognosi: examinanda jam ejus curatio  
 est.

Epid. 4. pag. 1127. " *Moscho* nono  
 » die largus ex nare sinistrâ, paucus  
 » autem ex dextrâ, sanguis effluxit. In  
 » 14. diem, prout debebat, judicatio  
 » ab initio commovebatur. 17. Die er-  
 » rata in ciborum ratione contingebant.  
 » 19. noctu enatum est ad aurem dex-  
 » trum tuberculum parvum, intus du-  
 » rum, foris paulum molle, dolorem  
 » inferens, nec remittens. Purgatione  
 » rejecta sunt admodum biliosa, puru-

» lenta, sepiæ attramento maximè similiæ. Neque secus, ac is, cui admota » cucurbitula, cum dolor ad coxendi- » cem esset, in crus descendit, alleva- » tus est «.

Nimirum *Moschus* acuto morbo com-  
muni laborabat, quem dies 14. pro par-  
te judicaturus videbatur, atque dies 17.  
integre fortè judicasset, nisi diætæ erro-  
res hanc naturæ intentionem & cona-  
tum interturbassent. Hinc die 19. fortè  
finiente, aut 20. inchoante, metastasis  
ponè aurem contingebat; haud tamen  
cum totius morbosaæ massæ eò versùs de-  
terminatione, siquidem constet ejus-  
demmet portionem intestina petivisse.  
Attamen *Hippocrates* cutam hujs me-  
tastaseos eodem modo perfecit, quo  
ejus, qui metastasin patiebatur ad co-  
xam; nempe cucurbitalis.

Et pag. 1128. » *Qui ex figulino equo*  
» *decidit*, cui nec illicè admota est cu-  
» curbita, *ἐκρύψεται*, intus ustus est,  
» ac die 20. malum recruduit; sangu-  
» nis profluvia fæculenta, & erodentia  
» prodierunt «.

Epid. 5. pag. 1143. « In *Œniadis Eu-*  
» *polemus* coxendicis & inguinis do-  
» lere conflictabatur, ut & in toto loco  
» propinquæ coxaæ juncturæ, ab ingui-  
» ne,

» ne, & anteriore coxendicis parte.  
 » Huic sanguis ex malleolo detractus  
 » est, admodum multus, nigerque  
 » idem, & crassus: epoto autem medi-  
 » camento alvum deorsum purgante,  
 » multum purgatus est, & melius qui-  
 » dem ei aliquâ ex parte fuit. Dolores  
 » verò non cessabant, sed tum coxen-  
 » dicem, tum illius juncturam, tum  
 » cochonam » (cochone est illa pars  
 tota superioris femoris anterior, poste-  
 riorque, quæ est à cristâ Illei & Pube,  
 usque ad extremum Tuber ossis Ischii,  
 cui insidemus. Vid *Gorræum in Def.* &  
*Foës. in Econ.*) « tum etiam inguinis  
 » loca, suppuratio occupabat, ibique  
 » dolor erat intensior. Pus autem os,  
 » potius quam carnem pervadebat, &  
 » aliquandiu sic se habere ignoraba-  
 » tur, donec admodum debilis extite-  
 » rit ».

Tandem crustis valdè multis, iisque  
 » magnis ac densis, inustus est, pus-  
 » que multum & crassum effluxit, ac  
 » paucis post diebus interiit; tum ex  
 » ulcerum magnitudine & multitudine,  
 » tum ex corporis debilitate. Hic vide-  
 » batur sanari potuisse, si unicâ amplâ  
 » sectione sectus fuisset, & si per eam  
 » sectionem pus effluxisset: aut si alterâ

» sectione opus fuisset , amplam eam  
 » facere : & hæc omnia à τῷ ἡρῷ , ido-  
 » neo suo tempore , instituere oport-  
 » tuisset.

» *Lyconi* in *Eniadis* in reliquis qui-  
 » dem eadem contigere , dolores ta-  
 » men ad crus non admodum pervade-  
 » bant , neque purulentus extitit , ve-  
 » rūm sanus longo intervallo. Medica-  
 » menta autem ebibebat ( πάμπα , me-  
 » dicamenta purgantia ) & cucurbitulas  
 » admovebat , sanguis mittebatur , at-  
 » que interea melius habere videba-  
 » tur.

» *Larissa Scamander* coxendicem  
 » syderatam habuit ( ἵσχιον εσφακένειτο ,  
 » coxendicem sphacelatam habuit ), &  
 » os diù disparatum αἰρεσίν. Hic post  
 » magnam sectionem , etiam usque ad  
 » os ipsum factam , denique inustus est ,  
 » ac tum 12<sup>mo</sup>. post sectionem die con-  
 » vulsio cœpit , ac magis detinuit.  
 » Convulsione autem tentabatur crus  
 » ipsum ad latera usque , quæ ad alte-  
 » ram etiam partem perveniebat. Crus  
 » autem contrahebatur & extendeba-  
 » tur , cæteraque membra movebat , &  
 » maxillæ riguerunt. Hic , octavo post  
 » convulsionis insultum die , convulsi-  
 » o ne periit. Utriculis vero concalefac-

» tis, ex orobis, ervis, ad curationem  
 » totum corpus fovebatur, & ab ene-  
 » mate paucum sterlus tandem produxit.  
 » Medicamentum sinceram bilem affa-  
 » tim disturbans, φαρμακον κατακορεσ,   
 » bibit, & repetivit. Ac secessit qui-  
 » dem alvus, nihil autem opis inde tu-  
 » lit. Somnus parvus venit. Rursusque  
 » epoto sub vesperam valido medica-  
 » mento, sinceram bilem affatim de-  
 » turbante, sub ortum solis mortuus  
 » est. Εδοκει δε αι πλειστα χρόνοι διενε-  
 » κειν, ει μη κατὰ τας φάρμακα τιλίχυν.  
 » Videbatur autem longiore tempore  
 » morbum latus fuisse, nisi propter  
 » violentiam remedii periisset ».

§. VI. Ex his cunctis liquet summam  
 horum malorum curam priscis in eo  
 positam fuisse, ut internis externisque  
 auxiliis materiem à coxâ revellerent.

Ac 1°. quidem sectio & ustio fre-  
 quenter adhibebantur, spemque curæ  
 ipsis semper magnam videntur fecisse.  
 Ita ut quemadmodum pag. 118. ani-  
 madvertebamus, mortem *Eupolemi* ad-  
 scripsit *Hippocrates* debitæ ac tempes-  
 trivæ simulque profundæ sectioni ne-  
 glectæ. Itidem legimus pag. 1151. edit.  
*Foës.* *Hippocratem Cyrenii, & Hecastonis*  
*mortem, tardius factæ inustioni adscrip-*

sisse. Imò utrumque hoc extremum remedium simul adhibitum fuisse docuit *Scamandri* mox data historia. Sectionem unam, latam, amplam, quandoque pluribus parvis prætulisse magnum virum, casus *Eupolemi* manifestat. Sed simul partibus iam sphacelatis hanc methodum non profuisse, nimiā iam factā internorum destructione, antequam malum foras se verteret, *Scamandri*, aliorumque exempla, luculenter demonstrant.

Sectiones itidem hæ atque inustiones leguntur quidem ad os usque factæ, at in sphacelo tantum, ubi vel nihil, vel profundissimè secandum esset, & ubi mors cæteroqui certissima instaret. Cæterum amplæ ac latæ, haud verò nimis profundæ, instituebantur, & à subsequentium sæculorum medicis institutæ leguntur.

Hinc *Celsus Lib. 4. cap. 22.* inustionem duntaxat superficiariam commendare videtur: » ultimum est, inquit, » ( & in uteri morbis quoque efficacissimum ) tribus aut quatuor locis super » coxam, cutem carentibus ferramentis exulcerare ».

Legitur quidem *Hippocrates Lib. de int. aff. cap. 53. apud Chart. Tom. 7.*

pag. 677. jubere ischiadicis « πολλὰς  
 » ἐσκαράς, καὶ ξεσίας καυσί, escharas  
 » & multas & profundas inurere; » sed  
 ideo profunditatem ad os usque intelli-  
 gere non videtur. In obesis certè potest  
 profunda ustio esse, quæ tamen adipem  
 vix omnem penetret. Imò os ipsum vi-  
 tari oportere laudato mox loco innuit  
*Hippocrates*, jubens » escharas multas  
 » profundasque inurere in osseis qui-  
 » dem partibus fungis, μυκησι; in  
 » carnosis verò, ferramentis. » Et alio  
 hujus libri loco jubet inuri modò lino  
 crudo.

*Prosper Alpinus Libr. 3. de Med.  
 Ægyp. cap. 12.* innumeras Ægyptio-  
 rum curas, cauterio plurimis in morbis  
 peractas, enarrans » hinc mirum, in-  
 » quit, non est, si prosperè hoc reme-  
 » dium in omnibus articulorum dolo-  
 » ribus curatu difficilioribus experium-  
 » tur; potissimumque in coxendico  
 » dolore multas ustiones, non modò  
 » supra articulum, sed etiam supra fe-  
 » mur, facientes. » Gens porrò illa, ut  
 idem refert, inustiones facit gossypio,  
 linteo involuto, filis sericis compresso,  
 in conum formato, perpendiculariter  
 perforato, cuius coni perforati basin lo-  
 co inurendo apponunt, interea dum in-

cendant apicem. Unde etiam superficia-  
ria videtur eorum ustio esse. *Paræus*  
*Lib. 18. Cap. 28.* ad digitum ( lati procul  
dubio ) profunditatem locum hunc inu-  
ti jubet , idque tribus , quatuorve , di-  
versis per ambitum articuli plagis ; » ca-  
vendo , inquit , ne nervi lœdantur. »  
Cæterū ratos invenimus , qui ad os  
usque inuri locum jubeant , *Tulpium*  
*Lib. 3. cap. 26. Deckers Exere. pract.*  
*Pag. 34.* aliosque paucos , si exce-  
peris.

Referenda huc famosa *Moxa* , sive  
*Artemisiæ Lanugo* , quam *Indi* parant.  
Agit nempè , quo priora , modo. Vim  
enim artemisiæ peculiarem hīc non  
agnoscimus. *Olaus Borrichius* dudùm  
adverterat majorum virium in ischiade  
curandā hanc cum artemisiâ factam  
inustionem non esse , ipsis vesicantibus.  
Et si , quæ pro & contra scriptitata fue-  
rint superiore sæculo , apud *Bonetum*  
*Med. Sept. Tom. 2. Lib. 6. Secl. 5. cap*  
*de Arthrit.* attentè pervolvimus , abun-  
dè convincimur hoc auxilium , adeò  
olim decantatum , tam caro pretio solu-  
tum , præ reliquis inustionibus nihil sin-  
gulare habere.

2°. *Cucurbitas Hippocrates* hīc im-  
pensè laudat ; laudarunt omnes post il-

lum autores. Iteratâ harum actione, re-vulsio necesse est ab interioribus versus exteriora fiat. Continuò enim magnam in molem elata integumenta, humores huc undique alliciunt: spesque sic fit, fore ut hâc lege & moveatur, & attrahatur, quæ profunda in sede locabatur, morbi materies. Idque revera fieri, innumera testantur exempla.

Ad inuistiones & cucurbitas, meritò referimus lata *Vesicantia* nostra. Clarissimus *Boerhaave* aiebat sèpiùs nobis, si vellet arcanum quoddam vendere, id fore rectas, & sub alia specie occultatas cantharidas, in ischiadicis. Hoc remedium emplastri formâ, palmâ manûs majus, adplicabat coxæ, & dein, post ingentem vesicam contractam, auferebat, vulnusque percurabat: dolore non abeunte, repetebat idem octiduo post; idque aliquoties ad tertiam, quartamve vicem: quamvis raro id sibi contigisse testaretur, ut quarto emplastro indigeret. Innumeri sunt, quos in Nosocomio hâc methodo ab annosioribus hisce exumnis percuraverimus. Hec autem cura vix obtinet ubi locus spontè exulceratur; ut in casu juvenculæ nostræ; quamvis etiam in ambitu ulcerum semel iterumque explorata fuerit.

3°. Laudavit hīc *Hipp.* *Vena Sectio-*  
*nes.* Nec datur ferè autor, qui eamdem  
 haud commendaverit revellendi ani-  
 mo, si indicatio utcumque vel juberet,  
 vel permitteret. In initio tamen proficia  
 magis futura, quām progresso malo,  
 videtur.

4°. *Purgantia & Clysmata* adhibuit,  
 postque ipsum omnes. Præter revulsio-  
 nis intentionem generalem, veteres vi-  
 debantur quid peculiare ab his remediis  
 expectare; saltē ab enematibus. *Dios-*  
*corides* clysmata hīc applicabat ex acer-  
 rimis omnium purgantibus. An anato-  
 me hanc veterum experientiam forsitan  
 confirmat? Arteria natum *Winstlowo*  
*dicta*, producit hæmorrhoidalem inter-  
 nam, aliam omnino ab iis arteriis, quas  
 vulgo hæmorrhoidales internas appel-  
 lare consuevimus; simulque dat ramum  
 ad articulum femoris; imò dat ramu-  
 los qui interiorem substantiam perrep-  
 tent nervi ischiadici. Præterea ramus  
 primus arteriæ pudendæ internæ dat  
 ramos hæmorrhoidales internos, &  
 ramum anteriū posteriusque decurren-  
 tem supra cervicem ossis femoris. Atque  
 hæc de communibus arteriis; si autem  
 nervos contemplemur, à nervo ischia-  
 dico, pelvi egresso, ramus proficitur,  
 qui anum petat.

5°. *Chliafsmata*, sive *Fomenta tepida*, egregii usūs deprehendere, cum *Hippocrate*, medici omnes; maximè si cum farinosis in cataplasma redigerentur. Conabantur hinc omnia laxare, & per laxatos poros acres adigere stimulos. *Dioscorides* in ischiadicis miscuit cataplasmati radicem scatmonii, ipsamque colocynthidem. Nullus ferè autor est, qui peculiare quoddam acre hic non commendaverit. Videte *Prosp. Alp. Med. Meth. Lib. 9. cap. 5. Forest. Lib. 29. Obs. 22.* in *scholio*. Ischiadis subita admodum curatio describitur à *Boneto Med. sept. Tom. 2. pag. 575.* partem affectam primò probè fricatam, igni dein expositam, fovendo hoc linimento. Rx. Sapon. ven. rasi unc. 1. Aq. Reg. hung q. f. deinde fricando unguento, quod ex ung. Alth. Thereb. & Ol. Lumbr. pararetur. Egregium belli ducem *Hagæ Batavorum* iteratis vesicantibus frustra ferè vexaveram. Semicuratus iter suscipere debuit. Loco, quo perrexerat, quietus, ferendo dolori non erat. Matrona consulit totum quantum femur involveret emplastro quod ex pulvere mastiches cum spiritū vini f. q. pararetur. Adplicuit, dolore immunis *Hagam* rediit, rem mihi patefecit totam.

Desperatis pluribus hoc consilio profui. *Calx viva cum melle*, vel cum unguentis quibusdam mixta, plures egregias curas mihi edidit.

6°. *Frictiones tum sicca, tum humida, rebus penetrantissimis institutæ, pertinaciter continuatæ, sæpius utilissimæ inventæ sunt; ut jam exemplis ad N°. 5. patuit.*

7°. *Thermas commendant, laudantque plures. His curari multos, multos minimè compertum est. Plures vidi qui Aquisgranensibus, qui Badensibus, &c. usi, vel nihil lucrati essent, vel in pejus versi. Laudat tamen Schultetus proprio exemplo suo virtutes balnei Thalfengensis, vulgo *Gesundbrun*, in agro *Ulmensi*: cuius usu ischiadicò dolore, aliis quidem remediis olim cedente, sed tamen iterum redeunte, jam à novennio carrebat. Embroche in desperatis semper tentanda est, licet habeamus, quibus non profuerit; prodest tamen aliquando.*

8°. *Fonticulos & veterum multi, & usus hodiernus, sæpè salutares invenerit. Irritatio est perpetua, perpetuusque revellens effluxus.*

§. VII. Veruntamen in cunctis hisce tum veterum, tum modernorum methodis adhibendis, Prognosis ferè sem-

per incerta est: cum natura mali nos prorsum lateat; nec nisi ex effectibus, &, ut aiunt, à posteriore, nobis sèpè manifestetur. Considerentur varii tantummodo, qui afficiuntur, loci! Prava materies hæret fortassis in cute modo, vel in panniculo adiposo, vel in fasciâ latâ, vel in involucris muscularum superiorum inferiorumve, vel in involucris ischiadici nervi, vel in periosteo superioris partis ossis femoris, vel in periosteo ossis ischii, vel in osseâ parte acetabuli, vel in capsâ ligamentosâ articuli, vel in cartilaginibus seu os, seu cavum acetabuli incrustantibus, vel in glandulâ magnâ, vel in ligamento tereti, ejusve sive alterutrâ, sive utrâque origine, vel denique in pluribus harum partium simul. Deinde ad locatum varia etiam multiplex adpellit materia. Est enim serum acre podagricum, rheumaticum, scorbuticum, venereum; si locus primariò afficiatur: vel est ichor, sanies, pus, acrimonia jam exposita, metastaticè huc aliunde delata: vel est materies genita ex prægressâ loci hujus communi inflammatione. Quæcumque jam materies sit, si non corrumptatur, si eliciatur extrorsum, si nova non succedat, si nihil intùs dextruxerit,

integralē potest admittere curam. Si verò expulsam priorem vova subsequatur, recidivas facit, curasque inconstantes. Sed enim verò si corrumpatur, diūque ibidem hæreat, cunctas hīc partes pessumdet necesse est. Ita vidimus in Nosocomio nunc ipsos musculos, nervosque putredine liquatos; nunc os femoris cariosum; nunc laceram articularem capsulam; alio tempore acetabulum cariosum fractum; aliâ vice caput ossis totum, eroſo ligamento, extra acetabulum; iterum acetabulum destrucrum totum, ita ut vel illud solum, vel & os ischii, & os sacrum, & vertebræ lumborum, carie consumerentur; nunc iterum perfectam ossis femoris cum acetabulo anchylosin, &c.

His ergo omnibus, quæ ad variam morbi sedem, variamque materiae naturam spectent, consideratis, minus mirabimur tam curas inconstantes, quam casus desperatos: erimusque in prognosi cautores, cum morbus toties fallat nos. Quid dicam! cum ipsum *τὸν οὐρανόν* fefellerit *Hippocratem*. Juvat textum adducere ex Epid. 5. pag. 1151. « *Hecafoni* » in *Omilo*, ex corporis impuritate, » & pravâ ( seu intempestivè datâ ) » purgatione, gravis in coxendicem.

» dolor incubuit. Quo quidem demit-  
 » tente febribus correptus est, diuque  
 » lectulo decumbens, neque bibebat  
 » quidem, neque sibi bat. Debilis qui-  
 » dem erat, & crebro inhorruit. Huic  
 » probè quidem, ut conveniebat, mor-  
 » bus sublatus est; corpus autem ex  
 » oblatis opem percipiebat » igitur  
 videbatur laborasse *Hecaston* phthisi verè  
 coxariā, hecticas febres, cum frequenti  
 horrore, & magnâ debilitate, inducen-  
 te. Morbo liberari visus est, viresque  
 deperditas bellè recuperare, ut jam sa-  
 nescere videretur. Sed an sanus factus  
 est? « Tandem, ait, morbus per infe-  
 » riora erupit, ac totus cum multâ bile  
 » secessit, & mente motus interiit. »  
 Ergo morbus lucido quodam intervallo  
 latuerat, & veluti curatus habebatur;  
 & quidem ita, ut *Hippocrates* subjun-  
 gat, „ ἐδόκε δέ τις εἰρηνεῖ τὸ νοσήμα,  
 » *Hecaston* videbatur morbo emergere,  
 » εἰς morbo evadere. » Sed interea tan-  
 dem morbus per inferiora secessit, occi-  
 ditque *Hecastōnem*. Id quod phthisicis  
 solenne est, ut diarrhæā colliquante  
 pereant. Hujus *Phthiseos Ischiadicæ*  
 exempla plura præcedentibus tomis  
*Rat. Med.* dedi, morte passim termina-  
 tæ. Diarrhœa hæc colliquans latenter

154 RATIONIS MEDENDI  
promota *Eupolemon* occiderat , pag.  
1145.

§. VIII. Haud omnium tamen in hâc phthisi ischiadicâ sortem æquè desperatam esse , binis exemplis luculentis *Tom. 3. Rat. Med. cap. 5.* clarè vidi-  
mus. Ipsissimaque juvencula , cuius ca-  
sus totum hoc caput genuit , eâdem ,  
quâ illæ binæ , methodo ; lacteâ scili-  
cet diætâ , cum largo corticis peruviani  
usu ; huc usque bene se habet , ulcere  
lympham modicam exsudante. lym-  
phæ autem hujus inde revellendæ cau-  
sâ , fonticulus incisus est. Hoc tempore  
totosa , robusta , duros labores indefati-  
gata perficit , idque jam trimestri spatio.  
Cæterùm spones herbæque saponaceæ  
atque antiscorbuticæ dictæ , si largissimè  
sumantur , egregium usum habent , ubi-  
cumque spes resolutionis aliqua supe-  
rest.



## C A P U T V.

DE APOPLEXIA ET NERVORUM  
MORBIS.

§. I. *Variae causæ remotæ apoplexiæ unam modò eamdemque causam proximam facientes; cadaveribus sc̄ctis demonstrentur; simulque præcticè differitur circa apoplexiā, sive desperatam, sive sanabilem, ex causarum expositarum contemplatione.* §. II. *Examen causæ cur toties apoplexiā aut generet paralysin, aut ipsum sequatur? Eâ occasione ostenditur causam eamdem proximam in decem v. g. hominibus, decem varios cerebri nervorumque gignere morbos. Ideoque quid iidem hi morbi commune inter se, quid diversum habent, & quinam demum ex illâ diversitate effectus diversi producantur, examinatur.* §. III. *Reperitur tamen ab omnibus hisce catalepsis maximè ab ludere; cuius miræ historiæ enarrantur, examinantur, magnamque partem inexplicabiles declarantur: quâ occasione etiam aliquid de somnambulis.* §. IV. *Examen questionis, cur cerebro uno in latere affecto, opposi-*

*tum latus paralyfis prehendat? Affer-  
tio hæc justos entra terminos limitatur  
contrariis observationibus. De lymphâ  
cerebri non concrescibili.*

§. I. **N**ON NULLOS morbos repe-  
rire est, qui sæpiùs licet visi, inspectif-  
que demonstrati cadaveribus, repetito  
tamen frequentiùs examine, medici-  
nam magis illustrent magisque: quos  
inter apoplexiam eique affines morbos  
meritò recensemus; de quâ porrò, ut  
quid dignè proferamus, primò histo-  
rias morborum varias, cadaverumque  
sectiones præmittemus.

Anni currentis 15. Aprilis, fæmina  
102. annorum habita, in Nosocomio  
*civico extenguebatur. Cadaver petieram,*  
fati senilis prospectum auditoribus da-  
turus. Exp. Nosocomii illius physicus  
*Erndl* sequentem primò dabat anamne-  
sin: autumno elapso febrim continuam  
passa erat, hyeme diarrhœam. Aptis  
restituta medelis, viribus tamen sen-  
sim defecit; ut lectulo perpetuò affixa,  
cardiacis semper fovenda esset. Brevi  
ante mortem, *en*, inquit, *moriō*;  
sumpto autem cardiaco: *gaudeo*, ait,  
*denuō me recolligo*; simulque definit vi-  
vere. En jam quæ dabat anatome!

Musculi abdominales foli quidem tenuatissimi; cæteri verò musculi omnes tendinesque femorum, surarum, colli, dorsi, omnino carnosí, torosí, pinguedinosí, ut in ætate mediâ. Egregia omnia viscera ventris. In thorace itidem boni pulmones; cor, vasa majora, ut in homine sano 30. annorum, se habebant. Haud igitur quod expectaveram & demonstrare gestiveram, inveni: inveni autem quod non cogitaveram. Intra cranium nempe, ubi cerebrum totum minimè siccum, sed maximè naturale erat, crux ater, spissus, effusus erat sub piâ matre, ad lobum posteriorem sinistrum ita quidem, ut cavum, pollicem capiens, in hoc lobo expleret.

Est apoplexiæ species, solo spirituum defectu oriunda, quæ huic fœminæ jam pluries intentaverat mortis minas cum paucâ tamen quantitate spirituum, ope cardiacorum, tum replentium, tum excitantium, refecta, vitam protraxit. Jam verò effusus crux subjecta pressit. Cranio enim semper exactè pleno, pressio grumosi sanguinis in lobo posteriore cerebri removebat à se per ambitum lobi substantiam; ea remota substantia premebat vicina sibi, atque ita com-

pressio progressa videtur ad ipsam usque medullam oblongatam : quo demum factum , ut pauca illa spirituum copia , quā debilis hæc vita eosque sustentata protractaque fuerat , interciperetur , eaque interceptâ , mors adesset . Utrum nunc sanguis sensim ibidem colligi ceterit , an effusus recenter fuerit , incertum : posse tamen subito ante mortem effundi sequentibus demonstrabitur .

2. Die 19. Febr. ex eodem Nosocomio adferrebatur mihi cadaver senis , qui , stremus semper helluo vini , eodem feso triduo ante mortem ita impleverat , ut in ipsâ ebrietate apoplexiâ tactus , bidui spatio extingueretur .

Dura mater bona , tota vero pia dicta aneurysmatica & varicosa omnino fuit , idque non in superficie modo , sed inter omnes cerebri anfractus seu volvulos , & inter utrumque hemisphaerium , potissimum vero ad tempora . Ventriculus anterior cerebri sinister gromosi sanguinis eam habebat copiam , ut commune cochleare expleret , dexter dimidium paulo fluidioris . Cerebelli pia mater , maximè sinistri , ut ea cerebri , se habebat .

Alcoholis est , dum sanguine suscep-  
tum circumducitur , illum rarefacere .

Spatium igitur majus occupantes humores, vasa extendunt, dilatant, simulque eadem dilatata, quod vehementem stimulum circumferant, in validiorem adigunt actionem. Repetitâ multoties hâc actione, debilitantur sic vasa, ut communi & tranquillâ humorum circulatione languidè tantum reagant, nec nisi stimulo repetito debitè suos propellant humores. Sed demonstratum est repetitâ rarefactione humorum vasa debilitari. Ergo quò sàpiùs necessarius est stimulus, ut torpor vasorum excitetur, èo frequentius eadem rarefactio, vasa extendens, causam debilitatis adauget. Et hinc demùm tristis illa necessitas vini spirituumve, copiam sensim augendi, cum vasa de die in diem debiliora, à consuetis ultra non affiantur. Hinc sensim homo ita flaccidus adparret, ut, qui DEI est imago, jam referat *Bacchi* simulacrum. Hinc igitur capimus cur arteriæ venæque piæ matris aneurysmaticæ ac varicosæ fiant: id quod videtur tolerari utcumque posse, absque eo quod vasa dehiscant, quia æquabiliter sustinentur; at in ventriculis cerebri alia res est. Vasa innumeræ plexûs choroidei possunt pro momento sine resistentiâ esse, si plus lym-

phæ ex iisdem resorbeatur, quam in illos influit. Vel si id non sit, saltem vasa in toto vel liquore perpetuo sita, debilitari ac dilatari, predictis internis de causis ita queunt, ut facile descant: præterquam quod acrimonia in his corporibus nata, acrem ventriculis lympham instillet, quæ eadem vasa corrodat, facileque dissolvat. Hinc demum effusio sanguinis. Hinc ventriculi sanguine turgidi totum cerebrum ac medullam oblongatam comprimunt. Hinc capimus unciam sanguinis, intra cranium effusam, inter apoplexiæ causas ab authoribus jure referri.

3. Sartor ss. ann. 9. Aug. 1757. terrore, mætore, gravique ita corruptus, cubitum sanus petit. 10. Aug. evigilans deprehendit se toto latere dextro tumidum, ac paralyticum; idque haud in crure brachioque solis, verum etiam in genâ & linguâ; ita ut loquens non intelligeretur. Vena ipsi mox secta est, & quæ reliqua artis erant adhibita; tandem trigesies balneo *Badensi* usus est. Quibus omnibus id effectum, ut tumor partium demitteret quidem, & cruri quisquam rediret motus; paralysis vero eodem perseveraret cæteris in partibus modo.

Primâ vice illum vidi 9. Junii 1758.  
eumque ab illo die ad *Machinam Electricam* adhibere cepi. Est idem ille, de quo *Rat. Med. Part. 3. cap. 6. N°. 11.*  
Mense Januario 1759. in lecto jacens,  
expeditè poterat brachium digitosque  
movere; extra lectum verò minus. Ha-  
bent id plures paralytici, dum incipiunt  
emendari. Sustentatis partibus, obscu-  
rus qui redierit muscularis motus, eos-  
dem facilius movet, quam si pendente  
brachio musculi totum brachii pondus  
simul sustinere attollereque debeant.  
Junio mense vox distinctior, tanquam  
que pedis motus, ut solus, sine scipione,  
magnam circumainbulet aulam.

Nonā autem Junii, ad secundam po-  
meridianam *Machinae* accedens, dixe-  
rat famulo Nosocomii quidem sibi be-  
nē non esse, nobis verò nihil, nisi ad  
10. fortè ictum. Ducebatur illicò in  
lectum, ut parùm quiesceret, utque  
quid ipsi deesset examinarem. Illicò ma-  
gnam præcordiorum anxietatem con-  
querebatur, & intra dimidiæ horæ spa-  
tium mentis compos ultra non fuit.  
Frustra vena secta est; frustra injectum  
enema adhibitaque vesicantia. Deglu-  
titio sublata prohibuit usum medica-  
mentorum. Intra quadrihorium expi-  
gavit.

In cadavere dura mater à latere si-  
nistro sinūs falciformis cum cranio con-  
creverat, ibidemque crassa ac dura erat.  
In sinistro cerebri hemisphærio, potis-  
simū ad latus, vericosissima eadem  
erat, in dextro autem parūm tantūm.  
Eādemque in plāgā, quā dura mater  
cum cranio cohærebat, etiam arctè coi-  
bat cum arachnoideā ac piā membranis.  
Sub arachnoideā in posterioris lobi  
cerebri parte priori & levā, lympha  
splendens hinc inde subrubella adpa-  
ravit. Eadem lympha coagulata, tremu-  
la, conspiciebatur in lobi hujus poste-  
riore plāgā, maximè inter medullæ vol-  
vulos, supra piā matrem. Cæterū,  
niger sanguis videbatur omnes medul-  
læ gyros volvulosve per totum ence-  
phalon sejungere; id quod adhuc adpa-  
rebat, profundioribus sectionibus jam  
medullæ bonā parte ablatā. Ventriculus  
sinister anterior, sive superior dictus,  
& amplissimus omnino erat, & tum co-  
piosissimā rubellā aquā, tum grumofo  
sanguine plenus fuit; dexter verò ejus  
compar suam & amplitudinem & lym-  
pham naturalem habuit. Ventriculus  
quartus, amplius, copioso ac coagulato  
sanguine distentus erat, usque ad for-  
amen magnum ossis occipitis.

In sinistro cerebri hemisphærio quæ enarrata vitia sunt, ad paralysin dextri lateris explicandam sufficiunt. Vitia ventriculi quarti ad apoplexiā, eamque tam citò letalem, intelligendam quoque facere videntur. Exposueram ad ægrum II. quo pacto in plexu cho-roideo vasa rodī, rumpique possint, ac sanguinem suum intra ventriculos cerebri anteriores effundere. Eadem explicatio valet ad ventriculum quartum, cum & speciem quamdam plexūs cho-roidei habeat. Cæterū ex historiâ morbi patet hanc effusionem letalem subitò contigisse: an forsitan nimium repleverit ventriculum in prægresso mox prandio? Hacque lege aorta, tumente ventriculo compressa, impetum majorem in tenera plexūs hujus vasa excitasset?

4. die Julii 6. 1759. anatomen puellæ feci, quæ jugi cephalæ labo-raverat. *Jugi* dico; cum, ex quo loqui potuit, eamdem sit perpetuò conquesta. Præcipuam verò ejus sedem ad postica oculi sinistri potissimum indicaverat. Cætera hilaris, cursu, saltu, lusu indefinenter se exercens, nunquam tuf-sire, aut anhelare, nunquam defatigari, à digno parente, *Viennensi medico,*

observata est. Sex cuni dimidio annos nata interiit. Octiduo ante mortem stupida nonnihil & oblivious nonnunquam deprehendebatur, in reliquis tamen omnibus sana. Quatriduo ante mortem & ipsam prehendit apoplexia, & dextrum brachium convulsio. Ultimo vitæ biduo convulsio cessavit, apoplexia autem sine notabili febre placidum vitæ finem fecit.

Dura mater bona, pia tota quanta varicosissima utroque in cerebri hemisphærio. In sinu longitudinali, ab ipsâ fronte, usque dum ille in sinus laterales abit, corpus album reperiebatur, instar oblongi vermis sinus idem binis in locis habebat membranaceam expansionem, ab uno ejus pariete in alium porrectam, tensam. Ad primam harum, oblongum hoc corpus album duas in partes findebatur, quarum altera sub hâc expansione, altera supra eamdem pergebat: emensæ autem hæ binæ partes expansionis latitudinem, quatuor propemodum lineas habentem, denuò coibant; ita ut posthac solitarius veluti vermis supra posteriorem expansionem, sine ullâ divisione, transcurreret, sinusque laterales utrimque subiret. Ex ventriculo superiore cerebri dextro uncias

duas

duas aquæ eduximus. Limpidissimâ hæc erat, inodora, igni imposita non coagulabilis, syrupi violarum colorem minimè mutans. Aderat & aqua in fundo cerebri, ad usque foramen magnum ossis occipitis; sed eamdem ibi in vitâ hæsiisse affirmare non ausim. Fortè enim, dum sectionem planam juxta lacunar sinûs facientes, simul hunc sinum leviter laceremus, exsiliens lympha undique deorsum, adeoque inter duram matrem cerebrumque, insinuare se potuit. Unde certè longè copiosior lympha in ventriculo fuerit oportet, quam quæ inde collecta fuerit. Pulmo totus quantus accretus fuit pleuræ, pericardio, diaphragmati; ipsique inter sese connotati mutuò lobî. Modus autem hujus mutuæ concretionis non erat illi similis, qui in pectoris morbis, vel aliâs ad luctamina mortis, à crasso sero transfudante ortus, digitis commodè solvi possit: neque similis etiam illi, qui cellulosâ productione, haud omnino difficulter solvendâ, sâpè observatur; sed erat omni in puncto thoracis coaliatio firmissima, solidissima, cunctello tantum, magnâque cum patientiâ, demum solvenda; ita tamen ut nonnullis in locis pulmo facilius percinderetur.

ac laceraretur, quam à nexu sine læsione solvetur: nullibi autem id difficilius quam toto pectoris sinistro cavo.

Hæc ergo puella post perennem cephalæam demum apoplexiâ quatuor dierum moritur. Non morabor hic pessimè affecti pectoris in casu quo, à longâ die, ejusmodi causæ hîc natæ erant, à quibus respiratio longè vitiostissima oriri debuisset; cum de simili casu egerim

*Rat. Med. Part. 2. cap. 8. pag. 181.*

182. Adèque ad apoplexiæ me modo converto. Oblongus veluti vermis sinus longitudinalis merus polypus fuit. Patebat id maximè, ubi crura ejus utrimque ex sinibus occipitalibus extrahebantur: alba polypi materies incipiebat hîc rubro sanguine tingi, & sanguineas fibras à se dimittere. Confirmabat merum polypum esse ejusdem in aquâ dissolutio & interitus. Nam, quo post aliquot dies eum maturiori examini subjicerem, jussoram non in spiritu, ne contraheretur, sed in aquâ servari: quarto autem ex illinc die examinaturus, ferè periisse dolebam. Porrò de naturâ polyporum, in humano corpore genitorum, id esse, *Rat. Med. Part. 1. pag. 65.* demonstravi, quod in spiritu subsisterent, in aquâ vero evanescerent.

An à pressione intra sinum genitus polypus, ut variis exemplis ostendi *Rat. Med. Part. 2. cap. 7.*? Fortè; sed compressione sanguinis absente, etiam polypos copiosos generari posthac 2. Octobris propediem elaphi in cadavere didici. Homo quinquagenarius anomala arthritide à 13. annis in calcem ad articulos conversus, & ditissimis paroxysmis ferè consumptus; à triennio frequentibus paroxysmis *Colicæ Piætonum* excruciatuſ; pus grave, copiosum à quatuor mensibus in omni urinâ depoñens; lentâ demùm tabe in Nosocomio periit. In dilatatissimis aortâ & venâ cavâ, in peramplis arteriis venisque Iliacis arteriâ carotide, ac subclaviâ, in venâ jugulari, tenuem chordam polyposam invenimus, cuius chordæ diameter in maximâ arteriâ vix ultra lineam, in magnâ venâ vix duas excederet lineas; quemadmodum etiam sinus falciformis exhibebat. Hic certè pressio nulla, sed vacuitas maxima ubique erat, cum polypo universo. Nec in capite pressio sanguinis fuerat, cum ibi nihil ferè sanguinis in vasis, durâ matre in sinistro latere exceptâ; cumque etiam ventriculi anteriores cerebri ita vacui essent, licet magni, ut vix dragmam aquæ, ad

ignem minimè coagulabilis , educere potuerim.

Hinc vel à pressione , vel à stagnatione polypus huic de quâ agimus puel-  
la , productus est. Cephalæx antiquæ  
causa venis fortè tribuenda varicosis  
est : qualia exempla ut cephalæx cau-  
fas , collectores casuum nobis alibi de-  
monstrant.

Intelligimus porrò cur apoplexia tam  
frequenter letalis sit. Si compressio ab  
aquâ vel à sanguine producta , causam  
proximam produixerit , opus est , si mor-  
bus curabitur , ut tum copiosum serum  
resorbeatur , tum sanguis effusus fotu ,  
ac veluti coctione , aptus reddatur , qui  
resorberi possit. Sed ad talem resorptio-  
nem coctionemque , certum quoddam  
tempus natura requirit. Si sufficiens cir-  
culatio per minus compressas partes in-  
terea temporis detur , si partes minus  
pressæ nimiâ humorum copiâ non ob-  
ruantur , dum per compressiores trans-  
ire vetantur , spes est ut homo vel se-  
nescat integrè , vel saltem necdum mo-  
riatur. Sin verò contrarium , ut pereat  
necessè est. Imò fortè resorberetur mate-  
ries , sed erofo de vase novus extillans  
liquor causam proximam redintegrat.  
**Unde intelligitur cur nonnunquam per**

paroxysmos adoriatur, letalis demum apoplexia.

Si his jungamus causas apoplexiæ proximas, aliunde natas, v. g. à plethora, à serosâ colluvie, à contusione, &c. patet evidenter revellentem dictam methodum à magno *Boerhaavio* commendatam, unicum ferè id esse, quod in apoplexiâ ejusmodi prodesse possit: sed simul ex contemplatione causarum proximarum nihil perniciiosius emeticis, (quæ utinam *Sydenhami* autoritate minus fulcirentur!) in eâdem dari posse, vel inde concludimus, quod vis humorum actione emetici versus caput aucta, causam morbi proximam augeat, ac sæpè reddat insuperabilem.

Sed hæc methodus si integra applicetur, bonam ægri deglutitionem supponit, quod in apoplecticis sæpè fit; quo nempè ægri hæc revellentia affatim hauriant. Cum verò dentur, quibus omnis omnino deglutiendi sit ablata facultas, ratio alia adparet cur fors hominis insuperabilis sit. Est malum hoc ratione causæ, & ratione effectus.

Tandem ea apoplexiæ species, quæ oriunda ex defectu non quidem sanguinis, sed materiæ ultimò elaboratæ, unde subtilis ille liquor, spiritus dictus, pa-

ratus; tum & illa, quæ à frigido glau-  
tino sanguine proficiscitur; longiore  
tempore egent, quām ut sufficienter  
suis in causis emendari possint. Unde  
hæ species hominem è medio tollunt,  
antequam vel restituti spiritus, vel iners  
pituita soluta, mobilisque reddita fuerit.

§. II. Cur apoplexia tortes paralysin  
sive sequuntur, sive generet? Resp. pa-  
ralyseos, epilepsie, apoplexiæ, lethargi,  
cataphoræ, convulsionis, aliorum-  
que cerebri morborum, causæ reperiun-  
tur eadem. Quod ita intellectum velim,  
ut licet frequenter inveniantur distinc-  
tæ variorum horum morborum causæ  
proximæ, sæpè tamen quoque confun-  
dantur: ita quidem ut serum abundans  
ventriculorum anteriorum cerebri, in  
uno apoplexiæ creaverit, in alio epi-  
lepsiam, in tertio paralysin. Obstruc-  
tione, seu potius symphysi vasorum,  
vehentium sanguinem ab encepha-  
lo in sinum longitudinalem redu-  
cem, tumque spissâ lymphâ sub piâ  
matre effusâ, vidi in jureconsulto di-  
rissimam ortam epilepsiam chronicam,  
tandem acutam, lateralem: quæ causæ  
tamen leguntur alibi inemendabilem  
induxisse apoplexiæ. Legite Boerhaavii  
**Caput de apoplexiâ**, cum *Ill. Præsidis*

*Comm.* Videte dein *Hildanum*, *Borellum*, *Tulpium*, *Schenckium*, *Bonetum*, *Mangetum*; quotiesne docti hi viri describunt eamdem inventam in cadaveribus causam, quæ hos diversissimos effectus produxerit?

Quod si ita se habet, consequitur id, ut concludamus eamdem causam, v. g., serosam ventriculorum cerebri colluviem, ipsâ pressionis differentiâ, vi etiam compressionis in hanc, magis quam in illam cerebri cerebellive plагam determinatæ, tum & majore aut minore resistentiâ compressæ partis ad vim pressionis, magnam varietatem habere in effectibus inde producendis.

2º. Comprehendimus quoque causam eamdem suis in effectibus mutabilem reddi, omninoque variam; tum pro effusi liquidi copiâ auctâ vel immunitâ, tum pro leviore aut graviore mutatione ac labefactatione partium compressarum, tum etiam varietate pressionis, viam sibi novam ad alias cerebri plagas molientis, tum denique variante hominis regimine & diætâ. Quibus ritè pensatis non est sanè, cur valdopere miremur, quòd à causâ, quæ nobis eadem esse videtur, diversos effectus; & quòd à diversissimis naturæ causis, eum-

dem planè contemplē effectum.

3°. Intelligimus utcumque quam-nam ob causam omnes hi morbi, humoribus geniti, etiam queant defectu oriri humorum. Dum enim ita collabatur cerebrum, ut transeat nihil, est apoplexia ab inopiâ humorum. Dum plagæ quædam collabuntur, his tamen vicinæ nonnullæ sat perviæ manent, ut excipiant, transmittantque, qui circulum continuet, humorem; minæ ad apoplexiā, vel paralyses, subsequentur plus minus completæ. Denique dum uno momento vasa hæc tenera vi superstite sanguinis penetrantur, altero momento præ nimio collapsu penetrati nequeunt, convulsiones subsequantur necesse est.

4°. Capitur qnoque cur omnium horum morborum sive affinitas, sive disparitas, ritè inter se collatæ, ideam eorumdem medicorum menti vividissimam imprimant: ita quidem, ut apoplexia compressione nata universum encephalum æquabiliter premet; deinde ut causa paralysin generans non nullas modò fibras premet, quorundam nervorum futuras origines; tandem ut causa epilepsiam aut convulsione efficiens, uno momento vi irruens, terribiles producat contractiones, altero

momento, repleto quasi nimirum cerebro, vi repellatur: unde epilepsia vera est veluti alternans apoplexia, & nimius motus; & cessante demum illo motu, somnus apoplecticus fit, quo morbus veluti coquitur, si paroxysmus est curabilis: sin minus, in letalem abit apoplexiam.

§. III. Ab his regulis sola catalapsis abludit. Ut ejus legitima idea habeatur, omnino totus legendus, quem *Ill. Praeses* refert ad §. 1086. *Aph. Boerh.* ex *Act. Reg. Scientiar. Parisiens. ann. 1742.* Primò enim describitur catalepsis perfecta, cum omnibus suis stupendis apparitionibus. Id tamen hic notandum, quod in omnibus cataleptorum historiis, quivis diversi observatores distinctum quid, alii præ aliis, notent, quodque hinc catalepsenos tam varia facies describi soleat? Quamvis fateamur in omni verâ catalepsi ipsis descriptâ, illud catalepticum, *καταλεπτικός* ita dictum, certo morbi tempore in singulis adesse. Tum & mirè mutantur ipsi hi morbi. Cataleptica, de quâ textu citato, elapso aliquo tempore simul fiebat somnambula: deinde in eo etiam mutabatur morbus, quod deinceps multa garrire, inordinate lo-

queretur, cantaret, rideret, & post deambulationes peractas iterum lectum peteret, tegeret corpus stragulis, cataleptica fieret, & post  $\frac{1}{4}$  horæ catalapseos paroxysmum totum absolveret. Ut melius autem capiatur quî morbus se habeat, en quæ viderim!

Puella 12. annorum frigida, mucosa tota, catalepsî bis ter nocthemeri spatio repetente corrîpitur; idque integro fermè mensis spatio. Catalepsis, quâcumque corporis positione eam prehenderet, jacentem, stantem, incedentem, in manducazione cibos potusve ad os ducenterem, semper illam in eâdem positione servabat; nisi fortè quis aliis mutaret. Vix per octiduum hic fuerat morbi status, quin ingentem subiret mutationem. Quæ enim taciturna olim in paroxysmis, jam fit garrula, tantâque cum rapiditate loquax, ut sana nunquam tam præcipitanter loqueretur; sed distinctè tamen, & ad rem. In pluribus paroxysmis præsens audivi eam *Psalmos Davidicos* cantantem rituprotestantium, quorum fide à teneris imbuta erat. Cantus autem ille notas musicas exactè observabat, ut asseverabant adstantes. Tum audivi recitantem *Catechismum*, quem tenuerat memoriter, unâ cum plurimis

textibus ex *Sacris Bibliis*, ad quæstionem *Catechismi* quamlibet adpositis. Cum ad textus hos librum adjungeret sacri authoris, & caput & versiculum; illicò ego in *Catechismo* id examinans, ad litteram omnia prolata esse stupebam. Sed neque hic finis. In vitia hominum acriter inferebatur, & occasione textuum laudatorum invehebatur in adulteros & impudicos homines, præprioris autem in hominem viduum in viciniâ habitantem, quòd pellicem domi aleret; qui tamen ipse, paroxysmum visurus advolaverat, atque ita præsens præsentem audiebat has diras imprecationes in sese proferentem, quamquam ipse nullatenus puellæ sub conspectum caderet. Sæpiùs contigit, ut tum familia, tum ego maximè, quid doli subesse suspiciati, varia, explorandi gratiâ, tentaverimus; sed nihil simile. Nunc unguibus teneram cutim ita vellicabam, ut multis post diebus impressa vestigia gereret; nunc lumen ipsis ferè pupillis admovi, visurus an se contrahorent; aciculâ varias corporis plagas pupugi, ita ut sanguis inde exsiliret: verum omnia incassum. Interim per totum paroxysmi tempus quotiescumque ego brachium, crus, manum, digitum, caput,

situ mutabam, perfectè sic, ut posuetam mansit; idque tam longo temporis spatio, quo ego sanus, partes extensas eodem in situ neutiquam servarem. Perfectè curata est iis, quæ mucosam ac flaccidam temperiem emendarent.

In hoc igitur morbo τι ἔγινεν adest. Ab unâ parte commercium corpus inter mentemque deletum adparebat, quodd nervi sentientes nullatenus viderentur affici; ab alterâ parte commercium id non deletum adparebat, quodd sapienter ratiocinata, & memoriter multa ap- tissimè recitans, organa vocis, (& quotuplicia hæc!) expeditissimè moderaret. Sed est præterea aliud adhuc notandum hîc. Nervi ad motum destinati se non ita habent, atque in paralyticis, quando commercium nervi cum sensorio communi interceptum est. In paralysi enim affecta pars mox flaccescit, fitque immobilis, atque haud raro etiam insensilis: in catalepsi vero corpus manet ut antea, sedentis, gradientis, stantis, comedentis, bibentis figurâ. Haud ergo paralysis est, sed etiam non est motus. Quid ergo est? Est continuatio ejus, quod ultimo sanitatis momento ad motum bonum requisitum aderat: id nempe in eâ, quæ olim movebatur, se sus-

tinet parte. Imò si adstantium quis situm hunc permutaverit, & in aliū direxerit, ut jam cogat alios prorsū musculos ut agant, est ferè idem, ac si sensorium commune novis his muscularis novas vires largiretur, ad hunc situm, idque pertinacissimè conservandum.

Porrò quod in corpore observamus, idem de mente cogitemus. Quoties enim observatum non est ideam ultimam verbis expressam, ante paroxysmum, ita eamdem manere, ita esse immutabilem, ut denuò prima sit, quam homo habeat, verbisque enuntiet, catalepsi, quantumvis diuturnā, solutā. Ut profectò, quemadmodum musculi, si ab aliis non mutentur, ita soluto paroxysmo se habent, quām immediate ante illum habebant; ita quoque maneat impressio idearum, & consequens inde ratiocinium. Igitur totum illud iutermedium tempus insciā, ut videtur, mente transigitur; ita ut cogitationes mentis, loquela eas enuntians, novus ab adstante homine muscularis conciliatus motus, à mente non videantur adverti, à memoriā non notari. Intermedium illud spatium tam perfectè de vitâ humanâ abscinditur, ut prima post paroxysmum idea, pri-

musque motus , eo modo cohærent cum prioribus ultimis , ac si integrum quid , & nunquam interruptum compонerent.

Somnambuli quid simile habentes , in nonnullis iterūm differunt. His corporis cum animâ commercium silet , sed non inter animam & gradatorios musculos. Imò cum quidam studiosè evitent mensas , sedes , obstacula , in viâ posita , idque in tenebris , videntur tactu valere , & mentis commercio eo usque uti , ut ad latus declinantes evitent obstacula.

Substituit hīc examen physiologicum : haud enim datum est nobis miri animi nostri cum corpore commercii capere leges. Ignoramus prorsūm eas , quarum ope commercium hoc peragatur , partes ; ignoramus quā se lege & tangant & moveant & iterūm sistant. In genere novimus necessariam musculi suis cum vasis integritatem ; boni nervi toto itinere suo aptitudinem ; integrum , quem pro sensorio communi habemus , locum : verūm plures in sententias scissi , mutuam harum omnium harmoniam , agendique facultatem , minimè capimus. Nervorum cavitatem , fluidi per eam transfluentis præsentiam , scholæ

crepant; sed alterutrum existere nullus mortalium, optimis licet armatus microscopiis unquam demonstrare potuit: etiam videntur actiones musculosæ in corpore existere, quibus communi lege explicandis hand sufficimus. Unde ad hæc omnia sapienter eminentissimus *de Polignac, Anti-Lucretii sui pag. 158.*

Nos verò plerumque latet quænam organa motū  
In nobis vigeant; & quā sint arte regenda:  
Nec rescire juvat: satis est nam vello moveri,  
Quilibet ut sese moveat, rudis atque peritus.

*¶ pag. 187.*

Seilicet ignorat mihi mens, sibi credita qualis  
Machina sit; quantā momentorum arte regatur;  
Quām varie compačia, & miro condita textu.  
Attamen impellit cum vult, agitatque movendo  
Compagem; ac subito flectit, prout imperat, artus.  
Quod moveat, planum est causam prodire movendi  
Mentis ab imperio: verum id, quod nescia præstet,  
( Nescia non motū, quem præcepit ipsa, sed artis,  
Quā fit, & elicitur, liquido demonstrat adesse.  
Causam, quā regit effeārix, &c.

*¶ pag. 358.*

Denique nec per se Mens ullo corpore tangi,  
Nec quocumque modo connexum impellere corpus  
Nostra potest. Unde est igitur, quod mutua sese  
Commoveant? Certisque in corpore motibus ortis,  
Notities menti adveniat, tum certa cupido?  
Atque ex notitiā, certaque cupidine mentis,

Quidam enascantur motus , & corpore gliscant ?  
 Naturas adeò duplices quæ fibula necit ?  
 Quidquid enim necit partes , ad utramque necesse est  
 Pertineat : sic vitta manus , sic lora jugales ,  
 Vincula sic ulmo vitem , sic staminæ pannos :  
 At vinculum si corpus erit , qui prendere mentem ?  
 Et si incorporeum , qui prendere membra valebit ?  
 Ergo INFINITI conjunxit sola VOLUNTAS.

§. IV. Sed antequam hanc materiem  
 missam faciam , quæstionem circa ner-  
 vos gravem movere necesse est. Cur  
 nempe vitia pag. 136. in sinistro cerebri  
 hemisphærio sartoris , ut causæ paraly-  
 seos dextri lateris assignentur ?

Est profectò antiquissima *Hippocratis*  
 observatio , ab aliis deinceps , præcipue  
 ab *Hildano* confirmata , quod læso pres-  
 sove uno cerebri hemisphærio , opposi-  
 tum corporis latus paralyticum fiat. Fre-  
 quentissimæ ejusmodi observationes ef-  
 fecere , ut jam ante 60. annos egregius  
*Poupartius* in *Act. Acad. Reg. Sc. Par.*  
 statueret medullares fibras se decussare ;  
 ita ut cranio egressæ , oppositas peterent  
 corporis plagas. Ita quoque *Petitus* in  
 scripto dicto , *lettres d'un Médecin* ,  
*Valsalva* , aliique : sed instar omnium  
 magnus *Venetorum anatomicus Sanctorini* *Obs. an. cap. 3. §. 12. pag. 61. edit. Leyd.*  
 qui apta ad cerebra nactus , tribu.

potissimum in locis hanc decussationem demonstrare solebat : scilicet in priore & in posteriore protuberantiae annularis crepidine , atque maximè in imo caudicis medullaris , quā in spinalem abit. Vide etiam *Hist. Acad. Reg. Sc. Par. an 1742. pag. 53. in-8.* Siccius cerebrum hisce diebus nactus , idem observasse mihi videor.

Sanè si morbi cerebri lēsi oppositam corporis plagam perpetuā lege afficerent , omnia quæ ad hanc quæstionem spectent , expositâ decussatione jam explicuissimus : verūm ita res non est ; unde multæ difficultates hinc exsurgunt.

1. Apud collectores casuum sæpius jam memoratos , historias reperimus innumeratas , vitiosi v. g. cerebri dextri , cum paralysi lateris corporis sinistri , & cum convulsione dextri .

2. Cum paralysi ejusdem lateris , convulsione oppositi .

3. Cum paralysi lateris ejusdem , sine ullius partis convulsione .

4. Cum convulsione ejusdem lateris , sine ullâ ullibi paralysi , ut puella *pag. 172.*

5. Cum paralysi & convulsione ejusdem lateris .

6. Cum convulsione universali , &

paralysi dextri lateris, ubi tamen causa videbatur cerebrum integrum occupare.

Hac occasione nuperam addam anatomam. In pueri, cuius historia pag. 128. habetur, cadavere, pia mater universa varicosa, vix ullibi cum subjecto cerebro tam in superficie, quam intra ejusdem gyros, cohærens, lympham pellucidam, gelatinosam supra se gerebat. Hæc potrò omnia in utroque cerebri hemisphærio ex æquo obtinebant. Ventriculus quidem dexter superior lymphæ, ad ignem non con crescentis unciam continebat; verùm incerti sumus, an contrectatio & compressio alterius hemisphærii nondem percissi, aquam ex sinistro ventriculo in dextrum, quem examinabamus, non du xerit. Flatus enim in unum ventriculum immissus, in alterum sæpè transit; ita ut quo loco fese ambo contingunt, in medio nempe, & iterum ante thalamos opticorum, mutuò secum communicare videantur. Imò hæc occasione ablatâ resistentiâ in ventriculo, quem examinamus, pondus relicti supra alterum ventriculum cerebri, potest subiectum ventriculum comprimere, premente anatomici manu adjuvante, sic-

que subjectum ventriculum evacuare, dum lympha vel ros, utrumque ventriculum explens, ultra non æquilibrat. Si quisquam h̄ic fortè regerat tunc nunquam posse de copiâ lymphæ, unum ventriculum præ alio explente, judicium formari, & ad morbi refetri causas. Huic respondeo: casus manifestos dari, qui justum relinquant post sese, certumque judicium. Quippe ad casum pag. 171. vidimus ventriculum hydropticum duplo triplo ampliorem suo compare redditum fuisse: unde certè nulla ibidem adfuisse communicatio videtur, & ratiocinium de hydropico hoc ventriculo justum est. Deinde si lympha tenax valde, etiam communicatio ventriculorum obtainere non videtur. Hinc casus existunt unde nihil, casus unde multūm concludi licet.

Puer porrò hicce pridie ante mortem convulsiones universales habuit, & perfectam paralysin totius dextri lateris. Si nunc in eodem dicamus ventriculum dextrum præprimis hydropticum fuisse, suique lateris pressisse cerebrum, tunc paralysin offendimus in eodem affecto latere: si verò negamus hoc inde posse concludi, probatur saltem id, quod mox ad n. 6. dixeram.

Ex omnibus autem hucusque dictis

concluditur dari quidem, quæ sese decussent, fibras; hujusque decussationis effectu oppositi lateris morbos exponi: haud tamen omnes se decussare; sed esse quæ se minimè decussent, adeòque proprii lateris nervos formate videantur: unde tunc simul phænomena, quæ eodem in latere contingunt, explicata habentur. Sed ex omnibus his minimè explicamus cur causa, eadem nobis visa, potius convulsionem quam paralysin excitet; aut vice versâ? vel cur à causâ iterum eâdem in uno homine oppositum latus paralysi, latus affectum convulsione prehendatur, aut iterum in alio præcisè contrario modo?

Obiter monitos lectores volo me jam pluries deprehendisse, quod lymphæ ventriculorum cerebri ad ignem non coaguletur, ut jam quatuor experimentis patuit. Confirmant hæc Boerhaavii sententiam de lymphâ cerebri id jam olim statuentis; ad quam sententiam corroborandam laudare solebat totam octavam propositionem *L. Bellini* de motu cordis; qui & suis & clari *Lambechari* experimentis id evicerat. Attamen egregius *Hallerus* ad §. 274. *Inst. Boerh.* Lympham hanc concrescibilem statuit, inter alia etiam *Fracassati*, cuius de cerebro tractatus inter Mal-

*pighiana* habetur, autoritate fretus. Respondere tamen possumus *Fracassatum* de morbos agere, *Bellini* verò & *Boerhaave* vel de sanis, vel de hâc saltem parte non morbos. Experimenta saltem mea idem quod *Boerhaave*, idem quod *Bellini*, evincunt, claimant.

## C A P U T V I.

## DE SANGUINE ET CALORE HUMANO.

- §. I. *Regulæ, ponentis in acutis morbis venæ sectionem post 4. diem licitam non esse, sanguinemque in acutis malignis dissolvi, incertitudo ac fallacia experimentis demonstrantur.*
- §. II. *Ad problema, utrūm oporteat fœminæ menstrua aut lochia habenti venam tundere, necne? ratiocinio, experientiâ & authoritate respondetur.*
- §. III. *Arteriosus sanguis nec colore mutatur ut venosus, nec suum ita à se se serum dimittit.*
- §. IV. *Constanti lege syrpus violarum viridescit à sero sanguinis recentissimo, ab ovi recentissimi albumine: ita ut alcali presentia hoc solo experimento non notetur.*
- §. V. *Calor non à solo attritu.*
- §. VI. *Defectus est in methodo mensurandi calorem humanum, quod tempus ther-*

*mometron adplicandi non definiatur, probatur experimentis quibus simul evincitur latitudinem caloris in sanis hominibus esse inter 94. & 98. gradum.*  
**§. VII.** *Sententia communis de differentia caloris inter homines adultos vegetosque, pueros ac senes, multiplici experimento exploditur.*

**§. I.** *SANGUIS acutis in morbis inflammatoriisque, vulgo scribitur phlogistica naturam deponere post horum morborum diem quartum: in malignis vero dictis morbis loco vis plasticæ ac phlogisticæ dissolutionem praesete ferre. Quam opinionem refellere, ut Rat. Med. Part. 3. cap. 1. de morb. malign. conatus sum, ita novo luculentoque, refellam experimento.*

Juvencula in febre continuâ putridâ, neglecta prorsum, nullam omnino artis operi experta, die undecimo morbi ad nos deferrit, toto pectore, colloque anteriore, plurimis petechiis scatens: morbo, ut illa retulit, quotidie aucto; nullamque, ut nos judicare debuimus, sui coctionem praebente. Sanguis ipsi tunc missus, in vasculo primo & tertio crux phlogistica tectus erat, universaque in rubra parte compactissimus. Duo-

decimo morbi die repetita venæ sectio, crustam dedit hesternâ densiorem. Ergo nec 12. dierum diuturnitate, nec centenarum petechiarum eruptione, sanguis inflammatoriam suam spissitudinem, sive cruditatem amiserat. Unde nemo miretur venæ sectionem, eamdemque iteratam, proiecto adeò morbo, institutam esse Ut enim *Rat. Med. Part.*  
*I. cap. 4. pag. 41. Hippocratis*, in pleuritide *Anaxionis*, exemplo, & experientiâ medicâ evici, cruditas morborum non tempore duntaxat, sed conditione, cognoscitur: id quod auditores mei centies in Nosocomio observaverunt. Quam ob causam varii textus *Boerhaaviani*, post quartum diem sanguinem mittere vetantes, ad mentem tum *Boerhaavii*, tum *Hippocratis*, intelligendi sunt: tunc nempe venam tundere post 4. diem haud oportere, quando stadium inflammatorium circa id tempus, ut saepius fit, mutatur; cæterum verò tundere oportere.

§. II. Problemata saepius coram auditoribus agitavi, num nimicùm seu catameniis seu lochiis bene fluentibus, liceret venam secare, si interea temporis ejusmodi morbus orietur, quem alioqui, si alio tempore contigisset, ve-

næ pertusione confodere debuissemus? Contrarias in sententias medici abeunt; aliis id prætractè negantibus, aliis vero in suminâ necessitate, cum prudentiâ ac parsimoniâ id concedentibus. Bonam problematis solutionem experimenta sola date poterant.

Hinc primò conabar quantitatem sanguinis, quibus linteamina commaculantur, satis certò æstimare. Eo scopo in sanguine, determinatâ præcisè copiâ misso, & adhuc calente, linteamina submersi, magnitudinem oriundarum inde macularum examinaturus, notatus. Iteratis hisce experimentis eò devemimus, ut sanguinis linteaminibus excepti quantitatem, quovis deposito pretio, exactè calcularemus. Et quia plebeiae, tempore mensium lochiorumve, mutatoriis carentes, unico linteamine toto tempore utuntur; quod, quia nunc multùm, nunc parùm, & iterum sèpiùs, postquam, silente per horas fluxu, siccatum est, dein eodem redeunte, plurimum in siccatis imbibit locis; eadem arte in tingendis linteaminibus nostris usi sumus. Justi ergo existimatores sic facti, linteamina, tum menstruantium variarum, tum puerorum, exactè conservavimus, ut de-

mùm quantum singulæ toto illo temporis spatio evacuarent, justè determinaremus.

Sic didicimus nonnullas fœminas menstruo tempore tres uncias sanguinis demittere, alias quatuor, quinque; pauciores esse, quæ semilibram; raras admodum quæ uncias decem evacuarent, nisi uteri quopiaim defectu laborarent. Quantum autem ad puerperas; si prolem mox lactarent, his deprehendimus lochia pañim parciora cæteris esse, adeòque libram nonnullas, alias sesquilibram, evacuare. Casus fuere abortuum, in quibus mihi jurarent obstetrices plus 8. 10. libris evacuatum fuisse, cum tamen totum sordidarum mapparum acervum examinans, vix sesquilibram evacuatam esse existimare debuerim. Cui hæc creditu difficultia videntur, hunc de veritate dictorum iterata experimenta convincere poterunt.

Si itaque menstruantes 3. 5. 6. 8. uncias evacuant cruentis, eodemque tempore morbo occupantur, cui sedando vix quatuor librae sufficerent, nonne evidenterissimum est venæ sectionibus jam parendum non esse? An circa puerperas acutè laborantes non idein concludendum? Eoque magis, quo citiore

170 RATIONIS MEDENDI  
revulsione requisitâ, fluxus ordinarius  
passim non nisi guttatum prodeat?

Jure ergo meritissimo ill. Barto van  
*Swieten* Tom. 3. Comm. C. de *Pleur.*  
pag. 38. *Sydenhami*, *Tulpi*, *la Motte*,  
exempla laudans, simul vituperat om-  
nem in mittendo sanguine, dum casus  
urget, parsimoniam. Laudatus ibidem  
*la Motte* Lib. 2. pag. 224. pronuntiare  
ausus est venæ sectiones iteratas in puer-  
perâ unius diei, unicum fuisse, quo  
servari potuisset, auxilium. « Licet  
» enim, inquit, lochia abundè flue-  
» rent, multumque natura ageret ipsa,  
» haud sufficienter tamen agere vide-  
» batur; cum sine iteratis venæ sectio-  
» nibus, brevi suffocata fuisset ». Et  
quid ita? Morbus ejusmodi erat, ut du-  
plo copiosiorem sanguinis evacuatio-  
nem paucarum horarum spatio posceret,  
quam uterus sponte suâ integro stillas-  
set octiduo. Addit idem *la Motte* plures  
similes puerarum historias, quas in-  
ter notanda cujusquam pueraræ, con-  
tinuante debito lochiorum fluxu pleu-  
ritice, cui novem venæ sectionibus  
succurret debuerit. Fæminarum qui-  
dem tempes, idiosyncrasia, ætas,  
anni tempus, regionum varietas, mu-  
gaze utcumque, quem dedi calculum,

possunt; ipsam tamen rem sic se habere, constanter evincent.

Hinc didicere medicinæ studiosi in Nosocomio venæ sectiones in his casibus nunquam reformidare, si alias indicarentur: ita verò eas esse instituendas, ut si nihil referret, quâ venâ sanguis efflueret, is semper quo naturalis uteri evacuatio minus turbaretur, ex pede duceretur: sin verò morbus ipse per se eum brachio educi postularet, ut v. g. in eâ pleuritide, quæ ab arteriarum intercostalium aortâ dictâ descendente oriundarum, inflammatione proficisceretur, audacter is feliciterque ex brachio mitteretur.

§. III. Indoles arteriosi sanguinis quam ab eâ venosi differat! Toties repetitum experimentum docuit naribus profluum cum impetu sanguinem colore vix mutari, dum conservatur, nisi demùm quando putret. Lætè rubicundus ipsi color est, & in superficie aëri contiguâ, & in aversâ, & omni denique parte, quotuplici sectione eamdem diviseris. Demonstrant utique hæc justam refutationem esse variatum sententiarum, quæ & necessariam statuerent coloris mutationem, & mutationis ejusdem rationem exponere satagerent, in Part. I.

*Rat. Med. ccap. 6. pag. 64.* Alio modo etiam differre à venoso sanguine arteriosum, ex eo collegimus, quod vix serum à se separe soleat, diu licet asservatus; perfectiorem intimioremque omnium miscelam hinc demonstrans. Plura horum experimentorum ibidem communicatorum, sàpiùs repetita, semper eosdem, quam citato loco enarravi, produxere effectus.

§. IV. An notaverit quisquam quòd serum sanguinis, recentis, tum optimum, flavescensque tum etiam non flavum, ut quorundam hominum est, venæ sectione eductum, syrupo viaturum viridem colorem constanter impetrat? Est tamen observatio, me nunquam hucusque fallens. Communi sententiâ alcali hæc nota esset: tamen hoc ipsum serum cum aceto mistum nullam gerit alcali notam. Imo albumen ovi, quod in multis (non in omnibus, ut *Rat. Med. Part. 1. cap. 6. pag. 56. evici*) sero sanguinis simile est, hoc inquam, de recentissimo ovo sumtum, æruginis ferè colorem huic syrupo conciliat. Novi quidem in ovi albumine quid inesse, quod vas argenteum in quo aliquantis per certavatur, fœdâ tingat aurigine; sed non nisi coctum id præ-

tat; rēcens, nec igne mutatum, minimē. Plus decies similia experimenta variis in subjectis iteravi, quo demum intelligerem, utrū serum hydropicorum, si syrūpum ita tingeret, nec cum acidis tamen effervesceret, alcalinum, necne, appellitarem. Cettē perperam vide-  
mūr hucusque alcali præsens hāc notā statuisse.

§. V. Quæ variis in locis Part. I. 2.  
3. de vario caloris gradu, morbo ingra-  
vescente, mitescente, finiente, protuli,  
horna mea experimenta confirmarunt;  
quorum enī pauca!

Mulier exulcerato mammæ cancro  
misera, colore livida, omnino emacia-  
ta, pulsū parvum habens, totā die se-  
dens, iterato quater spatio mensis expe-  
rimento, constanter inventa est gradus  
tres quatuorve majoris, quām sano in  
homine est, caloris notare.

Sed, mirum dictu! omnium maxi-  
mus calor inventus est hominis, quo-  
tempore cum morte luctatur, expirat,  
jamque aliquantūm vivere definit. Ita  
quidem, ut deprehenderimus in ægro,  
cujus calor per totum acutum morbum  
supra 103. gradum non adscenderat, sub  
mortem, perque bina à morte minuta,  
notari gradum caloris 106.

Vir 50. annorum, de quo pag. 147. fermo erat, lentissimo igitur morbo enectus, notabat, 9. horis ante mortem applicato thermometro per 8. minuta, 97. gradus caloris; per 15. minuta 100. hicque fuerat in longissimo morbo consuetus explorati caloris gradus. Quo momento animam efflabat 97. gradus, idque per  $7\frac{1}{2}$ . minuta. Deinde per 4. minuta 101. Posthac omni quarto minuto thermometrum vigesies examinatum, id est per horam & 20. minuta, semper grad. 101. Dein quovis quarto minuto examinatum, 100. gradus: omni quarto minuto quater, 99. gradus: omni quarto minuto ter, gradus 98. omni quarto minuto quater, gradus 97. omni quarto minuto septies 96. & 15. à morte horis necdum infra 85. gradum thermometron descenderat, licet aer domesticus eo tempore vix 60. gradum notaret.

Quæritur nunc an theoria caloris, ut solo attritu geniti, satis fundata sit? An verò in corpore animali causæ aliæ, præter attritum, necessariò existant genitrices caloris? Veteres saltem causam nativi dicti caloris diversam credidere ab eâ, quæ febrile incendium faceret. Ita Galenus in Aph. 14. Sæc. I. ait:

„ Alioquin febricantes diceremus plurimum habere nativum calorem ; „ qui nedum plus , sed nec priori æqualem habent. Εὐρετος μεν εσιν η γαλα τη εμπύτε δέρμα , πυρίδης δε η τη επικτήτης . Probè namque temperata est caloris nativi substantia , ignea autem substantia est caloris adventitii .

§. VI. *Rat. Med. Part. 2. cap. 10.*  
*pag. 196. & seq.* in caloris gradu , tam in ægris , quam in sanis , definiendo , conquestus sum justum tempus ad applicationis thermometri ab autoribus non determinari , cum pro tempore ad applicationis multa ejus differentia esset. Plurima recentiora experimenta legitimas has querelas demonstrant. In sano homine thermometron spatio  $\frac{1}{8}$ . horæ notans 96. gradus , facile per horam ad 100. imò ad 102. adscendit : quantâcumque verò temporis diuturnitate tunc applicatur , non adscendit ultra. Centies iteratum experimentum , toties idem confirmavit. Haud tamen ita semper adscendit. Unde cum observatio variet , en quid pro certo communico. Contingit nonnunquam ut ultra gradum caloris illum , qui spatio horæ quadrantis notabatur , thermometrum non petat altius , nonnunquam ut supra eum gradum

haud adscendat, qui spatio dimidiæ indicabatur horæ; saepius non supra gradum intra tres horæ quadrantes indicatum; frequenter tamen ad horam integrum crescat. Ut ex omnibus hisce hæc sit certa conclusio, qui gradum caloris in dato homine justè determinare gestit, eum horæ integræ spatio thermometrum applicare debere. Quod si medicus aliunde occupatione suo tempore eget, eum rato fallendum, falliturumque, si per  $\frac{1}{4}$ . horæ applicans, unum alterumve gradum notatis gradibus adjecerit: licet enim nonnunquam ultra quadrantis spatiam non adscendat, licet etiam post quadrantis horæ applicationem thermometer plusquam duos gradus ante horam elapsam adscenderit, tamen respectu communicatæ observationis adeò hæ exceptiones sunt rariores, ut qui ad gradus, spatio quadrantis horæ notatos, unum alterumve adjecerit, rarissimè fallatur.

Sed & hoc addendum est. In multis sanis vegetisque hominibus; quietis, leviter motis; jejunis, leviterque pastis; exploravi num semper calor naturalis 95. 96. graduum fort; sed deprehendi qui constanti lege 97. rariores, qui 98. rarissimos, qui 99. semper notarent.

Quod ideo notatu dignum judico, ne qui sint, qui ex solo thermometro hominem febricitare pronuntient, qui forte, naturaliter modo calet.

§. VII. Quæritur quid censendum sit de sententiâ Hippocratis Aph. 14. Sect. 1.

» Quæ crescunt plurimum habent calidi  
» innati : plurimo igitur egent ali-  
» mento; si minus, corpus consumi-  
» tur. Senibus autem paucus calor;  
» propterea paucis fomitibus indigent:  
» à multis enim extinguitur. Idcirco  
» etiam febres senibus non similiter  
» acutæ. Frigidum enim est corpus ».

Forsitan *Hippocrates* hîc tantùm de ca-  
lido innato ventriculi, & neutiquam  
de calore universi corporis, in variis  
hominum ætatibus egit; & aphorismus  
hunc proximè sequens, ut eum rem ita  
intellexisse credamus, nos utcumque  
inducit. Tamen cum ipsum *Senum Cor-*  
*pus*, non *senum ventriculum*, *frigi-*  
*dum esse* affirmet, videretur in hoc  
aphorismo universi corporis calorem in-  
tueri. Quemadmodum quoque hunc  
ipsi sensum *Galenus* in longo hujus  
Aph. commentario, & præcipue in li-  
bro adversus *Lycum*, tribuit; qui &  
ipse ejusdem cum *Hippocrate* sententiæ  
se esse manifestò ibidem declarat. Ve-

rūm necdum ideò hos veteres autores ;  
 ita de calore variæ ætatis differentes ,  
 erroris incusare licet ; cum quo id sen-  
 su intelligerent , addiderint . Si enim to-  
 tum *Galenum* in libris suis de tempe-  
 ramentis patienter evolvimus , invenie-  
 mus demum eum ingenuè fatentem  
*Libr. 2. cap. 2. apud Charterium Tom.*  
*3. pag. 60.* « Et quid opus est in tam  
 » dissimilibus exemplum proponam ?  
 » Cum ipse aér , qui simili sit calore ,  
 » variè tangent occurrat , prout aliás  
 » veluti caliginosus & halituosus , aliás  
 » veluti fumosus & fuliginosus , inter  
 » dum purus omnino est . Igitur in plu-  
 » ribus , iisdemque differentibus , æqua-  
 » litas caloris consistit : quæ inconfide-  
 » ratis , quasi inæqualis sit , imponit ;  
 » propterea scilicet , quod non unde-  
 » quaque similis adparet . Cæterum ho-  
 » mo , qui rationes , quas proposui ,  
 » expenderit , & sensum in multâ par-  
 » ticularium experientiâ exercuerit , is  
 » nimirum æqualitatem caloris in pue-  
 » ris florentibusque inveniet : nec eo-  
 » falletur quod alter in humidâ , alter  
 » in siccâ substantiâ repræsentetur :  
 » quippe lapis aliquando pari cum  
 » aquâ calore esse potest , nullum eo-  
 » faciente discrimen quod lapis siccus .

» sit, aqua humida. Ita igitur mihi,  
 » cum pueros, juvenes, adolescentes  
 » millies considerassem; præterea eum-  
 » dem, infantem, puerum, adoles-  
 » centemque factum; nihilo calidior  
 » visus est nec puer, quam ætate flo-  
 » rens, nec ætate florens, quam puer:  
 » sed tantum, quemadmodum dixi, in  
 » pueris magis halitus, & multus,  
 » & suavis; in florentibus exiguus, sic-  
 » cus, nec similiter suavis esse caloris  
 » occursus.... *Itaque neuter eorum sim-*  
 » *pliciter videtur altero calidor; sed al-*  
 » *ter, multitudine ejus, quod diffatur,*  
 » *alter acrimoniâ ..*

Qui postremis hisce temporibus de sanguine ac calore humano scripsere, unanimiter statuunt in mediâ ætate calorem esse maximum, eo quod vasa robustissima illis sint, densique ac compacti salubriter humores: senilem verò ætatem, quod vasa morbosè rigida, glutinosaque liquida habet; tum & puerilem, quæ vasis copiosis sed flaccidis, humoribus verò aquosioribus componitur, calore minore gaudere. Affirmant & doctrinâ mechanici attritûs, & experientiâ thermometrorum, evidentissimam hanc thesin esse, meritòque se huic totam suam de sanguine theoriam superstruere.

Statu quæstionis utrimque proposito, liceat, pro omni responso experimenta nostra enarrare, quæ hâc intentione institui in Nosocomio Civico, quod cum orphanotrophium, gerontrophium, ac ptochotrophium simul sit, ob idque 1400. homines alere soleat, aptam mihi præbebat experiundi occasionem. Experimenta omnia capta sunt jacentibus, & bene tectis circa thermometrum hominibus. Et ne quandoque thermometrum à thermometro tan ilium differret, unicum modò adhibitum est, è lege, ut post singulam applicationem calorem deponeret, antequam denuò applicaretur; licet fortè cura hæc superflua fuerit. Omnes sani erant.

### Primo sumpsimus Infantes.

*2 Dier. per  $\frac{1}{8}$  hor. 94. Grad. per  $\frac{1}{4}$  hor. 96.*

3	—	95.	—	97
3	—	97.	—	99.
4	—	97.	—	99.
3	—	97.	—	97
5	—	96.	—	98.
7	—	97.	—	99.
7	—	97.	—	"

10	96.	99
21	95.	97
32	97.	100
28	96.	98

## Ab Infantibus devenimus ad Pueros.

$4\frac{1}{2}$  Ann. per  $\frac{1}{8}$  hor. 96. Grad. per.  $\frac{1}{4}$  hor. 98

5	95.	98
$5\frac{1}{2}$	94.	97
$5\frac{1}{2}$	94.	97
$5\frac{3}{4}$	96.	98
$5\frac{3}{4}$	96.	98
6	95.	97
$6\frac{1}{4}$	94.	97
$6\frac{1}{2}$	95.	97
7	95.	98
$7\frac{1}{2}$	96.	99
$7\frac{1}{2}$	95.	98
$7\frac{3}{4}$	97.	99
9	96.	99
9	95.	97
10	96.	98

Ætatem medium sive adultam opus non erat examinare, cum infinita experimenta calorem dudum determinassent ad grad. 95. 96. 97. 98. Sed senes jam erant præprimis examinandi.

66. Ann. per.  $\frac{1}{3}$  hor. 97. Grad. par.  $\frac{1}{4}$  hor. 99

64.	96.	99
69	95.	97
70	95.	98
73	96.	98
76	96.	98
79	95.	97
80	95.	98
80	97.	99
81	95.	97
82	95.	78
83	96	98
84	96.	99
90	96.	99
91	98	100

Ergo in omni hominum ætate calor naturalis æqualis est, & latitudinem illam poscit, quam in adultis requiri demonstravi. Erantque omnes illi infantes, pueri, senes, utriusque sexus; nec minores gradus hīc fæminam notant, cum promiscuè nunc masculi, nunc femellæ, minorem notarent maioremve gradum.

Igitur vetustissimi authores, diversitatem in variâ ætate caloris statuentes, eam ita explicuere, ut cum exper-

mentis eorum observata apprimè congruant; saltem quoad infantes, pueros, juvenes, atque ætate florentes. Recentiores occasione certi experimenti gaudentes, neglexere eadem frui; quia doctrinam suam de attritu, genitore caloris, inconcussam credentes, corollaria inde ad senes, infantesque, deducta, similiter adeò inconcussa autumarunt, ut vel experimentis nullis indigere sese crederent, vel iisdem & raris & neglectim captis, abundè confirmata esse concluderent. Adeò quippe arduum est hypotheseos amore teneri, & interim à veritate non abduci. Utinam his exemplis deīnum sapientes, definieremus humano generi nobisque ipsis tam turpiter imponere!



## CAPUT VII.

## DE SINGULARI QUORUMDAM MEDICAMENTORUM VIRTUTE.

**§. I.** *De multiplici autoris naturae intentione in ornandis perpetuandisque vegetabilibus, deque necessitate explorandi eorum vires: quibus intermisceretur seria Venenatarum plantarum contemplatio.* **§. II.** *Varia tentamina instituta cum lysimachia vulgari flore purpureo, polygalâ virginianâ, & indigenâ quâvis, marrubio, abiete, uvâ urſi. Quâ occasione exhibetur anatomicus cadaverum conspectus eorum, quibus uva urſi fruſtra data: proponiturque tentamen prognoseos de lithotomiâ instituendâ in eo, cui uva urſi non profuerit.* **§. III.** *Laus plantaginis latifolii aquatichi, & aquæ calcis in hisce iisdem morbis. Laus denique Merc. Subl. corr. in sp. fr. ad multos morbos.*

**§. I.** *FURIBUNDA modernorum Philosophorum gens impium hoc delirium ingrato pectore fover, quod vegetabilia quorum Botanici ac Medicin-*

20000. ferè numerantes, vix  $\frac{1}{5}$ . partem viribus noscunt, apertè demonstrent cæco penitus materiæ impetu, casu in motum aëtæ, produisse cuncta: orbemque terrarum hinc multis quidem iisdem præstantissimis rebus expletum fuisse, sed simul etiam multis inutilibus, noxiis, letiferis. Nos qui infinitâ Dei clementiâ, eâ felicitate gaudemus, ut naturæ autorem ex ipsâ naturæ contemplatione veluti præsentem intueamur præsentes, atque ad adorandum & amandum Illum fide adducamur, moveamur, ac veluti cogamur; nos, inquam, hanc impiam gentem detestantes, mentemque illis sanam appreciatam certum habemus, quām quod certissimum, **OMNIPOTENTEM** in vegetabilibus ex nihilo creandis perpetuandisque, plurimas habuisse sapientissimasque rationes;• quarum nonnullas piâ conjecturâ assequimur, alias demonstratione percipimus, plutes denique ignorantia involutas adoramus, osculamur. Frustra enim eum nihil fecisse arbitramur, qui Sap. 11. v. 12. *omnia in mensurâ & numero & pondere disposuit*; qui ipse quæcumque fecerat, approbavit, Gen. 1. v. 31. *Viditque Deus cuncta quæ fecerat, & erant valde bona.*

Ac primùm quidem videtur Deus tellurem amēno hoc adspectu ornasse, hominem recreandi, exhilarandi, seque laudandi gratiā. Integer *Adamus* & *sanc̄tus*, hunc certò inde usum habuit, virtutis plantaram medicæ, qui illibatâ sanitate perpetuè fruebatur, minimè indigus. Atque & ipsi nos mortales, *Adami* deploranda prosapia, lato plantarum adspectu, mirificè nos delectari percipimus: & si rectè sapimus, si intelligimus, quid sibi benignissimus noster servator velit, Matth. 6. v. 29. afferens ditissimum, regioque splendore fulgentem *Salomonem*, in omni gloriâ suâ haud ita coopertum fuisse, quam cooperiantur lilia agri, nequimus non in summas creatoris laudes effundi.

2. Numerosam classem constituunt vegetabilia, quæ hominem vestiant, alant, tegant, calefaciant.

3. Animalia, terrestria, aquatilia, volatilia, in usum creata hominis erant, primò ad vestiendum & agriculturam; postque cataclysmum etiam ad nutriendum; tum & ad usus mechanicos, medicos hinc plana tellus, & juga montium, mare quoque, ac flumina, undique vegetabilibus ornanda erant; ut & alimenta inde haberent animalia, &

in iis nidos struendi ponendique, tum & pullos alendi, sub iisdem habitandi, similesque alios inde usus captandi, occasionem nanciscerentur.

4. Cælo decidua pluvia in arbores, frutices, plantas, incidens, moram trahens, earumdemque propterea viribus imprægnata, partim se in telluris montiumque gremium insinuat, fertilitatem fortè iisdem concilians; partim juxta declives montes, perque eorum incilia, in terram cadens, fontes ac flumina format. Unde oportet aquas quodammodo medicatas reddi; ad potum proinde, ad lavacrum, ad balneum, fieri salubres.

5. Atmosphæra porrò tota quanto per re ne debeat plantarum impleri, satui arique effluviis! Ut ipsi nautæ, odore illarum percepto intelligent se continenti proximiores fieri. Estque hæc una de causis, quæ aëta rusticatum adeò salubrem reddant.

Sed ad hanc, ut & ad præcedentem rationem, forsitan de impiâ gente quisquam ipsam PROVIDENTIAM de non-curantiâ accusare audebit; eo quod tum aër, tum aqua, æquè venenatis, quam salubribus imprægnentur effluviis particulisque: adeòque si hinc proflant, illuc

noceant vehementer. Sed ô minus  
tum philosophum! Noxias vocat plantas,  
venenatas vocat, letiferas vo-  
cat, quæ quid propriè sint, ne intelli-  
git quidem. Centenæ certè venenatae  
sunt, & quia venenatae, ideo salubres.  
Ita tota plantarum classis alvum, ven-  
triculum, urinas moventium, venenata  
quidem, & inimica corpori, & letalis  
tandem sit, assumta si fuerit copiosius;  
cognita autem debit is experimentis aptâ  
earum dosi, salutifera esse hæc tota de-  
prehenditur classis. Verum venenum est  
opium; justâ autem dosi moderator  
dolorum est, turbarum pacator est, sta-  
tor est nimiæ evacuationis. Affa fætida  
copiosius data ventriculum subvertit,  
rarefacit humores, febrem creat; mo-  
deratè sumpta corpori prodest, solvendo,  
reficiendo; tandem gentibus nonnullis  
patinis molliter affrica, gratiam eduliis  
summam conciliat. Dulco-amarae stipi-  
tes majori dosi convulsiones & deliria  
excitant; moderatè vero spasmos con-  
vulsionesque solvant, humores blandè  
attenuant.

Hinc in eam sententiam facile indu-  
cimus, quod venena plurima ideo ve-  
nenata sint, quia nimiâ copiâ dantur;  
aptâ si dosi darentur, egregia futura sa-

nitatis auxilia. Id quod j̄ dicium tamen, & prudentiam, & temp̄ s, omnino requirit. Attamen nemini mirum videri debet, si quondam nonnulli sua horum specimina, probatosque salubres effectus, publicē prodant. Quid ergo ille male feriatus sophistes mihi respondebit, afferenti venenatas plantas meritō creatas esse, quod ad salutiferum usum atmosphæræ & aquæ, earum effluvia in universâ effluviorum miscelâ, justâ proportione, necessariō requirebant; quodque spes sit fore, ut demum etiam interno usu applicative externo, si semel aquæ earum dosis determinata fuerit, mortalibus egregios producant effectus? *Helleborus*, *Phellandrium*, *Cicuta*, *Solanum varia*, *Bella Dona*, *Hyoscyamus*, & id genus alia, noscuntur interno externe usu, noxiæ plantæ non esse, fertique, si non internè omnes, externè saltem posse; hinc fore ut aliæ venenatae plantæ etiam salutares demum deprehendantur, spem meritō faciunt.

Hinc 6º. dico: providentia divinæ placuit scientiam virtutum plantarum, instinctu naturali, casu, observatione, ratiocinio, manifestare, idque ita per cuncta saecula. *A DEO enim est omnis*

medela. Eccli. 38. *Altissimus creavit de terrâ medicamenta, . . . Ad agnitionem hominum virtus illorum, & dedit hominibus scientiam Altissimus, honorari in mirabilibus suis.* Crevête hâc ratione experientiæ plurimæ, multaque vegetabilia in usus patefecere humanos. *Socordiæ ergo summæ foret veterum inventis aut nova adjicere nolle, aut adjici posse diffidere.* *Dies diei eructat verbum, & nox nocti indicat scientiam,* Psalm. 18. v. 3. Sed quid demum est quòd scientiæ nostræ incrementa retardat? Casus fortuiti, instinctus naturales, ut olim, ita & hodie obtingunt: prisca gens, in omnia attenta notabat ea, privatos publicosque communicabat in usus: nos vago impetu ad altiora nobis volantes, ea negligimus quæ & nobis coram, & ad nostrum aptissima captum observanda dabantur. Atque utinam adhuc inventis priscorum uteremur! Sed proh dolor! plurimarum herbarum vires à *Dioscoride* olim, recentius à *Dondonio, Clusio*, aliisque enarrantur, laudantur, exemplis demonstrantur; quam nos nec usum, nec ipsam mentionem facimus: atque ita ad veterum sapientiam nihil novi addimus, sed partem adhuc detrahimus, oblivioneque

sepelimus; sicque in materiâ medicâ longè pauperiores ipsis deprehendimur. Hæc porrò me impulit causa, ut dum viribus simplicium, quas vetustas cognovit, neglexit posterior artas, ex oblivione resuscitandis totum me dede- rim, & nova quædam observata iis, quæ partibus prioribus dedi, adjecerim.

§. II. 1. Quæ de *Lysimachia vulgari* flore purpureo, anno præterito uotavi in diarrhœis ac dysenteriis à laxitate oriundis; etiam in diarrhœis & dysen- teriis olim à causâ quâvis aliâ productis, jamque causâ priore devictâ, à debilitate superstite postmodum continuatis, mul- ta nova experimenta confirmarunt.

2. Radix *Polygalæ Virginianæ*, anti- dota inventa fuerat aduersus mortum serpentis, dicti *Boicininga*. Cum porrò cadavera eorum, quos morsus iste sus- tulerat, coagulatum phlogisticè sanguinem omnino exhiberent, medicus *Anglus* periculum fecit an eadem radix, quemadmodum inflammatum mortuū serpentis cruentem curat, ita eundem spissitudine inflammatoriâ obsitum quo- que curaret? Votis experimentum re- pondit. Medici *Parisienses* idem experti sunt quâcumque polygalarum gallica- rum specie. Vide de *Sauvages* Diss.

Acad. sur l'inflammation. In acutis inflammatoriis experimentum facere nondi, quia voto non respondens periculosem esse potuisset: dum enim experimentum sit, non est dandum aliud interea remedium, siquidem alioquin ejus, de quo queritur, efficacia non patefiet. Hinc quatuor diversis hominibus dedi qui ex inflammatorio morbo suppurationem habentes, continuo prava de integro symptomata à phlogistica sanguinis diathesi paterentur; sed binorum mensium tempore in uno, quatuor in alio, in aliis duobus quinque, datum remedium non profuit: sanguine ad necessarias indicationes postliminio sapienter misso, crustam densam ac tenacem perpetuo gerente. Lac cum melle copiosum adjunxeram duntaxat; tum quod hoc eidem indicationi inserviens, vires medicamenti infringere non posset, tum ne, si illud ipsum medicamentum non juvaret, reliquis artis auxiliis ægri omnino caterent.

3. *Marrubium* in abcessu, maximè pulmonum, veteribus celebratissimum, in uno alterove casu aliquantum profuit; in cæteris minimè.

4. *Abies* in scorbuto quocumque adeò celebrata, trimestri spatio à puellâ maximè

ximè scorbuticâ affatim epota, nihil attulit levaminis, nunquam pro ichore ulcerum verum pus produxit.

5. *Uva ursi* variæ fuit in variis efficaciam, quam expedit exactè enarrare.

Omnes, quotquot suppuratione, eaque etiam validâ diurnâque, ac reliquis auxiliis immorigerâ, in systemate urinoso, renibus, ureteribus, vesicâ, urethrâ, scrotô, perineo, nullâ labe venereâ sublitescente, laborarunt, idque citra evidentia præsentis calculi signa; hi passim & integrè uvâ ursi curati sunt, & constantiam curæ hucusque referunt.

Qui manifesto calculo, calculisve laborarunt, horum plures tam constans levamen habent, ut dudum etiam à remedio quiescentes, nec doleant, nec ullum in urinâ reddendâ retinendâve incommodum patiantur. Hos inter octuagenarium numero, qui à 40. annis parvos lapillulos, multamque arenam, mucum tenacem frequenter minxerit, doloresque inde passus enormes fuerit: ante usum hujus remedii omnem plurimorum Europeæ medicorum opem frustra expertus. Videantur etiam exempla N°. 2. & 5. cap. seq. de *Viribus Electricis.*

Alia classis horum est, qui remedio hoc curati visi, denuò relaberentur: repetito remedio, iterum quasi cutatis idque ita per 3. 5. 6. vices. His suadeo perpetuò continuunt; quod à plerisque, dum belle habent, vix obtinemus.

Tertia classis eos continet, qui vel nihil leventur, vel ad tempus modò: ita ut sub continuato remedio æquè gravia symptomata patientur, quam eodem non usi; quiique vel ad lithotomiam confugere debuere, vel viribus fracti, adeòque ad lithotomiam inepti, occubuerunt.

Hos posteriores inter puer fuit, de quo *Rat. Med. part. 3. cap. 4. pag. 162.* N°. 3. Huic & levamen incontans & febris hectica aderat, hincque ad lithotomiam destinatus. Sed dysenteriâ tenesmodè cum magno recti intestini prolapso oborta, operatio differebatur. dysenteria tandem sustulit illum.

Haud sane profuturam operationem fuisse testabatur cadaver. Velica urinaria circum calculus in substantiam densam compactamque ita contrahebatur, ut vix superesset, quod lotium exciperet, cavum. Calculus ad forcipis adtractum in centena fragmenta distiliit. Erant autem ureteres utrinque, totâ suâ long-

gitudine, digitum ampli, atque ubique, inæqualiter tamen, callosi; proindeque, qui contraherent sese, prorsum inepti. Eorum in dextro, & volvulus ingens, & tota interna superficies purulenta, pusque effundens. Renes toti callosi. Ita ut omne systema ouropoieticon, adeò immedicabiliter degenerans, nullum ferè levamen à sectione calculi retulisset.

Similem harum partium degeneracionem, sed graviorem, in viri 37. annorum corpore invenimus; qui è longinquo ad Nosecomium *Fr. Miseric.* delatus, lithotomiam præ dolorum immunitate enixè rogabat, eamque certò subitrus fuisset, nisi, quâ erat, insignis debilitas procrastinasset eamdem. Tempore igitur intermedio, quo restaurandis viribus allaborabatur, simul *ura ursi*, cum paregoricis, data fuit; idque eo profecto cum succussum, ut per aliquot septimanas dolores admodum mites expertus, solo virium defectu periret.

Utraque hæc historia, similesque *Part. 1. cap. 7. pag. 81.* enarratæ, ostendunt ejusmodi mirificas systematis nostræ degenerationes esse, hominesque tales nec remediis sanari, nec sectione posse. Quid enim proderit calculo secum esse, & interim pelvim ureteresve,

adeò & amplos habere, & tortuosos, & callosos, & purulentos? Quæ cum à priore non cognoscantur, patet lithotomiam eventus incerti esse; hujusque incertitudinis ægros, dum eam rogent, rogenturve, serio monendos esse.

An passim ii, quos *uva urſi* non juvat, suspicione laborent ejusmodi degenerationis? An igitur ideo, qui *urā urſi* immedicabiles sunt, etiam ad fortunatam sectionem inepti? Saltem contrarium nondum experti sumus. Callosa penitus pelvis; callosus, & convolutus, sedequæ pulsus, atque suā amplitudine intestinum potius quam ureterem referens, ureter, urinam suscipiunt, copiosè colligunt, nec nisi ingenti cum difficultate in callosam contractamque vesicam impellunt. Quin & semidigittum crassa, eove crassior vesica, universim callosa, vulnere facto non coēunt, perpetuum urinæ stillicidium, si vita adhuc perdurat, excitat.

Cum *uva urſi* adeò egregia deprehendatur in systematis urinarii abscessibus, occupor jam viribus ejusdem explorandis in quoque aliorum viscerum abscessu: at vero pauciora ac recentiora sunt experimenta, quam ut hucusque certi quidquam pronunciare ausim,

§. III. Amicus, medicus celeberrimus, laudes ad me scripsit *Plantaginis aquatice latifoliae*, in infuso aquoso propinatae, ad calculosos morbos, ut eam cum *uvâ urſi* viribus decertare arbitretur. Factis experimentis effectus egregios cum laudato caro, jamque celebri nomine autoris, fore ut evulgem spero.

Curæ aquâ calcis & sapone quondam peractæ constantes manent: hoc que ipso tempore eamdem denuò multâ cum spe instituo.

Mercurii sublimati corrosivi, spiritu frumenti misti, usus in Nosocomio copiosissimus, perseverat miras edere curas; quasque præcedentibus annis inde habuimus, gaudemus constantes: malo semel bene curato, nunquam, nisi ad novos errores, repullulante. Hoc currente anno amautoses incipientes, pannos, albugines, annosas narium labiorumque excisiones, &c. aliquoties feliciter inde curavimus: fatendum tamen est in quibusdam casibus susceptam curam haud successisse.



## CAPUT VIII.

## DE VIRIBUS ELECTRICIS.

- §. I. Curæ hoc anno vi electricâ peractæ.
- §. II. Frustranea quædam tentamina.
- §. III. Apoplexia mucosa, terribilibus symptomatibus sociata inde curatur.
- §. IV. Difficultas curæ paralyseos & convulsionis in facie, reliquo corpore sano: mirandâ naturæ viâ, ad desperatissimum ejusmodi casum curandum.

ELECTRICITATEM sexto jam anno in hoc Nosocomio prosecutus, eam mihi sententiam annuatim firmiorem gaudeo, quod inter præstantissima artis auxilia jure referenda sit: licet enim multis frustra adplicetur; pluribus tamen eam sive emendationem mali, sive integram curationem conferre, quam nullo alio auxilio ars præstare potuisset, indies testatus redditur. En iterum experimentorum hujus anni compendium.

I. Deauratores, quorum felices historiæ anno ultimo dabantur, partim pulchrè se habere pergunt, partim ab aliquot septimanis, quod ferè nunquam

à mercurii hauriendis vaporibus quiescant, in antiqua mala incidere incipiunt, ideoque nunc denuò ad *Machinam* accedunt.

2. *Baumgartnerin* 59. ann. malignè ante biennium decumbens, nec ritè judicata, dudum languit, ac tandem eosque restituebatur, ut incedere utcumque, & grè tamen, inciperet. Verùm integro eo biennio dysuria & stranguria, maligno morbo ortæ, miserrimè eam hucusque excruciant; dextraque manus tota ita debilitata manferat, ut prehendere eadem, tenereque posset nihil; ultimi autem digiti perpetuò frigerent. Hanc & ad *Machinam* admoni, & *uvam ursinam* ipsi dedi. Utroque hoc auxilio bimestri spatio usa, ita restituta fuit sanitati, ut post integrum curationem elapso mense me adhuc adierit, Deo præprimis, tum & mihi, quod utrâque hâc calamitate dudum jam libertata esset, gratias actura.

3. *Adam Schneider* 47. annos natus, mense Aug. 1758. illibatâ valetudine gaudens, dum citharâ ludit, percipit manifestò sinistro in capitis latere frigidam veluti auram suboriri, eamque sensim descendere ad collum, pectus, brachium, & crus ejusdem sinistri la-

teris; postquam tandem totum illud latus paralyticum deprehendit, mente interim semper sibi præsens. Linguam quoque impeditam in loquelâ, totamque genam sinistram adeò paralyticam deprehendit, ut facies tota fœdo sanè adspicere dextrorsum distraheretur. Oculus porrò sinister à primo invadentis mali momento tantopere debilitabatur, ut postmodum patim admodum eodem videret. Remediis sibi à medico suo datis, intra XI. septimanas id lucrabatur, ut paulò expeditior fieret lingue motus, pedique intistere per momentum, bono scipione innixus, utcumque valeret; in cæteris per omnia idem.

7. Nov. ad *Machinam* primùm admotus est, & 1750. 24. Febr. oculo luctatus nihil, genam perfectè restitutam gaudet, pede apto integroque ita fruitur, ut genu tantisper, sed rariū, titubet, brachioque etiam emendetur. Gavisus ita hâc curâ est, ut integrum neglexerit.

4. *Magdalena Strekerin* 40. annum agens, à sexenio catameniis caret, pectore hinc anxia, multaque pituitâ obpresso, ægrè vitam tulit. Accessit ut ineuete hoc, quem vivimus, anno, in cubitum ceciderit; tumidumque primù

brachium, ac, tumore remittente, frigidum immobileque deinceps habuerit: cunctis digitorum unguibus secedentibus prorsum, & eorum in locum disformi cornu enato. Primò quidem labefactatæ sanitati restituendæ intentus fui, eamque consequutus, mense maio fœminam ad *Machinam Electricam* admovi. Inde emendatur, sed tardè admodum; emendanda citius, si diligenter accederet: quod autem frequenter desit, id inde ortum sit, quod si 3. 4. diebus sibi subsequentibus adfuerit, artus omnes sibi vehementer doleant; ita quidem ut quiete nonnullâ indigeat, antequam ille dolor evanescat. Sanitas interim corporis integra jam adest; ut etiam brachii cura merito speranda fit.

3. *Georgius Huber* 56. ann. 3. Mart. 1759. primùm ad me accedens, novendecim annos narrabat elapsos esse, quod in lumbis ac perinao validos sit passus dolores, multosque calculos parvos eminxerit. Dolores describit sic, ut ad lumbos perpetuò orientur, pergantque deinceps ad inguina. Decem abhinc prägressis diebus, perceperat calculum à rene pelli, per ureterem premi, mingue dein ceptum, in urethrâ subsistere, & integrò quatriduo ibidem hære-

re; urinā interim guttatum modò ac furtim transfluente. Eo tempore rus sibi petendum erat. Quò carpento vectus, calculum vi emisit, urinæque simul ingens profluvium: redeuntibus tamen mox symptomatibus antiquis.

Sub ipsum hoc tempus, nempe novem abhinc diebus elapsis, contigerat, ut nocte evigilans, totum brachium sinistrum sibi paralyticum esse perciperet, sequenti autem die totum latus & linguam. Ex his omnibus sola lingua jam emendatior erat.

Primum curam systemati urinario læso adhibui, datâ *uvâ ursinâ*: à quâ mox opem mirificam expertus est. Interea temporis fumo aromatico partes patalyticæ, totaque spina dorsi, egregie fricabantur. Cum spatio mentis calculi symptomata integrè silerent, ad *Electricam Machinam* eum cepi adhibere. Quarto porrò die ad ipsam *Machinam* sentit novum descendantem à rene calculus, qui in urethram dein pulsus horit, spatio mox emingebatur, ubi antea urethra hoc crudeli hospite 3. 4. diebus excruciarī solebat. Cum nec doluit deinde, nec calculos ultra excrevit, hæc *uvâ ursi* binis modo mensibus usus esset, neglexit hucusque toram pataly-

feos curam, licet hæc spem curæ minorem non daret, quām cura calculi.

6. *Benedictus Erringer*, ann. 18. molitor, 5. Julii 1759. horâ sextâ vespertinâ, medio in opere suo, vertigine & somnolentiâ corripitur & retrocadit, per  $\frac{1}{4}$ . horæ sibi non præsens. Postquam ad se redierat, pedibus insistere neutrum potuit, uti neque integro quadriguo post. Venâ 8. Julii sectâ, cepit 8. & 10. Julii pedi inniti sensim posse. Quod autem notandum, ab ipso primo malâ inchoantis momento manus dextra vehementer tremuit, idque diu nocturne, ut eâdem perficere nihil, nihil tenere, nec cochleare ad manducandum dirigere posset. Non enim tremor modo aderat, sed etiam digitorum perfecta paralysis. Sic se habens adiit 23. Julii Nobiliss. B. van Swieten; qui re examinata eum mox ad me misit, quò ad *Machinam* adhiberetur. Adhibui. Vix decem ictus sustinuerat, quin curatum se diceret. Perfectissimèque curatus manet hucusque.

7. *Marcus Krafft* somno obreptus, capite suo incumbit brachio dextro. Expergefactus deprehendit totum brachium, manum, digitos, omni prorsus mortuus carere. Sensus admodum paucus.

adest : pollex verò & index internè  
externèque frigidi , ne vellicati quidem  
quidquam sentiunt. Malo jam 19. diem  
numerante , ad *Machinam* accessit : vi-  
res ejus 19. diebus expertus , sanitatem  
integerrimam recuperavit.

8. *Scibaldin* me convenit 13. Sept.  
1758. Hæc dudum jam cum marito oc-  
cupabatur plumbo veteri purificando ,  
fundendo , hincque jam à diuino anno in *Colicam Pictonum* incidens , do-  
lores ventris enormes patiebatur , do-  
lores quoque ac tremores per artus uni-  
versos. Dedi ipsi singulis vespereis unc.  
1½. Syrupi diacodii , unico haustu assu-  
mendas. Unde inox levata , post deci-  
mum haustum perfectam sanitatem nac-  
ta est ; solo tremore redeunte posthac  
ac perseverante. Ad *Machinam* tunc ad-  
movi , denique pilulas ex sap. ven.  
unc. ½. gum. amm. Ter. fol. tart Masi  
pil. Ruf. à dr. 11. & suffumigium ad  
fricandum abdomen & artus. Hinc spa-  
tio 2. mensium perfectissimè curata est ;  
curata mansit , donec cupro , aliisque  
metallis , & semimetallis fundendis  
iterum occupata , veteris mali redditum  
animadvertisat , jamque ad *Machinam*  
denuò accedere inchoet.

9. Tentavi an experimentum Elec-

icitatis succederet in curandis collit  
ſtrumis scrophulifisque, quemadmodum  
Act. Acad. Monspel. id testantur. Binas  
puellas per 8. menses conſtanter ad Ma-  
chinam adplicui, iectu ad affecta loca  
determinato, ſed fruſtra fui. An mala  
inveterata nimis?

10. Curationes Part. 3. cap. 6. N°:  
17. 19. 20. 25. incepτæ dudumque pro-  
tractæ nondum perficiuntur, ſpem jam  
minorem, jam majorem facientes.

§. III. Atque hæc de experimentis  
noſtris ſufficient. Addam quod de viri-  
bus Electricis ad apoplexiam mucofam  
mecum communicaverit celeberrimus  
apud Haganos C. H. Velse: » virgo,  
» inquit, honestissima 24. ætatis an-  
» num agens, tenetima, nuper apo-  
» plexiā pituitosâ corripiebatur, cum  
» palpitationibus cordis tam irregula-  
» ribus, itemque adeò costas pulsanti-  
» bus, ut eas manifeſtò audire, licet  
» ſatis distans, poſſem; & præterea  
» cum largiſſimo sudoris totius corpo-  
» ris profluvio. Hæc cum morbo chro-  
» nico, diuersiſſimis ſymptomatibus.  
» corpus conterente, & ſanguinis ( qui  
» miſſus poſtridie nonnunquam in ſe-  
» rum totas liqueſcebat, vix phlogistica  
» placentulae ſuperſite veſtigio ) miſ-

» siones, sexenties forsan, nunquam  
 » tamen citra summam necessitatem in-  
 » tra quinquennium repetitas, exigen-  
 » te, diu luctata, & adeò enervis erat,  
 » ut ( in hâc apoplexiâ ) evacuantia  
 » quæcumque verarentur; neque robo-  
 » rantibus aut spirituosis ingerendis,  
 » ob deglutitionem prorsùs sublatam,  
 » & linguam exserratam, ulla spes supe-  
 » resset. Quamobrem actutum *Electrici-*  
 » *citatis Neupertianæ* periculum feci;  
 » sed non alio cum eventu, quam quod  
 » palpitatio cordis multum remitteret,  
 » & sisteretur sudoris per aliquot horas  
 » eruptio, apoplexiæ tenore eodem  
 » perseverante: usque dum, 18. inde  
 » elapsis horis, secundâ vice virtutem  
 » *Electricam* diu in nasum determina-  
 » tam, atque hinc primò indicia sensus  
 » ingrati, deinde sternutationem fre-  
 » quentem, tandem mediâ horâ post,  
 » apoplexiæ sanationem felicissime ef-  
 » ficerem ».

Demum & hoc addiderim. Genarum  
 paralysin & convulsionem chronicam,  
 variüs curare solemus, quam despera-  
 tam relinquere. Præcipue si topicum hoc  
 faciei vitium id unicum sit, quod toto  
 in homine accuses. Absolvi equidem  
 hanc curam nonnumquam, sed frequen-

tiūs frustra fui. Et etiamnum fœmina adest, quæ à biennio fluxum puris dextrâ aure passa, tandem anno 1758. exeunte, paralyſin fœdam oculi dextri, dextræque genæ patitur, fluxu purulento auris nihilominus continuante. Octavo jam mense ad *Machinam* accedit; oculo multum, genâ ferè nihil lucrata; quamvis & ad originem rami infraorbitalis, secundi rami quinti paris, & ad locum ubi portio dura septimi paris aquæ ductu *Fallopii* emergit, pedem dictum anserinum formatura, vis *Electrica* peculiariter determinetur. Ut autem in topicâ hâc paralyſi, ita quoque res se habet in topicâ hujus loci convulsione: hæc etiam artem nostram ludere solet. Anatomicorum hujus sæculi facile princeps *Albinus*, narrabat nobis in collegiis ejusmodi convulsionem quondam sibi curandam datam fuisse, eamque ad omnia rebellem, sese, nervo infraorbitali abſciffo, percurasse. Sed en alium casum, qui doceat quām expedire nonnunquam se norit miris natura modis! Communicavit illuſt̄ superrimè mecum integerrimus amicus, celeberrimus apud *Hagonos* praticus, *Abrahamus Westerhoff*, vir cujus consilio arduis in rebus saluberrimo ſæ-


pius me usum esse gratus recordor. Casus  
 quippe per omnia illi *Albiniano* similis,  
 tum maximè annosus erat, tum ad quæ-  
 vis artis auxilia, vimque *Electricam*,  
 penitus immoriger. Consuluerat clarus  
 amicus eumdem nostrum venerandum  
 magistrum, qui curæ tam egregiè quon-  
 dam à se peractæ probè memor, eam  
 tamen hinc ambiguam suspicabitur; cum  
 qui propriè ramus incidendus, non po-  
 terat determinare. Sed en quid tunc  
 contigit? » Fit interim, inquit, ut par-  
 » vus tumor cysticus, mollis, enasca-  
 » tur in parte interiore labii inferioris,  
 » continuò increscens, mobilis neque  
 » dolens. Quum ego & incrementum  
 » nimium metuerem, &, quod spaf-  
 » modica affectio ingrata illa viciniam  
 » constans occuparet, hinc mihi per-  
 » suaderem, posse aliquid inde boni  
 » redundare; curavi exscindendum in-  
 » regrum. Effectu laudatissimo! Sana-  
 » tus homo est, manus Chirurgi tem-  
 » pore brevissimo morbum sustulit, quo  
 » vir nobilissimus per annos laborave-  
 » rat, languerat, quovis pretio redi-  
 » mite curationem dudum paratissi-  
 » mus »..

ANTONII DE HAEN,  
RATIO MEDENDI.

P A R S Q U I N T A.

• LIBRARY OF THE BIBLIOTHECA  
J. G. WHITCOTT & CO. LTD.  
LONDON

ANTONII DE HAEN,  
CONSILIARII ET ARCHIATRI  
S. C. R. A. MAJESTATIS,  
NEC NON MEDICINÆ PRACTICÆ  
IN UNIVERSITATE VINDOBONENSI  
PROFESSORIS PRIMARII,  
RATIO MEDENDI  
IN NOSOCOMIO PRACTICO.  
P A R S Q U I N T A.



P A R I S I I S ,  
Apud P. Fr. DIDOT Juriorem, Bibliopolam, ad  
Ripam Augustinianorum, propè Pontem Sancti  
Michaelis, sub Signo S. Augustini.

---

M. DCC. LXXI.

*Cum Approbatione, & Privilegio Regis.*

LIBRARY OF CONGRESS

1900-1901

1902-1903

1904-1905

1906-1907

1908-1909

1909-1910

1910-1911

1911-1912

1912-1913

1913-1914

1914-1915

1915-1916

1916-1917

1917-1918

1918-1919

1919-1920

1920-1921

1921-1922

1922-1923

1923-1924

1924-1925

1925-1926

AUGUSTISSIMÆ  
ROMANORUM IMPERATRICI,  
MARIE THERESIÆ,  
Dominæ suæ Clementissimæ,  
ANTONIUS DE HAEN.

*Postquam Medicinam Hypothesibus innixam fugare, eamdem autem solis, quoad ejus fieri possit, experimentis fundatam, cum ad lectos ægrorum tradere, tum pro suggestu exponere, illustrare, amplificareque, mihi, AUGUSTISSIMA IMPERATRIX, ab ipso principio mei ad tuam Universitatem Viennensem adventus, serio mandasses, nequeo citra summum animi oblectamentum gratitudinemque, non meminisse, quam gratiosissimo sanè vultu varia tentaminum meorum specimina contemplarere. Cum enim latini sermonis haud ignara, opuscula mea volvere non dignabar, vehementer videbaris laudare Ducem me sequi Hippocratem, quem talem ubique*

*Virum prædicari audiveras, qui  
nullo unquam systemate implicitus,  
nullo partium studio abreptus, nul-  
lā seductus opinione, nullā denique  
arrogantia elatus, è contrario verò  
fidus & solers & docilis & inde-  
fessus naturæ minister, naturam in  
prosperā adversaque valetudine,  
unicè consuluerat, eādemque sim-  
plicitate & candore, atque detexe-  
rat illam, in seros usque traduxerat  
nepotes. Approbabat præterea  
Majestas tua non nisi summos Doc-  
trinæ Hippocraticæ administrati-  
tores imitatoresque, cum in facien-  
dā Medicinā me sequi, tum & ad  
legendos & imitandos commendare  
**Auditoribus:** hos verò inter, duo  
maxima fulgentissimaque Medicinæ  
Naturalis lumina, duos naturæ  
genuissimos cultores Hippocrates,  
me in ore habere perpetuo; scilicet  
**Immortalem Bærhaavium**, qui ut  
ubivis terrarum, ita potissimum  
apud te, doctrinæ limpidæ, nativi  
candoris, sapientiæ ferè immensæ,  
indefessilaboris, felicissimarumque*

*ea de causâ curarum famâ fulgebat: Virum deinde, Archiatrorum tuorum principem, quem & Orbis Medicus universus ob incomparabiles in Bœrhaavium Commentarios summis semper laudibus effert, & ego ob T'yrocini mei partem, eo Praeceptore transadam, sapientissimaque ejus Consilia, quibus à triginta fermè annis fruor, æternum venerabor; &, quod culmen humanarum rerum est, quem ipsa tua Majestas propter Medicinæ exercitium, quod in sese, quod in universâ Augustâ Familiâ, quod in Nobiliorum pluribus, experta felicissimum est, tanto honore condecorat, tantaque existimatione ac benevolentia complectitur, ut ille sane complementum possideat omni humanæ felicitatis.*

*Quæ cum ita se habeant, Quintum Operis partem tuæ Majestati ad pedes eò confidentius depono, quò id testetur apertiùs, id altius clamet, quod ad Régiam Voluntatem magis me magisque accom-*

*modem; Medicinam, Ducibus na-  
turā hisque fidis naturae minif-  
tris, unicè colendo, colendamque  
monstrando. Idque volupe sanè.  
Quamvis enim sola tuæ Majesta-  
tis Intentio sufficiat, ut demanda-  
tam hanc mihi Provinciam stre-  
nuè administrem, tamen insitus  
ad Philosophiam Naturalem amor  
ad illam gnaviter administrandam  
haud exiguum affert auxilium.  
Unde hoc ipsum Medicinæ Profes-  
soris munus, quo à septem cum di-  
midio annis condecorare me digna-  
baris, me recreat potius quam de-  
fatigat, me unicè oblectat, me ra-  
pit totum.*

*Quapropter sunul hanc occasio-  
nem arripiò publicè tibi AUGUS-  
TISSIMA IMPERATRIX, gra-  
tias testandi, quas debeo, maxi-  
mas, quod dum immeritum me ho-  
norificentissimo Archiatri tui ho-  
nore beasti id ita moderaveris, ut  
munus Professorium commodissimè  
curatissimèque sustinere pergam.*

Dabam 8 Novembris 1760.

ଅନ୍ତରେ କାହିଁଏବା କାହିଁଏବା କାହିଁଏବା  
କାହିଁଏବା କାହିଁଏବା କାହିଁଏବା କାହିଁଏବା  
କାହିଁଏବା କାହିଁଏବା କାହିଁଏବା କାହିଁଏବା  
କାହିଁଏବା କାହିଁଏବା କାହିଁଏବା କାହିଁଏବା

ANTONII  
DE HAEN  
RATIO MEDENDI.  
PARS QUINTA.  
CAPUT I.

DE FEBRIBUS CUM EXANTHEMATIBUS,  
QUÆ PETECHIAE ET MILIARIA  
VOCARI SOLENTE.

§. I. *Historia XVII.* Aegrorum hæc exanthemata planè symptomatica esse probantes: ostenditurque hæc occasione perfectæ criseos in acutis certitudinem nos sàpè non habere; sanguinem in morbis, quos malignos vocant, & crassissimum sàpè, & maximè esse inflatum; tandemque communicatur notabilis observatio circa prædictionem in acutis ex pulsu intermitente. §. II. Ex omnibus horum Aegro-

Tom. II,

K

rum exemplis concluditur exanthemata similia rarius observari oportere, si legitima curandi methodus adhibetur; eaque, si contingent, pravae potius medicationi, quam aëri, aut climati, originem debere; paucis exceptis casibus, in quibus aut sponte, aut contagione nascuntur.

**§. I.** **L**ICET in ultimo de *Febrium Divisionibus* tractatu de exanthematis Petech. & Miliar. fusè egerim; tamen, cum nova exinde observata colligere licuerit, pondus rerum tantarum me adigit, ut nova hæc publico communicem, unâque ex Nosocomii diariis, omnium illorum, qui ibidem unquam hæc passi sunt, fidelem historiam tradam; quibus eorum, quæ in eodem tractatu posui, evidentia, ni fallor, veritasque patescent.

1. Hoc verno tempore proximè elapsò, fæmina 22. annorum febre validâ laborans, quinto sui morbi die ad nos delata est, extantibus jam tum petechiis. Verè ardens febris erat, tertiam eo die habens exacerbationem. In summa omnium cruditate petechiæ extabant. Igiturne hæ criticæ? Certè cum

nullum symptoma mitesceret, quia ingravesceret potius, symptomaticæ duntaxat vocari metentur. Sanguis hoc die venâ missus, crustam formabat portionem rubram densitate superantem. Die septimo ad quartam, eamque prioribus longè mihiorem exacerbationem, febris sudore & urinâ maximam partem judicata; ad nonum verò diem, in quinto, eoque omnium levissimo insultu, urinis ac transpiratione integrè judicabatur. Novem diebus perstabant petechiæ.

Sana octiduò vixit; die autem 17. post morbi principium, ad primas carnes vitulinas degustatas, licet tenerimas, in febrim æquè vehementem incidit: cuius altero die miliaria alba, numero pauca, comparuere. Sanguis bis missus corio densissimo tegebatur. Nec numero miliaria augebantur, nec diù perstabant. Imperfectum judicium constigit 23. morbi die, prægresso intermitente pulsu, per alvum; integrum verò 27. die, eodem modo eodemque pulsu.

Die 29. nova febris vehementissima oritur, in quâ sanguis bis venâ missus, singulis in valis, æquè magnam, densaque habet, quam olim, crustam. Nulla verò hic exanthemata. Die 4.

Kij

& s. judicium alvo, urinâ, sudore.

Ex datâ historiâ nihil evidentius est, quâm utrumque hoc exanthematum genus minimè criticum fuisse. Summa morbi cruditas, ejusque postquam hæc effloruissent, validum incrementum, critica aliunde contingens posthac evauatio, evidenter, arbitror, hæc demonstrant.

Quod eò magis notandum, quia hic casus ex rarioribus est, in quantum nobis adparet, in quibus nulla arte producta exanthemata erant. Frigido quippe in loco, frigidâ tempestate, primis quatuor morbi diebus ægra jacuerat, remediis calidioribus minimè usâ. Ita ut hæc ne critica quidem fuerint, licet pravâ arte non producta. Confirmat id tententiam, quam egregius *Paulus de Sorbait* annis abhinc 90. ex cathedrâ viennensi docebat, petechias esse motum noxiū & symptomaticum. Med. Pract. Tract. 3. pag. 541. & 545.

Advertimus quoque exanthemata putridæ sanguinis solutioni propriè non deberi; cui post eoruin exitum idem sanguis, etiam iteratò missus, densissimus fuerit.

Tandem febris tanto cum furore tergiò repetens nos docet id, quod toties

ad lectos ægrorum advertimus, perfectam non haberi, judicio jam facto, certitudinem morbi ita devicti, ut non fiat recidiva. Etenim quò omnes functiones perfectius celeriusque in integrum restituuntur; quò motus critici diebus judicatoriis exactius fiunt; quò denique evacuationes perfectiores constantioresque, cum virium incremento, contingunt; eò minor adest relapsus metus. At verò hucusque non habetur ejusmodi certitudo, quæ excludat omnem omnino relapsus formidinem. Vidi mus sanè & in hac muliere, & in pluribus aliis, nihil judicio defuisse; attamen iisdem successisse relapsum. Nisi forsitan quis novum potius morbum, quam recidivam, appellandum idem esse arbitretur: sed difficulter profectò admittetur hæc opinio, si succendentis febris cum præcedente similitudo attentiùs ponderetur. Itaque merito jure medici omnem adhibeant diligentiam, ne in sex rebus non naturalibus quid committatur, quo repetat morbus: juvatque hujus incertitudinis seriò monitum esse ægrum, monitosque ejusdem familiares; ne morbo male curato adscribant, quod à quopiam regiminis errore, aut etiam

absconditis planè de causis, postliminio fortè contingit.

2. Juvencula 20. annorum nata, tertio hemitritæ die, petechias jam habuit, nostrumque in Nosocomium die quarto illata est. Multæ sanè hoc die conspiciebantur in jugulo, pectore, humeris, dorso, lumbis, femoribus, cruribus.

Notabile porrò 1º. quod hæc famina die morbi tertio, ipso hemitritæ accessu, summo mane, in frigido ad 27. gradus aëre, extra civitatem pedes iherit; nec motu per horam producto ullatenus incaluerit. 2º. Quod post meridiem intropulsos frigore humores, eosdemque planè crudos, valido sudorifero moverit; hincque crudis hisce ad ambitum corporis pulsis, petechias conciverit sibi. Miri ergo nihil, quod ad 5. diem, cum validâ hemitritæ exacerbatione, exanthematis intropulso observaretur. Quare etiam illicet maligni quidpiam hic præfigiens, coricem *Peruvianum* dedi. Confestim inde convalescit, extra ordinem fluentibus mensibus, mox à petechiarum recessu.

Hæ certè pessimo more expulsæ, penitus symptomaticæ fuere; etdemque suo subito recessu alioquin nociturae,

Jam & dato cortice, & profuis catameniis, subitam reconvalescentiam non retardarunt.

3. Fæmina 39. annum vitæ agens, cardialgiâ acidâ crudeliter per annos vexata, totaque inde cacheœtica, gravi demùm peripneumoniâ corripiebatur, & ex Nosocomio, in quo multa exanthemata grassabantur, die morbi quinto ad nos deferebatur. Maculæ in collo, dorsoque, rubræ, eæque, quòd profundius hæcerent, quasi eruptioni impares suspectæ: omnium cruditas morbiue augmentum suasere venæ sectiōnem. Sanguis crustâ facile transscindendâ tectus fuit, rubrâ autem parte dissolutus. Crescente ad diem 6. febre cum anxietatibus, verisque pulmonis inflammati signis, iterata venæ sectiō est. Sanguis eductus priori similis, nisi quòd ultimo in vase, sub albâ tremulâque crustâ, justè compactus cerneretur. Die 7. una pustula alba miliaris visa ad jugulum. Febris pravis cum symptomatibus perpetuò stipata, pulsuumque exploratione homotonos quidem appellanda fuit; sed calore ad thermometrum mensurato, minimè homotonos. Die 9. & 10. pauca; die 11. copiosa, eaque alba, in pectore miliaria; die

12. paulò minus conspicua; 13. eadem iterum, ac nova præterea: in pectore conspicua. Die 14. mortua est. Febris ab initio ad finem usque horrifica fuit.

Historia mali docet, 1º. petechias contagione suscepatas, nec sufficienter propulsas, morbi cum augmento adparuisse. 2º. Miliaria eadem origine nata, quò copiosiora, eò & graviora, & magis fuisse letifera. Unde concludimus exanthemata hæc, non à naturâ, sed à contagio genita esse; eademque minimè critica, sed merè symptomatica habenda fuisse.

Hic in transitu noto hoc exanthematum contagium, ut illud variolarum morbillorumque, se sæpè habere, non nisi prædispositos afficiundo. Præter alia exempla, memorabile illud ancillæ est, quam suscepimus eo momento ex ædibus eductam, in quibus, iubente medico, cubiculo arctè clauso calidissimoque inservierat patri nobili, filiabusque duabus, exanthemate miliari omnibus successivè enectis: febre continua hæc apud nos decubuit, & sine exanthemate brevi convaluit.

4. Juvenculæ, mensibus terrore suppressis, ingens brachii dolor, breve post acuta febris oritur. Die 11. pe-

ripneumonia adest; albaque miliaria confestim prodeunt, continuòque augmentur. Die 14. gangræna brachii & mors. Eo tempore nondùm sciveram, quòd posthac expertus sum, in febre continuâ non remittente ac verè inflammatoriâ, si exanthemata adsint, morbusque rebellis sit, corticem *peruvianum* egregiè prodesse.

A resorptu ichoris gangrænosi nata pectoris anxietas, nata copiosa miliaria, criseos nullam, ni fallor, suspicionem faciunt.

5. Fæmina vehementi irâ excandescenti, gelidamque affatim hauriens, febre corripitur; & continuans interim ancillares labores, vagos ejus insultus per octiduum sàpè experitur. Tandem in continuam incidit, cum gravi pectoris anxietate, vehementi cephalalgia, multâ siti, prostrato appetitu, vertigine, vigiliisque continuis. Eo in statu omnis auxilii inops, calidâ admodùm tempestate, per integrum septimanam jacuit, jure carnium & frigidâ aquâ usq; dun-taxat. Accessit angina biduò durans, & sic demùm octavo die continuæ suæ febris ad nos delata est. Quo ipso tempore catamenia ipsi, octiduo maturius, fluere cœperunt. Febris validos artuum

dolores sibi junctos habebat, vires autem nondum prostratas. Die 11. miliaria maximam partem alba, pauca vero rubra, apparuerunt; signis coctionis in alvo praegressis. Ab 11. ad 14. diem bene procedente exanthemate, vomitus glutinosus vexabat, vel copiosæ putnitæ, tremulæ, pellucidae, vitreae, per alvum secessus; vel noctes insomnes, pectorisque anxietates; imò novi, simulque ferocius, attuum dolores. Alvo coctâ partim judicata est 14. die; sed eadem demum integrè ad diem 17.

Morbus neglectus per 14. dies, humores crudi, ancillaribusque laboribus intempestivè moti, & cum per angustiora vasa transadigerentur, dolores rheumaticos excitantes; deinde decubitus per tantos calores in parvo squallidoque cubiculo, vix renovarâ atmosphærâ, corpus ad exanthemata necessariò disposuere. Morbus vero post exorta exanthemata, cumque eorumdem non interturbato progressu, diris symptomatibus, cruditatem spirantibus, increscens, posteaque demum alvo judicatus; hanc profectò eruptionem minimè criticam, sed penitus symptomaticam, declaravit.

6. Juvenis febre continua putrida,

gravi cum delirio, laborans, in Nosocomium inferebatur. Diem morbi primum exactè rescire non potui; cum ex ejus incertâ ac variatâ enarratione, sextusne ab illo tempore dies, an octavus esset, ambigeretur. Saltem eo tempore crudam morbi materiem emeticis & purgantibus moverat; ingentem praecordiorum gravitatem, anxietatemque perpetuò expertus.

Præterea ex Nosocomio alio, ubi exanthemata ferè perpetua erant, in nostrum ductus erat. Interim sensim ad Coctionem morbus tetendit, alvoque & leni sudore ad judicationem pervenit: urinâ interim sæpè enæoremate & nubeculâ carente, nec hypostaticâ unquari.

Judicio prægresso, incredibile quām citò perfectèque sanesceret; ita ut integris noctibus, idque spontè, dormiret, bellè comederet, totasque obambularet per ædes. Sed biduò post, miliaria totum pectus obsiderunt; quibus tum prodeuntibus, tum triduò post exsiccati ceptis, mirum quām bono somno, quām grato appetitu, quām facili corporis exercitio, integrāque prorsū valetudine frueretur.

Neglectus igitur pessimèque tractatus

Kvj

morbus; decubitus primò pro patriæ more in calidâ atmosphærâ, idque infernidâ tempestate; tandem infectus priore in Nosocomio aër, labem aliquam sanguini conciliare potuerunt; quæ crisi prægressâ, & recuperatâ sanitatem, expulsa fuerit. Unde certè nec origine nec effectu, hæc exanthemata critica fuerunt.

7. Juvenis fæmina ex eodem Nosocomio suscepta, hanc nobis anamnesin formavit. Tribus integris septimanis lassitudine spontaneâ, cruribusque non-nihil tumidis, laboraverat, eamque ob causam illud Nosocomium adiverat. Ibidem porrò tum præstantissimâ curâ, tum blandâ quiete, se ita refocillatam experiebatur, ut repeteret famulatum. At verò eidem sustinendo inepta, in quotidianam febrim inciderat; ad quam curandam quemdam sibi pulverem coemerat, qui decies & novies alyum, vomitum autem ter, vehementer ciebat; posteaque venam sibi tundi curaverat. Tandem in continuam acutam intermitte conversâ, quarto ejus die ad prius Nosocomium, quinto ad nostrum delata est; petechiis, dum nobis afferebatur, jam prodeuntibus.

Septimo morbi die subitò hæc eya-

nuere, datoque cortice, paucæ die 8.. repullulatunt. Die 9. pauca miliaria alba vifa sunt. Vomuit eo die pluries cum euphoriam; ut & die 10. cortice interim uti perrexit, paucisque opacis miliaribus, quæ ad posteriora colli perennabant, exceptis, intra octiduum integrè convaluit.

Morbus dudum neglectus, contagium, intempestivus crudæ materiæ motus, ægram hanc quarto febris continuæ die petechiis macularunt. Crevit postea morbus. Cortice sanatus est; licet retrocedentibus petechiis pauca miliaria successissent. Iterum nihil hic criticum.

8. Juvenis 17. annorum in neglectâ per sex dies febre continuâ ad nos adfertur. Die 14. febris, alba miliaria erupere. Crevit, iisdem erumpentibus, vis morbi; & qui eò usque bonus fuerat æqualisque pulsus, inæqualis nunc rythmo temporeque factus est. Unde mox cortex datus; cuius sub usu pustulæ ad 5. diem disquamari incipiebant; & integra sanitas octavo post eruptionem die succedebat.

Die quamvis critico erumpentes palpæ miliares, nullam criseos, sed præcipuam symptomatis notam, gesse-

222 RATIONIS MEDENDI  
runt; morbo tunc admodum calamitoso  
facto.

9. Adolescens, qui à septennio spinâ  
ventosâ, fædè exulceratâ, laboraverat,  
in Nosocomium demùm suscepitus,  
diætam lacteam, & corticem *Peruvianum*  
spatio bimestri, idque bono cum  
effectu, adhibuit. At verò ulcere tan-  
dem sponte siccato, febris continua  
acuta eum aggressa est. A 4. usque ad  
9. diem cutis rubebat, ac si expectanda  
scarlatina eruptio foret. Die autem ipso  
nono, miliaria solitis in locis compa-  
rebant; unâque vehemens ac sicca tu-  
sis, quæ eò usque diu noctuque ægrum  
vexaverat, nunc & mitior, & pulchrè  
humida reddebatur. Hucusque exan-  
thema istud, ut criticam evacuatio-  
nem, facile quis salutaret. At verò ad  
sequentia attentus symptomaticam au-  
dacter pronuntiabit.

Etenim 11. die observabamus, 1º.  
eam in pulsu inæqualitatem & inter-  
missionem, ut quandoque, sed sine or-  
dine, per integrum unius pulsationis  
spatium differret; moxque insolitam  
repetet celeritatem; 2º. nausemam,  
vomitamque: 3º. ulcus, quod eò us-  
que siccum fuerat, jam fluidum, suo-  
que postmodum in fluore continuum:

4<sup>o</sup>. subitò turbatas urinas, quæ pluribus diebus limpidissimæ fuerant.

Igitur judicium propriè siebat die undecimo. An integrum? Equidem dubitabam, propter notabilem pulsuum, in diem 20. usque, intermissionem. Febris tamen acutæ absentia, ac vitium reditus, citra aliam, quam ulceris, evacuationem, judicium perfectum ostenderunt.

Quid igitur intermittens ille pulsus? Sanè ex eo, & circa criticum tempus, & cum prægressis quibusdam coctionis signis, observato, sapientius, authore *Solano*, evacuationem criticam, vomitu aut alvo futuram, prædixi ad ægrotum lectos in Nosocomio; id quod etiam in hoc ægro, eodem undecimo die, exactè confirmabatur. Attamen cæteris octo diebus, cum nulla per vomitum, alvum, hæmorrhoidasve evacuatione, pulsu continuò intermittente, contingeret, experimentum fallere visum est. An quia cocta morbi materies, in corpore superstes, & ratione intermittens pulsus, aut vomitu, aut alvo, aut hæmorrhoidibus eliminanda, ulcere effluerit aperto? Numquid hic pulsus, si materia per vias à *Solano* indicatas non effluit, etiam ulceris, si adest, fluorem præfigiat?

10. Adolescens 17. annorum, ob nimii ponderis gestationem febricitans, bis sectâ venâ ad nos adducitur; finiente jam die sexto, & jam tum in pectore brachiisque variegatâ, præ rubedine, cute. Crevit pessimis cum signis, & symptomaticâ maximè alvo, morbus. Die autem 11. alvus pulci similis, ac flava; simulque ad pectus maculae plures, ad nullum certum eruptionis genus sese determinantes, conspectæ sunt. Quæque à nocthemeri spatio defuerat urina, copiosa nunc illa, & cum enoxemate fundum brevi petente mittebatur. Febris modica; flava, pulchre similis alvus; &, projectus qui fuerat, renatus appetitus. Die 12. perseverantibus bonis hisce signis, vites majores, lingua nitidior, nox optima fuit. Die 13. veniam per conclave ambulandi, cibosque tum mutatos, tum copiosiores, rogavit. Die 14. verò juveni pet omnia sano miliaria alba erumpunt, paucas intra horas iterum sicca; eodemque planè modo, spatio quinque dictum, continuò renascentia, & eodem die exsiccantia sese ac disquammantia, absque ullâ vel minimâ labe sanitatis. Ita ut brevi Nosocomio exiret, constantique postmodum sanitate gauderet.

Maculæ rubræ ad sextum diem, adeòque per morbi augmentum, adparuere: pustulæ miliaribus formâ similes, crisi jam perfectâ, ac sanitate recuperatâ, effloruerunt. Criticum ergo neutrum fuit.

11. Malignâ admodum febre juvenis decubuit, variolas nunquam passus, easdemque valdè metuens. Ad sudores validos eosdemque continuos corpus, patro errore, disposuit, quotiescamque non aderam. Hinc die 5. maculæ rubræ in collo ac manibus visæ sunt, mox verò iterum evanidæ; itidem die sexto. Posthac illum, ægrotans ipse, non vidi. Ab aliis autem rescivi rubris illis maculis alba miliaria sensim accessisse, profusissimosque toto in corpore sudores. Ad diem 15. totus miliaribus scatens, periit.

Nimio atmospheræ, parvo in cubiculo, calore, coactisque sudoribus, utrumque exanthematum genus gentium est; neutrum sanè criticum.

12. Fæmina 24. annos nata, nono morbi acuti die ad nos defertur, maculis rubris in collo, facie, pectore, summo humero, jam à biduo derupata, & ab earum eruptione in pejus lapsa. Postò hoc ipso 9. die duo observan-

tur: 1º. retrocessio maculatum; 2º. intermittens pulsus cum torminibus ventris, cum tenesmo, & cum alvo coctâ multâque, ad tertiam usque vicem repetitâ. Mitis exinde illicò febris.

Judicium factum multa suadebant. Sed insolita admodum debilitas, post subitaneum macularum retrocessum, maligni quid portendebant. Unde corticem exemplò dedi. Mox inde recreata bis similem alvum posuit. Die 13. tria visuntur in collo miliaria, quæ perstant triduo. Die 17. pauca alia accedunt, ut & die 18. 20. 21. Sed, ut dixi, mox à sumpto cortice mirè recreabatur, subitòque reddebatur sana; ut cum paucis hisce papulis egredi domo, si opus fuisset, potuisset.

Enarratione totâ arguitur rubras maculas, crescente morbo natas, planè symptomaticas fuisse; miliaria vero post crisiin quamdam, postque plenarum vitium redditum, nata, criseos certè normam non habere. Fortè prius illud symptomaticum exanthema subito evanescens, viresque prosternens, posthac bonitate corticis, paucorum formâ miliarium, effloruit.

13. Vir 27. annorum, sexto febris continuae die, miliaria habet, quæ

nunc plus, nunc minus extabant, usque ad 12. diem, quo nova pellucidaque eadem & alba, prodiere. Continua febris nunc in remittentem, bis die exacerbantem, abivit. Die autem 16. & 17. æger copiosissimis scatuit miliaribus. Febris inde exacerbatio major, vitesque projectiores. Cortex ad 20. diem dari ceptus; cuius sub usu papulae novæ. Sanitas integra brevi sequuta est.

Prodiere prima miliaria cum morbi incremento, imò morbo posthac in longè periculosiore mutato; posteriora itidem. Nulla proinde criseos similitudo.

14. Eodem tempore mulierem, ulcerosâ scabie sponte ferè curatam, cæterum arthriticis obnoxiam insultibus, jamque universorum penè artuum rheumatismo laborantem, suscepi in Nosocomio. Febris acuta fuit, pustulæque nonnullæ rubræ in facie, unaque insignior ad nasum, aderant. Die 13. rubra miliaria copiosa prodiere in facie, collo, brachiis, cruribusque universis; unâ horâ conspicua admodum, horâ alterâ vix visibilia. Die 15. & 16. bene prostant; 17. adhuc magis; 18. maximè, sed cum intolerabili cephalalgiâ.

Die 20. miliaria ritè quidem prostant; sed magna præcordiorum anxietas adest. Die 21. & 22. cum copiosissimis miliaribus enormes pedem, quo præcisè olim loco podagra, excruciant dolores. Die 24. cum miliaribus & copiosis & magnis, valida febris. Miliaribus jam in facie siccescentibus ad 27. diem, febris magna. Decem postmodùm dies elapsi sunt, priusquam ultimæ pustulæ exsiccarentur. Rheumatici dolores, febre & exanthemate jam evanidis, diù adhuc persisterunt.

Contagium hæc fæmina vel jam habuit, cum ad nos duceretur, pustulis in facie rubris tunc jam maculata; vel in Nosocomio, miliaria ægro mox descripto habente, contraxit. Cæterum nemo, credo, criticas has eruptiones esse autumabit, qui cum iisdem videt morbi durationem, febrim validam, judicium imperfectum.

15. Mulier 27. annorum sextâ die suæ continuæ ac putridæ febris, numerosas acquisivit circum labia pustulas, ut & die 7. Ad finem autem hujus diei, siccescentibus illis, alba eaque copiosa successere miliaria ad scapulas, humeros, faciem ac demùm brachia universa; die 10. ac 11. pulchrè prostantia;

12. numerosiora; 13. in toto dorso atque abdomine conspicua. Die autem 14. hæc omnia rubris miliaribus plurimis interspersa, tam in priore, quam in posteriore corporis parte inveniebantur. Die 15. his cunctis ritè extantibus, valida admodum febris cum cephalalgia per integrum diem intolerabili, ægram vexavit. Die 17. ingentes anxieties adsunt. Cum 17. die examinaremus an diuturniore decubitu, licet omnis adhibita cura fuisset, postica corporis haud excoriarentur; vidimus totum dorsum, lumbos, nates, crura, pedes pedumque digitos confertissimis miliaribus scatere. Hoc die incipiebant exsiccari; exsiccatio tota brevi successit, integraque sanitas.

Quia eodem tempore cum binis posterioribus ægris hic decubuit, natum contagione exanthema facilè credimus; symptomaticum autem fuisse dies 15. 16. 17. abundè evincunt.

16. Fæmina petechiis, antequam ad Nosocomium deferreretur, sere enecta, alterâ die mortua est.

17. Peripneumonicus in Nosocomio casu & neglectu exanthemata passus, brevi inde curatus, crici peripneumonia ritè absolutâ, Part. 1. pag. 26., &c. ut & alibi descriptus fuit.

§. II. Aegri ergo numero septemdecim, spatio sex cum dimidio annorum, petechias aut miliaria aut utrumque in Nosocomio practico habuerunt, adeoque quinque circiter omni biennio. Pars media horum exanthemata, antequam ad me adferrentur, iam habuerunt; pars altera iisdem in Nosocomio practico correpti sunt. Ergo inibi spatio trium annorum exanthemata hæc quatuor duntaxat ægris etuperunt. Omnia verò duo tantum fuere, quibus id sponte contigerit: reliquis quindecim aut contagium, aut parvum regimen, medendive methodus, aut combinatae hæ causæ exanthemata produxere. In nemine verò illorum ea critica fuisse, ipsa cujusque morbi historia evicit. Ad historias autem illas quod spectat; exactè profectò eas ex majoribus Nosocomii diariis contrahere valui, quod in hisce quidquid ægris nostris omni die, quavis horâ, singulo momento contingit, exactissimè amplissimèque adnotetur: unde etiam fit, ut ipsa hæc diaria basin ponant dicendorum medicinæ studiosis ad ægrotuum lectos.

Igitur irrefragabili experientiâ convictus, affero nemini meorum critica

hæc exanthemata fuisse. Imò si nunquam petechiis miliaribusve laborantes vidissim, & nudam modò horum 17. ægrorum historiam legissim, quo, ambo! jure criticum id vocarem, quod sæpè diebus neutquam criticis, sed admodum infidis contingat? quod cum morbo & multùm & diù ingravescente, auctoque proinde periculo, fiat? vel etiam quo erumpente, criticæ evacuationes, in morbis acutis citra exanthemata consuetæ, exque sufficientes prodeant?

Hinc concludo 1°. Si in aëre Vienensi, in quo medicinam facio adeò rarissima mihi hæc exanthemata sunt, ut spatio  $6 \frac{1}{2}$ . annorum vix 17. exempla coram centenis testibus potuerim producere; si præterea plerisque ægris meis, citra exanthemata, integræ contingent, felicesque crises; tunc exanthemata illa, alijs medicis adeò frequentissima, critica utique appellari non posse.

2°. Si iisdem acutis in morbis exanthemata mihi rariſſima sunt, in quibus alii medici ea frequentissima vident, ea sanè ab aëre, seu nostro, quod vocant climate, neutquam generari; at verò potius à certis quibusdam causis, quas ad ea generanda ponere soleant illi, ego autem non soleam. Quænam

porrò causæ illæ sint, has in Tract. de Febr. Divis. fatis superque, ni fallor, ex pluribus, imò etiam ex celebrioribus Germaniaæ autoribus, demonstravi.

Ut igitur multa paucis dicam, differentia exercendi praxin tanta est, ut differentia in morbis inde necessariò generati debeat. Mistura, Hofmanniana practicis Germaniaæ dicta, eive similis, nunquam adhuc cuiquam nostrorum acuto in morbo data fuit. Deinde 2°. pulveres absorbentes, sive testacei ac precipitantes, nec non bezoardici & cinabatini, nunquam iisdem in morbis in Nosocomio prescribuntur; puerperas, infantes; & præterea ex centenis fortè hinc inde unum alterumve, cui ab acido febris, excipiatis. 3°. Emeticæ aut purgantia nunquam adhuc debui principio acutorum dare. Ita ut Hippocrates Aphor. 1-22. & maximè in Libro de Purg. sive in fragmento dicto Heurmano, rectè monuetit oppidatros esse casus illos, in quibus aut emerico aut purgante, initio acutorum, uti eporteret. Quam utique doctrinam in Epidemiorum libris, passimque alibi, exemplo confirmavit. 4°. In calidâ, non renovatâ, putridis exhalationibus inquinatâ atmosphærâ, nunquam

quam ægri & includuntur & ferè suffocantur, in nostro Nosocomio.

Unde tam certum mihi videtur, quam quod certissimum, exanthematum frequentiam à quatuor hisce causis positis oriri, ac perennare; & è contrario à medicinâ *Hippocraticâ* eorumdem observari raritatem. Hujus observati veritatem partim jam confirmarunt edita, partim brevi confirmabunt edenda in lucem variorum diaria Nosocomiorum, in quibus demùm modernorum hæresin antiqua *Hippocratis* medicina pepulerit. Meritò igitur concludere mihi videor, quamdiu moderni morem obtineant, eos exanthematum perpetuare crebritatem; eorumque conscientias graviter oneratas manere, tum eâ majori molestiâ, quam suis ægris frusta faceant, tum graviore periculo, in quod conjiciant eosdem, tum denique multorum strage, quos exanthema, deditâ operâ provocatum, quotannis è vivis tollat.



234 RATIONIS MEDENDI  
CAPUT II.

DE HYDROPE ET TYMPANITIDE.

§ I. *Viri hydrops ascites cum monstroso omento, cæteraque abdominis pinguedine mirè degenerante. Varia circa ejus causas, & effectus. Observatio pertinens ad historiam vomitus, qui secundum communes pathologię leges inevitabiliter hic adesse debuisset, adesse tamen haudquam potuit.*

§ II. *Hydrops fœminæ cysticus, ascitesque abdominis; una cum hydrope pectoris, & inferioris corporis intercute. Saccus ex ovario ipso, ejusve hydatide ortus, ventrem explens ferè universum.*

§. III. *In aliâ muliere hydrops, & cysticus, & ascites: saccus autem tam ab ovario, quam à toto sinistro uteri latere, natus, in coque unâ cum aquâ aër contentus. Parvus admodum thorax; pulmonumque pars notabilis aquæ, in quam injecta, fundum petens. Ad trinos hos casus impossibilitas Parisinos imitandi ostenditur.*

§. IV. *Ostendit idem historia hydropicæ ex Part. 4. resumpta, atque in presentem diem producta.*

§. V. *Prosecutio aliùs exempli ex Part. 4. curam cystici tumoris, na-*

eturā viam monstrante, enarrantis.  
 §. VI. *Tympania* impropriè dici potest  
 aquā & aere gigni; unde veterum  
 quorundam, id ita affirmantium, mens  
 intelligitur: quamvis eo in casu alio po-  
 tius, quam *tympanitidis* nomine, mor-  
 bus insigniendus esset.

**D**e hoc argumento fūsē egi *Part. 4.*  
*Rat. Met. Cap. 3.* variasque curandi me-  
 thodos examinavi, ut constaret quā de-  
 mūm ratione ejusmodi calamitates sive  
 percurare nonnunquam, sive saltē to-  
 lerabiliōres reddere possimus. Verūm  
 cum proximē elapsus academicus annus  
 novas suppeditaverit, eisdemque nota-  
 biles admodūm observationes, operæ  
 pretium erit hasce nunc recensere, fu-  
 siusque differere super hāc quæstione.

§. I. Scriniorum faber 36. annos na-  
 tus, sanus perpetuò, vino licet deditus,  
 calidissimo die 25. Julii 1759. domici-  
 lium mutans, transferendæ suppellectili  
 plurimūm occupabatur, gelidam pro-  
 cul dubio plurimam ingurgitans. Nocte  
 insequente collo lumbisque dolere, si-  
 mulque tumere ventre cepit. Variis re-  
 mediis frustra usus, ad *Fratres Misericordiæ*, mense Novembri, se contulit.  
**H**ydrope intra octiduum immensè cres-

eente, 68. libras medicas aquæ limpi-dæ, flavæ, utcumque flocculentæ paracentesi eduxere: renato autem subito malo, 48. libras, elapso vix à primâ paracentesi octiduo, iterum evacuantur.

Ventre hinc egregiè depleto, exper-tissimus hujus monasterii medicus D *Guarin* minitans tem morbi redditum aptis semper retudit medicamentis. Integim manifestò deprehendebantur in ven-tre tumores, qui prominentes globos hinc inde referrent. Perpetuosque ferè & dolores & ardore miseri, ad umbilici regionem, conquestus est. Unde demum, collapsis viribus, 13. Dec. pe-riit.

*Fratres Misericordiae* lymphæ 2. aut 3. ut putant, mensuras cavo abdomen eduxere: cum verè cæterum totum inibi confusissimum cernerent, attulere mihi exemptam totam quantam viscerum ven-tralium molem, cohærente ita, ut in corpore fuerat. Cujus en publicè factam anatomen.

Ingens ventriculus adparuit, lieni arctè connatus; hepar autem mediocre. A fundo autem ampli latique ventricu-li, durum crassumque scutum nasceba-tur, universum explens abdomen, us-

que in latera, imaque pelvis; viscerum proinde omnium conspectum velans, peritonæo hinc inde connatum. Eodem elevato, intestina nuda patebant, ita ut manifestò constaret ingentem hanc mollem degenerans omentum esse. Accuratio examine patuit substantiam ejus constare tuberculis innumeris, majoribus, minoribus; hinc omnino informem & inæqualem, lamellis omenti ambabus intimè connexis constantem. cartilagineam natuream plura tubercula induerant. Parvumque ita *Winstlowo* dictum omentum pariter degenerans, cum omento magno, cum gibbo ventriculo, cum cavâ hepatis regione, ante sinum venæ portarum, intimè concreverat. Pondus autem omenti totius 5. $\frac{1}{2}$  librarum fuit.

Omnès præterea productiones adiposæ, quæ, totidem omentorum instar, ad colon rectumque enascuntur, eodem modo degeneraverant; ad rectum verò adeò, ut inde tota pelvis repleta cerneretur.

Mesenterium ac mesocolon iisdem quidem tuberculis scatebant, sed aliter dispositis; ramosis nimirum, eumque productis in modum, quo in fodinis vel subterraneis specubus, stalactica.

Sub duro omenti tegmine compressa locabantur, interque sese ligamentis, facile tamen dilacerandis, connata intestina. Omnis pinguetudo, quæ tria ad hepar ligamenta comitari solet; omnis ea, quæ vesicæ felleæ ejusque ductui circumfusa cernebatur, nil nisi similem induratam atque globosam referebat. substantiam. Pylorus intus bonus, exteriùs tumorem gerebat, qui & durus & semicircularis, & plus quam tres digitos latos crassus, inventus est. Diaphragma totâ suâ inferiore facie duros hos sebaceos tumores, semidigitum crassos, gerebat.

Suspicaremus ferè calore nimio fusam omenti ventrisque pinguedinem, subito frigore, dum vespere à laboribus quiescebat homo, ad ventrem externum admisso, frigore quoque potus gelidi intrò suscepto, coaluisse, induruisse, in irresolubilem hanc massam abivisse; sensimque appulsis humoribus auctam esse; atque hinc positam demùm, quod in ejusmodi degenerationibus afolet, hydropis causam fuisse. Utique dies fuit torius æstatis calidissimus, thermometro post meridiem, in loco à reflectione radiorum immuni, gradum 90. notante. Si in tanto calore ponderetur

labor, quem vehementem, quem continuum sustinuerit; & conferatur cum observatione *Ruischii* fusam à motu pinguedinem in equo describentis, conjectura verisimilitudinem adipiscitur.

Nunquam, quod notandum, homo in hoc morbo vomuerat. Attamen, præter alias vomitus causas, irritatio perpetua ventriculi, tum & pylorum premens arctansque moles, vomitum frequentem ac vehementem, ex iterata experientia anatomicâ, excitare debuissent. Verum in hoc homine ventriculus & utrinque & toto fundo suo, tam duræ, tam crassæ, tamque ponderosæ massæ adeo intimè adnatus erat, ut videtur, ne à fortissimo quidem emetico, in convulsivos vomendi motus contrahi agitarique potuisse. Bilis in cystide copiosa, tenax.

§. II. Mulier 52. ætatis annum agens, adhuc menstruans, à 12. retrò annis tussi vexata, alvo perpetuò segnis, curat sibi pro consuetudine maiali venam tundi; ex eoque tempore fluore menstruo caruit. Brevi postea dolorem in hypogastrio quidem toto, sed sinistro ejus in latere intensiorem, percepit; ut ultra in illud incumbere nullatenus posset. Crevit sensim abdominis moles, ita tas-

men, ut cutis & musculi semper flaccidi manerent, prehendique ac complicari possent, præterquam ad umbilicum. Dolorem deinde in dextro hypochondrio conquesta est, versus costas ac ventriculum se extendentem; qui tamen posthac minus observabatur. Quinque septimanarum spatio ventrem ego saxe sollicitè tangens, dura omnia deprehendi, præcipue utroque hypogastrii in latere; fluctuationem vero liquoris nunquam. Tandem contigit, ut dum incederet per plateam, acutum sinistrâ in abdominis parte dolorem, cum quodam dilacerationis sensu, perciperet. Ex illo die manifesta humorum undulatio ab utroque umbilici latere, in epigastrio potissimum, percepta est. Jamque integumenta & musculi abdominis, olim adeo flacci, vehementer tensi expansique observabantur. Ventris crutrumque hydrops intercus hisce se junxit.

Qui cysticus olim hydrops fuerat, eum nunc, dilacerato sacco, ascites produxisse rati, ad paracentesin devemus, aperturâ solito altius factâ; quia infra nulla undulatio, sed magna poriùs durities. Unde nobis videbatur callosus crassusque saccus, licet infirmiore quâ-

: .

dam plagâ crepuisset, multisque effet evacuatus aquis; tamen durâ suâ mole, lymphâ fortè multâ adhuc circa ejus fundum existente, hanc efficere hypogastrii duritiem.

Paracentesis 7. Nov. 1759. instituta, 22. propemodùm libras medicas fusti, turbidi, spissi, liquoris eduxit. Ventre inde plurimùm evakuato, fœmina veluti reviviscere tridui spatio visa est. Verùm brevi adeò tempore liquor undulans recravit, ut propter anxietates auctas, suffocatamque respirationem, cogemur 31. Nov. repetere paracentesin: quâ tamen haud ulta 16. libras educere potuimus.

Vix inde perceptum solamen, quòd anxietatum alia longè quam olim, se causa prodiderit. Decubitus in dextrum latus commodior, subita à primo somno excitatio, & suffocans eo tempore anxietas, hydropem dextri thoracis lateris innuerunt. Ita tamen, ut sinister thorax haud omnino ab aquis videtur esse immunis: diutius enim in dextrum latus jacentem suborta nonnunquam nova anxietas in sinistrum latus convertit.

Diuretica cujuscunque generis, &

ante & inter & post paracenteses, etiam varia purgantia nullam opem tulerunt. Exigua alvus, & pauca atque lateritia dicta urina, tantum prodierunt. Commixta nostra ad aquas, exulceratis aut scatificatis cruribus, educendas, palliarunt quidem aliquantis per ; symptomata autem non abstulerunt. Ad 15. Jan. 1760. obiit.

Cadaveris venter validè fuit æquabiliterque tensus. Aperto prudenter peritonæo, corpus ingens, fuscum, durum, totum quantum explebat abdomen, ab imâ pelvi, ad usque lienem & hepar. Idem illud, variis in locis, expansionibus firmis, membranosis & adiposis, cum peritonæo concreverat, præsertim circa umbilicum, & in eâdem cum umbilico latitudine, sinistro in latere; idque transversim, latitudine quatuor digitorum: deinde & per tres quatuorve digitos deorsum, ut cum primâ transversâ adhæsione angulum ferè rectum componearet; etiamque hinc inde ad latus dextrum.

Examine eo usque producto patuit vel ovarium dextrum esse, vel ex ovario hydatidem natam, quæ totam hanc expansam motem produxerat; intus ple-

nam subrubrâ aquâ, quæ 24. libras pondetabat, quæque igni imposita, in scissilem abibat materiem. Saccus porrò totus facie suâ internâ mirè exulceratus, & hinc tuberculis, seu sebaceis, illinc ichorosis, iterumque alibi cartilagineis, aut etiam saniosis plenus.

Quod vel ovarium, vel ex eo natam hydatidam, hunc saccum formare dixerim, id ideo dixi, quod ambigui hæserimus utrum corpus quoddam, quod ad sacci radicem inveniebamus, ovarium ipsum, an verò separatus parvus saccus esset? Sinistrum ovarium in varios degeneraverat tumores. Uterus mutatus fuerat in duram substantiam, eamque carnosam & difficulter percindendam; crassam adeò, ut vix in utero cavitas, nisi propè ejus orificium, superesset.

Universa penè intestinorum moles versus lienem trusa erat. Ventriculus pro more ingens; cum is, compressis adeò intestinis, vehementer distendi inflarique soleat.

In thoracis cavo dextro rubicundior adhuc aqua, quam ea, quæ in magno sacco hæserat, ad trium librarum pondus inerat; verum non, ut illa, in duram massam ad ignem mutabatur; paucâ namque pelliculâ superstite evapora-

batur tota. In sinistrâ thoracis camerâ, in quâ aliquam, sed copiâ minorem aquam, vivente fœminâ, suspicati eramus, nulla aqua inventa est. Pulmo lateris dextri vix mediâ ejus altitudinem occupans, adparuit condensatus, ac veluti ad ignem crispatus. Idemque inferiore suâ totâ mediâ parte, dum in aquam conjiceretur, ejus fundum petebat; innatabat verò superiore. Interna pulmonis substantia fat bona, sed lata ejus in dorso cum pleurâ cohæsio.

Tota superficies inferior pulmonis, pleura, diaphragma, mediastinum, id est, quævis partes aquæ contiguæ, plenæ fuere tuberculis varix magnitudinis, semiscirrhosis, putulentisve, ant saniosis. Lien quadrifarium, profundâque incisione dentatus, durus; hepar albescens & compactum. Vesiculæ bilis profundissimè tinctæ copia duas pondere uncias superabat: ineratque vesiculæ calculus, quadrangulus ferè, trium linearum diagonalem habens, spiculis innumeris, ac patuis splendidisque lapillis concretus, exusto carboni radiore adspectu haud absimilis. Nulla serpi in encephalo redundantia, & quæ pauca aderat ventriculorum anteriorum lympha, ad ignem non coauit.

Ex historiâ morbi & sectione cädaveris, id videtur colligi oportere, quod mulier ista primùm hydropem cysticum passa fuerit; quod deinde saccus parvâ quadâm in plagâ crepuerit, & ascitem effusis produxerit aquis; deinde quod paracentes aquas ascitis duntaxat duxerint; præterea quod lapsu temporis concidentis sacci apertura, cuius vestigium invenire non potuimus, consolidata fuerit; sicque regenerata aqua sit, quæ saccum in eam, quam in cädavere deteximus, extenderit molem. Probabileque admodum eam sacci crassitatem impedivisse, ut vel morbi principio, vel sub finem ejusdem, undulantem perciperemus lympham. An ideò, quod fœmina à 12. retro annis siccâ eâque validâ tussi laborasset, hydrops thoracis eo, qui abdominis, longè annosior? Nunquid, quod posteriore anno menses adeò irregulares ac paucos habuerit, & tamen plethorica existeret, uterimum sistema obstructum atque induratum habere ceperit?

§. III. Sub idem tempus aliam quinquagenariam suscepi, quæ bonâ semper, ut aiebat, valetudine usq; nisi quod febre intermittente, seu quotidianâ, seu tertianâ laborare consuevisset. Quas

quidem febres largiore vini potu, quem impensè amabat, semper se dispulisse, asseverabat. Catamenia tardè incepta, maturius finita, pauca perpetuò & irregularia habuit. Quinquennium elapsum esse aiebat, ex quo semel urinam mittere, præ adstantium vetecundiâ viorum, impediretur: elapsis aliquot deinceps horis, se ventre doluisse, urinam verò, quum mittere gestiret, nullatenus mittere potuisse: fomento tamén ad hypogastrium vespere adhibito, paucas reddidisse guttulas: remediumque posterâ die à medico acceptis, iterum guttatum eam produisse; postea autem sensim abdominis, tum tumorem tum dolorem se percepisse. Adjungebat porrò, elapso ab illinc mense, se, vehementer sanguinem, copiam gelidæ immensam haufisse; cumque totâ insequente hyeme admodum sanguinolosa foret, plurimum bibendi necessitati parere se debuisse; nec unquam nisi strangulosè reddere potuisse urinam.

Porrò ventris mole crescentis extensionem, ed usque æqualem, ut ait, perceperat; cum verò plurimorum medicorum opem frustra esset integrum triennio expetta, & tandem decoctum juniperi diu affatimque haufisset, ventrem

quidem multam concedisse; sed etiam admodum inæqualem tactu figurâque redditum esse deprehendebat. Relicto autem eo decocto, advertit antiquam ventri molem, antiquam rediisse æquabilitatem.

Ex hâc sæpè repetitâ, eodemque semper modo enarratâ ac confirmatâ anamnesi, conclusimus cysticum hydropem adesse; cuiusnam visceris incerti quidem, probabiliter tamen obstruktione systematis uterini natum; eique demùm ascitem junctum esse. Quippe catamenniorum modus hoc ipsum sistema dum laborasse indicaverat nobis: annosusque vini abusus, frequentiores quoque narium hæmorrhagiæ ad causam prægumenam accedentes, morbum præsentem gignere potuisse nobis videbantur; ita tamen, ut continuus aquæ abusus eundem vehementer auxisset.

Urinosusne hydrops forsitan fuerit si quis suspicetur, respondeo hydropem urinosum celeriter perimere; hunc verò jam integro persistisse quinquennio. Sed præterea hydropis cause primæ in corpore extitère, antequam urinæ retentio nasceretur.

Decoctum juniperi multam sanè asritis lympham diuresi eliminavit, quam

venter ita detumesceret; sed ascite evanido cysticus hydrops cum omnibus suis tumorum inæqualitatibus eò manifestior adparuit. Confirmavit hanc phænomenis hujus explicationem, ventris renato ascite, æquabilitas.

6. Nov. 1759. paracentesi eduximus 56. libras liquoris, qui fuscus, atque instar potûs chocoladæ spissus deprehensus fuit, integrâque septimanâ assertus non fœtuit; igni autem à principio eluctionis impositus, paucâ suâ massâ coagulabatur, plurimâ suâ parte in auras evanuit. Principio, ut sit, ab operatione recreata, viribus solito cito declevit, perpetuisque tum anxietate tum pertinaci diurnoque singultu, 19. ejusdem mensis obiit.

Venter monströsè inflatus; musculi abdominales tenuissimi; peritonatum denso cum sacco, in cavo ventre contento, hinc accretum, illinc liberum. Sacco levi vulnere pertuso, mox venter, flatu sibiloſo erumpente, multum detumuit.

Saccus ex imâ pelvi supra umbilicum, ac per totam ventris latitudinem adscendens, fundo suo terminabatur latis circiter quatuor digitis infra cartilaginem xyphoideam. Omentum supra sac-

cum sub hepate locabatur, & hinc inde ad ejusdem lobi majoris crepidinem, tum & ad totius sacci fundum adhærebatur, & connatum erat. Thorax minimus fuit; nam hepar tam altè sub costis recondebat, ut gibbo suo ultra tertiam (ducto à superioribus numero) adscenderet; eodemque modo dia phragma medio suū. Cellulositate quidem facilè dilacerandā saccus pluribus in locis cum peritonæo connexum; ad latera verò & in ilibus, ligamentosis producticibus, non nisi cultro separan dis, cohæsit. Origo ejus ab ovario sinistro, totâque uteri sinistrâ parte; fundi sui posticâ plagâ cum intestinis tenuibus unitus ope ligamentorum membranosorum, non tenacium, sed digito facilè solvendorum. Tenuia intestina omnia ferè in epigastrio sinistro convoluta: suo colon loco. Jamque in inguine dextro, iisque cunctis in locis ubi saccus à cohæsione cum peritonæo liber, ac toto abdominis cavo, ascites erat. Aqua ascitis minimè fœtens; ea autem sacci fusca & fœtida fuit. Ipse autem saccus inæqualiter crassus, intus tuberosus, saniosus, semipurulentus totâ suâ internâ substantiâ. Aër, qui sibilo exiverat, ad anteriora sacci locatus fuisse videtur,

hincque, factō vulnere, exitui aptus. Substantia facci hīc semilineæ, ibi lineæ, alibi 2. 3. linearum; in latere verò finistro, digiti, imò pollicis crassitudinem inæqualem ac tuberosam habebat.

Circa uterum nihil non confusum. Examine tamen patienter instituto, partuit ovarium ipsum, dum extendi inciperet, cum laterali uteri superficie cohaesisse; tubam fallopianam implicuisse sibi, eamdemque ad sesqui spithamæ longitudinem extensam, secum duxisse; sic demùm occupasse ventrem ferè totum. Habebatque ad suam originem appendiculum aquâ similiter repletum. Dextrum ovarium diametri sesqui pollicis, lymphâ gelatinosâ repletum erat.

Igitur paracentesi eductus fuit liquor turbidus, non fœtidus, in cavo abdominis asciten faciens; qualis etiam à morte ibidem deprehendebatur. Liberè enim effluere sub paracentesi potuit è locis à cohæsione cum peritonæo liberis. Hincque factum ut, etiam in vivente, undulatio perciperetur aquatum.

Docent porrò hī tres casus, me, *Part. 4. Rat. Med. cap. 3.* haud immeritè aliquas, easdemque haud leves, adnotasse difficultates, in exsequendo erudit. *Paris. Chirurgorum systemate*, quo sta-

tuerant, eductis paracentesi aquis, vulnus insigniter dilatandum esse, aper-  
tumque servandum; ut & omnis posthac  
renascens liquor, abdomen alioquin  
iterum extensurus, inde extillaret per-  
petuò; & saccus ita consideret, compla-  
naretur, convolutusque concreceret,  
ut deinceps ultra extendi nunquam pos-  
set.

In primâ enim historiâ hydrops re-  
nascens præcaveri quidem potuisset, la-  
tâ servatâ ventris aperturâ; sed omen-  
tum ita monstrosum non modo inde  
mutatum non fuisset, sed aëris allapsu  
in sphacelum dirum, subjecta sibi om-  
nia destruentem, abivisset.

In historiâ secundâ & tertîâ saccus in  
paracentesi percissus non fuit; percin-  
dendus ergo fuisset. Ecquis verò polli-  
cis fortè densitatem offendens, nescius  
proinde quid fortè percinderet, cultro  
penetrare ausus fuisset? Haud enim id in  
vitâ, ut quidem in cadavere, illuc pat-  
escit. Nec concidisset saccus, sustenta-  
culis quippe & adhæsionibus validiori-  
bus cum peritonæo cohærens. Quid verò  
in substantiâ ulcerosâ, scirrhosâ, sa-  
niosâ, adeo crassâ, vulnus effecisset?  
Quid demùm aër? Dira certe carcino-  
mata, quæ mutuus binorum pendentis

sacci laterum affictus auxisset vehementer. Quod si demus apertutam fortem in tenuiore sacci substantia, ut latis in plangis anteriore posteriusque erat, penetraturam fuisse; quid inde non timendum ab intestinis? Compressa haec olim, jamque libertatem nacta, & flatibus distenta, aut colicis expansa doloribus, versus locum minimè resistentem saccum, seu ejus parietem posteriorem protrudere, extruderé, & ventrem extra ventrem, monstruosamque formare herniam potuissent. Mitto nunc quæ de degenerante ovario exscindendo, etiam ab iisdem claris viris proposito *Part. 4.* dixi. Utique in tertio hoc exemplo patuit ovaria, dum extendunt sese, quandoque utero primùm adPLICARI, eidemque arctissimè uniti: ovarii proinde extirpationem majoribus difficultatibus premi, quam quidem theoretica ejusdem contemplatio suggesisset.

**§. IV.** Prosecutio historiæ mulieris, de quâ *Part. 4. cap. 3. pag. 54. & seq.* difficultates confirmat easdem. Sic enim res nunc cum illâ se habet. Tumor abdominalis post paracentesin semper recreverat, undulans nunquam. Hydragoga vitam, hyeme præcendentib[us] bonâque veris parte, tolerabilem ipsi reddiderant.

Maii verò 10. proximè elapso , motum exercens validum , pondusque elevans , crepitum in ventre percepit , veluti quid intùs sibi dilaceraretur , simulque subitum ventris incrementum. Fluctuationem nunc manifestam iterùm deprehendebamus.

Ut anno præterito , præter cysticum tumorem , habuerat asciten , paracentesi eductum ; ita etiam nunc , vel sacco ipso vi lacerato , ut in historiâ secundâ , vel alio tumore hydatico rupto , asciten adesse rati , 14. Maii paracentesi eduximus libr. 20. liquoris turbidi , fuscî , tenacis , haud fœrentis , vix imminutâ abdominis mole. Unde potius alterum à primario sacco disruptum eâ vi fuisse credimus , cum primarius ille , intra octiduum à perceptâ dilaceratione , æquè magnus extensusque , quam olim deprehenderetur. Liquor eductus secessit in gelatum , quod lumini admotum pellucet , & in liquorem fuscum , ferè limpidum , qui ad ignem omnino coagulatur. Toto eo tempore notavimus ejus urinas nunquam habuisse lateritium sedimen , ut alias id hominum genus haberet ; sed tale , quod à bonâ in acutis hypostasi haud facile interstinguas.

Post hanc paracentesin , aliud quid ,

præter descriptam formam extensionemque, venter notandum exhibuit. Circumscriptus quippe tumor ab hypogastrio, ad umbilicum & ultra extensus, durusque idem, atque ovalis, apprehenditur; haud sanè aliter, ac si ultimam graviditatis metam attingeret. Matritata cum sit, graviditatis datur, una cum hydrole, tum cystico, tum ascite, possilitas. Id verò incertum. Casus famosus *Drelincurtii*, cui similem etiam *Part. 4.* descripsi, abundè evincit uterum posse, dum privato turget hydrope, simulare graviditatem. Tempori utique hoc concedendum. Interim præter alias sufficientes rationes haud imitandi *Parisinos*, nova hæc nobis, eaque urgens sanè ratio saccum haud aperiundi, fistebatur.

Dies interim docuit diem. Elapsis nunc ferè quinque mensibus, dum hæc sub præclo sudant, ex quo subdubitare ceperimus, mutatio figuræ incrementumque abdominis planè arguunt personatam graviditatem fuisse. Quamvis igitur graviditatis metus haud existat ultra, substitunt tamen graves aliæ rationes abstinenti à curâ propositâ.

§. V. Anno proximè præterito, innuentam casus non unquam dari, ubi id

ipsa per sese natura facit, quod in propositâ methodo & difficile deprehendamus, & periculosem, & saepe impossibile. Videatur hist. mulieris *Part. 4. cap. 3. pag. 71. & 72.* quæ scilicet in gravitate, præcipueque deinde à partu, ab umbilici dextro latere tumorem gerebat, qui manifestam puris, arctiore spatio contenti, fluctuationem exhibens, apertebatur; pusque copiosum per multos dies fundebat, cum imminutâ duritie, & cæteris bonis inde sequentibus signis. Quandiu potuimus, locum in illâ servavimus apertum, quia purulentus sacculus peritonæo accretus esse detegebatur, nec admodum magnus ille, ut stylo flexili & incurvo patebat. Mense Octob. & Nov. 1759. vulnus sponte coëuns, aliquoties dilatavimus, eo quod superfitem duritiem deprehenderemus. A partu, qui ineunte Junio contigerat, defuerant menses; finiente verò Octobri, redière; ex eoque grava facta, mense Augusti 1760. feliciter peperit. Locus affectus sine ullâ duritie reliquâ aut tumore, coivit. In ejusmodi casibus verum illud Manilii: *Artem experientia fecit, naturâ monstrante viam: præter naturam magistram, res semper periculosa admodum alee.*

§. VI. Antequam hoc caput finiam; unum monendum habeo. *Part. 2. & 4.* de tympaniâ agens, in eorum sententiam abivi, qui aëri soli, eique intestinis cavis contento, adscribant eamdem. Quippe capta in cadaveribus experimenta, præter *Dureti & Littrei* aliorumque auctoritatem, eò me adduxerant. Historia tamen tertia hujus capititis, pag. 244 demonstravit posse ex putrido liquore aëra in sacco gigni, pertusoque sacco exire sibilando. Ergo si veterum non nulli simile quidpiam fortè observantes, tympanitidem dixerint aquâ & aëre gigni, hancque partim aëream, partim aquosam, haudquaquam in intestinorum cavo, sed in ventre contineri, non est quod obloquar. Verùm enim verò nec in vitâ, nec in cadavere, hic, de quo agimus, morbus, ipso tympanias nomine recensendus venit, si totam ejus historiam attentè pervolvamus. Utique nulla in eo hydropis siccii signa,



## CAPUT III.

## DE HYDROPE PECTORIS.

- §. I. *Signa & symptomata morbi ex Hipp. sequentium & eorum scriptores parùm aut nihil ejus meminerunt.*
- §. II. *Sæculo autem XVIII. ut & præsenti, plures de eo ex professo egerunt.*
- §. III. *Diagnosis & curatio ex autoribus formantur. È à occasione paracentesis tum in genere, tum ea thoracis in specie examinatur, ac remedium cæteris præstantior declaratur. Inquisitio fit quibusnam, & quandonam profut.*
- §. IV. *Examen evacuationum in hydropicis per cauteria, scarificationes, vesicantia, &c. & quâ lege usui venire queant.* §. V. *Problema proponitur cur laudata in hydrope pectoris paracentesis adeò raro instituta fuerit, adeò raro adhucdum instituatur? Responsum petitur ab inchoantis morbi incertitudine, & à rebus ejus, dum probè cognoscitur, conclamatis.* §. VI. *Fallacis morbi historia practica traditur, quâ dicta probentur. Incertitudo signorum ejus probatur historiâ hydrope, multisque aliis practicis exemplis.* Confir-

matur ulterius aliâ historiâ notabili,  
& sectione anatomicâ. Conclusio me-  
dica.

§. I. **F**EMINA, de quâ Cap. proximè  
superiore pag 235. actum, præter hy-  
dropem cysticum & asciten, pectoris  
quoque hydropem habuit. Hunc, vi-  
vente eâ, dudum suspicati eramus, ut  
ibidem innui. Attamen quæ signa pa-  
thognomica morbi vocari solent, non  
aderant omnia; & quæ etiam in eâdem  
hydropem sinistre thoracis cameræ in-  
dicare videbantur, nos planè fefellere.  
Fallacem sanè morbum plura nobis ex-  
perimenta jam evicerant; ita ut eum in-  
certissimorum morborum in classe locari  
oportere, cum auditoribus meis sæpius  
doluerim. Quum tamen adeò & fre-  
quens morbus sit, & difficulter cognos-  
cendus, operæ premium erit eum ab in-  
cunabulis repetere, adeòque examen  
instituere quorumvis signorum, quibus  
cujusque ævi scriptores medici illum  
nobis depinxerint, cognoscendumque,  
ut indubie præsentem, dederint. Inqui-  
ram deinde num incipientis morbi signa  
propiora artis usus fortè non suggerat?  
Ex omnibus practicas regulas deducere  
conabor.

Ad signa morbi tum communia, tum pathognomica examinanda, ab Hippocrate ordiri convenit. Lib. 2. de Morb. pag. apud Foëf. 483. Tom. 1. apud Charter. Tom. 7. pag. 575. vocatur morbus Υδερος πλευρικης. « Si hyderos, » inquit, in pulmone nascitur, febris & tussis vexant; confertim respirat; pedes intumescunt; ungues omnes contrahuntur; & iisdem, quibus suppuratus, afficitur; verum remis- sius ac diutiùs. Quod si infusum, aut fomentum, aut suffitum adhibeas, pus non sequitur; indeque cognoveris non pus, sed aquam intus esse. At si diutiùs aure ad latera admotâ auscultaveris, intrinsecus velut acetum olet. Et aliquandiu his afficitur, sed postea in ventrem erumpit: confessimque sanas & morbo liberatus esse videtur. Verum procedente tempore venter incenditur, eademque illa & graviora patitur. Quibusdam etiam venter, & scrotum, & facies intumescit. Et nonnulli istud ab inferiore alvo provenire existimant, cum ventrem magnum & pedes tumere videant. Quæ certè intumescunt, οὐ περβαλλει τὸν καιρον τῆς τοῦτος, si

» sectionis tempus oportunum prater-  
» videris.

*Libr. de Aff. int. apud Foëf. Tom. 1.  
pag. 544. & 545. apud Charter. Tom. 7.  
pag. 655. 656. morbi descriptionem &  
curationem eodem modo, sed fusiūs,  
prosequitur. " Hic hydrops, ait, ex  
» his oritur. Quum aetatis tempore, siti  
» premente, copiosam aquam biberis,  
» quandoquidem inde maximè gigni  
» solet, & pulmo expletus fuerit, rur-  
» sum in pectus dimittit. Quumque in  
» pectore extiterit, vehementem ardo-  
» rem excitat, ita ut pinguedinem, quæ  
» in arteriis inest, liquefaciat. At si se-  
» mel pinguedo multò magis liquefieri  
» ceperit, hydropem brevi efficit. Gi-  
» gnitur etiam, ubi tubercula, *ωύματα*,  
» in pulmone exorta fuerint, eaque  
» aquâ repleta in pectus eruperint.  
» Quod etiam à tuberculis oriatur hy-  
» drops, mihi argumento sunt boves,  
» & canes, & sues. In his enim qua-  
» drupedibus maximè pulmonis tuber-  
» cula oriuntur, quæ aquam continent,  
» Sectione namque factâ, id illicò co-  
» gnoscet; aqua quippe effluit. Talia  
» autem multò magis in homine, quam  
» in pecoribus fieri videntur, quantò*

» morbos magis etiam vietūs ratione  
» utimur. Plerique verò, exortis tuber-  
» culis, purulenti etiam extiterunt.

» Hæc igitur per initia oboriuntur  
» mōrbo: tussis sicca, & fauces exaspe-  
» rari videntur, & rigor & febris suc-  
» cedit, & orthopnæa; cutis totiūs  
» corporis tumefit, tuiment pedes, un-  
» gues contrahuntur; & quandiu qui-  
» dem in superiore ventre hyderus ex-  
» citerit, extat acutus dolor: cum verò  
» ad inferiorem ventrem devenerit,  
» melius habere videtur: deindè pro-  
» grediente tempore impleto ventre,  
» ea, quæ priùs, patitur. Interdum ve-  
» rò ad latus tumescit, & quâ parte se-  
» candum sit, indicat. Quod si non in-  
» dicet, multâ calidâ lotum, humeris  
» comprehensum, concutito; deinde  
» quoniam in latere materia magis fluc-  
» tuat, ausculato ».

*Hippocrates* igitur causam hydropis pectoris deducit 1º. ab aquæ potu, & nimio, & celeriter ingurgitato; 2º. à ruptis pulmonum tuberculis, (hydatidibus) quæ, si versùs externam pulmo- num superficiem perrumpuntur, suam utique lympham in cavum thoracis ef- fundunt.

Morbi signa & symptomata ait  
M iij

1°. tussim siccām , 2°. faucium raucedinēm ; 3°. rigorem ; 4°. febrim ; 5°. respirationem citiorem ; 6°. orthopnœam ; 7°. totius corporis , pendimque præsettīm hydropem intercūtem , seu ~~ardorū~~ ; 8°. thoracis dolorem ; 9°. hydropem ventrīs , cum remissione omnium symptomatum , quum pectus ad tempus evacuetur ; 10°. recrescente pectoris lymphā , quod ejus sit scaturigo perennis , tunc ascīem ultra non levare morbum pectoris ; 11°. unguium curvationem , qualis fieri solet suppuratis. Addit & alia suppuratorum signa , quæ mitius tamen ait , & diutius ipsis evenire. 12°. Absentiam sputi purulenti , etiam si medela ad sputum provocandum adhibita sit.

Symptomatum horum plura etiam signa vera morbi sunt , sed addit *Hippocrates* aliud quid. Hominem nempe in sedili collocatum humeris validè concutit movetque ; ut sic aure mox ad latus admotā , undulantem percipiat aquam. Addit pro alio signo , *Lib. 2. de M̄rb.* quod eadem pectoris aqua , dum sic autem pectori admovearis , ve-  
luti acetum olet.

Errorne aliquis hic exemplariorum ? *Foësius* , & *Charterius* , & *Lindanus* ,

hic legunt ὅτει, *Cornarius* vero ζέε, nempè, *fervet*. Juxta hoc exemplat sensus bonus est, non verò lectione aliâ. Nunquid enim *Hippocrates* juberet non nares, sed *aurem* pectori admovere, ut odorem acetii perciperemus? Sed si *fervere* intellexit, tunc *aurem* admovere oportunè præcipit.

Cum magnus *Hippocrates*, adeo in ceteris laconicus, judicaverit hunc morbum adeò fusè describi oportere, expectare quis posset *Galenum*, *Cælium* *Aurelianum*, *Areteum*, posteriorumque ævorum scriptores; & fusos & perspicuos esse, cum de eodem agunt. Sed nihil minus. Plures in transitu meminere illius, nonnulli ne meminerunt quidem. Quo quid in obvio adeò morbo mirabilius? *Platerus*, *Hollerius*, *Goreus*, *Capivaccius*, *Hier. Mercatus*, *Salius Diversus*, *Jacotius*, *Ballonius*, *Duretus*, &c. obiter modo de hydrope pectoris locuti sunt, eorumque, quæ adeò fusè *Hippocrates*, signorum pauca modo raptim tetigerunt: unde concludere nos cogunt morbum ipsis minus in viventibus ægris, quam in denatorum cadaveribus, patuisse. Idemque judicium sit de *Cardano*, *Coitero*, *Donato*, *Cratone à Craftheim*, *Casparo Bauhino*,

264 RATIONIS MEDENDI  
& reliquis omnibus, ex quibus optimis  
*Schinckius* utilissimas suas adornavit  
collectiones.

§. II. Ineunte autem Sæculo XVII.  
tres magni in arte viri simul hoc argu-  
mentum pro aliquâ ejus dignitate tra-  
tarunt. *Prosper. Martianus*, Romæ; *Ca-  
rolus Piso*, Nanceii; *Daniel Sennertus*,  
Wittenbergæ. Paulò post etiam *Lazarus  
Riverius* utcunque fusè de eodem egit.  
*J. B. Helmontius*, quamvis de eo parùm  
habet, in tractatu tamen, qui vocatur  
*Ignotus hydrops*, & morbum in ægrî  
vitâ præsentem cognovisse, & in cada-  
vere demonstrasse videtur. Post illum  
*Sylvius de le Bæ*, & cum *Lowero Wil-  
lisius*, ex professo de eodem egere. Plu-  
res tamen post illos, ut *Junken*, *Etmul-  
ler*, &c. solo vix nomine morbum re-  
censuerunt. *Egregius Wepferus* Libr. de  
*Affect. Cap. Obs. 60.* anatome potius il-  
lum, quam ægro vivente, cognovisse  
videtur: cumque ipsemet hoc morbo  
laborasse post mortem inveniretur, mi-  
nus tamen id credidisse legitur apud  
*Brunnerum*, eo quod urinam egregie  
redderet, maturinisque gauderet sudoribus.  
*Wratislavenses N. C. Medici* ad  
Ephemeridas suas ann. 1699.—1702.  
tractatum de hydrope pectoris adje-  
-

tunt, in quo ejusdem causas, signa curamque eruditè tractant. Exinde *Academie N. C. Paris. Lond. Edimb.* varia ejus dedere exempla. Immortalis *Boerhaave Cap. de hydrope §. 1219.* hydropem hunc describit empyemati multis signis similem, solâ causâ antecedentis observatione ab illo discriminandum. Nobiliss. Russiae archiater *Gorter, in Med. Comp. Tract. 35.* morbum obscurissimum vocat, ejusque signa ex *Hipp. Pisone, Sennerto, tradit.*

§. III. Porrò si ex quibuscunque recensitis hisce autoribus causas, signata m communia quam pathognomica, diagnosin quoque & curam diligenter colligamus, notanda sequentia invenimus.

1º. In causatum enumeratione pasim conveniunt omnes. Causas enim hydropis generales recensent, quæ vel in aliis corporis plagis hydropem primò conciliant, deinde pectori; vel pectori primùm, deinde reliquo corpori; vel denique pectori soli. Causas præterea peculiares quasdam nonnulli addidere: v. g. matuoriorem vulneris in thorace curationem, rupturam ductûs chyliferi, disruptionem hydropici pericardii,

vasorum in osseam substantiam degenerates, &c.

2°. Signa morbi multi haud alia enumerant, quam quæ *Hippocrates*; non nulli vero singularia dedere, quæ vel pathognomica, vel illis saltem proxima appellatunt: v. g. subitaneam primâ nocte excitationem, cum intentatâ fere suffocatione; alterutrius, vel utriusque manûs sive paralysin, sive *Œdema*; hypochondriorum tumorem; pulsum debilem, tardum, inæqualem, haud raro intermittentem; fœtentem animam; urinam paucam, crassam, & brevi ante fata ex atro rubentem, cum furfuraceo aut lateritio sedimine.

3°. In diagnosi multi gravesque viri, difficilem, obscurum, ambiguum morbum esse fatentur: varii è contrario tanquam communi omnium more propriis ex signis cognoscendum, atque ab aliis insteringuendum eum describunt.

4°. Curam ejus varii, vario admodum modo, auspicati sunt: *Hippocrates*, textibus ex *Libr. 2. de Morb.* & *Lib. de Aff.* supra recensitis, „ hunc quidem, ait, si exteriore parte intumescit, inter costas sectione factâ, curare oportet. Sin vero minimè in-

» tumuerit, etiam multâ calidâ lotum  
 » tunc, veluti purulentos, in sellâ col-  
 » locato, & quâ parte strepitum edet,  
 » eâ secato: tertiam ab ultimâ costam  
 » ad os usque secato: deinde terebrâ  
 » acutâ ulterius perforato: votumque  
 » est, quò sanè facile exfluat, ut quâm  
 » infimo loco id fiat.

» Ubi autem secueris, oportet ulcus  
 » cavum, in interna patens, efficere,  
 » imposito lino crudo; crassum autem  
 » & extremo acutius, oportet hoc li-  
 » num sive linamentum facere. Quâm  
 » paucissimam aquam parcè emittas.  
 » Imposito igitur linamento mollem  
 » spongiam supra imponito; deinde ne  
 » penicellus decidat, diligato. Et si  
 » quidem quinto die pus in ulcere cir-  
 » cumnascitur, ut plurimum evadit: sin  
 » verò circumnascitur nihil, postquam  
 » aquam eduxeris, sitis prehendit il-  
 » lum, ac tuſſis, & moritur. Per 12.  
 » autem dies semel die aqua educenda:  
 » post 12. verò dies, id est, 13. die,  
 » tota aqua educenda est: & reliquo  
 » tempore, si ab aquâ distensio fiat, ex-  
 » haurienda, venterque cibis siccis re-  
 » secandus.

» Hæc autem post sectionem exhi-  
 » benda: succum laſeris dragmæ pon-

„dere adparatum, & aristolochiæ, tasi  
 „cervini magnitudine frustulum de-  
 „rasum, & lantium ervique torrefac-  
 „torum polentam; utriusque purgatæ  
 „chænicis dimidium: hæc melle &  
 „aceto subigit. Deinde 60. trochis-  
 „cis formatis, unum tritum quotidie,  
 „vini nigri austeri quam suavissimi he-  
 „minæ dimidio maceratum, mox je-  
 „juno potui exhibeto. Reliquam verò  
 „victus rationem, & exercitationem  
 „eamdem, quam priore tempore, ha-  
 „bere jubeto. Et si pudenda ac femo-  
 „ra intumuerint, audacter scarificato.  
 „Hunc si ita curaveris, certissimè sa-  
 „num reddes.“.

Monitos lectors hîc velim me  
 1º. utrosque laudatos *Hippocratis* tex-  
 tus dedita operâ confudisse & com-  
 miscuisse, ut continuatâ oratione inte-  
 gra ejusdem sententia pateret. 2º. Me  
*Hippocratis* μότα & ἐμποτα, eo modo la-  
 tina reddidisse, quo *Part. 4. cap. 3.* ne-  
 cesse esse demonstraverim.

Haud omnibus æquè artifit hicce  
 curandi modus. Prosper *Martianus* pa-  
 racentes in *Hippocratis* ut primum, ut  
 præstantissimum auxilium, commendava-  
 vit. Magnus *Boerhaave* Aph. 1219. &  
 1238. *Hippocratem & Martianum* pressè

sequitur. At verò authorum plerique hanc eo duntat at casu laudarunt, quo remedia consueta minimè juvarent. Ita *Piso*, *Sennertus*, *Wratislavienſes*, *de Gorter*, &c. Imò dantur haud contemnendi in arte viri, qui hanc operacionem, cum bonâ *Hippocratis* vienâ, condemnarunt, ut v. g. *Ludovicus*, *Mercatus*, *Petrus Salius Diversus*, & penè etiam *Sylvius de le Bæ*.

Hinc ultimæ penultimæque classis scriptores, ut quemvis passim hydrope, ita & hinc evacuantibus docuere debellandum. Unde purgantia hi leviora, illi draſtica, tum omnis generis diuretica, ac sudatoria præscripsere. Fonticulos quoque & fetacea, vesicantia, ſacrificationes, inuſtionesque crurum, femorum, tumentisque ſcroti, ad revellandam de pectore lympham, unanimiter commendarunt.

Et ſanè quoad paracentesin in genere, in quovis hydrope, notamus eam ab omni retrò ævo male audiisse, & à multis tanquam periculosam, à nonnullis tanquam quovis indiscriminatim occidentem, proscriptam fuiffe. Quos egregiè *Cælius Aurelianus*, primi ſæculi æræ Christianæ, ut videtur, Author, refutavit; ut & ſæculo XIV. fi-

niente, *Ambrosius Paré* aliique. Præcedenti ac præsenti sæculo frequentiorem in usum vocata est. Notabilia exempla *Acad. Reg. Sc. Paris. Theses Parisinæ*, observationes omnium regionum, multas hydropis ascitis curationes, ut vocant, radicales, aut semel, aut iterum, aut pluries institutâ paracentesi, referrunt; tum & curas plures morbum egregiè palliantes.

Numerosi, qui mihi obtigere, casus me docuere, palliantes curas numero plures, quam integras, paracentesi perfici. Quare examinare confert quandonam integrè, & quandonam tantum palliativè hydropici ejus ope curari queant: sponte tunc liquebit quibusnam paracentesis, & quo usque prospicit.

A causâ quâcumque homo potest notabili tempore eam suis in humoribus tenuitatem, eam cutaneis in vasis laxitatem, & anastomosin habere, ut perpetuò ferè sudet, sudorque guttatum defluat, & vestes madefaciat, lectosque. Sed & idem homo, seu bonitate naturæ, seu diætæ mutatæ, mutatæve atmosphæræ, medicamentorumque auxilio, ita potest compingi humoribus, vasis ita constringi, ut ultra non sudet, viresque sudore contractas brevi

recuperet. Hic homo tunc integrè curatus est.

Verùm ponamus exhalantium vasorum debilitatem minùs ad corporis ambitum peccare, quām ad pleuram, ad peritonæum, ad viscerum in thorace ac ventre superficiem; ita ut potissimum per harum partium exhalantia vasa tenuati humores hydropem transsudendo creent. Ut priori, ita & huic, naturæ, regiminis, artis auxilio, diathesis ita tolli potest, ut internus ille sudor cefset. An autem ita hic, quām ille curatus? Neutiquam. Prior ille vasis robortatis, inspissatisque humoribus, jam curatus erat; posterior cum omni hoc beneficio aquæ dolium manet. Hæc porrò aqua si bonitate medelæ, aut maximè paracentesi, evacuata fuerit, cum mutatâ in melius jam antea diathesi, perfecta aderit ac firma sanitas.

Etiam in hoc casu contingere potest, ut paracentesis, nondū mutatâ diathesi, colluviem aquarum auferat; ac deinde optima roborantia & inspissantia remedia integrā efficiant constanter salutem.

Si nunc homo à subito, ac copioiore potu aquoso, post diuturnam sicutim hausto, in hydropem inciderit,

quemadmodum olim totus penè exercitus invictissimi imperatoris *Caroli V.* in expeditione *Tunetanâ*; utique potius abstinentia, motus, elater conversatus vasorum, ejusmodi innumeros restituere possunt. Sin verò abundantior lympha in corpore effusa remanserit, homo hic aut aptis medicamentis, aut paracentesi, ab illuvie aquosâ liberandus erit: liberatus rectè valebit.

Sed alia longè res est, si dispositio in corpore perseveret, quâ, sublatis aquis, perpetuò succedant novæ. Si, eductis aquis, vasorum humorumque vitia corrigi nequeant; causæ persistentes novas continuò regenerabunt aquas. Si aperta hydatis aquam stillaverit, eductâ eâ, novam abundantiùs, ablatâ resistentiâ, dabit. Ergo paracentesis ad tempus modò levabit; sed & medicamenta bellè avacuantia etiam tantùm ad tempus proderunt. Igitur cum medicamenta sàpè nihil aut vix agant, prætereaque corpus defatigent; ipsa verò paracentesis vires vix projiciat, nec corpus exagitet, securè autem semper certòque evacuet; meritò *Prosper Martianus* & *Boerhaavius* paracentesin medicamentis prætulerunt. Tandem in ascite, cui hydrops cysticus junctus, etiam cæ-

teris paribus, est paracentesis medicamentis anteferenda; quia medicamenta ibi vix unquam efficaciter agunt, & paracentesis semper evacuat.

Diffiteri quidem non possumus mortem paracentesi prepresso pede nonnunquam insequiri: cum tamen eo modo in casu tunc adhibitur, ut vitam lymphæ abundantiam jamjam suffocandam fortassis aliquantis per producat, dubiumque tunc auxilium, quam nullum, adhiberi praestet; neque etiam hæc contemnenda paracentesis erit. Hujus erat mentis Hippocrates Lib. de Loc. in hom. pag. apud Foës. 417. τῶν νοιματῶν ὁ, τι ἀν επικινδυνοτάτοις ἐσιτ, οὐ τότοισι παρακινδυνεῖται χρὴ εἰσιτυχαν μέν γαρ οὐγίᾳ πομπεις, αὖτις ησας δὲ οὐτε καὶ ὡς εὑπελλε γίνεται. In morbis, in quibus periculum ingens adest, aliquid audendum est: si enim successerit, poteris servare ægrum; si non profeceris, fit modò id, quod sine tuo molimine brevi contingisset.

§. IV. Atque hæc de paracentesi. Sed quæ commendatur evacuatio in quâcumque hydropsis specie, cauteriis ac scarificationibus peragenda, illa etiam, subsequâ brevi gangrænâ, discrimine non vacat. Passimque omnes

post *Hippocratem* medici hydropicorum ulcerata curatu difficultima, ne dicam impossibilia, notarunt. Interim qui hoc primus novit *Hippocrates*, ille etiam ulcerata hydropicis arte excitanda esse primus monuit. Sibine igitur contradixit? Minime; sed necessariam adhibuit, quam negligere solemus, cautelam.  
*A si τὸ οὖτον χριστόν θεωτικόν φένται.* Sicque averruncare gangrenam potuit. Unde bene *Prosper Alpinus*, finiens suum 7. Lib. de Med. Methodicâ.  
 » Hocque, inquit, præsidii genere scimus nos complures hydrope fuisse sanatos; at quia curationem vulnerum neglexerunt, alio morbo quam hydrope interempti sunt: quippe vulnera in gangrenam abeunte ». Quare, dum in Nosocomio scarificationes, hydropem palliantes, instituimus, saturato corticis *Peruviani* fomento gangrenam averruncavimus. Ultra nunc progrediemur. Hydropem & ascitem & intercutem curatum vidimus in cancro fœminâ, cui cortex adversùs cancrum dabatur; sed vasa corporis, cortice roborata, omnem aquarum colluviem alvo & urinis expulerunt. Quid ergo impedit, quominus hydropis, sine viscerum interiorum scirrho obtinentis,

curam cortice & assumpto, & sacrificatis admoto locis, tutò tentemus? Duplex sanè causa nos èd adigit: altera, egregius effectus in ipso morbo; altera, ejusdem, ad morbi prægumenam causam haud ratò tollendam, exploratissima virtus.

Atque hæc de hujusmodi evacuacionibus in genere dicta sunt: supereft eam, quæ de ipso thorace directè instituitur, nunc contemplari.

§. V. Dudùm quidem accessi ad sententiam *Hippocratis*, *Martiani*, *Boerhaavii*, paracentesin thoracis sive in hydrope pectoris recentiore, sive viribus utcumque constantibus verustiore, palmarium auxilium esse statuentium: at tamen abstinere nequeo, quin medicum hoc problema proponam, scilicet: *cur ita laudata paracentesis, sive ut primum, sive saltē ut alterum in hoc morbo adhibendum auxiliū, spatio XXIII. Sæculorum theoreticè commendetur, & vix unquam instituta legatur?* In empyemate historiam operationis, fateor, habemus: in hydrope autem pectoris, fortè unus alterve me casus fugit, sed vix illam institutam novi, nisi à Lowero & Williso, idque modò semel. *Willis. op. omn. in fol. tom. 2. Phar. rati-*

*part. 2. sect. 1. cap. 13.* Quid igitur causa, quod nulla operatio universalius commendata, nulla rarius instituta fuerit?

Si conjecturare liceat, suspicor morbum inchoantem difficulter sèpè ægrotum in vitâ cognosci; morborumque aliorum, in quibus paracentesis haud conveniat, sub larvâ fallere: dumque demùm cognoscatur, adeò jam proiectum esse, ut eamdem haud ultra admittat.

§. VI. Morbum apud *Batavos* haud infrequentem sèpiùs in denatis, quam in vivis, cognovisse me fateor. Quòd cum veteranis in arte quoque contingere cernerem, phænomena observata in illis, quorum me morbus fefellerat, animo volvi, cum phænomenis simili morbo deinceps laborantium sedulò comparavi, atque ita tandem sèpiùs eumdem citius præsentem detexi; haud tamen ita, ut nonnunquam illum non nisi conjecturâ assequeret, imò vix ritè, nisi desperatis ferè ægri rebus, cognoscerem. En igitur quæ attentior observatio me docuit!

1º. In plenâ sanitate omnium prima observatur dyspnœa levis, vix notabilis, ut & vix advertenda tussicula;

quæ à communi dyspnœâ inchoante nullo signo distinguitur. Ejicitur nihil tussiendo: unde medici totum incommodum pulmoni utcumque debiliori adscribendum rati, roborantia cum effetu aliquoties bono, sèpè autem nullo, exhibent. Neque tantillo debilior pulsus, aut vix perceptibilis ad motum defatigatio, anhelitusve, aliud suadent. Nulla enim ratio subest vomicas aut abscessus suspicandi. Lento interim passu crescit malum, interea dum non raro fallaci curatione medico imponat. Quippe sicciora dudùm tempestate, moderatiore fortè motu, curatum, lato ægro, latis adparet medicis: quiescente vero ægro, aëreque diù valdeque humido, non curatus morbus, sed auctus adparret. Tussis paulatim increscens, glutinosa pauca ac spumosa producens, cum fonticam causam non agnoscet, prognoscere vix videtur gravare; quia in debiliore paululum pulmone quid g'ur'nis generatione facilis? Malleoli posthac pedisque œdema levissimum conspicitur, vagum quidem primò, postea autem constantius: sed vix inde augmentum inquietudinis; quid enim desidiosâ vitâ frequentius? Hic primus gradus, diurno tempore sic in pluribus obtrupens.

2°. Interim fiunt ægri corpore haud modò , sed & animo imbecilliores , spasmis flatibusque , ac levioribus anxietatibus magis obnoxii : somnum ægrius capientes ; exiguosque , leves , vix inchoantes , asthmatis spasmodici patientes insultus. Cum hucusque nulla cujuspiam visceris labes se manifestet , persistit nobis imbecillioris pulmonis idea , solidaque roborandi , ac fluida inspissandi indicatio. Si autem gluten paucum pulmone ejectum medicis eò usque imponat , ut ad attenuandum illud accingant sese , morbi causa facile adaugetur.

3°. Crescunt mala pedetentim ; observantur quidam noctu inquietiores , & conqueruntur quâdam anxietate se à primâ somni blanditie captâ expergesceri ; erectos se oportere ; postea verò nonnihil tranquillitatis se denuò percipere. An id quia jacentibus , truso alterius diaphragmate , præ mole viscerum abdominis , thorax angustior ? An verò iis modò fit , quibus venter effuso intra illum liquore turgidior ? Practica observata has rationes omnino non per omnia admittunt. Observavimus has nocturnas anxietates in his , quorum **cadavera abdomen aquis inane exhibe-**

rent. Observavimus easdem cum *Pisone*, licet ægri, illatum evitandarum causâ, in sedili obdormivissent. Utique res explicatu difficilis! sed quid tunc medici concludunt indicari? Si gluten aliquid copiosius ad has anxietates expuatur, asthma glutinosum; si vix tale quidquam, spasmodicum concludunt. Præsertimque dum dato paregorico, & antispasmodico ad noctem remedio, subitaneam mali furentis remissionem ægri ita lætantur, ut sequenti, altero, tertiove die, noctes agant tranquillas, imò obliti ærumnarum, in publicum prodeant, suisque cum amicis se exhibentes. Ergo antispasmodica vel expectorans medela continuatur; morbus in pejus ruit.

4°. Caducam suam machinam interea adhuc miseri trahunt, donec ad tragicas illas noctes deventum sit, quibus decies minantur suffocationem; unde tandem leipothymia, syncope, debilitate, vitam ducant ipsâ morte miserabiliorem; sicque, quanquam mortem effugere sæpiùs visi, tandem subito suffocentur. Lepida catarrhi suffocantis applicatio medicorum servat sartum rectumque honorem; & si forsean medicus affuerit, qui morbi præsentiam

ante fata subolfecerat, utique non nisi ut immedicabilem pronunciaret, cognoverat illum.

Hæc nunc historia miserandi morbi, ut plurimùm ignoti, quo plures extinti in unâ, alterâve, aut etiam in utrâque thoracis camerâ collectas exhiberent aquas. Unde quidem crebrior nata postliminio ejusdem in vitâ suspicio, sed sufficientium defectu signorum, quibus à morbis, quos simulabat, quosque ars sèpè feliciter tollit, discriminaretur, nulla certitudo.

Quamobrem ad invenienda propria morbi ac pathonomicâ signa variorum adhibiti animi; eoramdemque demùm is adornatus catalogus est, cuius cum pag. 258. meminerim, hîc non repeatam, sed ad singula ejus capita ordine respondebo.

Ac primò quidem respondeo, subitam à primâ somni dulcedine excitationem, cum intentatis suffocationis minis, semel mihi octiduo ante fata quondam apparuisse, & pluries quidem maturius; at verò semper proiecto ita morbo, ut omnem respueret curationem. Pathognomicum proinde hoc signum non adpellabo.

Secundò dico hydropem pectoris aliquoties

Quoties adesse posse citra hoc signum.  
En evidens exemplum ! Sexagenaria  
mulier hoc ipso anno , ineunte maio  
mense , ad *Pasmanianum Nosocomium*  
transferebatur , ascitem habens , tumi-  
disque , atque hinc inde ulcerosis cru-  
ribus , lympham stillans. Pectoris quidem  
nonnulla anxietas , ut in ascite consue-  
vit , aderat , sed admodum exigua :  
quodque in proiecto ascite mirandum ,  
nulla tussis. Nulla præterea peculiaris  
de nocte anxietas , aut subitanea è som-  
no excitatio. In dorsum quidem sæpè  
incumbens visa ægra , frequenter autem  
etiam utrumvis in latus. Vino herbis  
amaris medicato , cui *Oxym. Squill. Spir.*  
*nitr. dulc. Tinct. Millep.* , &c. adjuncta ,  
tota ferè , inque iteratâ vice , detumue-  
rat , sed aquâ furtim captâ continuò se  
replens , relapsa est. Tandem manu ac  
brachio sinistris quattriduo ante mortem  
tumentibus , 3. Julii expiravit.

In cadavere invenimus ascitem ven-  
tris cysticique principium : scilicet duas  
ovarii hydatidas , quarum una pellucen-  
tis lymphæ ultra libram gerebat. Deinde  
ovarium dextrum in cellulas cartilagi-  
neas degenerans , ossiculum magnitu-  
dine pilulae duorum granorum , mem-  
branulâ cohærens , suo in fundo conti-

nebat. Uterus vix distentus, glabro carnofoque corpore repletus, quod cum uteri fundo posteriore ita unitum, ut non nisi unam eamdemque cum eo formaret substantiam.

Sed quis mortalium credit hanc fæminam utrumque pectoris cavum copiosissimâ lymphâ repletum gessisse, ita ut arctè in spatio compressi pulmones, pluribus in locis aëte vix ultra permeales essent, magnisque suî portionibus aquæ, in quam injecti, fundum peterent? Utque pericardium, undique pressum, cum cordis massâ, nullo cavo relicto, in unum coivisset, albitudine modò suâ, duas circiter lineas crassâ, à cordis substantiâ distinguenda? Obiter hic noto pericardii absentiam, ab anatomicis notatam, similibus forte causis deberi.

Si ergo nocturna orthopnœa omnino deesse in gravissimo pectoris hydrope potuit; si in aliis paucis modò ante funera diebus adparuit; si denique, ubi adest, provectione adeò morbo patescit, ut quodvis ferè respuat auxilium; non videtur illa pathognomici signi nomine venire debere.

Secundum signum, œdema scilicet, aut paralysia alterutrius, imò etiam

utriusque brachii manusve, priore vix multò certior est. In quo viro dixi nocturnam orthopnœam octiduo priusquam periret, me observasse, in eodem quoque manus nonnisi eodem die œdematosfa apparuit. In fœmina, cuius historia mox data fuit, quatriduò tantum ante obitum. In eâ verò, cuius casus Cap. 2. pag. 235. descriptus fuit, tale œdema adfuit nunquam. Caruit quoque eo clarus *Wepferus*. Ergo quòd vel deest aliquando, vel morbo ad interitum proximo sæpè advertitur, pathognomicum non est.

Tertium signum, aquæ nimirùm fluctuatio, pluribus defuit meorum. Adesse tamen sæpè illud, & ratio suadet, & *Hippocrates* tradidit, & nostra fœmina cap. 2. pag. 235. experta est, & plures memorant authores. *Hippocrates* sedentis hominis comprehendens humeros, validè ejus corpus concutiebat, ut audire fluctuationem posset. Authorum nonnulli corpore inclinato id explorant; imò ægro toto corpore superiore de lecti crepidine deorsùm pendulo. Verùm vel non adest multis, vel serò tantum adesse percipitur fluctuatio; & in casus *Hippocratis* similes incidere oportet, ubi auditu percipi possit. Quod

Nij

ergo sæpè deest , aut serò nimis adver-  
titur , pathognomici morbi signi condi-  
tione caret.

Quattum signum , hypocondriorum ,  
vel alterutrius tumor dicitur ; sed cum  
tumere variis de causis queat , non  
est pathognomicus hic tumor. Contin-  
gere quidem potest , ut aqua in dia-  
phragma gravans , hepar v. g. premat ,  
trudatque extorsùm ; cui signo , si forte  
fluctuatio simul adest , morbi major cer-  
titudo nascitur : sed in multis & tumor  
deest & fluctuatio. Ergo.

Quintum signum , pulsus debilis ,  
tardus , sæpè intermittens , inter hujus  
morbi signa recensetur. Erat quidem  
talis *Wepferi* , testante *Brunnero* , pul-  
sus ; sed cum *Wepferus* etiam osseam  
habuerit aortæ substantiam , pulsus  
eius non potest hydropis pectoris pa-  
thognomicus adpellari. Deinde talem  
pulsus multi authores non recensue-  
runt. Tandem pluribus defuit. Sanè  
febricula , invidua multis comes , pro  
tarditate celeritatem habet.

6°. Fætentem animam meorum ne-  
mo habuit.

7°. Urina pauca , crassa , hydropi-  
corum passim esse solet , sed non im-  
mutabili lege. *Hydropica cap. 2. p. 248.*

eam reddit pulchre coloratam, limpidam, cum sedimento ferè acutorum bonorum. *Wepferus* ideo minus credebat se pectorē hydropicum esse, quod *urina copiosa, naturalis; matutinusque ad effet sudor.* Descripta *Wratislavienibus* urina, qualis propè mortem ipsis observata fuit, etiam sic in *Nofocomio* adparuit: sed quod lethi instantis, id morbi ipsius signum dici non potest.

Quām parūm ergo certi, ut morbum initio præsentem dicamus, ex recensitis nanciscamur! Provoco etiam ad quotidiani praxin. Quid incertius concilio medicorum, quos similis convocaverit morbus! Examine per horam producto, sæpè uni horum malum asthmaticum audit; alteri dyspnœæ similius; tertio hypochondriorum affectione natum; quarto, peculiari nervorum irritabilitati, cum aliquâ acritudine junctâ, adscribitur; cuiquam fortè etiam hydropis pectoris suspicio nascitur. Ac profectò si talis reverà esse deprehenderetur, idoneum paracenteseos tempus nunc forsitan esset. Sed suspicio morbi duntaxat est, eaque cum aliorum morborum ita intricata permistaque signis, ut certi quid concludi nequeat; rarusque sanè ille medicus foret, qui operationem

hanc ex merâ hâc suspicione in se suscipere vellet; rarioque æger, qui incertâ de causâ permitteret thoracem sibi terebrari. Unde ad maximè verosimile concilium concludit, donec signa evidentera elucescant; utinam modò, iis eluentibus, conclamatum non esset!

Nunquam è mente excidet casus viri, quinquagenario majoris, qui spatio quinquennii sèpiùs meam imploraverat opem. Cardialgiis ab immortali penè tempore obnoxius, nullum demùm solamen habuit, nisi vel ab opio audaciùs dato, vel quando digestionis tempore doloribus ferendis ultra non erat, compresso validè epigastrio. Ita ut aliquoties invenerim eum in terram prounum, substratis soli ventri pulvinaribus. Spontè enim noverat vehementiores sopire dolores, nervis abdominis propè ventriculum & pancreas compressis. Semianno ante mortem vespere tempus suaviter cum amicis fallens, crudeli cardialgiâ afficitur, breveque postea anhelitu, demùm aphoniâ; anhelans autem ac vocis expers, cardialgiâ liberabatur. Venâ sectâ, immisso enemate, vesicante inter scapulas adhibito, insultus ille mirus tridui tempore integrè cessavit; sed quæ eo triduo planè

fluerit cardialgiâ, mox rediit. Quindecim diebus elapsis idem paroxysmus rediit, ut instar asthmatici respiraret æger; at mixturâ neuroticâ sumptâ brevi convalesceret. Octiduo post repetens priore sævior insultus, eidem remedio actu-tum cessit.

An hîc, amabo vos! pectoris hydro-pem somniare, qui in consilium vocati medici potuere? Quid asthmatico insultui similius? Potissimum si consideremus, 1°. quamdam affuisse materiem, quæ in singulo paroxysmo sedem consuetam reliquisse doloris, & ad thoracem videretur transmigrasse; 2°. idem ita creditum asthma confuetis discutientibus & antispasmodicis auscultasse; 3°. sed auscultasse nunquam, nisi prius dolor antiquam sedem occuparet; 4°. per integros quinque deinceps menses pectus nihil simile passum esse. Interea tamen torosus eò usque homo, ac perfectè quadratus, in dies collabescere animadvertebatur.

Octiduo tandem ante fata plura subi-tò signa manifestabantur, quibus hy-drops pectoris subdolè dudùm latuisse, jamque adeò proiectus esse videretur, ut immedicabilis esset. Improvisa scili-  
cet è somno excitatio, orthopnœa,

oculorum vultusque livor, ac simul magna inflatio ambarum: consueti vero in epigastrio dolores hanc vice minimè cessarunt. Pridie autem mortis omnibus symptomatibus tam in ventre, quam in pectore, liberatus, pulsum bonum, vultum mirè recreatum, ac veluti vegetum, præ se tulit, suaque repetere negotia jam meditabatur. Nocte autem in sequente in lecto invenitur cum matulâ in manu veluti vomitus, sedens, sed jam mortuus; atro, eoque plurimo cruento, sub utrâque albugineâ, suffusus.

In cadavere præter ingentem totius pancreatis scirrum, præter licet crassam cartilagineam superficiem, inventimus diaphragma utroque in latere abdominis, sacci instar, prominens; & lympham enormi copiâ expletum sinistrum thoracis cavum; eodemque modo, sed paulò parciùs, dextrum; costarum denique cartilagini planè ossas factas.

Priorum anamnesis, morbi finis, inspectio cadaveris, videntur demonstrasse colluviem in pectore aquarum adfuisse; quæ cum larvata, complurium medicorum aciem fugerit, simul evicit, quam in proclivi sit hic falli. Præter orthopnæam nocturnam, œdema- tosque manus, etiam convexum ver-

sùs ventrem diaphragma à gravante lymphâ inveniebatur ; sed crassitudo ventris notabilem non exibuit in vitâ differentiam. Ita ut hoc signum pag. 280. ex authoribus recensitum in graciliore ventre evidentius , quâm in crasso , adverti possit debeatque.

His omnibus ita pensatis , veram capimus , arbitror , causam , cur centenari scriptores practici paracentesin vel in morbi principio , vel saltem post irritum remediorum usum adeò laudantes , eam tamen nunquam instituerint : morbus quippe in principio non manifestus , eam ultra non admisit. Qui verò illam instituerunt , ut *Hippocrates* , *Lowerus* , *Wilfius* , & fortè pauci alii , hincendi sunt in ejusmodi ægros incidisse , in quibus signa morbi oportuno tempore manifesta erant.

Unde ea proficiscitur conclusio : 1º. ut subdolus hic morbus raro , dum curabilis est , cognoscatur ; cognosci incipiat , dum ultra vix admittat medelam : 2º. ut in posterum , dum ambiguus inchoantis mali se exhibet casus , diureticis , purgantibus , sudatoriis , dia-phoreticis remediis minimè parcamus ; cum ex effectibus brevi patescat subsitne , quem suspicemur , an alias morbus ?

## CAPUT IV.

## DE EPILEPSIA ET CONVULSIONIBUS.

§. I. *Impossibilis alius Epilepsia cura non raro obtinetur sedula causarum procatarrcticarum expiscatione, quamvis prægumenæ haud auferantur. Gravida Epileptica id demonstrans exemplum.* §. II. *Multiplices viæ, casu detectæ, enarrantur, quibus aut sopitus morbus, aut sublatus fuerit. Hunc inscopum simplicia quedam laudantur.*

§. III. *Exemplum mirabile curatae in adolescenti Epilepsia. Mors ejusdem alia de causâ orta; & inspeccio cadaveris.* §. IV. *Epilepsiam vasri homines varias ob rationes plurimum simulant. Bina, quæ id ostendunt, exempla enarrantur.* §. V. *Varie leges dolos eorum malos expiscandi & demonstrandi.* §. VI. *De demoniacis fictis, eosque palam prostituendi methodo. Magnâ prudentiâ medicis opus esse ostenditur.*

§. I. **E**PILEPSIA morbus est omnem artis opem haud raro eludens, sapientis tamen vel curandus integrè, vel

ita saltem moderandus, ut causâ pro-  
cata r̄cticâ ablata, p̄c̄gumena veluti  
sopita maneat, atque ita certo quodam  
senſu morbus planè abactus esse videa-  
tur. Unde plurimū juvat, quæ sym-  
ptomata, aliquandiu aut mox ante insul-  
tum, præsentiat æger, apprimè nosse;  
nota autem tollere, aut saltem suffocare  
posse. Experimentis enim constitit ho-  
rum felici ac prompto moderamine,  
haud rāto averruncari paroxysmum. En-  
ex pluribus unum! Inexpugnabilis mul-  
tis ab annis epilepsia tandem & ante  
paroxysmum nauseas, & in paroxysmo  
vomitus exhibet violentos. Illustrissimus  
Baro *van Swieten*, egoque, ad eme-  
ticum ante futurum paroxysmum, deinde,  
ne emetici turbæ nocerent, ad pa-  
regoricum exhibendum, facile deveni-  
semus, ni graviditas obstitisset. Consi-  
derantes tamen postea & prægnantem  
& fœtum, paroxysmis vehementissimis  
gravius lādi, quam emetici actione,  
emeticum dedimus, emeticum repeti-  
vimus: idque eo cum successu, ut mor-  
bus integro decennio siluerit. Præsen-  
tiebat quidem illa aliquoties quasdam  
veluti futuri insultūs inchoamenta, sed  
& has usū sequentis remedii penitus  
compescuit. &c. Spis, sal. ammon. Tinct.

Cast. Sac. Assæ fæt. à. dr. 3. ter, qua-  
ter die 60. git. cum vino. Exacto verò  
decennio, summis animi mæroribus  
confectam repetens epipepsia occidit.

§. II. Dum verò aut nihil horum  
ab ægro præsentitur; aut etiam præsen-  
sum auferri nequit; aut denique abla-  
tum, effectum causæ latentis non so-  
pit: sèpè immedicabilis morbus haberi  
solet. Attamen ne tunc quidem absolutè  
**conclamatum pronunciare oportet.** Fu-  
re quibus excitatus ille, & nutritus opi-  
patâ ac desidiosâ vitâ, subitâ fortuna-  
rum jacturâ per omnem vitam, haud  
contemnendâ planè compensatione, si-  
luerit. Alii, quibus casus ab alto in cra-  
nium, vulneraque ejusdem, aut con-  
fusiones, morbi aut moderamen, aut  
integralm effecerint absentiam. Etiam  
mutatione domicilii, diuturniore pere-  
grinatione, vitæ genere prorsum per-  
mutato, quidam leguntur se etiam ab  
ipsâ gentilitiâ labe præstitisse immunes.  
Ars, hæc similiaque contemplata ac imi-  
tata, stupendas nonnunquam curas per-  
fecit. Sed & simplicia usu detexit, quæ  
suminæ ad hunc morbum refrænandum  
efficacîæ sint. Hæc inter *Pæonia*; *Viscus*  
*Quercinum*, & *Radix Phy*, sive *Vale-  
rianæ*, foliis omnibus pinnatis dictæ bo-

tanicas. Vidi mus sanè rebellem dudùm morbum aut hisce mitigatum , aut silentem penitus. Experimenta nostra dudùm facta confirmavit nobis Doctissimus Vir *J. Scopoli*, Physicus *Idriensis*, *Florâ suâ Carniolicâ* clarus , qui binis dragmis pulveris radicis *Valerianæ* quotidiè datis , deinde ejusdem decoctæ librâ post singulam pulveris dragmam exhibitâ , epilepsiam triennem , ex terrore , ( pessimâ sanè origine ) natam , & quovis ferè die adorientem , jam per decem septimanas , dum hæc ad me scriberet , suppresserat.

§. III. Sed præterea , dum polymorphus hic morbus nos per hæc omnia tentantes prorsùm eludit , nonnunquam nobis , animo ad cancta attentis , suî amotionem veluti furtim indicavit. En notabile ejus , quod habuimus , exemplum !

Sexennis puer , sanissimus , insiliente in se cane molosso ita terretur , ut integro triduo convellatur , horrendosque postmodum epilepsiaæ insultus ferè quotidie patiatur. Morbus ad omnia rebellis , ac per sexennii spatium perdurans , ignoto parentibus remedio paululùm mitescebat ; sed novo irritatus pavore , nec ultra ignoto remedio moriger , pue-

sum vario modo, quotidie, eodemque die multoties adoritur. Tandem inter pauperes, qui manè Nosocomium, consiliī causā petunt, mihi sūstitutur.

Radicem *Phy* trium septimanarum spatio ipsi dedi, sed ab eādem desistere increscens vis morbi me compulit. Quò autem securior medicina esset, illum in Nosocomio locavi. Sedulo examine constitit vigiles & ultra, die, inchoati paroxysmos, sed semel tantum bisve compleri eosdem; idque hoc modo singularis diebus ac noctibus. Virus *Castorei* copiosioris me explotantem, itidem effectus elusit; quemadmodum etiam aliquum fætidorum, & acrem spiritum rectorem habentium, usum. Morbus varietate terribilis nunquam graviores suos insultus modo perficiebat eodem. Alio enim tempore totum corpus, medium autem alio convellebatur, altera sui parte obrigescens. Nunc opistotonos, Emprostotonos utcumque alio tempore fuit. Jamque unā vice vehemens calcitratus, aliā vice manuum in proprium pectus caputve, tanta agitatio, jactatio, vibratio, ut, ni cautum fuisset, sibi non fuisset vehementer. Sudor perquam fætidas insultum comitabatur, copiosus una, ut indasium lectusque plurimum

maderent; tenax itidem adeò, ut corpori, eeu quopiam glutine, adhæseret. Mugitus, ululatus, rugitus, gemitus, vultusque omnem in modum horridus, & urinæ profluvium, paroxysmum frequenter concomitabantur.

Interim morbo quotidie in pejus verso, nascuntur signa vehementis humorum rarefactionis, quam ipsa natura haud levi narium hæmorrhagiâ testabatur. Sed sæpius me mater momuerat, nunquam ipsi graviores fuisse, frequentioresque paroxysmos, quam qui hæmorrhagiis ejusmodi successissent. Renihilominus crescente admodumque urgente, sanguinem pede bis detraximus, diluimus, moderavimus; sed morbum hinc vehementer augeri dolui-

mus. At verò dies diem docet. Animum, quippe quamcumque in partem vertentes, constanter dèmùm observavimus puerο jacenti, frequentique somno obrepto, morbum frequentiorem esse, quam, aut sedenti, aut vigili. Hanc ob causam majore diei parte illum in sedili locavimus, vigilemque variis objectis mentem grātē occupantibus servare annisi sumus. Sensim hinc insultus rapiores.

Verum soporosus erat. Et tandem somno quidem capto paroxysmum accedere, nunquam autem vigili, advertimus. Ergone causa tetri mali latens aptiores in somno nervos, ut agitaret, invenit, quam vigiliarum tempore? Urique experientia convincebamur, quod adolescentem diutiis vigilem servabamus, eò rariores contingere paroxysmos. Sic liberos quidem dies integros nanciscebamus; nocturnos verò insultus, cum tamen dormiendum erat, averruncare non poteramus.

Aliud igitur consilium arripuimus. Vigili insultus ultra non fiunt: fiunt autem, dum stertorosus eum somnus capit. Ergo causa latens invenit nervos somni stertorosi, quam vigiliarum tempore, ad convulsiones, ad tetanos, ad spasmos aptiores. Ipseque ille stertor somnum minimè naturalem esse demonstrat. Quid igitur si opio nervos insensiles redderemus, ne causa illa, ignota nobis, irritare eosdem posset? Sed contra: nunquid opium in dispositione adeò comatosum sumnum non posset æternum facere? aut per omnem vitam stupitudinem? Sed periculo saltem vacabit minima dosis. Igitur tentavimus. Jam quæ minima dosis in corpore, opio neu-

tiquam assueto, nec soporem augebat, & tamen boni præstabat quidquam. Dofin ideo prudenter auximus; omnem omnino paroxysmum averruncavimus; pro sopore somnum naturalem produximus; puerum brevi agilem, alacrem, sanum, salutavimus; matri reddidimus.

Usus adolescens integrâ per tres menses valetudine, ad Nosocomium rediit, tumorem sponte in inguine natum mihi exhibitus. Herniosusne esset, an alias generis tumor, ambiguum fuit. Ventre primùm liberato, emolliens cataplasma oppositum est. Sed paucis postea diebus nuntiavit mater dysenteriâ, quam mihi non indicaverat, sed commiserat balneatori, filium periisse.

Cadaveris examinandi copia fuit. Partuit tumorem in inguine ante aliquot dies exhibitum, ingentem fuisse abscessum. Nodus durus nervo diaphragmatico in medio suo itinere arctè circumcretus inveniebatur; aliusque similis illi ejus loco, ubi in diaphragma abiturus erat. Thalami opticorum emarcidi.

Nunquid vitia enarrata nervorum medullæque, diu post epilepsiam nata sunt? An verò dudum præsentia, cau-

sam prægumenam posuerunt, cui terror accedens, causam epilepsiarum proximam cum illis formaverit? Incertum! Saltem aut idiopathica epilepsia à terrore genita excitatave, idiopathica à terrore cum male affectâ medullâ cerebri orta, aut demum invincibilis deutopathica, ex male affecto nervo dia phragmatico & terrore nata, arte medicâ si non curabilem, sopiri saltem ita, ac si penitus abesset, se posse ostendit.

§. IV. Sed tædiosa causa ingratam observationem, tyronum in gratiam, adjungere jubet. Quippe nullâ re turpius decipimur, quam epilepsiam, aut convulsione, fictis. Vix morbus datur, quem & frequentius & artificiosius simulare mendici norint, quo transeuntium animos in commiserationem commoveant. Pueri ac puellæ hanc vapram fingendi artem à se mutuo discunt, ne vapulent; vel ut mollius tractentur; vel ut nihil cogantur addiscere: quem admodum vident cum pueris, quos in paroxysmis forte viderint, à parentibus tutoribusque agi. Maturam virginem procorum penuria torquet angitque. Forte casu audivit à garrientibus inter se matronis epilepsiam matrimonio-

nonnunquam curari. Ergo eam artificio-  
sè fingere discit, quò cogat parentes se  
viro jungere. Monachus, quò à choro,  
à jejunis, aliâque monasticæ vitæ af-  
peritate se vindicet, se fingit convul-  
sum. Quin & sine peculiari intentione  
ipse malus animus eo nonnullos sedu-  
cit. Tandem etiam in scenam diabolus  
adducitur, quo obfessos se fingunt, in-  
tentione fonticâ variâ, etiam, quis cre-  
dat! superstitionis roborandæ causâ. En-  
aliquot, quæ habuimus, exempla!

Adducebatur mihi puella gravi audi-  
tu laborans. Quo, revellentibus, & factis  
in aurem injectionibus, restituto, con-  
vulsiones suboriebantur, quas hoc or-  
dine contingere mater narrabat. Inci-  
piebat tremere puella, angi, anhelare,  
clamare, brachia agitare, totumque  
corpus, humili cadere, pollices fortiter  
intra pugnos firmare, vociferari, can-  
tare, ore tandem producere spumam.  
Principio bis, ter, die, id contigisse;  
jam autem quâvis fermè horâ.

Commodo meo morbum examinatu-  
rus, puellam jussi in Nofocomio servari.  
Vidi illam, eâdem die, in lecto decum-  
bentem, convulsam, mediisque in  
convulsionibus pollices adeò fortiter  
intra pugnos firmate, ut maximâ vi vix

solvere valerem. Oculos horrendè agitabat. Attamen dolum subesse suspicabant; 1°. quod oculi durante paroxysmo non connivendo, sed sano prorsum modo, aperitentur; 2°. quod pulsus ferè naturalis esset; 3°. quod cortinis lecti clausis pupilla dilataretur, vicissimque apertis iisdem contraheretur; 4°. quod pupillæ admotâ candelâ vividissimè se contraherent, & puella quasi nocumentum inde percipiens, caput rotaret. Igitur è lecto statim exemi: minitante ipsam lapsum custos ægrotorum minis, si caderet, intentatis, erectam servavit; & baculo munitus; eoque veluti vibrans, convulsionum progressum stitit. Convicta demùm puella, fatebatur & surditatem olim, & nunc epilepsiam finxisse sese, ne cogeretur munus ancillare obire, cui eam mater destinaverat.

Hanc in fingendi fallendique artificio crassiorem sequebatur astutior adolescens, quem vaframento suo pluribus me lusisse diebus fateor. Mirificè convellebatur toto abdome, tumque vehementer singultiebat. Ortum porrò id asseverabat mater, quod emeticum ipsi datum fuisset. Adjungebatque paroxysmum non raro etiam invadere dormien-

rem. Detentus aliquot diebus in Nosocomio, enemate, epithemate, neutroticis ac paregoricis, sanitati, ut videbatur, restitutus, parentibus redditur. Vix verò tantisper paternas incoluerat ædes, quin repeteret paroxysmos, & à matre in Nosocomium reduceretur. Fucum suspicatus, privato eum cubiculo inclusi, ubi se solum credens, nobis eum per rimam contemplantibus, tranquillè sedebat, nobis intrantibus in convulsiones singultusque prorumpet, nobis egressis iterum sedatus. Imò idem in paroxysmo contingebat, dum adstantes aliorum cerneret occupatos; nam fictis tandem motibus defatigabatur. Patri arcessito veritatem fateri coactus, ideo se simulasse hæc confessus est, ut à magistro, apud quem carpentariam artem discere cogebatur, dimitteretur, ædibusque recipere tur paternis. Igitur vel mater cum filio collusit, dum etiam dormientem malo invadi assertaret, vel ipse novit se dormientem vaferrimè fingere.

§. V. Versati in hisce practici ea passim experiri solent, quæ jam enarravi, quò doli latentis fiant certiores: ac praeter hæc omnia, bonis unguibus norunt prehensam cutim rudissimè vellicate;

imò ignem manui, aliisve corporis partibus admovere, & si ne id quidem juvat, ignem immediate applicare solent. Exempla docent fictas epilepsias ejusmodi tentaminibus se prodidisse.

Attamen & morbum fictum esse, & ne igne quidem posse detegi, non caret exemplo. Scelestissima fœmina 20. annorum, quæ animi gratiâ vetulam truculentâ manu occiderat, fassa in carcere est horridam epilepsiam, quâ longo tempore laborasse credita fuerat, se impio animo finxisse; id quod etiam experimento confirmavit. Morbum enim simulare iussa, ita simulavit, ut quivis ferè crederent fictum morbum in verum demum abivisse; iussaque medio in paroxysmo surgere, & tranquillè ambulare, surrexit, ambulavit. Hanc nos illustrissimus præses, spectabilis decanus, & clarissimi professores, supremo iussu, nomine inclitæ facultatis mediceæ examinantes, eadem audacter proferentem & repetentem audivimus. Et quod res est, ostendit nobis tres fœdas in manu cicatrices, quas ipsi igne Chirurgus, urendo veritatem exploratus, olim inuaserat, quasque inuri sibi adeò tranquillè pertulerat, ut ultra nemo de certitudine epilepsia dubium

moveret. Quis crederet remedium, adeò cæterum infallibile, quandoque turpiter fallere posse? Melius profectò in hâc scelestissimâ muliere parisimum successisset experimentum. Cum enim quisquam ad epilepsiam in plateâ adstantium fucum subolfecisse, jussit convulso paleam substerni, ne sibi laderet: quo facto, utrumque paleæ extremum flammâ incendit, effecitque, ut vaferimus homo fulmine citius fugam capesseret.

§. VI. Sed & aliud convulsionum genus hîc memorandum est, quarum autor, horresco referens, satanas dicitur. Utroque in sexu id expertus sum. Piates fœminas, quas à diabolo obsecras vulgus non modo, sed & sacerdotes jurabant, AUGUSTISSIMA IMPERATRIX ad Nosocomium practicum deferri iuferat, examinandas. Examinavi porrò easdem eo munitus principio, quod homines à dæmonibus reverâ obfideri, ut aiunt, queant; quodque id invictis argumentis tum ex novo testamento, tum ex genuinâ historiâ Ecclesiasticâ, & SS. Patrum doctrinâ, peritis, indubitatissimum sit; ut meridianâ luce evidentiùs illustrissimas præses, Cap. de epilepsia, demonstravit; sed

simul eo principio , quod sæculis poste-  
rioribus , præsertimque corruptissimo  
nostro , millenæ fingantur fallaciæ , quas  
utinam simpliciores monachorum sa-  
cerdotumque haud ita foverent ! Horum  
porrò principiorum ope fraudem facile  
detexi , detectam revelavi . Ubi igitur  
res mihi constabat , sic egi : custodes  
ægitorum , singulos bonâ aquæ amphorâ  
munitos in acie collocabam , ut mox ,  
dum ad auditum venerabile DEI no-  
men , nominave sanctorum , rerumque  
sacrarum , fictus diabolus corpora pro  
more agitaret , integrum amphoram uni-  
co iœtu in faciem pectusque profunde-  
rent ; idque ita , ut si ad primam pro-  
fusam insultus non cessaret , suam ordi-  
ne omnes evacuarent . Primâ utique vice  
amplo satis aquæ dolio indigebam : sed  
cum inteligerent omnes deinceps con-  
vulsiones hanc sortem habituras esse ,  
non habuerunt postmodum ullas , sed  
integrè sanæ apparuerunt .

Nemo in nos , confido , quod rude  
adeò & incomptum experimentum ten-  
taverimus , tanquam in profanos , in-  
dignabitur . Eramus aliis argumentis  
plane convicti de fraude nefandâ ; sed  
ejus fabricatores publicè convincendi  
erant . Ad exhibitam v. g. sanctæ crucis  
imaginem ,

imaginem , aut ad alias res sacras , quas corpori adplicatas illico diabolum revocare ferebant , videramus quidem statim id , quod prædixerant fieri : sed quando easdem res sacras involveramus , ut , quid essent , non adpareret ; involutasque eisdem applicueramus , convulsio nulla excitabatur. Si quoque rude lignum aquâ sacrâ aspersum esse dicebamus , eoque corpora tangebamus , furebat diabolus ; itidemque si ipsa corpora aquâ lustrali aspergebamus ; sed æquè validè etiam , dum aquâ metâ utentes , tandem fingeremus eam aquam sacram esse. Igitur fraudis certi , reliquum experimentum duntaxat instituimus , ut dolis omnibus patesceret.

Igitur sanctissimæ nostræ religionis veneratione & amore ducti , debuimus ea confundere , quæ illam adeò dehonestent : & ex corde vovemus , ut ii , quorum est catholicam religionem tueri , propagare & ornare , à depravata aut malitiosa hominum ideâ fovendâ , statuminandâque abstinerent ; & sive per se , sive per alios , eadem , quæ nos , tentamina instituerent. Utique haud tam sæpè res ad religionem spectantes , ludibrio & irrisioni exponerentur , nec

ipſi illi , fraude postmodum detectā ; ignominiā confunderentur.

Profectò si ad doctos hominum do-  
los , eruditamque vaſritiam , medici se  
non aliquantulū cautos atque subargu-  
tulos prætent , & artem ſuam & ſe ip-  
ſos ludibrio continuo exponunt . Casus  
quotidiani ſunt . Haud ita pridem fæmi-  
na aderat , quam ipſe confeſſarius ,  
tantā religione pollere , tanto eminere  
pietatis exercitio afferebat , ut ſi ſancti  
in hâc tellure haberentur , hæc faltem  
ſancta habenda foret . Anxietatibus , &  
planè singularibus faciei convulſionis-  
bus viciniā totam in commiſeratio-  
nem ducebat . Hinc illam in Nosoco-  
mio ſuſcepi , & bonā fide aliquantisper  
deceptus , tandem attentior in rem de-  
texi pulſum , & ante insultum , & ſub  
insultu , poſtque eundem , nunquam  
non optimum eſſe ; dum de prostrato  
prorsū appetitu conquereretur , eam  
integram ſuam portionem avidè abli-  
gurire ; & durante paroxysmo me ma-  
nibus meis ita vultum ejus componere  
poſſe , ut convulſiones planè ceſſarent .  
Convictus doli ego , turpitudinis eam  
ſuę , ſuę hypocriſeos convincere anni-  
tebar , ſed incassum . Alio ergo modo

convincenda erat. Cura per aquam, ut in dæmoniacis fictis instituta, effecit, ut convulsiones redierint nunquam, licet adhuc per 12. dies in Nosocomio detineretur. Sed ne tunc quidem finis fingendi. Quippe à facie malum in pectus delapsum esse, continuumque creare anhelitum conquerebatur. Fraudem ipsa prodidit, dum liberrimâ & longe productâ respiratione fruebatur, quando per horæ quadrantem mentem ejus grato, quem cum illâ miscebam, sermone, à decipiendi studio abduxeram.



## CAPUT. V.

DE CALCULO, UVA URSI, LITHON-  
TRIPTICIS DICTIS, &c.

§. I. *Historia hominis à diuturnis calculi doloribus uvā urſinā liberati; eaque occasione describitur remedium, quo ſibi olim multū profuerat.* §. II. *Alius calculosus, qui quodam remedio multū levatus, deinceps verò minimè, ab uvā urſi juvabatur; viribus autem penitus extenuatis moriebatur. Miranda ejus anatome. Non curat uva urſina, quos lithotomia non curasset. Recensio multorum, quae vocant, lithontripticorum; quae probantur uva urſi viribus minora.* §. III. *Uva tamen quosdam non niſi tardè admodum juvat, imò nonnunquam recidivam poſte relinquit, ſi non continuatur: hiſ ſectione fuadenda, ne degeneratio partium immedicabilis fiat.* §. IV. *Congenitus verofimiliter calculus felici ſectione curatus. Anceps hæc curatio, cum omnibus eam fuadentibus diſſuadentibusque argumentis, enarratur, acutissimusque illi mox ſubsequus morbus: cum etiam urine phænomenon,*

*uva ursi necessitatem, etiam post sec-  
tionem indicans. Subjunguntur inter-  
miscenturque observata circa lithoto-  
miam, & incommoda, quæ illa non-  
nunquam post se reliquit.* §. V. *Urinam  
calculosus reddit, in quâ, dum in  
vitro quiescit, lapilli generantur. Ho-  
mini huic uva ursi mirificè confert.  
Puer calculosus, quo toto tempore  
stepfenianum remedium sumit, cal-  
culosa ramenta cum urinâ copiosissima  
emingit; sectione nihilominus liberan-  
dus. Non fuere soluti calculi ramenta,  
sed corpora genita à materiâ terreâ co-  
piosa, in vesicâ præsente. Forsan gene-  
ralis calculosorum ejusmodi dispositio  
est. In contrarium autem affertur his-  
toria Rev. Kirkpatrick, & quadragen-  
ta calculosorum, in Actis Acad. Reg.  
Scient. Paris. ex quibus Cl. Morandus  
concludit id propriè effectum esse re-  
medii Anglicani, viresque ejusdem  
lithontripticas hinc demonstrari. Ar-  
gumenta contra hanc sententiam. §. VI.  
Novum experimentum ostendens id  
multiplici observatione constare, quod  
hæc ipsa diathesis calculosis commu-  
nis sit, quodque sincerè loquendo step-  
fenianum medicamentum, si forsan  
sapone ac calce, quibusdam levamini*

est, plurimis tamen ita hanc in calculosis dispositionem augeat, ut id jam fiat in vesicâ, quod alias in matulâ. Conjectura quadam circa lithiasin, & circa originem copiosa adeò calcariæ materiæ. §. VII. Binæ nostræ methodi in calculo videntur cæteris hucusque cognitis anteponenda. Vires horum omnium verè lithontripicas nulla experimenta adstruunt. Unde cura integra non est, sed egregiè adeò pallians, ut homo æquè liber sit ab incommodis morbi, ac si calculus non haberet. Nec calculus extra corpus humanum in aquâ calcis magnam partem solutus, aliud docet. Tandem problemata proponuntur circa causam hujus indolentia.

§. I. SPATIO elapsi academici anni frequentiores quosdam olim morbos, observavimus rariores, paralysin nempe, calculos, ac systematis urinosi alias affectiones: haud tamen ita raros, quin novas observationes colligere potuerimus, quorum præcipua dabo, unâ cum nondum communicatis antiquioribus.

Vir mediæ ætatis à 14. annis dolores in mittendâ urinâ percipiens, cujusdam

consilio usus est quotidie, spatio novimestri, septem nucibus avellanicis, & novem juniperi baccis. Quo remedio, postquam urinam vini fæcibus similem trimestri tempore minxisset, vitam diu tolerabilem duxit. Tandem tamen dolores redierunt, & urina anni abhinc spatione glutine copioso scatet, validique adeò urgent tenesimi, ut intestinum rectum ad pugni molem extrudatur. Remissionis tempora observat nonnunquam. Et quæ utilia quondam remedia fuerant, ea usu nunc cassa experitur. Calculus, cathetere inducto, manifestus adparuit.

Integris sex mensibus *uvâ ursi*, & opiate nocturno usus, ferè convaluit; ut leviora, quæ nonnunquam supersunt, incommoda non curet, remediumque, quod cæterùm gratis habet & facile sumit, prorsùm negligat. De industriâ formulam remedii quo malum quondam compescuerat, addidi; ut plura in rerum naturâ existere intelligeremus, quæ hasce xrumnas mitigent. Aliud sequens historia dabit.

§. II. Vir 32. annorum à 4. ætatis anno urinæ difficultati obnoxius vixit, variosque excrevit calculos. Ad vitæ suæ annum 24. mulierculæ consilio,

quore uti cepit, qui odore ac sapore therebinthinam referret, eoque integrī septennii spatio optimè se habuit. Pauper ipse, cum liquori solvendo ultra non esset, substituit juniperi baccas, immensāque devoravit quotidie copiā. Tandem verò redeuntis doloris crudelitate iterūm victus, antiquum liquorem repetivit; sed jam citra levamen. Dottissimus *Gleisner*, qui jam *Gracii, Stryrie* metropolis, praxin magnā cum prudentiā & laude exercet, miseri hujus cutam suscepturnus mecum consuluit, datisque cum *uvā ursinā* & opiatō, traumaticis ob putis eminenti copiam decoctis, ingens solamen homini attulit, & à doloribus per tres septimanas immunem præstítit. Homo tamen labescentibus sensim viribus contabuit, pereit.

In cadavere renes magni, sinister præprimis, saccos pure plenos referabant. Ureteres ita amplissimi, ut sinister intestinum colon amplitudine superaret. Vesica circum calculum contracta, ac planè ulcerosa calculus uncias quatuor, unā dragmā minus, pondere pendebat, fuscus uno latere, altero cinctus.

Confirmari dato exemplo cernimus,

quod *Part.* 4. variis anatomicis observationibus posueram; eos nimirum *uvā ursi* non curari, quos lithotomia curare non potuisset. Calculi quippe sectio degenerationem ureterum ac vesicæ renumque non emendat, non aufert. Deinde ex enarratis patet solamina plura adhiberi posse, quibus longâ annorum serie sopiantur hæ calamitates, occasione liquoris therebinthinam referentis, memini olei dicti *Harlemenſis*, apud *Batavos* famigeratissimi, quod therebinthinam odore quoque multum æmulatur. Nocet quidem multis, ancto fortè stimulo, aliâve ejus qualitate; sed plures tamen novi, qui ejus usu per annos sese prætent doloribus immunes. In millepedibus cum oleo vitrioli rostochii *Laurenbergius*, in *Dissert.* de *Lithontrip.* ad *Hoyerum*; in olei vitrioli rectificatissimi usu copiosissimo *Schulzius* (vid. *Disp. Chir.* in *Collect.* *Ill. Hall.* tom. 4.) efficax ad calculum remedium invenisse se autumarunt. *Uva ursi* tamen reliquis palmam præripere videtur, quia & pluribus prodest, & constantes curas, calculo etiam manente, efficit (a).

(a) *Uva ursi* usum quotidiani felicissimique successus comitantur, testibus nonnullis medicis

§. III. Portò quamvis celer in multis ejus effectus sit, in aliis tamen tardus Parisiensibus, teste celeb. Authore nostro cum medicamentorum vires nimium citò divulgari non possunt, verba Illust. de Haen hic adjungimus, ex opere recenter edito, deprompta, ut medici *uvam urſi* citius & tutius præscribant, & ea confidentiùs utantur qui calculo vesicæ cruciantur.

» Intolerabiles dolores à calculo in re-  
 » ne, maximèque in vesicâ urinariâ, egregiè  
 » ac perseveranter tolluntur curâ aquæ calcis  
 » & potissimum *uvâ urſi*: ita ut continuis  
 » quatuor annis, ( nondum enim plures annos  
 » experimenta numerant ), ne vel minimum  
 » quidem symptomata calculi in vesicâ hospi-  
 » tantis, observatum fuerit; hominesque reve-  
 » ra ita vivant ac si nunquam calculum habuiſ-  
 » sent. Interim calculus vi lithontripticâ non  
 » periit. Iterata enim catheteris exploratio  
 » eumdem & adesse & nonnunquam sat asperum  
 » esse abundè demonstrat: vid. *Rat. Med.*  
*Part. 2. cap. 12. Part. 3. cap. 4. Part. 4.*  
*cap. 7.* Quod uni alterive horum unicè fu-  
 » pereſt, materies alba in urinâ est, eaque vel  
 » glutinosa duntaxat, vel veluti purulenta; quæ  
 » utraque materies in fragmenta calcarea dum  
 » exficcatur, abit. Sed cum hanc innocuè red-  
 » dant sine dolore, sine tenefimo, sine stran-  
 » guriâ, sanorumque instar se quoad totam  
 » hanc functionem habeant, revera immunes  
 » à calculo se credunt ». Vid *difficultates cir-*  
*ca modernorum systema de sensibilitate & irrita-*  
*bilitate, &c. Authore de Haen Viennæ Aus-*  
*tria 1761. pag. 139* Opus illud eximum in lin-  
 » guam gallicam conversum, prælo subjicitur.

admodum observatur; id quod in bienni infante; antè triennium mihi exhibito, præprimis observavi. Etenim datum per 4. menses remedium vix juvabat quidquam; deinde inconstanter; jam verò ab anni elapso spatio constantissimè: ita tamen, ut si semper benè valentem esse puerum parentes velint, pulveris usum intermittere nunquam debeant. Asper calculus ipsi ante triennium deprehensus, similis etiam hoc anno, repetitâ per catheterem exploratione, inventus est.

Hic sanè puer non eum remedii habuit, quem alii, effectum. Alii enim post longum ejus usum nesciunt ultra se calculo laborare, quamvis à longâ die remedio carentes; hic si diu intermittat, à redeunte dolore ad idem confugere cogitur. Quare si hoc anno id non emendetur, facile proponemus parentibus lithotomiam: cum ab unâ parte *uva urſi*, magnopere licet ipsi proficia, clarè tamen innuat aliquam, quamvis fortè nundum valdè notabilem, urinosis systematis degenerationem; prout observata *Part. 4.* data docuerunt: ab alterâ parte metus est, ne à diuturniore medicamenti usu vel abhorrere puerulus, vel desistere parentes incipient,

Ovj

quod remedio dudum non adhibito; malum sensim renasci videatur: quo in casu miserrimum in statum puer dilabetur, neglectuque auxilii in vesicæ, ureterum, renumve, immedicabilem incideret degenerationem. Ita simili in casu hoc anno fecimus.

§. IV. Quippe mense februario anni 1759. Parentes ad me ducunt novennem filium suum, qui ex quo natus erat, perpetuò ipsis visus fuerat in emittendâ urinâ dolere, ejulare, eamque nunquam naturaliter, sed perenni reddere stillicidio. Ærumnis hisce pauperes pedetentim assueti medelam non fecerant; jam verò cum sine commiseratione intolerabiles pueri dolores à 14. diebus adspiceret ultra non possent, eum mihi obtulerunt. Immisso cathetere calculum manifestè deteximus.

Bimestri spatio incredibile quantum *uva ursina* profuerit! Renascente nihi lominus posthac dolore, omnem curationis fiduciam deposuere parentes, puerumque omni destitutum reliquere auxilio. Interea ita crevit crudele malum, ut nunc hunc, nunc illum, levandi causâ, adierint. Integro demum anno, ex quo puer ultimo nobis oblatus fuerat, elapso, pater illum hoc mense

maio iterum adduxit, enixè petens, ut eum sectione liberaremus. Calculi præsentiam exploraturi, catheterem non nisi cum labore, dolore, hæmorrhagiâ, inducere valuimus, nec movere inducum: ita ut calculum eâ vice non perciperemus. Digito verò in anum immisso, eundem versùs vesicæ collum deprehendere videbamur.

Hic optimus noster Chirurgus *Ferdinandus Leber*, egoque, rem citro ultrace versavimus. Repræsentabamus nobis, 1°. casum ut ferè congenitum, forsan incurabilem fore, & notabiles nonnullas partium degenerationes jam adesse: 2°. *uvam urſi* initio prodesse visam, redditum calamitatis minimè impeditivisse, adeoque non juvante eâ, nec lithotomiam, ex factis antea observationibus, profuturam. 3°. Vesicæ ad calculum contractionem, tum impedimento fore, ne operatio ritè peragi posset, tum si adhuc perageretur, vulnus vesicæ densæ, cartilagineæ, imò scirrhosæ, non coaliturum. 4°. Hisce iisdem difficultatibus fortassis etiam alios permotos fuisse, ut operationem prudenter à sese declinarent; ac proinde eadē nobis non succedente, aut justam deprehendi, aut saltem iniquam ca-

lumniandi causam; nos iisdem præbituros.

Sed ab alterâ parte considerabamus, 1°. patrem, aliosque, qui nobis puerum commendabant, id ardenter desiderare; 2°. vires ejus aptas ad subeundam sectionem; 3°. ex reditu doloris ad degenerationem partium paulò fortè meticuloſius concludi; cum *uva urfina* haud sufficienter adhibita fuisset; 4°. vesicæ validam circum calculus contractionem, indurationemque, tum operationi, tum vulneris consolidationi impedimento quidem fore; attamen id nondum certò constare. Cavis namque in visceribus nunc summam observari contractionem, nunc iterùm relaxationem; adeòque ad eorum contractionem semel iterùmque perceptam, velle eamdem perpetuam credere, iniquum fore. Argumento esse experientissimi *la Motte* observationem, qui tertio jam die uterum contractissimum, unâ cum suo collegâ offendens, partumque lege naturæ impossibilem credens, demùm parturientem DEI solius auxilio commendaturusabiturusque, ultimo tandem explorare tentabat, iamque mirabundus contractionem ita relaxatam deprehendebat, ut breviorem commodiorem;

que partum vix unquam vidisset expertissimus embryulcus. Sed etiam mutuæ nostræ circa vesicam urinariam experientiæ, mutuam nobis memoriam refrigerabamus. Adeòque nec hoc operationem impedire oportere, si novâ exploratione contractionis relaxationem deprehenderemus. 5°. Denique si ad sectionem rationes sufficienter probabiles adessent, quæ sartam nobis tectamque conscientiam redderent, famæ detrimentum omnium postremum esse oportere, ad quod ii attenderent, quibus proximi salus unicè ante oculos versaretur.

Sectionem igitur concludentes, instituimus eam die 26. Maii, præsentibus Magnifico Archiatro A. Storck, Clar. Viro J. Gasser, dignissimo nostro anatomæ Professore, Viro expertissimo L. Erndl, physico in Nosocomio civico, medico prudentissimo, optimo Chirurgo Cæsareo Homburg, dexterissimo ad S. Marcum Chirurgo Reigberger, Nosocomii assistentibus, aliisque.

Catheterem, itineraryum in operane dictum, non nisi magnâ cum difficultate operator D. Leher induxit, sanguine denuò ex uretere profluente: eo verò intra vesicam admisso, urina mox

jactu valido & continuato, catheteris aperturâ profiliit, ipseque catheter comodè in vesicâ movebatur. Itinerarii apice obliquè ducto, ut ferè 15. gradus notasset in quadrante circuli, si angulus rectus à centro itinerarii & ad medium perinæi & ad latus ductus fuisset, fiebat sectio sufficiens. Cujus longitudinem cernens operator, eamque, calculi magnitudine per anum exploratâ, majorem intelligens, non usus est instrumento famosi lithothomi *le Dran*, quo in longitudinali sectione adhuc alia fiat, quæ latus sectionis externum in augulos rectos secet, ut calculo majus spatiū paretur: eo, inquam, instrumento ob vulneris amplitudinem haud egens, illicò conductorem, & extracto itinerario, forcipem introduxit. Verum cum simul calculum digito in vulnere prehenderet, conductorem forcipemque extaxit, ac digitis calculum prehendit eduxitque. Vix quinque minutis tota operatio durabat. Ejulans eo usque puer, mox ad visum calculum præ gaudio exclamabat, veluti hoc momento omnium ærumnarum oblitus. Calculus ovalis, asper, sed mollior; ut si forcice captus fuisset, exteriore sui parte omnino abiisset in grumos par-

vosque lapillos. Erat ponderis unc. 1.  
dr. 1. scrup. 1. Potuit Chirurgus facile  
perlustrare vesicam, alium calculum  
grumosve quærendi causâ. Vulnus illicò  
plumaceolo texit, & emplastro; reposi-  
toque in lectum puerο, ventrem tepido  
oleo rosaceo totum inunxit, ac mappâ  
laneâ texit. Emulsionis leviter parego-  
ricæ, & juris carnium portio modica  
dabatur alternatim.

Fortunatissimam sectionem horrida  
symptomata, à nobis sanè non prævi-  
sa, sequebantur. Post meridiem quippe  
febris magna, vesperè ad octavam ma-  
xima, oriebatur; unà cum pessimo pe-  
ripneumonicorum roncho, tensoque,  
& afferis instar duro, abdomen. Quare  
mox novem unciaæ sanguinis brachio  
detractæ, & emolliens cataplasma ven-  
tri, oleo benè inuncto, admotum est.  
Ingravescente autem post medium noc-  
tem febre, roncho, tumore, ac duri-  
tie ventris, repetita venæ sectio fuit.  
Summè pleuriticus utriusque missionis  
sanguinis fuit. Exinde sensim decrevit  
febris, ac febricula modò per aliquot  
dies adfuit; urina per vulnus benè ef-  
fluxit, pusque quarto die ad bona labia  
deprehensum est. Eluebatur porrò ves-  
ica sæpiùs decocto hordei cum oleo lini,

ne quid heterogenei in eâdem maneret. Emulsiones paregoricæ diù continua-  
bantur.

Sed de urethrâ nunc cogitandum erat. Vulnerata quippe hæc toties per cathe-  
terem, nec amplius stillicidio urinæ con-  
sueto aperta, sed collapsa, nunc facile  
coite obtutarique poterat, omni urinâ  
per vulnus effluente. Cum à secto cal-  
culo nonnulli per omnem vitam urinas  
vulnere stillent, sive ob vulneris non  
coeuntis malignitatem, vel ob urethræ  
coalitionem, metuimus molestissimum  
hoc turpissimumque incommodum à  
posteriore causâ. Unde liquorem in ure-  
thram quotidie injiciendum esse decre-  
vimus. At verò læti advertebamus ma-  
tutum urinæ per urethram stillicidium,  
ideoque destitimus incepto. Tandem  
hortatu multisque promissis, puerum  
deduximus ad consuetudinem urinam  
in vitrum reddendi: unde clauso peni-  
tūs, exactâ septimanâ tertiatâ, vulnere,  
ac cicatrice obducto, urinam deinde  
semper debito tempore retinuit, & in  
vitrum aut matulam reddere consuevit.

Attamen ne cum absoluta cura nos-  
tra. Glutinis, calculum vesicæ comitari  
soliti, & aliquoties puris, copia nota-  
bilis in fætente urinâ quotidie adparuit.

An id residuum ejus, quod calculi tempore in vesicâ præsens, injectionibus ablui, præ tenacitate non potuerit? Et an vesica hinc inde exulcerata à calculo potuerit? Igitur mox *uvam urinam* dedimus, quâ continuatâ urinæ fœtor paulatim emendebatur, & pauculum ultra illius materiæ non prodit.

Quâm pulchrè hæc lithotomia confirmat sententiam, quam supra, de variâ amplitudine & contractione viscerum cavorum protulimus! Hinc raro desperandum. Prudentiâ tamen semper opus est, ne vesicam, quo tempore adeò contracta est, importunè lœdamus. Numquid, si ter, quater, eamdem contractam invenimus, ipsam irreparabiliter contractam esse concludamus? Fortè sic est: sed per vices contrahatur laxeturque, fieri id potest, ut sæpiùs in contractionis tempora incidamus, & ut ea tamen haud perpetuò contracta maneat. Ita ut ne tunc quidem, sine ulteriore examine, animum despondeamus.

§. V. Est hâc occasione de alio calculosorum phænomeno differendum.

13. Julii hujus anni ad me venit civis *Cremzensis*, vir 34. annorum, qui per 28. annorum spatiū verus li-

thiaſeos martyris, cum ardore nunquam non minxit rubram arenam, calculos autem nulos. Evacuavit ſubinde olim, & nunc ſæpius ab octo retrò annis, copioſiſſimam albam glutinosam materiem; quæ pauculo tempore ſibi relicta, friabiles format, albidosque lapillos. Et hæc quidem in quiete. At ſi corpus itinere aliove modo movet, urinam fuligineam ac stranguriosam deponere folet. Lapillos hos, quorum copiam habeo, diceret quis cretæ albæ majora eſſe minoraque fruſta, ad figuram demum vafis, in quo urina ſervatur, formata. Incredibile quantum miſerriſimus ille intra mensis ſpatium *uvâ ursi* mutetur, idque jam ejusdem initio: ut certè ſpem magnam faciat ſummi ſolaminis.

Juvat hîc phænomenon referre, quod 10. abhinc annis obſervavi, unâ cum celeberrimo viro *W. Ouwens*, Franequæ academix in medicinâ lumine, ac celſiſſimæ principis *Arauſianensis* vidux archiatro. Calculofus puer *Hagæ Batavorum* utebatur famoſo anglorum remedio, *Joanna Stepfens*, dicto; quod conſtat pulvere, decocto, & pilulis. Pulvis componitur ex putamine ovorum & limacibus, domi portis dictis, omnibus verò calcinatis. Decoctum fit

ex sapone hispanico, seu veneto, ex calcinata herbâ dictâ *Ambrosiâ campestri*, *Floribus Chamomillæ*, Fol. *Fœniculi dulcis*, *Petroselini* & *Bardanæ*. Pilulæ parantur ex domi portis calcinatis, semine *Pastinacæ sylvestris*, seu *Elatophobosci*, & *Lappæ majoris*; tum ex fructibus *Fraxini*, *Rubi Idei*, & *Oxyacanthæ*: horum omnium calcinatorum aa. q. s. cochleare pulveris cum unc. iv. saponis hispanici, & mellis q. s. in pilulas redigitur.

Videbamus porrò hunc puerum, magno cum parentum gaudio, cum urinâ quotidie emingere fragmenta alba, lapidea, vel calcarea; ejus quidem formæ, ut adparerent veluti excorticantis se calculi ramenta esse. Quamvis autem longo tempore ejusmodi materiem copiosè redderet, calculi tamen symptomata ideo non mitigabantur, neque imminutus deprehendebatur calculus. Ita quidem, ut tandem post collectam magnam ramentis hisce repletam pixidem, puer sectione liberari à magno calculo debuerit.

An ergo in corpore illius pueri idem à glutine, in vesicâ calculosorum contento, productum est, quod in cive Cremzenſi ab eadem materiâ in vitro

aut in matulâ? Et quidem ita, ut indurescens lapidescensve hoc gluten primò adhæserit circum calculum deinde fragile nimis, per ramenta cum urinâ prodeuns, exfoliati in dies calculi specie deceperit? Utique si binos hosce casus inter se conferamus, vide remur ejus ferè convicti esse, quod talis sit calculosæ urinæ dispositio, ut quandoque suo in glutine, sive dum intra vesicam est, sive extra eamdem, petrificantem, ut ita dicam, hanc matetiem gerat. *Cremzensis* enim nihil sumpsit, quod ullam habeat cum *Stepfeniano* remedio affinitatem; ut exactissimo examine, iteratò instituto, certus novi. Hanc autem sententiam confirmabit afferendum deinceps ex clarissimo *Adamo* exemplum.

Contrariam tamen conclusionem sequentia videbuntur suadere. Rev. *Jacobus Kirkpatrick*, in edito morbi sui diario narrat se, postquam 17. annum spatio nephritide calculosâ & vesicæ calculo laborasset, Stepfenianis medicamentis ab Octobri mense 1738, usque ad aprilem 1739, sedulò usum esse, & quod nunquam antea sibi continguerat, jam ab initio curæ se ejusmodi fragmenta cum urinâ excreuisse, idem-

que, & durante totâ curâ, & post eamdem, continuasse: ita ut majora minorave fragmenta numero 1036. eminxerit, prætereaque quinque parvos lapillos.

Sed secundò idem *Kirkpatrick* sæpe numero in matulâ suâ advertit illud ipsum glutinosum urinæ sedimentum, in similem, sed sæpè crassiorem, magisque lapideam, abivisse substantiam. Egregius *Morandus* in *Act. Acad. Reg. Scient.* anni 1740. in suâ primâ dissertatione super *Stepfenianis* medicamentis, observationes nobiscum communicans, quas circa 40. homines, iisdem usos, jussu academiæ fecerat adnotaveratque, asserit illos homines passim omnes solere; *communément ils ont rendu*, &c. ab ipso remedii principio, cum urinâ gluten, albumque deponere sedimentum; quod dum servaretur, atque siccesceret, in flavum pulverem abiret; huncque pulverem, dum igni imponeretur, animale quidquam redolere. Plures porrò non nisi solam materiem produxisse; alios autem etiam veluti *crystallizatas* laminas, talco perquam similes; alios squamas lapideas, easdemque convexas; nonnullos dura fragmenta calculi; quos-

dam denique lapillulos. Additque eos, qui ante remedii usum rubram mingere arenam consuescerent, eamdem sub remedio ultra non reddere.

His ita utrinque positis, qui ab unâ parte considerat in glutine calculosorum, qui *Stepfenianâ* medelâ nunquam usi fuerint, hanc calcariæ lapideæ materiæ genesis haud ita descriptam esse; & è contrario eamdem à glutine urinæ eorum, quibus hæc medela exhibita fuerit, ferè inseparabilem; in eam facile sententiam abire forsitan potest, quod ab eodem remedio miseranda ad lithiasin diathesis passim generetur, illudque ideo augere potius calculum, quam solvere conterereque debeat. Contrarium quidem laudatus mox *Morandus* in alterâ suâ dissertatione *Act. Academ. Reg. Scient. Paris. anni 1741.* evincere conatur; dum calculum hominis, qui post ejusdem remedii usum, crudelitate morbi auctâ, periisset; dum duos alias calculos binorum, quos remedio frustra usos sectione servare oportuisset; plenos invenerit inæqualitatibus, crenis, foraminibus. Fateor, cum claro hoc scriptore in eamdem olim sententiam abiveram, præ argumenti probabilitate: sed ab eâdem discedere, observationes

observationes postmodum captæ , ju-  
bent , cogunt.

Observeo enim 1º. & civem *Crem-*  
*zensem* lapideam hanc , aut calcaream  
materiem abundanter reddidisse , licet  
nec hoc famoso olim remedio , nec illi  
consimili , unquam usus sit ; & *Haga-*  
*num* puerum , post tantam emissæ hujus  
materiæ copiam , nullam calculi sec-  
tione educti solutionem exhibuisse.  
Considero 2º, præclaram remedii fa-  
mam velociùs fortè evanidam , quām  
natam fuisse ; ipsosque *Britannos* , ab  
octo & pluribus retrò annis , in aquâ  
calcis cum sapone , vix ullâ *Stepfenia-*  
*ni* remedii factâ mentione , omnem  
fiduciam collocare. Sed dico 3º. ejus-  
modi calculos inæquales , ac veluti  
corrosos , foraminofos , hinc inde pu-  
micosos , frequenter reperiri in his , qui  
illud remedium non abhibuerint ; has-  
que præterea inæqualitates calculi æquè  
ab adpositâ inæqualiter materie , quām  
ab eâdem solutâ & ablatâ , produci posse.

Fuisse tamen , quis oggeret , quos  
observationes allatæ integrè curatos af-  
firment. Respondeo nondum convin-  
centia , quæ id statuant , argumenta esse.  
Equidem copiosior calcis saponisque  
usus multis profuit , ut nobilissimo *Ho-*

*ratio Walpole*, ut homini nostro *Part.*  
 2. *Rat. Med.* ut ibidem *Viro militari*,  
 & ut novum exemplum adhuc præ oculis  
 habeo. An verò ideo, qui remedium  
*Anglicanum* sine noxâ tolerantes, leva-  
 men inde experiuntur, curati dici de-  
 beant? Et *Kirkpatrick* & reliqui anglî  
 gallique, quos inde curatos fama fere-  
 bat, vix notabili tempore à remedio  
 destiterant, dum promulgarentur eo-  
 rum curationes. Imò ipse *Kirkpatrick* vix  
 ab illo cessaverat, quin lumborum se-  
 vexari dolore denuò conquereretur;  
 quem tamen in gratiam, ut apparet,  
 remedii, lumbagini, quam nephritidi,  
 acceptam ferre maluit,

§. VI. Sufficiat porro, occasione ex-  
 perimenti civis *Cremzensis*, ea argu-  
 menta attulisse, quæ *Anglicanum* me-  
 dicamentum laudent vituperentque. Su-  
 perest meam paucis opinionem dicam,  
 quam novo experimento fundabo.

Urinas enim varias calculo laboran-  
 tium collegi, gluten inde separavi, &  
 in aëre aperto, limpidâ urinâ abjectâ,  
 posui. Brevi glutinosum hoc exaruit, &  
 dr. 2, aliquando dr. 3, materiæ lapideæ  
 ad figuram vasis formatæ exhibuit. An  
 autem non detur calculosus, quin idem  
 phænomenon in ejus urinâ adpareat,

nondum assero ; sufficiat experimenti demonstrasse frequentiam.

Summa ergo rerum hæc esto : quivis homo , etiam sanissimus , calculi rudimenta in se habet , eò quod solida corporis continuatâ vitæ actione deterrentur , abradantur , humoribus misceantur , & magnam partem per urinæ vias eliminantur de corpore. Hinc etiam pro magnâ parte oritur terra illa subtilissima , quam chemia in urinis invenit. Nullam inde labem sanus homo habet ; quia ex alimentis tantum ac tale deperditorum loco applicat , quantum & quale deperditum fuerat : deinde cum nulla in itinere obstacula terrea hæc materies offendit , innoxie integrèque de corpore eliminatur. Huic nunquam calculus nascetur. At verò si contingat vel minimum corpusculum alicubi hærere , ut v. g. fibrillæ portionem suppurando solutam , aut tantillum puris morâ exsiccati , aut grumum sanguinis , &c. id tunc inde proficisci potest , ut terrea materies ad ejusmodi obstaculum retardetur , applicetur , & adhærescat : id quod dum continuò sic pergit , ideam calculi nobis facilè format.

Sed 2º. experimenta , ut vidimus ,

docent in urinâ calculosorum multorum copiosam materiem terrestrem haberi, quæ in his citò, in illis tardius; in quibusdam ex ipsâ urinâ stagnante, in aliis duntaxat ex asservato post effusam urinam glutine; cretam quamdam lapillosum que formet. Quæri hîc potest, num omnis illa cretacea materies tantummodo à solidis humani corporis detritis? An verò dentur alimenta potulentaque, quibus subtilissima hæc terra contineatur; quæ idoneo vehiculo mista, lacteorum oscula subeat, cum sanguine commisceatur, ab eodem per urinam abluatur? Sanè regiones, in quibus calculosos vix invenire est, ut v. g. multi *Lombardia* loci, ejusmodi suggerunt suspicionem.

An præterea calculosam diathesim id demùm appellemus, quod efficiat, ut terrestre id, quod in aquâ, quod in alimentis, quod in vino est, minùs subigatur, ad sanguinem vehatur, cum sanguine commisceatur, iterumque humorum circuitu, ac vi vitæ non mutetur, & in tenibus tandem cum urinâ seceratur,

Nunquid etiam arthritica materies eidem producendæ apta? Utique, cum arthritidem ultimæ digestionis defec-

tus efficiat, videntur minima quædam elementa terrestria immutata manere; eaque ut ad juncturarum arteriolas applicantur, ita etiam ad eas renum applicari posse, & urinas generate calcarreas. Hujus mentis clarissimus *Adamus* est, in dissertatione anno 1740. editâ, occasione sexagenarii hominis, qui perpetuò rerum, aut scharo, aut lacte paratarum impensus amator, arthritidi, quosvis occupanti artus, obnoxius ultra 20. annos vixerat; dolorum verò pertæsus, eosdem novem abhinc annis theriacæ emplastro sopiverat. Unde in periculosum morbum primò prolapsus, dein anomalam prorsùs arthritidem in multis internis corporis partibus pèr vi- cies expertus erat; à quinquennio autem acerbos vesicæ urinariæ dolores crebrò repetentes, dysuriam, & varia alia calculi vesicæ symptomata. Biennium erat, quod ramenta calculosa, nucum putaminum instar concava, copiosè emin- geret; annus autem, quod his ramentis absentibus mucum cum urinâ redderet, qui in cretaceam abire materiem sole- ret. Et quod præprimis notandum, po- dagræ accessu lotium eo muco carebat; podagræ recessu scatebat eodem. Con- firmat deinde hanc suam de materie

arthriticâ ideam author eruditus variorum scriptorum testimoniis. Quin etiam exemplis demonstrat calcaream arthriticorum materiem non modò ad vias urinarias, sed quoque ad quævis alia corporis loca concretiones producere lapidosas.

Sanè quæ mihi hanc sententiam probabilem reddant, plures habeo rationes. Arthriticum hominem Nosocomium XV. mensium spatio aluit, qui ab annis quindecim tum colli vertebris, tum pedum manuumque ambarum articulis, calcaream materiem excreverat, & etiamnum excernebat. Primo tempore urinam pallidam & admodum furfuraceam emittere solebat; ultimo semianno, multo semper pure, unâ cum furfuribus onustam; denique multis ante obitum diebus, & limpidam & paucissimam. In cadavere nullus ullibi puris fomes: verùm ipse sanguis, qui incredibiliter paucus in corpore supererat, adeò polyposus fuit, ut vix guttula ejus inter secundum prodierit; quod, ut obiter notem, clarè ea confirmat, quæ Part. 2. Cap. 2. de Puogeniâ scripsoram. Quod autem maximè ad rem nostram; renes ambo in corticali suâ substantiâ crassî & ampli,

omnino arenosi erant, ita ut quâcumque in parte nitido semper cultro secarentur, novem semper arenam proferrent. Quippe calcarea materies hujus podagrî, partim ad renes delata, videbatur jam urinam calcaream productura fuisse, nisi eadem vasorum urinam secernentium ora obstruxisset, hincque tum urinæ secretionem ferè impeditivisset; tum ipsam corticalem renum substantiam reddidisset arenosam. Calculosus cæterùm nunquam fuit.

Præterea relatus à *Sigismundo Kænig* ad societatem *Anglicanam* casus juvenculæ, quæ post enormes artuum dolores demùm in plurimorum, eorumdemque majorum, calculorum vomitum inciderat: descripta *Weismano* historia quinquagenariæ, quæ crudeles arthritidis dolores perpessa, tandem tum intestino recto, tum ipsâ vulvâ, plurimos excreverat lapillos: notata denique ab ipso Clar. *Adamo* enarratio *Schneideri* de invictissimo imperatore *Maximiliano II.* qui podagrâ gravissimâ conflictari solitus, calculos in corde gessisse post mortem inveniebatur: hæc, inquam, omnia Cl. viri sententiam mirificè fulciunt.

Porrò quod concavas podagricus ejus  
P iv

reddat has concretiones, id vel ideo est, quod calculum in vesicâ habeat, ad quem applicata hæc materies, hanc formam induat necesse est, vel quod vesicæ ipsi, fortè contractæ, qualis calculorum frequenter reperitur, se applicando, eam figuram adipiscatur. Prius tamen enarrata symptomata probabilius reddunt; & catheteris, quem non adhibuerunt, ope, certum, ni fallor, fieret.

Tandem 3º. compertum esse vidi-  
mus, calculos homines ab *Anglicano*  
medicamento sic disponi, ut materies  
illa, toties descripta, jam in ipsâ eorum  
vesicâ lapidescat. Infaustum ergo reme-  
dium hoc tam à priore dici deberet,  
quam tale esse experimentis compro-  
babatur.

§. VII. Ex omnibus hucusque dictis  
evidens demùm fit binas nostras in cal-  
culo methodos cæteris omnibus, huc-  
usque per alios laudatis, tum præstan-  
tiores esse, tum constantiores. Curā  
enim id mihi fuit, ut, quotquot eo-  
rum, qui alterutrā curati, indagari po-  
tuerant, quærerentur, examinarentur-  
que sedulò, utrum ab omnibus symp-  
tomatibus immunes esse persisterent,  
necne; ut demùm, si relaberentur, ge-

nuinam relapsūs historiam cum publico communicarem; at verò curæ perstant. Prima nostra methodus verè *Britanica* est: eamdem tamen, æquali copiâ lac-tis ad aquam calcis adjectâ, promptiorem felicioremque invenimus. Unde etiam eamdem *Stepfenianâ* methodo, licet nonnulla cum illâ communia ha-beat, tum efficaciorem, tum humano corpori per omnia tutiorem existimas. Altera verò methodus, quam compendii causâ, nostri *Nosocomii* me-thodum, illustrissimo autem præsidi gratus habeo, numero plurimas con-stantes curas effecit.

Facilè ex his omnibus patet, nec in nostris remediis, nec in omnibus per alios recensitis, vires inesse lithontrip-ticas, quantumcumque id de suis multi jactitarint. Experientia sanè convincere omnes debuit, tum in paucioribus his, quos, *Anglicano* medicamento dudùm frustra adhibito, sectione liberare à cal-culo oportuit, tum in omnibus, quibus remedia nostra profuère. Quippe fui-mus in eo Chirurgis gallis fortunato-res, qui, teste *Morando*, à nemine eo-rum, quos *Stepfeniana* remedia juve-rant, id obtinere potuerint, ut se de-nuò cathetere examinandos præberent:

dum interea nostri voto morigeri, calculi, ejusque nonnunquam asperioris, præsentiam nobis demonstrarint.

Nunquid tamen calculus vesicæ, longiore tempore in aquâ calcis maceratus, non solvitur? Solvitur certò multorum mensium spatio, modò aquæ calcis aditus detur ad calculum, auferrendo sæpiùs id quod in ejus circumferentiâ pumicosum ab aquâ redditum fuerat; cæterùm minime; ita demùm trium mensium spatio solvi præcipuam majoris calculi portionem. Similiter in experimentis suis calculos in aquâ calcis solvebat Doctissimus Vir *Carolus Alston*, famosus Professor Edimburgensis, scriptis clatus. Videatur in egrediâ suâ *Diff. de Calce vivâ, & aquâ calcis*. Verum in vesicâ humanâ neque calculus scalpello abraditur, neque illibata virtus aquæ calcis ita vesicam ingreditur, ut in experimentis nostris. Non mirum ergo hominem, qui 1600. libras aquæ calc. spatio sex mensium biberet, jam post tertium illibatae valetudinis annum adhuc calculum in vesicâ gerere, ut exploratione catheteris constat.

Quærat porrò nemo à me, qui fieri id, qui concipi queat, quod homo

calculum in urinario systemate gerens, secernendi tamen exercendique urinam perfectam exerceat functionem; & adeò indolens vivat, ac si calculum non haberet? Sufficiat, rem captu difficultem, observatu constare. Præcedentibus partibus, maximè tertiam, observationis frequentiam plurimis exemplis demonstravi, quæ exempla ab authoribus notata collectaque fuerant, priusquam quæstio præsens existeret. Nunquid sive in humoribus humanis sive in ipso urinario systemate, aliquid existit, quod applicatum calculo, dolores spasmosque excitet; quodque ipsum in quibusdam corporibus vel minimè, vel haud sufficienter adsit, ut creet dolores? At hinc ratio petenda, cur inter diuturna tormenta calculorum nonnulli lucidis fruantur intervallis? An tandem calx, & potissimum *uva ursina* id in humoribus, aut systemate urinario, demant, absorbeant?



## CAPUT VI.

## DE ANEURYSMATE.

§. I. *Duo Aneurysmata curata, & Parte  
4. descripta, egregie curata monent.*

§. II. *Aneurysmata non raro cognitu  
difficilia, imo etiam impossibilia. Proba  
tatur primo exemplo Aneurysmatis  
ad poplitem, quod ad vitæ finem usque  
Chirurgo imposuit. Anatome. Disqui  
ritur an homo culpâ Chirurgi periuisse  
credendus sit? Animadversio in Prac  
ticos, quibus collegarum honori detra  
here volupe.*

§. III. *Probatur idem  
secundo exemplo inventi ad peclus  
Aneurysmatis. Sequuntur ad hos duos  
casus corollaria Medico Chirurgica.  
Quandonam compressio Aneurysmatis  
externa prodeesse queat; nocere de  
beat.*

§. IV. *Origo ac celer progres  
sus Aneurysmatis arteriæ popliteæ, &  
amputatio cruris. Considerationes Me  
dico Chirurgica circa arteriarum in  
terceptiones, ac fungi agarici ad ab  
scissas arterias adapplicationem. Hamor  
rhagia lethalis, quamvis tanta adhi  
bita effet in operatione prudentia. Ana  
tome. Problemata circa hoc infortu-*

*nium. §. V. Varia phænomena Aneurysmatum internorum, eademque pal-liandi methodus.*

§. I. **D**E DI anno proximè priore duarum sæminarum historiam, quarum altera compressione simplici, altera operatione, ab aneurysmate in brachio curatæ fuerant. Caput præsens compositurus, jussi ambas in urbe quæri, & ad me adduci, quò constantiam curæ inconstantiamve cum publico communicarem. Lætus vidi utriusque perfectam curam fuisse, ambas sanissimas esse, omnemque, quem vellent, motum brachio exercere posse. Unicè modò conquerebantur, quòd ad mutatas tempestates ingrata titillatio affectam olim arteriam afficeret.

§. II. Cognitio aneurysmatum utinam certior esset; signisque munita pathognomicis desisteret turpissimis erroribus ansam præbere! Hinc infortunia, quæ vel mihi, vel aliis, defectu horum signorum, contigerint, candidus enarrabo: quò demùm, aut majorem in diagnosis certitudinem, aut majorem saltem in pertractando eo prudentiam omnes adipiscamur.

Homo 37. annorum per omnia sanus, mense Octobri 1759. Erysipelite ad internum sinistri pedis malleolum se laborasse narrabat; eoque evanido, dolorem se ad ejusdem cruris poplitem percepisse, deprehendisseque ibidem tumorem, qui mole ac dolore in dies augesceret. Hisce compescendis emplastro oxycroceo admoto, non modò tumorem ac dolorem poplitis auctos esse, sed integrum crus pedemque occupasse.

Hæc portò narrabat Chirurgo, quem medio januario hujus quem vivimus anni, ad se vocabat. Attentè exploratis ille omnibus, detexit ad caput internum ossis tibiæ quemdam veluti materiæ strepitum; in medio verò ejus, externoque capitib latere, materiem fluctuantem. Quantumcumque rem examinabat, malum à vi quâpiam externâ originem ducere deprehendere non potuit. Itaque crus ac pedem vehementer inflammatum esse cernens, cataplasma emolliens circumposuit illi. Alterâ die pars affecta abscessus similitudinem hinc inde exhibuit, observatusque antea strepitus conticuit. Die tertio, crure ac pede detumescientibus, maturum ferè abscessum poples referebat. Die 19. Jan.

turgens pure tumor, ac veluti pus hinc  
inde transsudando propellens, levi scal-  
pelli ictu dilatabatur, effundebatque  
mox putulentam materiem, sed simul  
4. vel 5. cochlearia sanguinis. Levamen-  
tantum, ut in dies redeuntem sanitatem  
æger assereret. Nitrosis emulis interea  
utebatur. Sexto verò demùm ab aper-  
turâ die, quis crederet unquam! Hæ-  
morrhagiam ad usque animi deliquium  
passus est. Involvit ligavitque, quâ-  
cumque possibili arte, partem. Adve-  
niens mox Chirurgus citra guttulam ef-  
fusam sanguinis totum abstulit adpa-  
ratum. Sanguis igitur ultra non effluxit;  
debili tamen ægro ronchus in pectore  
auditur, defecit respiratio, & 12. ho-  
ris ab hæmorrhagiâ elapsis moritur.

Re ego perceptâ, ad ædes me con-  
tuli, &emptâ examinandi veniâ, aneu-  
rysmaticum saccum pugni magnitudine  
inveni, qui ex parvâ origine, suo in  
collo vix digitum crassâ, in enormem  
hunc saccum abiverat. De corpore ab-  
latum in liquore servo.

Facilè prævideo multos his lectis fore,  
qui suis in arte collegis condemnandis  
assueti, in Chirurgi, sive ignorantiam,  
sive imprudentiam, acriter invecturi  
sunt, ac si miserandus ille homo Chi-

turgi culpâ periisset. Verum antequam eò perveniant, rogatos eosdem volo, ut, vacuo à præjudiciis animo, ad sequentia mecum attendere velint.

1°. Aneurysmati generando nulla causa violenta præcesserat. 2°. Nulla aneurysmatici tumoris signa ex anxietate ad compressionem, vel ex ejusdem pulsatione, aderant. 3°. Strepitus quidem percipiebatur; sed cum is & in aneurysmate aliquando, nonnunquam etiam in tumoribus purulentis & aquosis observatur, ad quos emphysema, sive ob aëris accessum externum, sive ab ejusdem generatione internâ, accedit; hinc cum nulla alia aneurysmatis indicia adessent, strepitus loci ad aliam longè originem, quam ad aneurysma, referendus videbatur. 4°. Sex diebus continuis, apertus tumor pus, nullum verò sanguinem dedit; id quod alioquin in aneurysmate, ablatâ resistentiâ, impossibile videtur. In aperturâ quidem suâ aliquot effluxere cochlearia sanguinis; sed quis Chirurgorum ignoret expanso vase cutaneo, eoque per scisso, quamdam haemorrhagiam observari oportere? Sex sanè dies sine ullo sanguine aperto de vulnere transacti, quamcumque aneurysmatis suspicio-

nem, si qua nata fortè fuisset, dispu-  
lissent. 5°. Et qui tum in aneurysmate,  
tum variis aliis in tumoribus quando-  
que adest strepitus, jam pridiè apertu-  
ræ evanuerat. E contrario 6°. commu-  
nis inflammationis signa, erysipelas  
nempe, aderant. 7°. Hæc inflammatio  
primum malleolum internum occupa-  
verat. 8°. Nihil verisimilius, quām  
quod erysipelas metastasim ad popliteum  
fecerit, relinquens malleolum. 9°. In-  
flammatio erysipelatosa in abscessum  
abibat. 10°. Fluctuatio materiæ mani-  
festò percepta est. 11°. Aperturâ factâ,  
pus & mox, & sequentibus exivit die-  
bus.

Suam cuique sententiam integrum  
relinquens, judico inculpatum Chirur-  
gum fuisse, & concludo ita persona-  
tum aneurysma esse posse, ut decipiat  
vel oculatissimos. Quo subinde contin-  
gente, necesse foret quosvis cordatos  
Chirurgos medicosque in defensionem  
eius, qui deceptus fuerit, unitos vide-  
ri, & probè memores principii tum na-  
turalis, tum evangelici: *quod tibi non  
vis fieri, alteri ne facito.*

§. II. Confirmare idem potest histo-  
ria sequens. Fœmina quadagenaria 17.  
Junii præsentis anni me accessit, con-

querens à 3. vel 4. annis ægram se pectori esse: sputa quippe purulenta, subinde sanguine mista, se reddere, cor sibi palpitare, difficulter se respirare, vagosque experiri dolores. Lactasse quidem infantem sese, at verò cum indies emaciaretur, pejusque pectori haberet, ablactasse. Anni spatio menstruis se carentem, nempè lactationis tempore, nunc denuò à trimestri gaudere. Tandem adjunxit à festo paschatis, ex nullâ notâ sibi causâ, pustulam primò animadversam esse ad sinistri lateris thoracis costas, & quidem eo à latere sterni loco, ubi cartilagines infimatum costarum penè uniuntur, sterno jamjam inarticulandæ. Parvam quidem dudum mansisse, à quatuor verò retrò septimanis in tuberculum castanæ magnitudinis abivisse.

Tumor examinatus, non pulsans, sed durus & elasticus, veram sui non determinabat naturam. Eo igitur emplastro diabotanon tantummodo recto, curam ad phthisin pulmonalem potissimum direxi. Spatio trium septimanarum nihil in tumore mutabatur; eo verò elapso sensim emollescebat, ita ut 17. Julii apostema perfectum referret, manifestaque puris fluctuatio ge-

nuinam tumoris naturam nunc determinare videretur.

Suspicio itaque indurati, scirrhosi, aut cujuscumque aliūs mali, prorsū evanuerat; certitudo apostematis aderat, adeòque ejusdem apertura vel ideò maximè suadenda erat, quòd pulmo suppuratus fortunato casu viam sibi extrorsū quandoque capessat; quā diu apertā internum ulcus demūn evacuetur & sanescat. Duos ejusmodi casus sub oculis, præsentes habebamus; tertium, eumque tristem lugentes, eo quod, contra monitum nostrum, balneator salutare hoc incommodum præposterā suā arte delevisset, ægerque jam hec tice consumeretur. Et quartum casum tractabamus, jam vel ideò desperatum, quòd tumor à naturā extrorsum ductus, sed ruptus necdum, iniquā verò Chirurgi arte retropulsus evanidusque, nunc eumdem in locum à nobis revocari nullatenus posset.

Igitur tumorem aperuimus, pusque & album & coctum eduximus. Erat autem pus illud ratione tumoris parcus; in fundo autem durius quidquam supererat. Igitur tumorem partim matrum, partim crudum esse concludentes, digestivum imposuimus, & Empl.

Diach. c. gum. scopo maturandi totum teximus. Biduo elapso rediit. Horrescet bamus. Loco expectatae maturationis pulsus ibidem fortissimus in totâ latâ basi tumoris, digitumque repellens, observatur: digito verò per aperturam immisso, horrendum aneurysma obstopescimus. Itaque mox consolidandæ aperturæ gratiâ, emplastrum ad rupuras fernelii imposuimus, integrangue ferè consolidationem spatio trium septimanarum obtinuimus. Deinde tumor aneurysmatis sensim est imminutus, & in toto tumoris ambitu sub costis manifestum aneurysma pulsationis vehementiâ percipitur. Ita ut quod primò detectum fuerit, id modò veluti appendix sit, quæ à magno sacco orta sese inter costarum cartilaginiæ insinuaverit.

De industriâ bigam hanc aneurysmatum communicare volui, ut patesceret, 1º. nullum ferè morbum esse, in quo tum facilius tum turpius decipiatur; 2º. posse aneurysma gigni sine ullo pulsu externo percepto; idque verosimiliter tunc, quando in eodem nascente, mox laminæ concreti crux se ejusdem applicant parietibus; 3º. posse in membranâ adiposâ, nascens aneurysma tegente, inflammationem sup-

purationem ab affrictu nasci; & copio-  
sum pus omnem ita motum suffocare,  
ut licet jam forsitan antea pulsatio quæ-  
piam adverti potuisset, eadem nunc  
minimè percipi queat; 4°. posse etiam,  
educto pure, adhuc veram mali natu-  
ram latere, si tumor residuus, explicatâ  
ad N°. 2. de causâ, non pulset: 5°.  
etiam educito pure fieri posse, ut in uno  
casu per duos dies, in altero per sex,  
copiosior cellulosa substantia, nondum  
consumpta, debiliorem aneurysmatis  
pulsationem, si qua adest, adhuc suffo-  
cet; 6°. posse quoque reliquam hanc  
adiposam membranam in pus converti,  
atque integris sex diebus omnem aneu-  
rysmatis pulsationem, suo effluxu, amo-  
vere: 7°. videri demùm ablatâ resis-  
tentia, vel arteriam subitò frangi, vi-  
tamque cum sanguine profundere; vel  
extendi ita, ut latens olim, iam mani-  
festa deprehendatur: 8°. consultum  
esse, ut in posterum, dum nobis puru-  
lenti tumores exhibebuntur, quibus aut  
inflammationes, aut tumores duri atque  
ambigui dudùm præcesserint, antequam  
pus adpareat; idque maximè iis in lo-  
cis, ubi dura tubercula minùs frequen-  
ter, quam in collo v. g. aliisque glandu-  
losis in locis, purulenta pro parte fieri

solent; ut, inquam, hic consideratissime procedamus: 9°. oportere demum, ut dediscent Chirurgi medicos lacesse, ut quidem publicis actis fecerint, jactando hos circa plurima incerta, intus latentia, versari duntaxat; se autem maximè externis, ideòque certis, occupari.

Cum optimo nostro Chirurgo *Leber* in hunc casum meditatus, cogitavi, num fortè compressio externa hic non conduceret? Attentior vero contemplatio nos docuit, vitium in externâ arteriâ locum non habere, neque ejus sedem, præcisè determinatam, ibi esse, ubi cartilagines jam junctæ firmam basin præbeant. Verisimile maximè ex figurâ rotundâ esse, quod sacculus sit, qui per rimam inter binas cartilagines exurgat emineatque; quippe propterea vel arteriæ intercostalis, vel cuiuspiam aliūs interioris, degenerationem denotet. Quia nunc egregius *Lancisius* clare demonstravit compressionem simili in casu mortem accelerare, vitalibus quippe hinc angustatis ab omni externo molmine abstinuimus. Quin & docuit evenitus, ut mox monebam, pag. 324. id minimè indicari.

§. IV. Arteriæ *Popliteæ* aneurysmatis novum exemplum habeo. Rarius id

descriptum jam ter *Viennæ* vidi. Primum enarravi *Part. 4.* pag. 10. Alterum mox communicavi. Tertium autem sic se habet.

Lanio quadratus 32. annorum me convenit 10. Junii proximè elapsi, narrans tres modò septimanas esse, quod sura sinistra sibi intumuisset; duas septimanas, quod ad popliteum tumorem advertererit, dolentem quidem, & mole in gradiendo auctum. Examine patuit aneurysma arteriæ popliteæ esse, cuius mole venas comprimente, crus ad suum intumesceret, & varicosum fieret. Ab aliis postea relatum est hominem ab alto per multos gradus cecidisse, antequam de crure conqueri cepit.

Vena brachii secta est; serum lactis cum pulpâ tamarindorum, rob. sambuci, ac nitro, copiosè datum; decoctum adstringens cruri circumpositum; ligatura idonea, quæ ab omni parte saccum arctaret, Spir. vini rect, intincta, adponebatur; & summa corporis in lecto quiete imperata est. Ut autem exactius omnia peragerentur, hominem in Nosocomio servavi,

Hac methodo sura intra quatriduum egregiè curabatur; popliteus vero tumor indies crevit, & pugni demum

magnitudinem mole æquavit; ita ut; mense exacto, omnis per compressionem illum curandi spes evanesceret. Unde demùm ipsi serò declaravimus bina modò superesse, quorum alterum eligeret: vel certam mortem, sive post calamitosum martyrium, sive inopinatam; vel amputationem ambiguam. Hanc ideo ambiguam diximus, quia & per se gravis ac periculosa est, & nesciebamus, quām altè inciperet dilatatio aneurysmatica; quæ quidem si amputato crute altior, vix constringi idoneâ ligaturâ valeret; sin autem ligari posset, tamen impulsu sanguinis novum illicò saccum formaret.

Respondit Ianio rem naturæ aliquantis per committere se velle, & Nosocomio valedixit. Interea balneatoris se curæ commisit. Venam is secuit, multaque applicuit. Tandem primâ Augusti per amicos certiores nos reddidit æger de tumoris incremento & intollerabilitate dolorum; enixè petens, quò recipi in Nosocomium amputationemque inibi subire posset. Mox eum recipientes, invenimus tumorem longè extensiorem, inque latus productum esse; dolores autem tantos, ut ne opio quidem largiore sopirentur.

Hinc

Hinc properandum esse rati sumus. Amputationem, præsentibus iisdem ferè Medicis atque Chirurgis, qui lithotomyæ pag. 316. adstiterant, aliisque, *D. Leber* spatio 7. minutorum absolvit.

Quæsitum fuerat, utrum arteriam majorem, atque unam alteramve minorem, ligaturâ, an *Fungi Agarici* applicatione, obturaremus? Considerabamus ab unâ parte ligaturam arteriæ tutissimam quidem semper haberi; non raro tamen intercepto nervo ejusve ramulis, convulsiones nasci, quibus ars non esset interno externove auxilio compescendis. Alterâ parte *Tom. 2. Acad. Reg. Chir. Par.* tria exempla inveneramus, ab egregio *Morando* relata, felicis agarici successus in crurum amputatione. Hinc eò ferè inclinassemus. Attamen *Parifina* exempla *Cruris* referebant, non *Femoris* amputationem. Cum igitur hîc de femoris amputatione ageretur, & quidem de eâdem longè altius, ne quid de sacco reliqui faceremus, instituendâ, ubi certè arteria longè majoris diametri esset; præterea cum exemplum in iisdem actis *Parisinis*, in *Dissert. D. Louis*, pag. 395. referretur, quod agaricum in amputato crure adeò inutilem demonstrasset, ut semihorâ

elapsâ totus adparatus auferendus esset, adhibendaque ligatura; rem dubiam experiri noluimus, sed majorem saltem truncum arte ligandum esse, minores verò agarici fungo obturari posse, unanimi consilio decrevimus. Chirurgus itaque eo modo omnia perfecit, & soliti pulveris adstringentis loco totum vulnus agarici fungi pulvere crassè textit, instrumentum tornatile quoque ad arteriam aptè comprimendam adposuit.

Hoc pacto nos ab omni hæmorrhagiæ metu exemptos credentes, turpiter tamen nos elusos vidimus; trihorio ab operatione, sanguine per universum transfluente adparatum, lectoque toto inde madente. Chirurgus fasciis novis super vetera adductis, arctiusque appresso stringente instrumento, egoque diacodio largiore hæmorrhagiam imminuimus, moderavimus, stitimus.

Saccus nunc erat amputatâ in parte examinandus. Arteria suprà saccum naturalis magnitudinis demonstrabat amputationem debito peractam in loco esse. Arteria, non ut in casu pag. 319, descripto, uno latere, sed toto suo ambitu in saccum quaquaversum extensum, abiverat, excrescente sepimento membranoso, sed sursum deorsumque

abrupto, illum bifariam dividente. Nervus magnus adjacens totâ sacci longitudine arctissimè cum eodem coiverat: ipsumque aneurysma cum superiore portione gastrocnemii inseparabiliter connatum erat. Unde hominem ita à motu minimo doluisse non mirabamur; quia saccus nervusque & musculus, unam exibebant, eamdemque concretam atque confusam massam. Membrana porrò ipsa postica sacci, laterisque externi, adeò tenuis fuit, ut dum vi minimâ expandebatur, dilaceraretur. Quapropter id certum, quod, dilatâ operatione, disrupti citò, subitamque facere mortem, debuisset.

Interim æger noster unâ atque alterâ horâ, postquam hæmorrhagia cessasset, debilitari cepit, brevi dein frigescere, leviorem iterum hæmorrhagiam pati, continuò vomere, pulmone angi, leviter delirare, tandemque vultu convelli, Horis 25, ab operatione elapsis obiit.

Examinavimus tunc seriò amputacionis locum. Ligatura arteriam majorem aptè claudebat; nervum autem minimè comprehendebat. Fungus vasis suis per strata applicatus inventus est. Vulnus integrum pulvere fungi egregiè crassiusque tectum. Pectore aperto, cor ma-

ximum, at pallescens & vacuum. Vacua etiam omnia vasa majora, arteriosa, venenosa; exiguum modò gracilemque polypum suā in axi gerentia.

Hæmorrhagiâ inter operationem, ac trihorio post illam, natâ, homo hic tantum amisit crux, ut sine vitæ dispensio ultra amittere non potuerit. Levior postea per totum adparatum transfusatio abstulit eum reliquum necessarium sanguinem, vitamque ademit.

Optimè tamen cum provisum hæmorrhagiæ videretur, tum ligaturâ, tum fungo, tum instrumento; quæri potest an fungi hujus viribus nimium non tribuamus? An verò in posterum fortè præstaret majori arteriæ applicare eundem, quia habet compressio suum punctum fixum ad os; reliquas autem duas tresve arterias, iñd etiam venam majorem, quæ, ligatâ arteriâ, aliquando vice arteriæ fungens, terribilem hæmorrhagiam producit, firmâ interceptione ligare?

§. V. Aneurysmata interna multa Austria habet. Plura curavimus methodo descripta Part. 4. pag. 22. multa vero incurabilia manent. Habeimus hoc anno horrenda exempla, costarum remotarum, sterni elevati, motus aneur-

rysматици terribilis supra mammam dextram , sine ullo motu ad regionem cordis , &c. Hos palliatis utcumque ærumnis solamur , omnem vigilantiam adhiburi , ut post fata eosdem examinemus. Mirè interim quosdam levari sequentia demonstrant.

Juvencula fortis , torosa , bene menstruans , 24. annos nata , finiente Septembri 1759. circa inferiora sterni dolere cepit , & quoddam emplastrum loco admovit. Sed pedetentim aliquid sub cartilagine ensiformi sumere percepit , ad tactum dolere , simulque fortiter pulsare , & somnos valde perturbatos efficere. Cum hæc ingravescerent , venit primò ad me 26. Febr. 1760. Cum Chirurgo & assistentibus , eam examinans , deprehendi locum pulsantem , palmam manūs ferè æquantem esse , stanti quidem magis , minus verò jacenti , percipiendum. Malum sensim cepit nocte ingravescere , ac tandem gradus conscenti respiratio ferè omnis deficere. A pastu quoque pejus habuit. Maio mense minus , Junio parum , Julio nihil ultra fæmina doluit ; pulsatio minimè molesta superfuit modo. Ita quidem , ut jam optimè comedat , tranquillissimè dormiat , & graves ancillares labores ,

indefessa omnino, liberaque pectore,  
peragat.

Ad inexpectatam hanc mutationem  
sumsit totâ die serum lactis, cum nitro,  
& cremore tartari; cubitum verò pe-  
tens  $\frac{1}{6}$ . sequentis: R. Pulp. Tamarind.  
Rob. Samb. Syr. Diacod. aa unc. 2.  
Laud. Liq. Syd. dr.  $1\frac{1}{2}$ . Et quia etiam  
nauseoso ac debili ventriculo, tum &  
segniori alvo prospiciendum erat, sum-  
sit quovis quarto mane dr. med. Elect.  
Hierax pictæ. Optimè se nunc habens,  
pergit sero lactio cum melle quotidie  
uti, alterno autem die paregorico.

Dubitabit fortè quispiam, utrum hæc  
fæmina verum aneurysma habuerit, an  
potius deuteropathicum à ventriculo,  
Pyloro, Pancreate? Idque 1°. quia  
haec insolitum hic medicos decipi, ut  
exemplis patuit, *Part. 4. cap. de Aneur.*  
2°. Quia signa adfuere hærentis cujus-  
piam labis in ventriculo, aut propè il-  
lum. 3°. Quia post multa solventia, &  
repetitam sæpius quartanam purgatio-  
nem insigniter luctata est ægra. Huic  
respondeo: etiamsi res ita haberet,  
conferret vidisse, quâ demum methodo  
ambiguum hoc malum superetur. Atta-  
men longè verosimilius prothopaticam  
esse affectionem; cum morbus medium

annum jam emensus esset, priusquam inciperet ventriculi incommoda sibi juncta habere; & antea cum optimâ functione naturali, solo tumore, dolore ac pulsu consisteret.


Fæmina 26. annorum mense Augusti 1758. brachia in altum, onus grave depositura, extendens, medio in pectorे crepitum observabat. Paulo post cedemate totius corporis affecta est; quod copioso Rob Sambuci dispulisse se credit. Tussis inde nata, sputumque sanguinis, vespertini quoque horrores, & pectoris dolores continui. Remediis aptis à tussi multùm, à sputo sanguinis penitus, ubi liberata erat, conquesta est 15. Martii 1759. internâ, eâque violentâ pulsatione os sterni sibi attoli vide-ri. Examine instituto deprehendimus mediâ, eâque inferiore sterni parte totâ, ejusmodi pulsum, ut digitî, vi qua- si, repellerentur. Cum adderet vehe- mentius ibidem se ardere ac dolere, nec dorso ultra incumbere posse, suspicati aneurysma debuimus. Tandem pulsatio, tumorque magnus, colli totius anteriora & lateralia occupabat; dumque se in lecto convertebat, os pectoris veluti sibi findi lamentabatur. Imò & supra sinis- tram orbitam pulsatio & dolor extende-

bantur. Nocte aliquoties suffocatum iri se credebat, nisi erecta sedisset. Demum cordis palpitationem, molestumque in dorso pulsus conquesta est. Cum omnibus his ærumnis menstruo fluore optimè gaudet.

Iteratâ venæ sectione & methodo demum eadem, quā ægra præcedens, sensim tantum lucrata est, ut jam dudum vitam maximè tolerabilem gerat.

F I N I S.

ANTONII DE HAEN,  
CONSILIARII ET ARCHIATRI  
S. C. R. A. MAJESTATIS,  
NEC NON MEDICINÆ PRACTICÆ  
IN UNIVERSITATE VINDOBONENSI  
PROFESSORIS PRIMARII,  
DE  
COLICÂ PICTONUM,  
DISSERTATIO.



P A R I S I S ,  
Apud P. Fr. DIDOR Juniorem , Bibliopolam , ad  
Ripam Augustinianorum , propè Pontem Sancti  
Michaelis , sub Signo S. Augustini .

---

M. DCC. LXXI.

*Cum Approbatione , & Privilegio Regis.*



VIRO NOBIL<sup>mo</sup> DOCTISSIMOQUE  
GERARDO VAN SWIETEN.  
MARIÆ THERESIÆ,  
AUGUSTISSIMÆ ROMANORUM  
IMPERATRICIS.

PRIMO MEDICO.

S. P. D.

ANTONIUS DE HAEN.

*PRODIT tandem levidensis mea,  
cui concinnandæ dudum insudasse  
me nosti , de Colicâ Piætonum  
Dissertatio. Probè meministi ,  
quām mæsti sœpè ambo abscondi-  
tum Morbi Genium mutuis literis  
deploraremus. Doluere hoc omnes  
Boni ; quum haud exigua Morta-  
lium pars hisce ærumnis quatian-  
tur quotidie , pars tandem iisdem  
victi misère succumbant. Augent  
animi dolorem tot edita Medico-  
rum in hoc argumentum opera :*

*siquidem Autorum plerique , in  
morbo delineando curandoque ,  
vel aliorum opiniones , ipsaque  
ad tædium usque verba , quasi  
proprii Consilii inopes , passim  
mutuantur ; vel spe meliora de-  
tegendi turpiter abjecta , curtam  
*Artis incusant suppellentilem* ; vel  
dubio vacillantes animo quædam  
hæsitanter , ac veluti problematicè ,  
proponunt ; vel denique levioribus  
successibus turgescentes , & impru-  
denter ex paucis concludentes ad  
plurima , ejusmodi pro certis vendi-  
tant , quibus maturior usus , & se-  
rior ætas , minime queant suffra-  
gari . Hinc nuperrimè Docissimus  
noster Grashuizius , in præfatione  
egregii Operis sui de Scirrhis &  
Cancris , hanc Piætonum Colicam  
in Morborum diu quidem cognitorum ,  
quo ad curationem verò admo-  
dum incertorum Classe , mæstus lo-  
cat , & ex animo dolet . Lugenda  
hinc meritò , hinc deflenda , acerba*

*ingentis Boerhaavii mors : quem  
dira , heu nimium ! Fata adeo im-  
maturè oculis sustulére nostris , ut ,  
quam spem illius lectiones , ali-  
quot ante obitum annis publicè  
habitæ , futuri quondam in hanc  
œgritudinem Commentarii nobis  
fecerant , ea jam planè præcisa sit .  
Unus quippe ille , ille solus , quan-  
doquidem in abditissimas Malia la-  
tebras felix penetrasset , ejusdem  
poterat & Diagnosin fidelem tra-  
dere , salutarem Medelam . Verum  
haud ita superis visum ! Ignavia  
torpuissent forsitan , desidiosa cæ-  
teroqui , Medentium pectora ; si quo  
fortunato pede tantus ille vir in  
multis œgritudinibus pertractan-  
dis cœperat , eodem & reliquas ab-  
solvisset . Præ cœteris ergo & hunc  
nodum Posteris solvendum reli-  
quit ; ubi , quo fulgebat Candore ,  
pauca quidem sua , sed divina ferè .  
cum Discipulis communicarat .  
Hisce insistens ego , Hoc Duce fut-*

tus, hanc qualemcumque Opellam  
condidi. Tibi verò eam, vir orna-  
tissime, præprimis dicandam esse  
duxī: tum quia tot Novorum tibi  
debitor existo, ut nunquam solven-  
do futurus sim; tum etiam quia  
Boerhaavii, id est, castæ Veritatis,  
vestigia premere conatus, te, seu  
altero Boerhaavio opus habeo, qui  
me, talia ausum, adversus Invi-  
dorum technas, & Veritatis odia,  
fartum tecum tuearis, tum denique  
quia ex optatissimo literarum com-  
mercio, quod mihi tecum à tot an-  
nis intercessit, & etiamnum inter-  
cedit, multum mihi lucis affulsit,  
quo demum rem ex Cimmeriis,  
quibus sublitescebat, tenebris educ-  
tam, enodare satagerem. Uti ergo  
temporis tui, IMPERATORIÆ  
SALUTI & toti Reipublicæ Medi-  
cæ Sacri, vel paucula momenta  
hisce perlegendis non deneges, me-  
que unà cum hisce tibi devotissi-  
mum credas, ac tuam sub tutelam

*benevolus excipias, etiam atque  
etiam rogo. Vale cum Caris tuis!  
ac diu præsis summæ Principis  
tuendæ, & Imperio & toti Orbi  
adèò caræ, Saluti; Reique au-  
gendæ Medicæ!*

Dabam Hagæ Batavorum  
24 Novembris 1745.



LIBRARY


---

# PHILIA TRI S.

•  
S.

MAGNIFICUS Archiater *Ant. de Haen* part. 1. Rat. Med. cap. 9. & part. 3. cap. 2. meminit dissertationis de *Colicā Pidonum* à se editæ, *Hagæ Comitum* anno 1745. Ea quidem *Lutetiae* diù multūmque conquisita nullibi reperiri potuit; proinde è longinquis oris non sine incredibili difficultate & molestiâ redempta, typis iterum committitur; quò scilicet habeant Philiatri, ut secundas, ita & priores curas *Cl. de Haen*, iisque & ad Dei gloriam & ad proximi salutem (quæ meta rerum humana-gum est) fruantur.

•  
ANTONII



A N T O N I I  
DE H A E N  
DE  
*COLICA PICTONUM*  
DISSERTATIO.

**M**ORBI discussionem adgredior ; quem masculæ medicinæ temporibus ignotum , sequentes ætates confusè adeò tractari viderunt , ut methodica ejusdem descriptio & curatio in arte hucusque desideratae fuerint .

At verò non is ego sum qui hoc operis arbitrer me absolvisse : tantos spiritus , tantamque arrogantiam absit mihi unquam sumpserim ! At opportunitatem videndi & examinandi hujus morbi crebriorem nactus , simul à divinâ providentiâ miha datam esse credidi , eundem penitus intropiciendi , imisque è fundamentis eruendi , pro-

vinciam. Factum hinc, ut quotquot potui comparare authores, diurnâ versans nocturnâque manu, seorsum notaverim quid singuli quique hanc in rem commentati essent: ut propria dein observata in chartas conjecterim: hecque demum & varia & multa, cum antiquorum doctrinâ contulerim. Atque hinc tandem nata est morbi utcumque methodica cum descriptio, tum curatio.

Bipartitus proin erit tractatus. Principio paucis sistet authores, qui de hoc morbo scripsere; simulque eorumdem morbi cognoscendi & curandi methodum tradet. Dein dabit ejusdem morbi descriptionis & curationis methodicè tractandæ specimen.

## C A P U T I.

SISTENS AUTHORES QUI HUNC MORBUM  
TRACTARUNT, \* ATQUE EORUMDEM  
OMNIUM GENERALE ARGUMENTUM.

### Origo nominis.

**V**OCATUR, de quo agitur, morbus, *Colica Piçtonum*, vel *Colica Piçtaviensis*, nomine admodum improposito.

*Pictones* seu *Pictavienses* vocantur in-  
 colæ *Galliae Occidentalis* provinciæ, cu-  
 jus primaria urbs *Pictavium* audit. *Fran-*  
*ciscus Citesius Pictaviensis*, 1639. edi-  
 derat *Diatribam de novo & populari apud*  
*Pictones dolore colico bilioſo*. Fatetur au-  
 tem idem *Citesius* morbum non solis  
*Pictonibus* familiarem ab ipso sui initio  
 fuisse, sed & simul *Armoricis*, *Santo-*  
*nibus*, *Engoulismensibus*, & toti fermè  
*Aquitaniæ*. Imò scribit ipse *P. Milo-*  
*nem*, *Henrici IV. Medicum*, hunc mor-  
 bum *Lutetiæ* dudum obſervasse, medi-  
 cisque ejusdem adhucdum ignaris, in-  
 dicasse : *Fernelium* sub idem tempus  
 eumdem obſervasse sub continuarum,  
 tertianarum & quartanarum febrium  
 finem : *Hollerium* malum *Britonibus* fa-  
 miliare scripsisse : ex *Droeti* scriptis  
 patescere in *Picardia* 1572. eum fuisse  
 epidemicum : ex *Langii* Libr. 2. Epist.  
 38. liquere morbum notum fuisse in  
*Moraviâ*, *Silesiâ*, maximâque inferioris  
*Germaniæ* parte : *Cratonis* Epistolas de  
 paralysi ex colicâ natâ anno 1582.  
 scriptas ; necnon *Paracelsi*, ejusque an-  
 tagonistæ *Eraſti* opera, idem evincere.  
 Perperam proinde *Citesium* nominis au-  
 torem statuunt, inter quos *Theod. van*  
*Zelst*, *Belgico* tractatulo anno 1739.

*de Podagrâ & Scorbuto.* Sed cum famam sibi maximam conciliasset *Citesius* tractatu suo sanè lectu dignissimo, multi deinceps authores ejusmodi colicam observantes, & cum *Citesianis* de *Pictorum Colicâ* conferentes, *Colicæ* huic *Pictaviensis Colicæ*, seu *Colicæ apud Pictones popularis nomen* indiderunt.

### Varia morbi nomina.

Variis nominibus indigitatur in scriptis medicorum. *Pestiferam* colicam *Paulus Ægineta* vocat Lib. 3. cap. 23. Quâ eum appellatione & *Citesius* aliquando donavit. *Biliofam* colicam dixerunt multi; quos inter *Milo*, *Citesius*, *Cahagnesius*, *Sennertus*, *Riverius*; *Craanen*, *Muys*. *Serosam* vocavit *C. Piso*. *Scorbuticam* plerumque esse *Schenkius*, *Eugalenus*, *Jungken*, &c. statuerunt. *Convulsivam* *Baglivus* & aliquando *Jungken*. *Colicam* *Notham* definivit *Cahagnesius* nonnullis in locis.

Authores juxta temporum seriem, qui de hoc morbo mentionem faciunt.

Priscis medicinæ ævis ignotus videtur morbus. Quamvis enim *C. Piso* cognatus fuerit asserere eum pluribus in locis ab *Hippocrate* descriptum esse; ta-

men tanti viri pace dixerim nimium contorta ab ipso fuisse citata *Hippocratis* loca. Vide *Tract. Pisonis de morb. serof.* pag. 274. 275. Edit Leyd.

Castissimus naturæ, post *Hippocratem*, observator *Aretæus Cappadox*, hujus morbi nullibi ullam fecit mentionem.

*Paulus Aegineta*, qui sub *Heraclio* ineunte sæculo viij. floruit, primus ejusdem meminit, Libr. 3. cap. 18. & 43.

*Avicenna, Cordubensis, Arabs* è stirpe regiâ, florens medio xij sæculo, in paralyseos historiâ paucis hanc colicam tetigit, *Aeginetam* citans, & ferè totum sine addimentis referens.

Altum posthac silentium morbi humanas apud authores, usque ad xvij. sæculum ferè medium; ex quo plerique omnes describere eum occæpere.

*Andreas Laurentius, Henrici IV, Gallie regis archiater, necnon Monspeliensis academiæ Professor*, exeunte xvij. sæculo edidit *Hist. anat. hum. corp.*, in eâque morbum, ceu pertransiens, describit.

*Felix Platerus, Basiliensis*, Tom. 1. Prax. edit anno 1602. hanc colicam delineat.

*Carolus Piso, Parisiensis*, anno 1618.

librum edidit *de morbis à serosâ colluvie & diluvie ortis*; graphicè descripsit hanc colicam, quam primò à sese ait observatam apud religiosos cænobii *Bellipratensis*, anno 1596. post in opulentissimo cænobia *Stabulensi*.

*Daniel Sennertus, Vratislaviensis*, qui *Pisonis ævo floruit*, testantibus ab ipso anno 1609. operibus, variam hujus colicæ mentionem fecit. Vide Lib. 1. part. 2. cap. 37.

*Jacobus Cahagnesius, Cadomensis*, Medicinæ Professor regius anno 1616. *Cadomi* edidit libellum, cui titulus: *Brevis facilisque Methodus curandarum febrium*; cuius ad calcem adjecit peculiare caput de *Colicâ Piclavienſi*, eive simili.

*Nicolaus Fontanus, Amstelodamensis in Florilegio*, anno 1637. edito, de hac Colicâ sermonem habet.

*Franciscus Citesius, Piclavienſis, Ludovici XIII & Cardinalis Richelii Medicus*, necnon Facultatis Medicæ Piclavienſis Decanus, 1639. edidit, quam mox laudavi, *Diatribam de novo & populari apud Pictones colico bilioſo*; quem circa annum à nato Servatore 1572. exortum esse scribit. Omnia optimè de eo differuit, magnumque *Salmasum*

hoc morbo ferè confectum, & à nullis medicis levatum, sanitati reddidit, ut ipse *Salmasius* testatur. Supra jam vidi-  
mus ex *Citesio* morbum innotuisse *P. Miloni*; *Fernelio*, *Hollerio*, *Droeto*,  
*Langio*, *Cratoni*, *Paracelso*, *Erasto*.

*J. B. ab Helmont*, *Bruxellensis*, qui anno Domini 1644. obiit, de hoc morbo loquitur *Libr. de Flac.* pag. 401. *Libr. à sede animæ ad morbos* pag. 281. Et *Libr.* cui titulus *Jus Duumviratus* pag. 289.

*Lazarus Riverius*, Medicus Regius, ac Professorum *Monspelienium* Decanus qui sub medium sæculi xvij. floruit, *Prax. Med. Lib. 10. cap. 2.* fusè hanc colicam tractat.

*Joannes Jacobus Wepferus*, qui medio sæculo elapso floruit, epistolam scripsit *Scaleshia Helvetiorum*, *Vratislaviam* ad *Sachsenium*, cuius argumentum versatur circa *Paresin post Colicam ex vino*. Ait ejusmodi ægros sibi ab aliquot retri annis plurimum negotii faceſſivisse. Extat epistola hæc in *Miscell. nat. curios.* anni 1671.

*Daniel Puerarius*, Professor *Geneven-*  
*sis*, anno 1678. edidit *Thomæ Burneti* *Thesaurum*, cum observationibus pro-  
priis; longè latèque super hoc morbo

576 DE COLICA PICTONUM  
differuit, in Observ. ad Libr. 3. sect.  
48. sub sect. 13.

Thomas Sydenham, ingens Anglia  
fidus medicum, paucis rem attigit, pro-  
cess. integr. pag. 605. Edit. Leyd. 1741.

Thomas Willis tract. de animâ bru-  
tor. cap. 9. paralyſin ex Colicâ natam  
exponere molitur.

J. H. Jungken, Med. Prax. Lector  
edit. Prax. Francof. 1689. pauca in eam-  
dem commentatus est.

N. Craanen, Lugdunensis primò Pro-  
fessor, Brandemb. Electoris dein medi-  
cus, circa finem superioris sæculi in  
Lum. rational. Med. cap. 5. verba de  
hoc morbo nonnulla fecit.

Eodem circiter tempore J. Muys, medicus Batavus in praxi Medico Chirurgicâ rationali Decad. 6, obs. 10. meminit paralyſeos utriusque brachii post colicam biliosam: at verò ut rarissimum hisce in oris morbum notat.

G. Baglivus, Romanus, sub Inno-  
centio XII & Clemente XI, Professor,  
in Prax. Med. Part. 1. cap. de Colicâ  
multa egregiè differuit, quæ ad hunc  
scopum pertineant.

J. B. Bianchus, Taurinensis, in ana-  
tomiâ Professor, in Hist. Hepaticâ 1725,  
editâ, hanc colicam describens, mul-

tus

tus primò est in aliorum authorum referendis opinionibus , dein statuit esse morbum gravissimum , pertinacem , curatu difficillimum ; denique lectores suos mittit ad *Citesii* de hoc morbo tractatum.

*Anonymus Author Amstelodamensis* medicus extat in eruditorum diariis , quæ vulgò *Bibliothèque raisonnée* appellitant , dignus profectò qui ob multa , quæ profert , egregia , attento legatur animo. Vide *Biblioth. raison. tom. 8. art. 2 & tom. 9. part. 1. & 2. acta Edimburgensia* quæ inter tot præclara inventa de hoc morbo nihil habent , tribus diversis in locis *Anonymum* hunc laudant.

*Theodorus van Zelft, Beverovicus* , medicus , anno 1739. *Belgicè* edidit tractatum de *Podagrâ & Colicis scorbuticis* , in quo nonnulla de hoc morbo sanè non contemnenda ; sed quæ tantum ex usu sunt , moras ducente morbo : nam quæ in mali primordiis requiruntur , ea ne tetigit quidem author ; nec illum etiam vidisse unquam à principio morbum , ex tractatu ejus admundum credibile fit.

*Immortalis Boerhaavius* in nullis editis à se operibus super hoc morbo disseruit ; neque etiam toto ferè quadrien-

*Tom. II.*

R

mo, quo assiduus ipsius in privatis institutionum ac Praxeos Collegiis auditor fui, verba de eo fecit. An quia publicis eum reservare lectionibus maluit? Utique in lectionibus *de morbis Nervorum*, annis 1731. 1732. 1733. 1734. publicè habitis, cap. 2 sub titulo: *de Morbis ex affectione Nervorum abdominalium natis*, mira de eo, & egregia protulit, quæ ex dictitantis ore exactè exscripsi. Quinque lectiones hæ typis nondum excusæ sint, obstrictum me arbitror, ut, quæ huc pertineant, publici faciam juris. En ipsius verba:  
Lect. 22. cap. 2.

Sententia Boerhaavii super hoc morbo.

„ Quandoque homines sani (centenarii nos vidisse me credo) nullam causam incusantes, incidunt in dolorrem intolerabilem circa umbilicum, „ qui omni remedio resistit; instar terribræ hæret ad intestina tenuia. Subsequitur color pallidus, flatus, debilitas quedam. Hi, postquam binos, ternosve paroxysmos passi sunt, dolore colico se dicunt laborare. Sed incipiunt perdere carnosum habitum ad musculos moventes humerum, plus ad brachium & ulnam, sed manum.

„ ximè muscularum qui movent car-  
 „ pum , metacarpum , digitorum pha-  
 „ langes : ita ut ab humero ad usque  
 „ ungues , ossa tantum & tendines ,  
 „ membranasque videas Tandem mor-  
 „ bus ille tendines alligat ad vagi-  
 „ nas , & omnes illæ partes graciles-  
 „ cunt. Morbus ille frequentissimus.  
 „ Nihil sentierunt , nisi dolorem ad  
 „ umbilicum , ubi ileon intestinum.  
 „ Clysmata aliaque alvum stipatam ne-  
 „ quiverunt movere. It malum , redit-  
 „ que. Effectus semper est emaciatio  
 „ dictarum partium. Si diu duravit ,  
 „ pedes & tibiæ , & femora pariter af-  
 „ ficiuntur. Vocatur à medicis *Colica*  
 „ *Pictorum* , quibus hominibus moles-  
 „ tissimus observatus est.

„ Quid mirabilius quam quod nervi  
 „ in mesenterio aut intestinis affician-  
 „ tur , & inde pereat actio dictarum  
 „ partium. Non est quod dicas nervos  
 „ communicare , & hinc fieri : nam  
 „ undenam perit pinguitudo ? & cur non  
 „ alibi ? Pinguitudo quippe ita perit ,  
 „ ut vaginæ tendinum cum iisdem con-  
 „ crescant , & vaginæ cum periosteo ,  
 „ vel aliis tendinibus .

„ Pendet à singulari proprietate , his-  
 „ ce in nervis observata : quam expli-

Rij

» care nemo potest ex legibus humani  
» corporis.

## LECT. XXIII. CAP. II.

» Circa discessum heri proponebam  
» morbum notissimum *Colicam Picto-*  
» *num*; unde natus morbus in artubus  
» superioribus dictus *Paresis* sive *Re-*  
» *missio*: eumque in ortu, sede, effecti-  
» bus, descripsi. Præcipue mirandum  
» quod à nullo alio ortu oriatur: (pa-  
» resis enim tantum à nervis abdomi-  
» nalibus affectis): & quod non modò  
» spiritus ibidem afficiat, sed quod pin-  
» guedinem crassiorem, arteriosi san-  
» guinis sobolem, intercipiat, ac graci-  
» litatem siccitatemque inducat: unde  
» tandem, tendine concrecente, im-  
» mobilitas.

» Quicumque hunc morbum bene  
» observant, dicunt in opulentissimâ  
» urbe, *Amstelodami*, eum esse fre-  
» quentissimum. Pictoribus eum oriri,  
» iisque qui pigmenta de plumbo pa-  
» rant, qui fundendo plumbo operan-  
» tur, maximè qui vetus plumbum pu-  
» rificant, & utensile reddunt, unde  
» pessimus fumus oritur; hos omnes eo  
» morbo affici. Frequens est & iis, qui

» per plumbum in fornace figulinis va-  
 » sis vitro incrustandis operam dant :  
 » iis quoque qui opulentí redimunt  
 » oleosa , fortia , spissa , vina rhena-  
 » na , habentia quid dulcis , quod sus-  
 » picor esse à plumbo. In *Germaniâ*  
 » suspensus fuit mercator , qui adul-  
 » terando sic vinum dirissimus factus  
 » erat. Fatalis ars forte adhuc viget.  
 » Colorem fulgentem habet vinum il-  
 » lud gustu mite est quasi sacchari sa-  
 » turni quid admistum habens : & quo-  
 » niam eos , qui tale vinum bibunt ,  
 » sic affectos vidi , suspicor à plumbo  
 » esse.

» Multos curandos habui , quibus  
 » quatuor extremos artus planè exsicca-  
 » tos vidi ; sed per succum mitiorum  
 » antiscorbuticorum restituti sunt ; per  
 » Balsami *Peruviani* , de *Copayba* , af-  
 » siduum usum , per saponis *Veneti*  
 » usum quotidianum , per frictiones  
 » externas solius abdominis , per em-  
 » plastra abdomini , non artubus appli-  
 » cata , adhuc hoc anno plures curavi.

» Discimus inde quomodo affectio-  
 » nes horum nervorum habeant in-  
 » fluentias in remotas partes , & agant  
 » omnium humorum lentissimè moto-  
 » rum alienatione ».

R iiij

## ET LECT. LXXVIII.

De mirâ nervorum distributione fusè agens, rem sic explicat :

» Sequitur jam mirabilis constitutio  
» artuum superiorum. *Galenus*, *Vesalius*, & optimè *Eustachius*, docent  
» quòd ad solos humerum, brachium,  
» carpum & digitos, ferantur quinque  
» ingentes nervi, mirè implexi, sub  
» axillis distributi, & evanescentes in  
» hunc artum. Unus *Eustachius* appin-  
» xit nervum communicantem cum  
» quinque paribus hisce, facientem  
» primam causam motricem, qui tra-  
» mus habet commercium cum nervis  
» viscerum inferiorum.

» Nihil mirabilius, quām quòd pa-  
» ralysis absoluta artuum superiorum  
» cum exsiccatione oriatur, à *Colicā*  
» *Pictonum* hærente in solo mesente-  
» rio. Morbus creberimus est; & patet  
» hinc commercium esse maximum in  
» his nervis «.

*Acta Parisina*, tota quanta, memo-  
rabile nihil, quod huc spectet, refe-  
runt.

*Ephemētēs naturæ Curiosorum*, non-  
nulla habent, quæ scopo nostro inser-

viant; quale quid pag. 6. de *Wepfero* citavi; cæterum videntur cum allegatis authoribus omnia convenire.

*Acta Edimburgensia* nihil continent, quo morbus hicce illustrari queat.

Omnium Authorum observata de Diagnosis  
hujus morbi.

Omnes memoratos authores sedulo pervolventi constabit *Colicam Pictorum* eum morbum esse, ubi violentissimus, isque perseverans diù dolor, ventri innascitur, cum alvo nullis irritamentis referandâ, abdomine introtracto, vomitu, vigiliis, & subsequente paralyssi, aut convulsione, aut lethargo, aliisve pessimis symptomatibus.

#### De Causis proegumenis.

Ex iisdem colligentur *proegumenæ causæ* hæc esse: contagium, febres male curatæ, præcipue intermitentes; temperamentum siccius; vina varii generis, vina plumbi præparationibus adulterata; plumbum ipsum; tempesties scorbutica, rheumatica, arthritica, podagrifica, melancholica, atrabiliaria; pituita vitrea; acor ventriculi, &c. menses suppressi, lochiave; meconium; lac colostratum; dentitio; venena

De Causis procatarcticis.

*Procatarcticae Causae* ipsis numerantur;  
inhibita perspiratio; ira, aliave animi  
pathemata, humores multum exagitan-  
tia; victus in otio, soloque uliginoso  
opiparus; nonnulla vina; anni tem-  
pestas autumnalis, hyemalis, borealis;  
ac præprimis pertinacior alvus.

De Causâ proximâ.

*Causa proxima* horum authorum qui-  
busdam censetur biliosa materies inter  
ipsas effusa membranas; serosa aliis;  
convulsivus quibusdam motus audit;  
aliis spasmodicus; denique conditio ta-  
lis, quæ ineffabili prorsus modo nervos  
adficat.

De Prognosi.

In *Prognosi* dixerunt, colicam hanc  
terminari, vel in mortem, vel in majo-  
rem minoremve paralysin; hancque  
paralysin morbi crisi esse, difficilem  
curatu, longamque; vel etiam in le-  
thargum nonnunquam, sapè in convul-  
siones, quæ essent lethales, aut secun-  
dum alios, alio quam alio tempore dis-  
criminis pleniores.

## De Curatione.

*Curationem* vario modo variis aggressi sunt. Conveniunt omnes ferè in enematum usu: quæ multa plures; quæ obnitente naturâ pauca prudenter applicanda nonnulli; quæ mollia, discutientia, eccoprotica, ferè omnes; quæ sortia penetrantia, unus alterve, præscribunt. Plerisque etiam, ubi plethora adest, & ferox malum, *Vena seccio* arridet; quam eamdem tamen alii vituperant. *Purgantium usum* quidam pareseos, imò & mortis causis annumerârunt; nonnulli utcumque suspectum habuère; alii eorumdem ne meminerunt; lenissima plerique præscripserunt, quidam *Draſtico*. Emeticorum repetitus usus tum in prophylaxi, tum in curatione, suis non caruit encomiis. Quin nec desunt medici, qui res actu frigidas affatim comedendas, ipsamque aquam gelidam, intùs extùsque adhibendam, imò nivem ventri obvolvendam, audacter scribant. *Neurotica* in arte dicta à paucis commendantur Laudârunt alii *Sudorifera*, quæ detestantur alii. *Balneorum usus* encomio maltorum gaudet, aliorumve methodo exulat prorsùs. *Opium* suspectum nonnullis, pareseos causa, aliis,


R v

quibusdam egregium remedium, sed cautè dandum, audit *Antiscorbutica* ferè omnes vocarunt in usum. *Afrinum lac* laudibus apud nonnullos quāmplurimis insignit. *Saponacea & Balsamica* hinc inde præscripta legimus. *Medicati fontes* suā etiam laude haud catuere. Partes paralyticas ipsas fricant omnes inunguntque; nisi quod unus aut alter totam frictionis & inunctionis vim in solum abdomen converti velit. Molliore ad fricandum materie utuntur quidam, penetrantiore alii; alii iterū nasturtio cum aceto fortissimo tuso membra ante fornacem fricant. Commendatur ipsa partium paralyticarum cum urticis instituenda flagellatio.

Atque hæcce sufficerint, ut quæcumque ab antiquitate remotiore in hoc usque sæculum circa hunc morbum dignoscendum curandumque notata fuerint, liquidò constent. Multa profectò, ea que egregia, multi dixeré; sed confusè adeò, & obscurè, ut expositionem variorum in eo observatorum phænomenon adæquatam, & juxta hanc expositionem formatam legitimam curandi methodum, frustra inquisiveris.

Sed simul constat citatorum authorum quovis de morbi tum naturâ cau-

sisque, tum curatione, veri quidem aliquid protulisse; exactam verò ejus historiam medicam exarasse, curandi que methodum tradidisse neminem; immortalem ubique si exceperis *Boerhaavium*. Is quippe unus ex veris artis fundamentis pauca protulit, sed verissima; quæ sola viam sternant, quâ ii, quibus explicare phænomena, & curam legitimam tradere, animus est, incedant oportet. Hâc unicâ viâ morbum purè analyticè meditor tractare.



A E Q

## CAPUT II.

EXHIBENS COLICÆ HUJUS DESCRIPTIO-  
NIS ET CURATIONIS METHODICE  
TRACTANDARUM SPECIMEN.

## §. I.

De morbi signis.

**S**i dolor fixus, plerūmque ferociissimus, prope umbilicum, cum inani prorsus applicatione enematnm, epithematum, cataplasmatum, remediorumque ore assumptorum, imò potius, cum dolorum augmento, cum ventris intractione, contrā quām in aliis colicis contingit observare, cum podicis sēpē clausurā firmissimā & intractione, cum vomitu, febre majore minoreve, per vigilio, &c. *Colicam Pictonum* vocant.

Sin & convulsiones accedant, breve que sequatur major aut minor paralysis, eò audaciùs id ipsi nominis imponunt.

## §. II.

Causæ proegumenæ & procatarcticæ.

Antecedunt hanc colicam 1°. *Affump-*

*ta venena.* Ita *Wepferus*, *Ramazzinus*, *Anonymus Amstelodamenus*, & imprimis *Boerhaavius*, statuunt. Estque frequentior quam passim credunt, hæc antecedens causa. Hinc Pictoribus, tot plumbi præparatis, aliisque venenis, utensibus, admodum familiarem affirmant. Quare *Boerhaavius* inter præcipuas morbi causas hanc statuit 1°. Quia, ut ait, frequens observatur iis, qui plumbo parando, purificando, fundendo, in pigmentis utendo, fictilibus vasibus eodem incrustandis, viatum quæritant. 2°. Quia frequentissima observata est hominibus vino plumbi præparationibus adulterato, utensibus, aut olim usis.

Accensetur quippe plumbum toxicis, quæ constringendo, obstruendo, exsiccando, citâ vel lentâ morte permunt. Sic *Boerhaave* Institut. §. 1143. Et fusiùs hoc explicat, in Chemiæ Part. 2. process. 171. Agens enim de cerussâ, " pulvis illæ tenuis, inquit, inspiratione ductus in pulmonem asthmata creat, terribilia, insanabilia ferè, tandem lethalia. Si ore receputus deglutitur cum salivâ, pessimos creat morbos visceribus, languores, debilitates, dolores, oppressiones in-

» tolerabiles, tandemque mortem. Te-  
 » tra hæc mala; at quotidiana viden-  
 » tur apud eos, qui plumbum quomo-  
 » documque tractant, maximè autem  
 » qui album plumbi conficiunt. Ca-  
 » veant homines venenum, quod odo-  
 » re carens & sapore, tantò pejus af-  
 » ficit, quò irrepit rectius nec se ma-  
 » nifestat, nisi in devictis jam corpo-  
 » ribus. »

**A**ntecedunt 2°. febres continuæ inter-  
 mittentesque male curatæ. Plurimi au-  
 thorum recensitorum id passim affir-  
 mant. Manent hinc obstrunctiones visce-  
 rum facilè in hydropem, scirrhos,  
 &c. mutandæ: manet hinc scorbutica  
 dispositio, ut pulchrè notavit *Sydenha-  
 mus*; qui post *Peruviani* corticis usum  
 frequentes reperiit hydropem & scorbu-  
 tum: quæ scorbutum attinent, ea mox  
 explicabuntur.

**A**ntecedit 3°. quoque dispositio hu-  
 morum acris scorbutica, rheumatica,  
 podagrifica, melancholica. *Sennertus*,  
*Schenchius*, *Eugalenus*, *Anonymus*, &  
*Boerhaavius* sive in morbi describendâ  
 naturâ, sive in tractandâ ejusdem cu-  
 ratione, scorbutum maximè videntur  
 incusasse. Porrò per quam similes &  
 affines scorbuto reliqui mox adlegati

morbi deprehenduntur ; dicente ipso Boerhaavio Aphor. 1490. « Arthritidi, » podagræ, scorbutoque agnatus mor- » bus, rheumatismus ». Ita quidem, ut plurima symptomata habeant inter se communia, neque etiam in origine mul- tūm à se invicem discrepant. Qui proin apud plerosque authores, & maximè apud magnum *Boerhaavium* singulorum horum morborum rite examinārit historiam, comperiet vel absque *Pictavien-sis Colicæ* facta mensione colicam cum convulsione, paralysi, &c. in scorbuti, podagræ, rheumatismi, ac melancho- liæ tradenda descriptione, delineatam esse. Quotquot etiam exempla adferun- tur ab authoribus, pleraque omnia de- monstrant in prædispositione simile quippiam latuisse ; quæque observavi ego, utique vini usui, spirituoso- que vel scorbuto, eive agnatis morbis, multum deferre debui.

Antecedit 4°. *impedita perspiratio*. Hanc causam *Citesius*, *Bagliivius* & *Ano- nymus* allegant : ac pessimè eos affici, qui perspirationem impeditam patiun- tur in pedibus, multiplici exemplo *Ba- glivius* demonstrat ; testaturque expe- rientia quotidiana pluribus hanc ob cau- sam colicos dolores solemnes esse. Plu-

rima scorbuticorum, rheumaticorum; arthriticorum, melancholicorum symptomata, ex impeditâ aut imminutâ perspiratione exsuscitantur, exasperanturve. Videantur Authores, & maximè *Boerhaavius* super his morbis. Unus *Sandorius* hoc pluribus explicat aphorismis. Hæc impedita perspiratio vice fungitur procatarracticæ causæ.

*Animi Pathemata*, humores multùm exigitantia, in procatarraticarum causarum classe haud infimum obtinent locum. *Riverius*, Libr. 10, cap. 2. iracundi exemplo hoc confirmat. Ira in melancholicis, podagricis, &c. multùm furens observatur sopites excitasse paroxysmos. Novi quibus ferè restitutis ita, vel subitus terror, dolorem ventri conciliet illicè, mox artubus; motumque eorumdem debilem per aliquot dies debiliorem reddat.

*Vidus in otio opiparus à Pisone* & *Anonymo* inter has causas quoque recensetur, nec sanè immerito: accumulantur quippe iis hominibus alimenta minùs aptè subacta & facile in acorem degenerantia in intestinis, adeòque anam facile præbent nascituræ colicæ.

*Vinum*, aliique valdè simulantes, atque acescentes potus huc referuntur à Pi-

*sone, Wepfero, Citesio, Cratone, Rieverio, Puerario, Anonymo, Boerhavio.* Dictus *Helmortio* ventriculi acor, & per Archæum ad artus demandatus, huc etiam referri potest. Vina acidam acrimoniam apta nata sunt inducere; unde *Boerhaavius* Institut. §. 760, de Acrimoniâ ex vinis acidis aut acetis nata differens: « præ cæteris nimio usu as- » sumpta, ait, acre acidum, serum fa- » cit, unde rheuma, podagra, & simi- » lia ». Stimulantes liquores acrimo- niam generant adhuc pejorem. Vina re- centia observantur hîc perquâm noxia; quia multùm adhuc *Gas sylvestris*, ner- vis adeò inimici, & spasmos anxietates- que enormes sèpè excitantis. Vina plum- batis maximè adulterata incusant *Wep- ferus* & *Boerhaavius*. Vina nonnulla acria, austriuscula, ab optimis authoribus vim peculiarem huic excitando morbo ha- bere observantur. Videantur in *Miscell. Academæ Naturæ Curios.* Dec. 1. a. 2. obs. 32. & a. 4. obs. 30. *Crato* quoque hinc colicæ apud *Moravos* causam deduxit. Et scitè *L. Lemnius* Lib. 1. cap. 15. de occ. nat. mirac. narrat *Batavos* ex vini *Pictaviensis* potu adeò morosos red- di, ut uxores pugnis excipient; à *Rhenano* autem aliove generoso vino adeò blandos fieri, ut easdem osculis impetant.

*Anni tempestas autumnalis, hyemalis, borealis, causis accensetur excitantibus. Nascitur hinc impedita perspiratio, & lentior per exteriora motus: hinc necessariò major, isque noxius motus in interioribus; & acriorum alioqui exhalaturorum retentio.*

Tandem *Alvus* diù pertinaciterque clausa à *Cicatio*, *Anonymo*, aliisque excitans dicitur causa. Ut enim colicus dolor simplex erit sàpè à retentis, adeòque & stimulantibus excrementis; ita ex persegni in prædispositis hinc poterit *Pictonum Colica* nasci.

### §. III.

#### Prognosis.

Prognosis hisce ferè describitur.

*Colica Pictonum* si vel spontè, vel facili operâ solvi contingit, spatio 1. 2. septimanarum transit in sanitatem.

Sàpè mensem unum durat alterumve, & necat: raro, quòd sciam, citius occidit.

Aliquando, vertentibus annis, sub hyemem redintegratur, idque quatuor vel quinque sibi subsequentibus annis.

Abit nonnumquam in lethargum.

Sàpè in convulsiones transit lethales.

Ut plurimum in paralyсин supernorum inferorumve, imò omnium artuum simul abit.

Colica cum ipsâ paralyсин sæpiùs redintegratur per aliquot sibi subsequentes annos.

Quin & in hydropem mutatur post paralyсин, eumque ut plurimum lethalem.

Colica aliquando paralyсин comitem habet, sine ullo dolorum remissu.

Vomitus perpetuus, haud sistendus; pulsuum intermissio, debilitasque; fœx alvina, vel nulla, vel per longum tempus pauca, dura, parva, alba, ovillorum stercorum instar; convulsio, lethargus, cœcitas, aphonia; doloris post adhibita remedia augmentum; hydrops post paralyсин; frequentia sunt præsagia periculi in hoc morbo, vel mortis.

A plumbō, à vinis variâ plumbi præparatione adulteratis, strenuè diuque, in corpus acredine humorum magnâ & inveteratâ laborans, ingestis, natâ hâc Colicâ; magni & longi moliminis est curatio.

In corpore gravissimâ podagrâ affici consueto, jam dudum statis haud affecto temporibus, admodum mala.

Ulcusculo nato in pede, perpetuò

manente, præcipue in podagrico, morbum levat.

Quæ recidivas habet plures, easque posteriores prioribus graviores, ferè lethalis.

Quæ diuturna, quæ cum perpetuâ ac perfectâ deglutiendi retinendique impotentiâ, pessima.

#### §. IV.

##### Inspectio anatomica.

Cadavera hoc morbo defunctorum exhibuere inter Jejuni tunicas tumorem anserini ovi magnitudine, sinceram biljem, eamque æruginosam, profundenter. Hunc *Milo* anno 1592. demonstravit, præsente *Citesio*. At morbi symptoma hîc potius quam causa fuit; ut ipsa docent phænomena morbi. *C. Piso* de coll. ser. sect. 4. cap. 2. demonstravit in ejusmodi cadavere copiâ haud parvâ serice encephalon repleri, ubi cerebrum locatur; totum spatium spinalis medullæ, nervosque hinc inde in vertebras propagatos, in aquâ plurimâ innatare; aperto demum cerebello, non solum ventriculum quartum aquâ scatere, sed & substantiam ipsam eâdem prægnantem totamque imbutam. Hinc

egregius author morbi totius causam proximam sibi visus est intellectuisse, & sistema suum de morbo hoc ex seri copiâ & situ nato confirmasse. At pace *Mannum Pisoniorum* dixerim hoc exin deduci non posse. Potuit quippe serum natum fuisse post colicam; quando, reddito priùs corpore paralytico, humida inertia & vappida, solidaque flaccida, seri generandi occasionem præbere potuerunt. Hoc longè videtur priore probabilius. Estque hîc egregiorum viorum in perscrutandis cadaveribus soler-tissimorum frequens error, ut morbi causam statuant id, quod præter naturam in iisdem detexere; quamvis id ipsum sæpiùs effectus sit, quam causa morborum. Idem *judicium esto de ob-serv. vj. Lib. 1. Boneti sepulchr.* ubi cada-ver post hunc morbum exhibebat *Hepar magnum & obstructum, vesicam felleam nigrâ bile turgidam, ventricu-lum humore viridi extensum, colon flatibus durisque fæcibus expansum, cerebrum & medullam spinalem tenui lymphâ madida.* Ut & de iis quæ ibidem narrantur in sect. 14. Lib. 3. de plurimo sero subpallido inter utramque Menin-gem reperto. Sapienter ergo egregius *Wepferus mesenterii inflammationem*

in simili à *Spigelio*, & mesenterii abscessum, totumque abdomen pure repletum à sese detecta, nequaquam ut morbi causas, sed vel morbi, vel præpostoræ methodi effectus recensuit. Cæterum sterilis admodum est historia medica dissectionis corporum hoc morbo defunctorum: ut causa proxima potius sit ex morbi deducenda phænomenis.

### §. V.

#### Causa proxima.

Ex quibus itaque elicetur *Causa proxima Colicæ Piætaviensis* esse sensim nata exsiccatio, rigiditas, contractio viarum primarum, maximè intestinorum: unde fit, ut ultra vix admittant quidquam, transmittantque per lacteas aut alias absorbentes venas; ut etiam contenta alimenta retineant, compingant, cumque suâ ipsorum fabricâ ceu unam in massam coadunent.

Quidquid hanc exsiccationem, contractionemque producere potest, poterit *Causæ propioris* munere fungi; quod pag. 18. 19. 20. 21. 22. 23. 24. allegatum fuit.

Quin hinc vera *Diagnosis* mali, ut mox in causâ proximâ dictum. Porro hæc latius explicanda hoc loco venit.

## §. VI.

## Diagnosis.

*Diagnosis*, inquam, sponte patet. Namque acris in serosa, crassi in rubra sanguinis parte effectus demonstrat morbus. Hæc enim acidi, salvi, & alcalici per se se folorum, & imprimis scorbuti, tum acidi, tum salvi, tum alcalici, effecta esse magnus *Boerhaavius* ex solis, verissimisque artis principiis, evicit. Ex tali humorum predispositione intelligitur sanguis fieri oleo balsamico orbis suo, ac proinde haud amplius posse per destinatas ab adorando creatore machinas dimittere blandum illud, unctuosum, mucosum smegma; quod alioquin tam pulchro effectu œsophagi, ventriculi, intestinorumque internos inungat parietes; eosdemque humidos, molles, facile mobiles, atque à pertransientibus acrioribus servet immunes. Jam vero siccescunt hæ partes; rigidiiores, motuique naturali peragendo ineptiores fiunt. Nec magis mirabimur hunc scorbuti effectum, quam miramur articulorum crepitum, à defecitu olei articulos illinientis, in hoc ipso morbo observandum. Hinc vox aspera

fit & rauca : ingesta alimenta vix miscentur , digeruntur , moventur , expellunturque ægerrimè ex primis viis ; nec nisi chyli tantillùm per rigidiora ac contractiora lacteorum oscula , penetrat ; unde compacta tandem massa cum ipsis intestinis in unum ferè corpus coalescit . Atque hinc illæ lacrymæ ! Quippe tota vis pectoris & abdominalium musculorum desævit in unum ventrem , ut materia noxia eliminetur . Pulchrè notavit hoc A. Kaau Boerhaave in Tract. de impetum faciente Hippocratis cap. 10. §. 454. » Fæces alvinæ » aggestæ irritant nervos , oritur inde » consensus in musculis egestioni di- » catis ; inde illorum spasmodica & » violenta contractio : nec illi soli , » sed totum rapit ad hanc actionem » corpus in consensum ; anima reti- » netur , clausis viis , per quas illa » cæterum libera transit ; tument venæ , » imò verò brachiis & cruribus nixus » eduntur ». Dolores & anxietates tunc oriuntur , humanâ patientiâ sæpè adeò superiores , ut , (horresco referens ) vio- lentas ipsi sibi ægri manus inferrent , ni vel animo insitus erga deum timor religioque , vel saltem necessariorum aut adstantium cautela obstaculo fo- rent .

rent. Aucta hæc compressio in dolorem sumnum, levia eaque brevissima tantillæ indolentia intervalla conciliat aliquando, insensibilitate inductâ præ nervorum compressione integrâ; sed, ut dixi, momentanea solamina sunt, compressione mox sic laxatâ, ut vividus dolor denuò percipi possit. Venena, ut plumbum, &c. quæ incrassando, obstruendo, exsiccando agunt, dubio procul eamdem intestinis dispositionem creant; imò pejorem, quam scorbutus. Spasimi hinc non modò intestinorum, sed & aliorum viscerum intestinis nexorum, ventriculi putà, omenti, lienis, vesiculæ felleæ, pancreaticis, renum.

### §. VII.

#### Singulorum symptomaton acuratio Dilucidatio.

Hinc *Vomitus* frequens 1. quia utraque bilis, necnon pancreaticus latex, per inferiora spastico contracta, & chylo fæcibusque repleta, impeditam offendens viam, per superiora cogitur remeare. 2. Quia intestinis connexus ventriculus, ab iisdem quoque convellatur, contrahaturque ne-

cesseret est. 3. Forsan etiam quia hic vigeat illa inexplicabilis vis animali innata corpori, quæ vomitu sæpenumero promoteat restituentem & nocitiram in corpore materiem. Hærente in ureteribus calculo, vomitus observatur inseparabilis, vim diaphragmatis ac muscularum abdominalium totam, eamque maximam, in unum determinans ventrem inferiorem, seu pelvem, peregrini hospitis pellendi eliminandique causâ. Ex nervi octavi paris communicatione cum ventriculo & renibus explicant rem hancce physiologi; quam eamdem rationem & hic loci obtinere neurologi demonstrant. At verò, ut ingenuè dicam, sic facti à summo Numinе, sic conditi sumus, ut vix dentur in corpore alicubi affecto partes, quæ angi ac dolere partem sociam torpidæ atque otiosæ patiantur. Non solus ipse hic morbus, sed mirus parturientium nixus totaque animalium historia, stupenda hanc in rem adfertunt: quæ retulisse omnia hujus loci non est, foretque tædiosum.

Neque abesse *Febris major minorve* potest; quia impedito plurimam per contracta & compressa in abdomine vasa humorum circulo, reliqua cor-

poris vasa, longè plures copiâ humores, eosque acres, excipere ac propellere coguntur.

Hicce symptomatis aliquando jungitur in *Abdomine Convulsio*. Quum enim torturam ipsam superans dolor plerumque hîc nascatur, qui proximus ad convolutionem gradus; utique vera harum partium, iisque vicinarum, oritur convulsio, ut toto corpore concussio ferè sentiatut. Quamobrem haud immerito à quibusdam *Convulsiva* nuncupatur *Colica*.

*Ventriss introtractio*, contra quam in aliis colicis, observatur. *Piso & Jungken* jam observârant hunc morbum cum *Umbilici quandoque introrsum contraktione* contingere. *Weferus* paucis, sed accuratè satis, hoc explicat. Nempe spasmodice contracta, imò & convulsa intestina, in spatum longè arctius mollem contrahunt suam. Ita ut ego ipse macilentissimi hominis ventrem examinans, intestina tenuia, dura, tensa, repleta, nec digiti minimi crassitatem æquantia deprehenderim. Auget quoque hanc ventris introtractionem validissima abdominalium musculorum, ad pellendam noxiā materiem contractionis.

Tum & maxima dolorum violentia in ambitu Umbilici, paulòque supra eumdem. Quotiescumque hosce martyres exactè interrogavi, semper hunc locum præ cæteris torqueri, & dirè ceu terebrâ perforari testabantur. Duplex autem causa est. 1°. Quia prementibus validissimè diaphragmate ac muscularis abdominalibus, spina dorsi intra cavum abdominis multùm eminens, resistentiam pressis introrsum intestinis majorem, quam quidem ad latera, creat. 2°. Quia colon transversum hic decurrens, fæcibus insigniter, ut mox patebit, infarctum, compressionem hanc, adeoque & dolorem, suâ & duritie immanem auget; intestinis jam adeo dolentibus, hic ceu duo inter præla pressis.

*Alvus obstinatissima* est 1. Quia in aridis, & glutine naturali destitutis intestinis dudum cumulatae, propelli impotes, hæserunt fæces. 2. Quia præ vi doloris acerbi, intestina, ut & vicinæ partes, magis sese magisque contrahunt. *Wepferiana* docent experimenta. In naturali statu vis diaphragmatis & muscularum abdominalium, totaque animæ retentio, eò collimant, ut superatâ ani vi, fæces corpore eliminen-

tur. Hic quidem eadem vis abdominalis & thoracis maxima editur ; at verò tanta est , & insuperabilis adeò contractio intestinalum , ut prior illa vis quantumvis maxima , huic longè sit inferior adeòque inutilis , ac frustra defatigans.

*Ani constrictiōnem , & quasi sursūm introtractionem , Piso aliique notārunt.* Id ipsum ego quoque in tribus , quibus ab initio adfui , observavi. Rectum quippe intestinum habet fibras longitudinales , & validiores & rubras , ut pulchrè describit *Vesalius*. Ligamenta tria coli tendinea ad rectum discedant , dilatantur , explanantur , super totum intestinum rectum ; quod apud *Cowperum* & *Vesaliūm* ritè depictum. Modò nunc ponatur colon scybalis duris referatum violentè dolere , contrahique , in quantum possit , cum reliquis abdominalis visceribus quoque convelli ; miri profectò nihil quod per sua tria tendinea , eaque fortissima ligamenta , retrotrahat ipsum rectum , cuius longitudinales fibræ , ut dixi , ab tendineis coli ligamentis oriuntur. Ergo tunc quasi disparebit , syphone vix aperiundus anus.

Quæ interim post longa & tœdiosa

Sijj

molimina fortè fortunâ subin egeruntur  
*fæces*, ex duræ sunt, albescentes, in  
 scybalia parva, ovillorum stercorum inf-  
 tar, divisæ. *Duritiam* habet à morâ  
 quam traxerunt in intestinis, liqui-  
 diore interim parte per lymphaticas,  
 & præcipue per lacteas venas, hinc  
 inde adhuc patulas furtim subingressâ.  
*Colorem* ex havo album nanciscuntur,  
 èò quod bilis affusio in duodeno re-  
 tardetur, & versùs inferiora, oppletis  
 omnibus, descendere nequeat. *Parvi-  
 tatem* mutuantur intestini contractione.  
*Figuram* ducunt à contractis coli cel-  
 lulis quas ligamenta tria coli contracta  
 formant.

Tum & aspera seu rauca vox pluri-  
 bus fit. *Baglivi* observatio est. Quam  
 & ego veram in nonnullis deprehendi.  
*Citestius* & *Milo* vocis clangoræ strepen-  
 tis, imò obmutescientiæ, sive perfectæ  
*Aphonie* meminerunt. Hujusmodi ho-  
 minem & ego vidi. *Raucedinem* facit:  
 1°. defectus sensim increscens debiti  
 hisce locis glutinis naturalis, quo alio-  
 qui lubricitas eiusdem concilietur, &  
 mollitudo. 2°. Acer vomitus has partes  
 continuò transiens, &, quidquid muci  
 naturalis residuum adhuc erat, omnino  
 auferens, adeoque siccitatem capiti

asperæ arteriæ creans *Aphonia* causam reor, quod jam tutum in nervis recurrentibus paralyseos futuræ signa prodroma adsint: vel quod in plerioricis hoc morbo decumbentibus, imò & citrà plhetoram in hominibus raptum cruentis violentiorem versùs superiora, ut in hoc morbo fit, perpetientibus sanguis majori copiâ arterias subclavias & carotides subintret; ac proin nervos recurrentes, aliorumve huc appellantium nervorum ramulos, comprimat.

*Amaurosis* quibusdam fit, compresso forte nervo optico ab arteriis ipsum immediate ambientibus, & arteriâ per medium ejus substantiam decurrente, admodum infarctis: quippe supra constitit, præ arteriarum ex aortâ descendentem oriundarum compressione, multò plus cruentis per arterias ex aortâ ascendentes superiora patere oportere.

*Vigiliae* ferè perpetuæ adsunt, oriunturque à violentiâ dolorum totum genus nervosum præcipue in abdomine affidentium. 2º. Ab insigni acrimoniâ cerebrofos nervos perpetuò vellicante. De his vigiliis mox latius.

*Convulsiones* totius corporis sàpè adsunt, perennante vi morbi, eaque violentissimæ. Fiunt, 1º. à vigiliis, ut pas-

sim in morbis acutis observare est; 2°. à repletione nimiā vasorum encephali; arterioso cœliacæ, hepaticarum, renaliumque arteriarum sanguine retardato plurimūm, impeditoque; 3°. ab humorum acredine nervos perpetuo irritante; 4°. à communicatione quam abdominales partes cum toto corpore habent, ope nervorum octavæ conjugationis & intercostalis.

Posthac multis accidit, prægressis ut plurimūm validis artuum doloribus, *Paralysis incompleta*, cum perfectâ motûs abolitione, vel imperfectâ; artuum supernorum solun:modò, vel & supernorum & infernorum. Quibusdam obortâ paralysi, saevus colicæ dolor remittitur; nonnullis autem omnino exultat: quamobrem allegatorum authorum plurimi eamdem censem. *Colicæ Pictonum Crisín.* At verò perperam sic censuisse reor; quum plures viderim, quibus post paralysin colica, quâ olim saevicie perennaret; aut si quandoque remisisset pauxillulùm, mox ferox recrudesceret. *Incompletam* dixi *Paralysin* quia sensus, nec non modicus teper plerūmque adsunt, imò obscurior non nunquam motus superest; licet hic integrè saepè perierit. Si contigerit non-

nullum superesse motum ; observatur labes ut plurimum hærere ad extensorum digitorum communes, ad supinatores, ad pollicum abductores, adductores. Sin & pedes occuparit Paralysis cum superstite tantillo motu, advertitur potissimum in musculis crurum extensoribus : ita quidem ut ægri decumbentes varios quidem motus dextrorsum, sinistrorsum, sursumque, genua movendo, peragant, at extendant ægerimè ; insistent verò iisdem, eave saltim movere erecti nequeant ; & , nisi suffulseris, genuflectant, natibusque humi concidant. Ubi autem perfecta in artibus abolitio motus, miserando hercle ! spectaculo, artus, veluti emortuæ partes, trunco hærent ; & re tandem plusculum in melius vertente, aliquatis, isque admodum obscurus, motus paulatim deprehenditur in humeris atque femoribus ; dum interea perseverat, pertinax diu, paralysis iisdem, quas mox narravi, partibus. Tum simul *Eminentia duriuscula*, mobilis tamen plerumque, sex septemve ut plurimum lineas lata, observatur prope carpum, in medio metacarpo, eo præcisè loci, ubi radialium externalorum tendines capitibus ossium metacarpi inseruntur,

extensorque digitorum communis annulari ligamento emersit.

Horum phænomenon explicationem subnectere adnitatur. Ac primò quidem humorum acredine non emendatâ, imò præ morbo inveterascente vehementer auctâ, veri illi scorbutici dolores artuum, quasi ima ossium meditullia ob-sidentes, percipiuntur, & oleum celluloseum in artubus consumunt. Deinde quum tot diebus, tot septimanis, imò tot aliquando mensibus, miserrimus æger torqueatur, nec toto illo tempore ferè sumere quidquam, quod non actu-tum revomat, possit; profectò novi chyli vix tantillum inquilino admiscetur sanguini. Acrior hinc fit in dies san-guis, vix quidquam ultra secernit, ferè nullos spiritus gignit; quam ob causam omnia collabascant necesse est. Quin & suboriente paralysi partes à spi-rituum promptuario remotiores longè minus spirituum adipiscuntur; unde & artuum extremorum major intelligitur paralysis. Quam ob rationem porrò expositis supra musculis præ cæteris manifesta sit, difficilioris indaginis cst. An nervus brachialium tertius, qui *Circumflexus* vocari posset, & ab *Eustachio* Tab. 19. n. 2. 45. & Tab. 20. n. 2. 43.

delineatur, necnon à *Columbo* Libr. 8. ritè describitur, lucis non nihil adferet? Is quippe transit sub axillâ, & circumflectens sese circum posteriorem ossis humeri partem, capita tricipitis extensoris perforat, deinde emergit in cubitum, longoque itinere procedit sub supinatore longo, ac tandem emergens fit subcutaneus in dorso manus, inque plures dein digitos terminatur. Num ergo tortuosum iter, quod præ cæteris hicce nervus metiri cogitur; & partium, quas circumire perforareque debet, rigiditas, obstaculo sunt, quò minus ille spirituum, præ reliquis, excipiat? At verò cut paralyseos in pedibus similis deprehenditur modus? Certè nervus cruralis, quem antequam inguine egreditur, Iliacum vocant, ortus ex tribus vel quatuor nervis vertebrarum lumborum, per medium psoam transeuns, ad femur pergit, inque musculos anteriores femoris ac tibiæ dispescitur. Utique hic nervus in hâc abdominis torturâ & coarctatione vehementer comprimatur necesse est, hincque præ cæteris intelligitur languescere. Porro *eminentia mobilis* de quâ dixi, in metacarpo hærens, videtur dicenda *Vitiosa mutatio membranæ*, ipsum digitorum

extensorem involventis. Hæc tamen motui exercendo plerumque non officit; quum plures viderim, qui quarto, quintove post sanatum morbum anno, superstite hâc eminentiâ, subtilioribus motibus manu exercitâ peragendis omnino essent. Non recordor ullibi hujus tumoris ad carpum in paralyfi me mentionem legisse, nisi apud solum *Platerrum* in prax. tom. 1. pag. 300. qui eum oriri censet, vel ab extenuatione circumiacentium partium, solis prominentibus ossibus, & jam majorem præfesse ferentibus extuberantiam; vel etiam à callo, nodove, hîc loci frequenter enato. Verùm tom 3. pag. 209. 210. censet nodos hos immobiles esse, quia subjectis ossibus insistunt firmiter, eoque, si articulos occupent, motui eorumdem obesse. In binis hominibus tumorem hunc primò mobilem, deinde immobilem, deprehendi, eumque motui aliquantulùm officere; in reliquis inveni mobilem, nec motus turbantem. Magnus Boerhaavius Brachiorum Paræsin explicat ex communicatione, quâ cum nervis per abdomen dispersis communicent in collo nervi brachiales. Quid porrò est, quod hâcce communicatione nervi octavi paris impertiun-

tur brachialibus? Vel quâ ratione per octavum dolore agitatum, create paralysin nervis brachialibus, cum sese communicantibus, potest? Et quomodo tunc peculiaris pedum explicanda paralysis? An quia cerebrum tantam spirituum copiam in principio abdominalibus largitum partibus, ut deinceps nervis brachialibus spiritu replendis propè impar sit? Hoc iterum vix admitti poterit, cum in amplissimo viro post colicos dolores admodum medios, dira & diurna paralysis subsequuta sit. Imò, citra notabilem doloris paroxysmum, in alio manuum paroxysmum obortam vidi: sed ambo hi erant omnium macilentissimi, & pessimè scorbutici. Profectò infinita semper restabunt, hanc in rem disquirenda. Mütuum nervorum commercium adeò mirum summus Creator fabrefecit, ut nos, miselli homunciones, dies noctesque illud rimati, magis intelligamus magisque, quot & quanta sint quæ ignoramus. Forsitan tamen prior explicatio, quam etiam ex Boerhaavii, id est, Naturæ ipsius, principiis dedi, nonnihil veri habere deprehendetur.

Tandem pro malorum cumulo homines consumptā omni fermè pinguedine,

*sceleti instar, emaciantur.* Ratio 1. est, missio sanguinis, validaque humorum subductio ope fortissimorum Purgantium & Enematum, quæ sæpè perperam fit ad alvum continuò sollicitandam: hinc fit ingens humorum per inferiora amissio, interea dum dura illa huic morbo propria Scybala perpetuò adesse, & in liquidioribus fæcibus sæpè fundum petere observentur. 2. Quia ab prædominante acrimoniâ dudum defuit corpori oleum illud, quo alioqui pinguereret. 3. Quia in hoc morbo homines tanto tempore alimenti vix quidquam sumere queunt. 4. Quia vigiliæ perpetuae adsunt. Rectè enim *Ovidius*:  
» Attenuant vigiles corpus miserabile  
» curæ ». Nam præcipuam causam ponunt emaciationis. Vigiliæ auctæ & protractæ perspirationem augent, tenues difflant spiritus, corpora exsiccant. Sequitur hinc humorum tum incrassatio, tum acrimonia; stimulantur hinc solidæ, unde motus augetur; febris oritur, calor, solidorum detritus, bilis exasperatio, bilis atræ generatio, agitatio, evacuatio: hinc tristitia, deliria, phantasia: quæ pulchrè tractantur apud *A Kaau Boerhaave* in tract. docissimo de *impetu faciente*. Concur-

tentibus itaque his quatuor causis, cef-  
sat tanti marcoris admiratio. Interim  
hoc notant authores, quod pingue ma-  
nuum pedumque h̄ic ita præ cæteris  
pereat, ut nudis ferè ossibus hæreant  
rigidi tendines, emaciatiique Lacerti.  
An ratio est, quod manibus ac pedibus  
plerumque minor pinguedo adsit, hanc-  
que ob causam consumpta illa majorem  
extenuationem præ sese ferat? Diffici-  
lis explicatu nodus hic foret, si passim  
obtineret casus: at verò quo scumque  
ego vidi & examinavi, in iis eorum  
nihil; at in plerisque corporis partibus  
summam ubique macilentiam depre-  
hendi. Sed nonnullis ferè totus Deltoi-  
des præprimis periisse videtur. Num id  
à decubitu? Cæteroqui musculi vix pe-  
rire videntur, etiam in summâ phthisi-  
corum macie. Collabascunt tantum,  
& fibris fibræ accrescunt, consumpto  
oleo vaginæ, involventis totum mu-  
sculum, & singulas fibras.

### § VIII.

**Curatio, ac primò quidem quæ naturâ fiat.**

**Curatio quæ arte fiat.**

**Ad curationem quod attinet; ea at-  
tentionem requirit ad ea, quæ, inco-**

gnito morbi remedio, vel quæ deficiētibus medicis, artisve adminiculis, observata sunt spontē fieri & prodēsse: hæc dedere primam lucem artifici, quam juxta curam dirigeret. Hæc illa magna sapientia, abstinentia, continentia *divi Hippocratis* in curā morborum. Observabat ille semper quid Ægro acciderat decumbenti, ubi artis auxilia non aderant. Hocque fundamen-tum haud minimum medicinæ inveniendæ, & deinceps in artis formam ducendæ, fuit.

Primò itaque profuisse observatur spontanea, eaque copiosa, ad diuturna alvus. 2. menses, 3. hæmorrhoides, 4. narium hæmorrhagia, 5. sudor.

*F. Citesius*, opere antea citato, notat quod, » si alvi spontaneum & liberale profluviū accedit, omnem paralyseos, atque epilepsię, reliquorum que graviorum symptomatum, occasionem præcipiat, aut, quod rariū fit, hæmorrhois vel menstruum copiosius fluat ». Quas tamen evacuationes si in violentiā morbi in decursu suo fisti contigerit, morbum eō atrociorē reddere animadvertis. *Piso* sudores memorat & hæmorrhagias, quæ hos colicos dolores nonnunquam solverint.

Namque alvi torpor quò citius in fluorem liberalem mutatur, è brevioris tutiorisque spes curæ est. Significat quippe spasmodum solvi, atque ex affusis humoribus inquiline corporis, vel etiam ex potu assumpto & retento fæces liquidas reddi, aptasque quæ expellantur. Est ejusmodi diarrhæa in causâ ut, evacuatis intestinis, liberiora jam fluctuant lacteorum oscula, utque denuò ingeri alimenta, subigi, digeri-que, & intra humorum massam duci commodius queant. Hoc præeunte pro-fluvio, poterit pergere Medicus ad ea, quæ naturalem mollitiem intestinis res-tituant, humorum debellent acrimo-niam, & novo chylo spoliatum exsatu-rent cruorem. At verò mite admodùm oportet esse hoc colicæ genus, quod sic solvi contigerit, ut ex causæ proximæ explicatione facile quis deducet; rarioresque fuisse, qui sic soluti sint, casus, concludere fas est.

Cæteras evacuationes quod spectat, hæ procul dubio utiles esse possunt, si considerentur abundè id facere, quod cæteroqui S. M. Nam largus mensium, largus Hæmorrhoidon fluxus, abdomen ipsaque intestina plurimo exonerant cruore, aptiusque spatium vel alvo spon-

tanex, vel enematis, conciliant. Narium hæmorrhagia onustum cruore encephalon liberat, quo amaurosis, surditas, deliria, convulsiones, futura præcaveantur, nata verò brevi solvantur. Sudor obortus crassos attenuari jam humores, aptosque, qui evacuentur, reddi: sed liquidi boni plurimum jam assumptum esse, retentumque, & cum humoribus mixtum atque subactum: alioquin enim sudor minimè levans, sed morbi augens causam, foret.

Verbo itaque dixerim ratos admodum existere casus, quibus hæ evacuationes contigerint, & usui fuerint; ut sponte patentur qui eos casus tradidere authores, ipsaque proxima morbi causa docet. Morbus plerumque naturâ major est, longèque pertinacior, quam ut hisce evacuationibus judicetur. Qui verò sic judicati sunt, hos quidem veræ *Colicæ Pictaviensis* appellatione insigniendos minimè autumo: acutas potius febres ex intestinorum aliarumve contentarum abdomine partium inflammatione natas fuisse reor; quibus ejusmodi evacuationes salutares & criticas extitisse, post ipsum *Hippocratem* per omnia deinceps secula medentes observarunt. Optimas tamen hasce

evacuationes esse in verâ *Pictorum Colicâ*, ut soluti aliis viis morbi signa, vel solvendi adminicula, ultro fateor.

### §. IX.

**Curatio quæ arte fiat.**

*Colica Pictorum* requirit citissimè validissima remedia, quibus causa proxima, quam pag. 29. explicavimus, tolli queat.

Si itaque vires validæ sint, venæ sectio instituatur, eaque pro rerum repetatur conditione; ut humorum appulsus versus superiora tollatur, præcaveanturque sequuturæ alioqui amaurosis, aphonia, convulsio.

2. Venter mox involvatur epithematis paratis ex lacte dulci, cui sapo *Venetus*, & herbæ lenissimè stimulantes, v. g. Sambuci, Chamomillæ, Meliloti, flores: folia Heredæ terrestris, Melissæ, &c. si haberi queant, recentes, intabuere: vel etiam cataplasmatibus, quæ, cum farinosâ & mucilaginousâ parte, etiam hoc lenissimo aromatico stimulo gaudeant: scopus enim horum est emollire omnia & humectare, tum etiam blando ac grato stimulo lenissimum motum inducere. Hoc modo

nupta farinosis aquosa, calidè adhibita, fibras spasmo constrictas humectant, fovent, laxant: his parcâ manu juncta levissimè stimulantia, lenem motum fibris intestinorum conciliabunt, quo illæ inclusum fugent hostem. Nec est quod quis dubitet, num illa sepe per abdomen penetrent. Vis emplastrorum ventri applicatorum, nota omnibus, hoc demonstrat, maximè si ventrem gracilem esse contigerit, quod passim in acri temperamento obtinet. Atthanitæ unguentum manifestò noscitur externo applicatu emollire infarctum abdomen, alvum sollicitare, expellere vermes. Verum incassum adhibebuntur omnia, ni simul ore anoque, data & applicata remedia duras fæces exsolvetint. Hinc omnia externa simul applicanda, internaque auxilia.

3. Itaque enema paretur emollientissimum, ex decoctis Althææ radicibus, floribus, foliis; vel maximè ex tepido Lini oleo, quod tam egregiè contractas fibras laxat, & duras emollit fæces. Hujusmodi clyisma ter, quater, quinquies, sexies, 24. horarum spatio est repetendum, et si oleum conspurcatum exierit; nam aqua cavat lapidem non vi, sed sèpè cadendo. Ani conf-

trictio prudentem requirit artificem, qui enemata injiciat; poscitque utilitas modicam injiciendi liquoris copiam, quum alioqui, præ constrictis abdomine & intestinis, vix immissus elabatur, nihilque afferat opis: unc. ergo sit quinque, sex, septemve. Juvat quoque tepidæ vaporî corporis inferiora exponi, ani relaxandi gratiâ.

4. Ore sumantur, ut ut reluctante vomitu, remedia emollientissima, quibus dicta in arte eccoprotica jungantur. Manna & Cassia hîc usui sint. *Cassiae* pulpa innoxium purgans, solvens, non turbans, (nisi quandoque in hystericis, ut *Ballonius* advertit,) ipsarum puerperarum purgans audit; quia his mirè confert, quæ ab aggestis induratisque fœcibus ultimo graviditatis tempore male torquebantur. Mitis adeò *Cassia* est, ut *Sandtorius* experimentis edoctus pronuntiet, ab eâ perspirationem non diverti, nec vires lœdi, sed solum inutile pondus à corpore auferri, Aphor. Sect. I. n°. 58. *Manna* in *Calabriâ* ex orno, ornogloso, fraxino, exsudans, huic similis est, sed majori dosi exhibenda. Hæc distillatione resolvitur in oleum & salinam partem: unde constat esse ex oleo & sale compositus verus sa-

po, abstergentis, solventis, lubricantis quid habens. Nonnullis instar jalappæ potenter, sed blandè, solvit alvum. Si itaque *Cassia* vel *Manna* socientur cum Decocto v. g. Petri Foresti dicto, quod videsis apud *Forestum* Libr. 24. obs. 23. vel cum Decocto *Althææ*, *Graminis Scorzonerae Radicum*, *Taraxaci* totius, &c. habebitur optimum demulcens, emolliens, solvensque remedium. Quamvis semel iterumque nau-seabundi ægri illud evomant, magno tamen animo pergere conentur, quum repetito usu commodiùs posthac retenturi sint. At parcâ manu eccoptotica solventia exhibuisse frugis vix ullius erit; unde liberali admodum exhibere illa oportet. Pintæ decocti, duodecim horarum spatio abligutiendæ, iij. iv. *Mannæ*, vel. ij. iij. *Cassiae* uncias addito. *Mannæ* autem primas passim deferimus, quia minus nau-seabunda, ubi diluitur, quam quidem flocculenta *Cassia*.

Sin verò scopo minùs satisfecerint, penetrantiora mox iisdem jungantur, v. g. folia *Sennæ* ad dragmas vj. vel unciam integrum. Veteribus laudabantur folliculi *Sennæ*, quos & *Galli* foliis præferunt, tanquam minùs terminosos: foliis nos utimur. Passim præscribimus

*Asiaticam Alexandrinam Sennam*, foliis acuminatis, utpore *Italicā* obtuso folio præstantiorem. Sed nauseam illa plerumque creat assumenti; quam *Celeberr. Boerhaavius* additis *Betonice aquatice*, sive *Scrophulariae quartæ FIBROSÆ* dictæ foliis, egregiè emendari censet. *Acta Parisina* idem habent. Habet quidem nauseosum hæc *Scrophularia saporem*, ac lenem acredinem copiosæ mucilagini unitam; sed *Sennis* ad quartam partem addita, nauseosum earumdem saporem, hostemque nervis acrimoniæ, multum emendat. Id autem utilitatis involvendone, an aliâ peculiariatione præstent, non determino. Quod si *Scrophularia* desit, *Feniculi* semina addita quoque nonnihil profundunt. Ejusmodi decocti unc. ij. aliquando integris triduis quatriduisve, quâvis horâ, dare oportuit, priusquam alvus soluta esset; etiam si enemata continuò applicarentur. Usum tamen horum remediorum pertinacissimum poscit negotium, donec tandem alvus obaudiat; quandoquidem segniùs tractata ægritudo, mox pessimis stipetur symptomatis.

Contingit aliquando ut, vel præ horre naturali, vel præ ægrorum morosiitate, vel etiam præ invincibili nauseâ,

absoluta sit ingerendi decocti impossibilitas. Hujus proin loco substituuntur pilulæ, paratæ ex *Gummi ammoniaco*, *Rheo*, *Sapone Veneto*, *Sale neutro*, &c. quæ, ubi ptisana, aliove idoneo facilè sumendo vehiculo sumuntur, etiam humectandi, emolliendi, dissolvendi, blandè stimulandi vi pollent egregiâ, & peculiari acrimoniarœ è directo opponuntur. At ut decocti laxantis, ita & harum pilularum assiduus esto & copiosus usus; ut dragma una alterave singulo nycthemeri spatio abliguriatur. Harum tamen incertior est, quam decocti, eventus.

Dum igitur sic internus venrer extenusque laborioso opere emollitur, laxatur, stimulaturque blandissimè, dum induratarum fæcum pars emollita solvitur & liquefit; alvus primò prodit in stercoreâ materie solutiore gerens multa, exigua, dura, albescientia, rotunda, Scybala: quæ Scybala lapsu temporis eò prodeunt rariora, quò agrorum res magis magisque in melius vertuntur.

5. At verò cautela, nunquam negligenda, horum sub usu requiritur. Vigilias quippe adesse perpetuas dixi, earumque tum originem, tum effectus, exposui. Vomitum quoque vidimus sæ-

pè impedimento esse, quo minus aptè sumi tum alimenta, tum medicamina, queant. Tandem constitit genus nervosum immanni dolore sic sèpè affici, ut convulsione torqueatur. Hinc summa exsurgit Opii exhibendi necessitas, quum spontè pateat illud his tribus indicacionibus satisfacere. Nec est quod alvi pigritia ne hinc oriatur quis timeat: quum constiterit satis abundèque opio sic disponi ventriculum, ut nauseosa assumpta commodius retineat. Egregius *Sydenhamus* in *Sedulâ monitoriâ* & pluribus aliis locis, si vomitus in passione iliacâ medicamenta purgantia respueret, audax paregorica dedit, &, re id poscente, repetit; donec ventriculo purgantia admittente & retinente, alvus posthac demitteretur. Opium quoque antispasmodicorum princeps spasticam nervorum contractionem egregie solvit. Hinc gr. unum alterumve 24 horarum spatio, pro majore minoreve necessitate, poterit propinari.

6. Ex usu erunt epispastica fortiora pedibus, vesicantia cruribus, methodus *Asiaticorum*, *Japonensium*, *Java-nensium*, &c. in persanandis colicis ustione, acrum applicatione, punctione, dolorem in sanis partibus felici re-

rum successa excitans , abundè hoc probat. Vid. nobilissimi Gerardii wan Swieten Romanorum Imperatricis Hungariae & Bohemiae Regiae Primi Medici & Protobibliothecarii , Commentarium in §. 650. Aphorism. Boerhaavii. Sicque forsitan Hippocratis Aphorismus 46. Sect. 2. " Duobus doloribus simul obortis , " non in eodem loco , vehementior " alterum obscurat " intelligendus est.

7. Vinorum usu ægris hisce minimè interdicatur , ubi malum remitti non-nihil cœptum. Docuit hoc & ipse rerum eventus & ratio. Vir olim podagricus , & jam Colicâ Pictonum dirè tortus , bis ter de die haustum vini calidum largiorēm , me infcio , hausit , nec detexit rem , nisi in vado constitutus. Alter itidem vino albo Gallico utebatur , postquam alvus per aliquot dies solutior contigisset. Rei gnarus , tamen dissimulans , cavi sedulò ne darent quid nimis. Videbam hoc auxilio rheumaticam & podagricam materiem disponi , ut blandâ diaphoresi eliminaretur ; corpore priùs liberiore alvo gaudente , & liquidis plurimis irrigato : concisas quoque vires hinc restaurare citius ; & ventriculi debilitatem sic emendari , ut appetere denuò ille , subigereque alimenta & digerere posset.

8. Plerumque sit ut, alvo sat bellè  
fluente, dolores tamen vix remissi re-  
crudescant. Nempe ad minimam quie-  
tem grandioris molis stercoræ mate-  
riæ, vel alimenti durioris, prioris ærum-  
næ renascitur imago; eaque, ni promptè  
medeamur, recidivam brevi creat. Hinc  
ex paregoricis & laxantibus alternata  
series juvat, & tum mox antiscorbu-  
tica erunt in opem vocanda. Acrimo-  
niam enim scorbuticam, eamque in  
primis acceſcentem frigidam, inter  
morbi proëgumenas causas locavimus,  
& fœcundam recidivæ exposuimus ma-  
trem. Radices lapathi acuti, bardaniiæ,  
taraxaci cum totâ plantâ, scorzonerae:  
herbas becabungam, nasturtium aqua-  
ticum, trifolium aquaticum, fuma-  
riam, melissam, &c. formâ succi ex-  
pressi, decocti, conservæ, &c. parandæ,  
dare jam expedit. Nasturtium hor-  
tense, raphanum, raphanum rustica-  
num, cochleariam, erysimum, synapi,  
allia, cæpas & id genus plura, studio  
omittimus, utpote stimulo nimio tene-  
ra vasa forsan læſura.

Quippe inest lenioribus antiscorbu-  
ticis dictis herbis verus sapo, seu vis  
blanda saponacea, oleo, seu mucagine,  
constans, & sale volatili: hinc verò usu

Tij

deprehenduntur crassiorem in scorbuticorum humoribus partem saponaceâ virtute solvere, tenuiorem oleoso lentore incrassare, & sale suo alcalescente, unito cum sale accrescente humorum, neutrum componere salem, hâcque ratione funditus eradicare scorbutum.

9. Interea verò, dum sub horum usu spirituum tumultus, spasmi hinc inde, borborygmi, & flatus fiunt, maximè quidem in iis qui nimiâ spirituum mobilitate olim laboratunt; lenia quandoque neutotica paregoricis juncta propincentur, quibus inordinati motus redigantur in ordinem.

10. Porrò debili manente corpore, etiamsi exposita methodo omnia perbellè procedant, roborantium usus possit. Frequens enim debilitas solidorum tum à curatâ *Pictonum Colicâ*, tum à sanato scorbuto, residua. Capparis, acerosæ radices, tamarisci & kinæ cortices, ferrum, vina austera nigra & rubra, vitia solidorum emendant, ut antiscorbutica fluida correxerant. Quin aquæ *Spadane*, cæterique medicari fontes, ab allegatis laudati authentibus, summi usûs sunt. Sic tandem curari plerique recidivis carent, ni mores obtineant antiquos.

Interim tamen alvi semper ratio habenda est maxima; quum existente illâ vel paululùm segniore, illicò veteris mali ceu reliquiæ animadvertuntur, & forsitan futuri mali semina. Hinc enemata, vel eccoprotica adibeamus, ut illa porrò restituatur. Hanc monelam aspernati, deplorabimus seri negligentiā.

11. Ubi vis morbi aliquantūm defebuit, emollientium ventri applicatorum parcior, stimulantium verò & robortantium, liberalior sit usus; ut, alvo jam liberâ, intestinorum fibræ magis sollicitentur magisque, quo in contentam, & de integro jugiter appellantem materiem, stabili agant operâ; ne unquam noxiæ collectiones denuò alicubi figantur. Quin etiam quò roboris plus hi nervi nanciscuntur, eò citius atque felicius chylopoieseos & intestinorum vitia restituentur in integrum. Fumus aromaticus, nervis amicus, mastiches, myrrhæ, olibani, thuris, sarcocollæ, benzoin, ladani, styracis calamithæ, panis exceptus laneis, optimi usûs est. Emplastra ex similibus, toti ventri applicita, egregia præstant.

12. Sin autem vel præ vi mali, vel præ methodo ~~præ~~ præpostera adhibitâ, pa-

T iij

ralysis suboriatur ; hæc præter antiscorbutica , præter robورantia , & etiam præter nervina dicta , toti applicata abdomen requirit quoque attentionem ad resoluta membra. Quamvis enim abdomen , proximam mali causam continens , ritè curatum sit , manet sæpe labes in artibus , nonnisi longo postmodum tempore devincenda. Hinc ipsis viciolis membris nonnulla est facienda medela. Fit hæc vel nervum buic parti prospiciente loco idoneo ( ubi , etsi remotius , minus tamen recte hæret , ) fricando , motitando , concutiendo , vellicando , afficiens ; vel ipsam paralyticam partem variè agitans .

Loca porrò idonea sunt :

A. Ad *Lumbos* , unde tot nervi variis egressi , unâ cum nervis anterioribus ollis sacri , componunt magnum illum nervum ischiadicum : unde præterea , scilicet ex tribus quatuorve lumborum vertebris , nervi oriuntur , mox compositi nervum crutalem.

B. Ad *Nates inferiores* , ubi gluteorum maxima jam decrevit crassities ; ut enim adhuc sat profundè hæret ischiadicus nervus , tamen actio penetrantium remediorum eundem afficere observatur ; præsertim  plurimis

ejus surculis ad exteriora pergentibus ; vis applicatorum ipso cum nervo communicari queat.

C. In *Poplite*, paulò supra binos condylos ossis femoris ; ubi à compressione alterius supra alterum genu ingratius ille stupor oritur.

D. In *Inguine*, ubi cruralis nervus prodit foras.

E. In *Collo*, ubi nervi brachiales ex vertebris prodeunt. Galenus Lib. i de loc. aff. cap. 5. narrat *Pausaniam Syrum*, qui in tribus digitis servato motu sensum amiserat, è medicamentis satis idoneis, per 30 dies impositis, nihil opis sensisse. Hunc, quum Galenus à vehiculo in dorsum prolapsum esse sciret, suspicatus est, num fortè in primo exordio nervi, post septimam vertebram oriundi, pars quæpiam ab ictu inflammatu fuisset, nuncque scirrhosam haberet dispositionem. Ideoque illud ipsum medicamentum à digitis amotum, illi spinæ parti apposuit ; unde digitæ lœsi cum omnium admiratione restituti sunt.

F. In *Humero externo*, paulò supra cubitum, sub insertionem musculi deltoidis, ubi tertius brachialium nervus maximè nudus hæret.

Igitur hisce locis explicatis poterunt dropaces, sinapismi, seu phœnigmi, & vesicatoria applicari; ut sic concus-sus irritatusque, truncus nervi major, motum oriundis à se se nervis impertia-tur; & ut obstruktiones hinc inde ner-vorum occupantes involucra, discutian-tur, deopilentur.

Dein partium instrumentum paralyti-carum, summè emaciatarum, & exsic-catarum, emoliatione primò, frictione postea & roboratione, multùm profici-mus. Etsi enim præcipua malorum in abdomen sit emendenda origo; nihil o-seciùs si partis paralyticæ, quod sàpiùs fit, tendines sint cum vicinis concreti, si nervuli per Thlipsis angustati renas-centibus appellantibusque spiritibus tranfluxum denegent, profectò tunc ex-positâ operâ concretiones & compres-siones solvi poterunt, quò demum spi-ritibus & sanguini liber aditus pateat; & membranæ adiposæ cellulosæque lo-culi, Synizesi incipiente ferè destructi, aperiti, à se invicem dimoveri aptari-que ad oleum à sanguine denuò exci-piendum, queant.

Tandem monuisse suffecerit, quòd ex naturâ mali abundè constat, aërem toto curationis decursu moderatè cali-

dum, ratione anni tempestatum, servari oportete; si quidem ægri alioqui vel minimæ ejus in frigidiores mutationis pœnas luunt.


Paucorum annorum spatio ægros hæce ratione invisi numero novem: quorum nonnullis ab ipso rei exordio affui aliis autem seriùs; ubi aliâ methodo tractati adhuc pessimè cum morbo luctabantur, vel ubi vix paululùm emersi, recidivam patiebantur crudelissimam. Ad plures abiit una, quæ multas ob rationes legitimè tractari non potuit; alterque ob manifestam recidivam paſſus est, quâ etiam emersus, incipit sanescere. Reliquos omnes sanitati restitutos integræ, summo numine adspirante, lætus saluto.

Diaria addere, quæ ad amissiōnē quidquid, à calce ad metam, in omnibus hisce ægris factum observatumque fuerit, referrent, animus tulit. Rei quidem, de quâ agitur, veritas, ipsomet usu comprobaretur: at verò hæcce opellæ nostræ consultò derraxi; ne forsitan quis ægriùs ferret, sui morbi historiam, ut cautè descriptam, publicè in hâc urbe prodi.


Pensum ergo me absolvisse reor, &, quæ fidelis observatio docuerat, pu-

blici feci juris. Eia! nunc genuini *Apollinis* filii! velitis, quo estis candore, colligere inspicereque, quæ in hanc rem congesta à vobis, quæque observata fuerint. Aliis ejusmodi ægris deinceps medentes, & vestra, & mea, ad severissimam revocetis trutinam; & quæ tandem tuta vobis, quæ vera visa sint, ne orbi languenti sordidè invideatis. Vestris sic mea emendantes, talem tandem methodum concinnabitis, quâ & huncce morbum ad eamdem, quâ plurimos, simplicitatem, reduci, & posse, & debere, constabit.


F I N I S.














UNIVERSIDAD DE CÁDIZ



3741912254

